

# ইসলামিক আলো

## রমযানের বিষয়ভিত্তিক হাদিস : শিক্ষা ও মাসায়েল

ইবরাহিম ইব্ন মুহাম্মাদ আল-হাকিল

অনুবাদ : সানাউল্লাহ নজির আহমদ

সম্পাদনা : আবু বকর মুহাম্মাদ যাকারিয়া

### রমযানের বিষয়ভিত্তিক হাদিস, শিক্ষা ও মাসায়েল ভূমিকা

সকল প্রশংসা দু'জাহানের পালনকর্তা আল্লাহ তা'আলার জন্য, এবং দরুদ ও সালাম সর্বশ্রেষ্ঠ নবী ও রাসূলের ওপর।

অতঃপর: রমযান মাস এ উম্মতের এক বিশেষ মাস। এ মাসে তারা ইবাদত, আমল ও কল্যাণকর কাজে মনোযোগী হয়, কুরআন, হাদিস ও উপদেশ শ্রবণ করে, তাই অনেক আলেম এতে বিশেষ দরস ও মজলিসের ব্যবস্থা করেন, যা সাধারণত ফজর ও এশার পর প্রদান করা হয়। কতক দরস হয় সংক্ষেপ, আবার কতক হয় দীর্ঘ ও বিস্তারিত। কতক দরস ওয়াজ-উপদেশে সীমাবদ্ধ থাকে, আবার কতক থাকে মাসআলা-মাসায়েলে। কতক দরস হয় শিক্ষা ও আদর্শের ওপর, আবার কতক হয় আমল ও ফযিলতের ওপর। কেউ কুরআন-হাদিসে সীমাবদ্ধ থাকেন, কেউ তাতে আরো বৃদ্ধি করেন ইত্যাদি। আমি পূর্ব থেকে সিয়াম, ইতিকাফ, রমযানের কিয়াম ও লাইলাতুল কদর বিষয়ে হাদিস জমা করতে ছিলাম, সাথে লিখতে ছিলাম কতক ফায়দা ও মাসায়েল, যেন বিশেষভাবে দ্বীনের দায়ি ও মসজিদের ইমামগণ এবং সাধারণভাবে সকলে উপকৃত হয়। অতঃপর এসব হাদিস, শিক্ষা ও মাসায়েলসহ সুন্দরভাবে বিন্যাস করে খুব সংক্ষিপ্ত ত্রিশটি দরস তৈরি করি, যা ফজরের পর মসজিদে পেশ করার উপযোগী। এগুলোকে আমি বেজোড় সংখ্যায় রেখেছি, যেমন ১, ৩, ৫, ও ৭নং দরসসমূহ। আর ত্রিশটি দরস তৈরি করি একটু দীর্ঘ ও বিস্তারিত, যা এশার পূর্বে মসজিদে পেশ করার উপযোগী। এগুলোকে আমি জোড় সংখ্যায় রেখেছি, যেমন ২, ৪, ৬ ও ৮নং দরসসমূহ। কারণ মসজিদের ইমামগণ রমযানে এ দু'টি সময়ে দরস দিয়ে থাকেন। এ দরসগুলো তৈরিতে আমি নিম্নের পদ্ধতি অনুসরণ করেছি:

# ইসলামিক আলো

**এক:** প্রত্যেক দরসের ভিত্তি রেখেছি কুরআন ও হাদিসের ওপর, যদি শিরোনামের অনুকূলে কোন আয়াত পেয়েছি, তাহলে তা উল্লেখ করেছি, অতঃপর হাদিস উল্লেখ করেছি। আর শিরোনামের অনুকূলে কোন আয়াত না থাকলে সরাসরি উক্ত বিষয়ের হাদিস উল্লেখ করেছি।

**দুই:** আমি নির্দিষ্ট বিষয়ে সকল হাদিস জমা করিনি, তবে সেখান থেকে পরিপূর্ণ ও উপযুক্ত হাদিস বাছাই করার চেষ্টা করেছি।

**তিন:** টিকাতে সংক্ষেপে হাদিসের সূত্র ও তার হুকুম উল্লেখ করেছি।

**চার:** হাদিস বাছাই করার ক্ষেত্রে দলিল হিসেবে পেশ করার উপযুক্ত সহিহ ও হাসান হাদিসগুলো নির্বাচন করেছি, দুর্বল হাদিস এড়িয়ে গেছি, তবে যেসব হাদিসের ক্ষেত্রে ইখতিলাফ রয়েছে, সেখানে বিশুদ্ধ অভিমত বাছাই করার চেষ্টা করেছি, যার সংখ্যা খুব কম।

**পাঁচ:** প্রথমে বুখারি ও মুসলিমের হাদিস, অতঃপর তাদের একলা বর্ণিত হাদিস, অতঃপর সুন্নাহের চার কিতাবের হাদিস উল্লেখ করেছি, বিশেষ কারণ ব্যতীত এ নিয়মের বিপরীত করিনি। প্রথমে মারফু, অতঃপর মৌকুফ, অতঃপর মনীযীদের বাণী উল্লেখ করেছি।

**ছয়:** হাদিস উল্লেখ করে তার থেকে নিঃসারিত শিক্ষা ও মাসায়েল উল্লেখ করেছি, যার কতক আমার নিজের গবেষণার ফল, তবে অধিকাংশ সংগ্রহ করেছি বিভিন্ন ব্যাখ্যা গ্রন্থ, ফতোয়া ও অন্যান্য গ্রন্থ থেকে। ইখতিলাফি মাসআলায় আমার নিকট যেটা অধিক বিশুদ্ধ মনে হয়েছে, তাই উল্লেখ করেছি, ইখতিলাফ উল্লেখ করি নি। বিশেষভাবে সৌদি আরবের ফতোয়ার অনুসরণ করেছি, যেন মানুষ অপরিচিত ফতোয়া শ্রবণ করে বিভ্রান্তিতে লিপ্ত না হয়।

**সাত:** আলেমদের ইজতেহাদের ফসল শিক্ষণীয় বিষয় ও মাসায়েল উল্লেখ করেছি।

**আট:** হাদিসগুলো হরকতসহ উল্লেখ করার চেষ্টা করেছি, যেন পড়তে সমস্যা না হয়, পাঠক ও শ্রবণকারী সহজে তার অর্থ উদ্ধারে সক্ষম হয়।

আল্লাহ আমাদের এ সংকলন থেকে উপকৃত হওয়ার তাওফিক দান করুন।

সংকলক

ইবরাহিম ইব্ন মুহাম্মদ আল-হাকিল

সোমবার, ১৩/৭/১৪২৭হি.

# ইসলামিক আলো

## সূচীপত্র

১	রমযানের পূর্বে সওমের নিষেধাজ্ঞা	২	মাসের শুরু-শেষ নির্ধারণ
৩	সওম ইসলামের পঞ্চম স্তম্ভ	৪	রমযানের ফযিলত
৫	ফরয সওমের নিয়ত	৬	সিয়ামের আদব
৭	এক সাথে সিয়াম রাখা ও ভঙ্গ করা	৮	তারাবির সালাতের অনুমোদন
৯	রোযাদারের গোসল ও শীতলতা অর্জন করা	১০	সিয়াম ফরযের ধাপসমূহ
১১	তারাবির সালাতের বিধান	১২	সিয়াম পাপ মোচনকারী
১৩	সাদা তাগা ও কালো তাগার অর্থ	১৪	ঋতুবতী নারীর ইফতার ও কাযা
১৫	রোযাদারকে ইফতার করানোর ফযিলত	১৬	রমযানে ওমরার ফযিলত
১৭	সেহরির ফযিলত (১)	১৮	সেহরির ফযিলত (২)
১৯	সেহরির সময় (১)	২০	সেহরির সময় (২)
২১	আযান ও সেহরির মাঝে ব্যবধান	২২	রোযাদারের চুম্বন ও আলিঙ্গন করার বিধান
২৩	রমযানে পানাহার করার শাস্তি	২৪	দ্রুত ইফতার করার ফযিলত
২৫	মুসাফির, গর্ভবতী ও স্তন্যদানকারীর সিয়াম ভঙ্গ করা	২৬	সফরে রোযা ভঙ্গ করা
২৭	সওমের মাধ্যমে যৌন চাহিদা হ্রাস করা	২৮	তারাবির রাকাত সংখ্যা
২৯	মুসাফির কখন সিয়াম ভাঙবে?!	৩০	রমযানের দিনে সহবাস করা
৩১	জমাতের সাথে সালাতে তারাবির ফযিলত	৩২	ইফতারের সময়
৩৩	রোযাদারের বমির হুকুম	৩৪	রোযাদারের সুরমা ও মিসওয়াক ব্যবহার করা
৩৫	নফল সওমের ফযিলত	৩৬	রোযাদারের জন্য শিঙ্গা ব্যবহার করা
৩৭	সিয়ামের ফযিলত	৩৮	নাপাক অবস্থায় প্রভাতকারীর সিয়াম
৩৯	ইতিকাহের বিধান	৪০	একুশে রমযান লাইলাতুল কদর তালাশ করা
৪১	রমযানের শেষ দশকে রাত্রি জাগরণ	৪২	লাইলাতুল কদরের আলামত
৪৩	তেইশে রমযান লাইলাতুল কদর তালাশ করা	৪৪	লাইলাতুল কদরের ফযিলত
৪৫	শেষ সাত রাতে লাইলাতুল কদর তালাশ করা	৪৬	নারীদের ইতিকাহ

# ইসলামিক আলো

৪৭	বেজোড় রাতসমূহে লাইলাতুল কদর তলাশ করা	৪৮	ইতিকাফকারীর জন্য যা বৈধ
৪৯	লাইলাতুল কদরের দো'আ	৫০	ইতিকাফকারীর সাথে সাক্ষাত
৫১	সাতাশে লাইলাতুল কদর অন্বেষণ করা	৫২	রোযার জন্য জালাতের একটি দরজা
৫৩	যে ইতিকাফ করার মানত করেছে	৫৪	মৃত্যু ব্যক্তির পক্ষ থেকে সওম পালন করা
৫৫	সওয়াব পরিপূর্ণ যদিও মাস অসম্পূর্ণ হয়	৫৬	যাকাতুল ফিতর
৫৭	সর্বশেষ রাতে লাইলাতুল কদর তলাশ করা	৫৮	চন্দ্র মাসের অবস্থা
৫৯	শাওয়াল মাসের ছয় রোযার ফযিলত	৬০	ঈদের বিধান

## ১. রমযানের পূর্বে সওমের নিষেধাজ্ঞা

আবু হুরায়রা রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম ইরশাদ করেন:

«لَا يَنْقُصُ أَحَدُكُمْ رَمَضَانَ بِصَوْمٍ يَوْمٍ أَوْ يَوْمَيْنِ إِلَّا أَنْ يَكُونَ رَجُلٌ كَانَ يَصُومُ صَوْمَهُ فَلْيَصُمْ ذَلِكَ الْيَوْمَ» رواه الشيخان.

“তোমাদের কেউ যেন একদিন বা দুদিনের সওমের মাধ্যমে রমযানকে এগিয়ে না আনে, তবে কারো যদি পূর্বের অভ্যাস থাকে, তাহলে সে ঐ দিন সওম রাখবে”।<sup>১</sup>

তিরমিযিতে হাদিসটি এভাবে এসেছে, নবী সাল্লাল্লাহু আলাইহি ওয়াসাল্লাম বলেছেন:

«لَا تَقْدِمُوا الشَّهْرَ بِرِيَّوْمَيْنِ إِلَّا أَنْ يُوَافِقَ ذَلِكَ صَوْمًا كَانَ يَصُومُهُ أَحَدُكُمْ...».

“তোমরা একদিন বা দুদিনের মাধ্যমে (রমযান) মাস এগোবে না, তবে সেদিন যদি সওমের দিন হয়, যা তোমাদের কেউ পালন করত...”

## শিক্ষা ও মাসায়েল:

এক. রমযানের সতর্কতার জন্য তার পূর্বে সওমের নিষেধাজ্ঞা আরোপ করা হয়েছে। ওলামায়ে কেরাম বলেছেন: হাদিসের অর্থ: তোমরা সওমের মাধ্যমে রমযানের সতর্কতার নিয়তে রমযানকে এগিয়ে আনবে না।<sup>২</sup>

ইমাম তিরমিযি রাহিমাল্লাহু বলেন: “আহলে ইলমের আমল এ হাদিস মোতাবেক। তারা রমযান মাস আসার আগে রমযান হিসেবে সওম পালন করা পছন্দ করতেন না। হ্যাঁ কেউ যদি পূর্ব থেকে নির্দিষ্ট দিন সওম পালন করে, আর সেদিন রমযানের আগের দিন হয়, তবে এতে তাদের নিকট কোন সমস্যা নেই”।<sup>৩</sup>

দুই. রমযানের পূর্বে [রমযানের সাথে লাগিয়ে] নফল সওম রাখা নিষেধ।<sup>৪</sup>

তিন. এ দিন যার সওমের দিন, সে এ থেকে ব্যতিক্রম, যেমন কাফফারা বা মান্নতের সওম, এবং যার এ দিন নফল সওমের অভ্যাস রয়েছে, যেমন সোমবার ও বৃহস্পতিবার।

<sup>১</sup> বুখারি: (১৮১৫), মুসলিম: (১০৮২)

<sup>২</sup> ফাতহুল বারি: (৪/১২৮)

<sup>৩</sup> সুনানে তিরমিযি: (৬৮৪)

<sup>৪</sup> ফাতহুল বারি: (৪/১২৮)

# ইসলামিক আলো

চার. এ নিষেধাজ্ঞা সম্পর্কে সবচে' যৌক্তিক যে হিকমত বর্ণনা করা হয়েছে তা হলো, রমযানের সওম শরয়ি চাঁদ দেখার সঙ্গে সংশ্লিষ্ট, সুতরাং যে শরয়িভাবে চাঁদ দেখার এক বা দু'দিন আগে সওম রাখল সে শরয়িতে'র এ বিধানে ত্রুটির নির্দেশ করল, এবং যেসব 'নস' বা দলিলে চাঁদ দেখার সাথে সওম সম্পৃক্ত করা হয়েছে, তা সে প্রত্যাখ্যান করল।<sup>5</sup>

পাঁচ. এ হাদিসে 'রাফেযি' সম্প্রদায়ের প্রতিবাদ রয়েছে, যারা চাঁদ না দেখে সওম পালন বৈধ বলে।<sup>6</sup>

ছয়. এ হাদিস থেকে জানা গেল, নফল ও ফরয ইবাদতের মাঝে প্রাচীর ও বিরতি রয়েছে, যেমন শাবানের নফল ও রমযানের ফরযের বিরতি সন্দেহের দিন সওম পালন করা হারাম। অনুরূপ রমযানের শেষ ও শাওয়ালের প্রথম দিন তথা ঈদের দিন সওম পালন করা হারাম। ইবন আব্বাস রাদিয়াল্লাহু আনহু ও একদল সলফ ফরয ও নফল সালাতের মাঝে বিরতি সৃষ্টি করা মোস্তাহাব বলেছেন, যেমন কথাবার্তা বলা বা নড়াচড়ার করা বা সালাতের স্থানে আগ-পিছ হওয়া।<sup>7</sup>

সাত. শরয়িত আঁকড়ে ধরা ওয়াজিব, তাতে বৃদ্ধি বা হ্রাস করা বৈধ নয়, কারণ তা দ্বীনের মধ্যে বাড়াবাড়ি অথবা দ্বীন থেকে বিচ্যুতির আলামত। সতর্কতামূলক রমযানের আগে রমযানের নিয়তে সওমের নিষেধাজ্ঞা থেকে এ বিষয়টি স্পষ্ট হয়।

---

<sup>5</sup> ফাতহুল বারি: (৪/১২৮)

<sup>6</sup> ফাহুল বারি : (৪/১২৮)

<sup>7</sup> আল-ইস্তেযকার: (৩/৩৭১)

# ইসলামিক আলো

## ২. মাসের শুরু-শেষ নির্ধারণ

আব্দুল্লাহ ইব্ন ওমর রাদিয়াল্লাহু আনহুমা থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম একদা রমযান প্রসঙ্গে বলেন:

«لَا تَصُومُوا حَتَّى تَرَوْا الْهَلَالَ، وَلَا تَطْفِرُوا حَتَّى تَرَوْهُ، فَإِنْ غَمَّ عَلَيْكُمْ فَأَقْدُرُوا لَهُ» رواه الشيخان.

“তোমরা সওম রাখবে না যতক্ষণ না হেলাল (নতুন চাঁদ) দেখ, আর সওম ছাড়বে না যতক্ষণ না তাকে দেখ, আর যদি তোমাদের থেকে তা অদৃশ্য হয়, তাহলে মাস পূর্ণ কর”।

বুখারির অপর বর্ণনায় আছে:

«إِذَا رَأَيْتُمُوهُ فَصُومُوا، وَإِذَا رَأَيْتُمُوهُ فَأَطْرُوا، فَإِنْ غَمَّ عَلَيْكُمْ فَأَقْدُرُوا لَهُ».

“যখন তোমরা তা (নতুন চাঁদ) দেখ সওম পালন কর, আর যখন তোমরা তা দেখ সওম ভঙ্গ কর, যদি তা তোমাদের থেকে আড়াল হয়, তবে ত্রিশ দিন পূর্ণ কর”।<sup>8</sup>

জমহুর ওলামায়ে কেরাম বলেন: যদি উনত্রিশ তারিখ চাঁদ দেখা না যায়, তাহলে ত্রিশ দিন পূর্ণ করবে।<sup>9</sup> যেমন অন্যান্য বর্ণনায় এসেছে:

فَإِنْ أُغْمِيَ عَلَيْكُمْ فَأَقْدُرُوا لَهُ ثَلَاثِينَ، وَرَوَايَةٌ: «فَعُدُّوا ثَلَاثِينَ» وَرَوَايَةٌ: «فَأَكْمِلُوا الْعِدَّةَ بِكُلِّهَا فِي صَحِيحٍ مُسْلِمٍ.

“যদি চাঁদ তোমাদের থেকে আড়াল করা হয়, তাহলে তার ত্রিশ দিন পূর্ণ কর”। অপর বর্ণনায় এসেছে: “ত্রিশ দিন গণনা কর”। অপর বর্ণনায় এসেছে: “সংখ্যা পূর্ণ কর”। এসব বর্ণনা মুসলিমে রয়েছে।<sup>10</sup>

আবু হুরায়রা রাদিয়াল্লাহু আনহু থেকে বর্ণিত, তিনি বলেন: রাসূলুল্লাহ সাল্লাল্লাহু আলাইহি ওয়াসাল্লাম ইরশাদ করেন:

«إِذَا أَيْتَمَّ الْهَلَالُ فَصُومُوا، وَإِذَا رَأَيْتُمُوهُ فَأَطْرُوا، فَإِنْ غَمَّ عَلَيْكُمْ فَصُومُوا ثَلَاثِينَ يَوْمًا».

“যখন তোমরা চাঁদ দেখ সওম পালন কর, আবার যখন তোমরা চাঁদ দেখ সওম ত্যাগ কর। যদি তা তোমাদের থেকে আড়াল করা হয়, তাহলে ত্রিশ দিন সিয়াম পালন কর”।

«صُومُوا لِرُؤْيَيْهِ، وَأَطْرُوا لِرُؤْيَيْهِ، فَإِنْ غَمَّ عَلَيْكُمْ فَأَكْمِلُوا عِدَّةَ شَعْبَانَ ثَلَاثِينَ».

অপর বর্ণনায় আছে: “তোমরা চাঁদ দেখে সওম রাখ ও চাঁদ দেখে সওম ত্যাগ কর, যদি তোমাদের থেকে আড়াল করা হয়, তাহলে শাবানের ত্রিশ দিন পূর্ণ কর”।

فَإِنْ غَمَّ عَلَيْكُمْ فَأَكْمِلُوا عِدَّةَ شَعْبَانَ ثَلَاثِينَ» رواه الشيخان.

অপর বর্ণনায় আছে: “যদি তা তোমাদের থেকে লুকিয়ে থাকে, তাহলে শাবানের ত্রিশ দিন পূর্ণ কর”। বুখারি ও মুসলিম।<sup>11</sup>

আব্দুল্লাহ ইব্ন ওমর রাদিয়াল্লাহু আনহু থেকে বর্ণিত, তিনি বলেন:

<sup>8</sup> বুখারি: (১৮০৭), দ্বিতীয় হাদিস বুখারি: (১৮০১) ও মুসলিমের: (১০৮০)

<sup>9</sup> শারহুন নববী আলা মুসলিম: (৭/১৮৬)

<sup>10</sup> দেখুন: সহিহ মুসলিম: (১০৮০-১০৮১)

<sup>11</sup> বুখারি: (১৮১০), মুসলিম: (১০৮১), প্রথম দুটি হাদিস মুসলিম থেকে ও তৃতীয় হাদিস বুখারি থেকে।

# ইসলামিক আলো

شَرَّاعَى الدَّاسُ الْهَلَالُ فَأَخْبَرْتُ رَسُولَ اللَّهِ أَنِّي رَأَيْتُهُ فَصَامَهُ وَأَمَرَ النَّاسَ بِصِيَامِهِ» رواه أبو داود وصححه ابن حبان والحاكم.

“লোকেরা চাঁদ দেখছিল, আমি রাসূলুল্লাহ সাল্লাল্লাহু আলাইহি ওয়াসাল্লামকে সংবাদ দিলাম, আমি চাঁদ দেখেছি, অতঃপর তিনি সওম পালন করেন ও লোকদের সওম পালনের নির্দেশ দেন”।<sup>12</sup>

## শিক্ষা ও মাসায়েল:

এক. রমযানের সওম শরয়ি চাঁদ দেখার ওপর নির্ভরশীল। যদি মেঘ, ধুলো, ধূয়া ইত্যাদি চাঁদ দেখার ক্ষেত্রে অন্তরায় হয়, তাহলে শাবান মাসের ত্রিশ দিন পূর্ণ করা ওয়াজিব।

দুই. যদি মেঘ বা ধুলো ইত্যাদির কারণে চাঁদ দেখা না যায়, তাহলে সতর্কতাস্বরূপ শাবানের শেষ দিন সওম রাখবে না। কারণ রাসূলুল্লাহ সাল্লাল্লাহু আলাইহি ওয়াসাল্লাম নিষেধ করেছেন: “চাঁদ না দেখা পর্যন্ত সওম পালন কর না”। আর নিষেধাজ্ঞার দাবি হচ্ছে হারাম।

তিন. যখন চাঁদ দেখা প্রমাণিত হলে সওম ওয়াজিব, তারপর জ্যোতিষ্ক ও গণকদের কথায় কর্ণপাত করা যাবে না।<sup>13</sup>

চার. ইসলামি শরিয়তের সরলতার প্রমাণ যে, সওম রাখা ও ত্যাগ করা চাঁদ দেখার উপর নির্ভরশীল করেছে, যার জন্য শিক্ষার প্রয়োজন হয় না, দৃষ্টি সম্পন্ন প্রত্যেক ব্যক্তি তা দেখতে পায়, পক্ষান্তরে যদি তা নক্ষত্রের উপর নির্ভরশীল করা হত, তাহলে অনেক জায়গায় মুসলিমদের নিকট চাঁদের বিষয়টি কঠিন আকার ধারণ করত, যেখানে গণক ও জ্যোতিষ্ক অনুপস্থিত।<sup>14</sup>

পাঁচ. যে দেশে চাঁদ দেখা গেল, তার অধিবাসীদের ওপর সওম ওয়াজিব। যে দেশে চাঁদ দেখা যায়নি, তার অধিবাসীদের ওপর সওম ওয়াজিব নয়, কারণ সওমের সম্পর্ক চাঁদ দেখার সাথে, দ্বিতীয়ত চাঁদের কক্ষপথ বিভিন্ন দেশে ভিন্ন ভিন্ন।<sup>15</sup>

ছয়. রমযানের চাঁদ দেখার ক্ষেত্রে একজন বিশ্বস্ত (শরিয়তের ভাষায় আদেল) ব্যক্তির সাক্ষী গ্রহণযোগ্য, যার প্রমাণ ইব্ন ওমর রাদিয়াল্লাহু আনহুর হাদিস। কিন্তু রমযান সমাপ্তির সংবাদের জন্য দু'জন নির্ভরযোগ্য লোকের সাক্ষী অপরিহার্য। একাধিক হাদিস দ্বারা এ বিষয়টি প্রমাণিত।<sup>16</sup>

<sup>12</sup> আবু দাউদ: (২৩৪৩), দারামি: (১৬৯১), দারাকুতনি: (২/১৫৬), বায়হাকি: (৪/২১২), তাবরানি ফিল আওসাত: (৩৮৭৭), ইব্ন হিব্বান: (৩৪৪৭) ও হাকেম: (১/৫৮৫), হাদিসটি সহিহ বলেছেন। হাকেম বলেছেন মুসলিমের শর্ত মোতাবেক। আল-মাজমু গ্রন্থে ইমাম নববী হাদিসটি সহিহ বলেছেন: (৬/২৭৬)

<sup>13</sup> শারহ ইবনুল মুলাক্কিন আলাল উমদাহ: (৫/১৭৮)

<sup>14</sup> শারহ ইবনুল মুলাক্কিন আলাল বুখারি: (৪/২৭)

<sup>15</sup> দেখুন: শারহ ইবনুল মুলাক্কিন: (৫/১৮১-১৮২)

<sup>16</sup> তিরমিযি রহ. তার জামে তিরমিযিতে: (৩/৭৪) বলেছেন: “সওম ত্যাগ করার বিষয়ে দু'জন নির্ভরযোগ্য ব্যক্তির সাক্ষী অপরিহার্য, এতে কোন আলেমের দ্বিমত নেই”। ইমাম নববী শারহ মুসলিমে বলেছেন: “অর্থাৎ কতক মুসলিমের চাঁদ দেখা যথেষ্ট, সবার দেখা জরুরী নয়, তবে কমপক্ষে দু'জন নির্ভরযোগ্য ব্যক্তির সাক্ষী অবশ্য জরুরী। বিশুদ্ধ অভিমত অনুযায়ী সওমের ক্ষেত্রে এক ব্যক্তির সাক্ষী

# ইসলামিক আলো

সাত. যিনি দেশের প্রধান তিনি সওম বা ঈদের ঘোষণা দিবেন।<sup>17</sup>

আট. যে চাঁদ দেখে তার দায়িত্ব দেশের প্রধান বা তার প্রতিনিধির নিকট সংবাদ পৌঁছে দেয়া।

নয়. আধুনিক প্রচার যন্ত্র থেকে প্রচারিত রমযান শুরু বা সমাপ্তির সংবাদ বিশ্বাস করা জরুরী, যদি তা দেশের প্রধান বা তার প্রতিনিধি থেকে প্রচার করা হয়।

দশ. মাসের শুরু-শেষ জানার জন্য ত্রিশে শাবান ও ত্রিশে রমযানের চাঁদ দেখা মোস্তাহাব।

এগার. নারী যদি চাঁদ দেখে, তার সাক্ষী গ্রহণ করার ব্যাপারে আলেমদের দ্বিমত রয়েছে। শায়খ ইব্ন বায রাহিমাহুল্লাহ তার চাঁদ দেখার সাক্ষী গ্রহণ না করার অভিমত প্রাধান্য দিয়েছেন, কারণ চাঁদ দেখা পুরুষদের বৈশিষ্ট্য, এ ব্যাপারে তারা নারীদের থেকে অধিক জ্ঞানের অধিকারী।<sup>18</sup>

---

গ্রহণযোগ্য, কিন্তু সওম ভঙ্গের ক্ষেত্রে দু'জন নির্ভরযোগ্য ব্যক্তির সাক্ষী ব্যতীত চাঁদ দেখা গ্রহণ করা যাবে না, আবু সাউর ব্যতীত সবাই এ অভিমত ব্যক্ত করেছেন। তিনি সওম ভঙ্গের ক্ষেত্রে এক ব্যক্তির সাক্ষী যথেষ্ট মনে করেন"। মাজমু ফাতাওয়া ইব্ন বায: (১৫/৬২)

<sup>17</sup> বুলুগুল মারাম, আবু কুতাইবাহ ফিরইয়াবির টিকাসহ: (১/৪১২), আরো দেখুন: ফাতাওয়া সাদিয়া: (২১৬)

<sup>18</sup> ইব্ন ওমর রাদিয়াল্লাহু আনহু হাদিসের উপর ভিত্তি করে যারা চাঁদ দেখার ক্ষেত্রে এক ব্যক্তির সাক্ষী কবুল করা বৈধ বলেন, তারা এ ব্যাপারে নারী ও গোলামের সংবাদ গ্রহণযোগ্য মনে করেন, যেমন খাত্তাবি আবু দাউদের টিকা মাআলেমুস সুনানে উল্লেখ করেছেন: (২/৭৫৩)



# ইসলামিক আলো

## ৩. সওম ইসলামের পঞ্চম স্তম্ভ

ইবন ওমর রাদিয়াল্লাহু আনহু থেকে বর্ণিত, তিনি বলেন: রাসূলুল্লাহ সাল্লাল্লাহু আলাইহি ওয়াসাল্লাম ইরশাদ করেন: «يُثْبِتُ الْإِسْلَامَ عَلَى خَمْسٍ: شَهَادَةِ أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ وَإِقَامَ الصَّلَاةِ، وَإِيتَاءَ الزَّكَاةِ، وَالْحُجَّ وَصَوْمَ رَمَضَانَ» رواه الشيخان.

“ইসলামের ভিত্তি পাঁচটি বস্তুর ওপর রাখা হয়েছে: সাক্ষ্য দেয়া যে, আল্লাহ ব্যতীত কোনো মাবুদ নেই, এবং মুহাম্মদ আল্লাহর রাসূল, সালাত কায়েম করা, যাকাত প্রদান করা, হজ সম্পাদন করা ও রমযানের সওম পালন করা”।<sup>19</sup>

আবু জামরাহ নসর ইবন ইমরান রাহিমাহুল্লাহ বলেন: “একদা আমি ইবন আব্বাস রাদিয়াল্লাহু আনহু ও শোতাদের মাঝে দোভাষীর কাজ করছিলাম। তিনি বললেন: আব্দুল কায়েস গোত্রের প্রতিনিধি গ্রুপ রাসূলুল্লাহ সাল্লাল্লাহু আলাইহি ওয়াসাল্লামের দরবারে উপস্থিত হন, তিনি তাদের বলেন: কোন গ্রুপ বা কোন সম্প্রদায়ের লোক? তারা বলল: আমরা রাবিয়াহ গোত্রের। তিনি বললেন: স্বাগতম প্রতিনিধি গ্রুপ বা স্বাগতম রাবিয়াহ সম্প্রদায়, তিরষ্কার ও ভর্ৎসনা মুক্ত। তারা বলল: আমরা আপনার নিকট আগমন করি অনেক দূর থেকে। আপনার ও আমাদের মাঝে রয়েছে মুদার গোত্রের কাফেরদের এ গ্রাম, এ জন্য হারাম তথা সম্মানিত ও যুদ্ধ নিষিদ্ধ মাস ব্যতীত আপনার কাছে আমরা আসতে পারি না। অতএব আমাদেরকে উপদেশ দিন, যা আমরা আমাদের রেখে আসা ভাইদের নিকট পৌঁছাব এবং যার ওপর আমল করে আমরা সকলে জাহ্নাতে যাব। তিনি তাদের নির্দেশ দিলেন চারটি বিষয়ের: নির্দেশ দিলেন এক আল্লাহর ওপর ঈমানের। তিনি বললেন: তোমরা কি জান আল্লাহর ওপর ঈমান কি? তারা বলল: আল্লাহ ও তার রাসূল ভাল জানেন। তিনি বললেন:

«شَهَادَةُ أَنْ لَا إِلَهَ إِلَّا اللَّهُ وَأَنَّ مُحَمَّدًا رَسُولُ اللَّهِ، وَإِقَامَ الصَّلَاةِ، وَإِيتَاءَ الزَّكَاةِ، وَصَوْمَ رَمَضَانَ، وَتَعْطُوا الْخُمْسَ مِنَ الْمَغْنَمِ...» قَالَ: احْفَظُوا وَوَأَخْبِرُوهُ مَنْ وَرَاءَكُمْ» رواه الشيخان.

“সাক্ষ্য দেয়া যে, আল্লাহ ব্যতীত কোনো মাবুদ নেই, মুহাম্মদ আল্লাহর রাসূল, সালাত কায়েম করা, যাকাত আদায় করা, রমযানের সওম পালন করা ও গনিমতের এক পঞ্চমাংশ দান করা... তিনি বললেন: এগুলো মনে রাখ ও তোমাদের রেখে আসা ভাইদের বল”।<sup>20</sup>

### শিক্ষা ও মাসায়েল:<sup>21</sup>

এক. ঈমান ও ইসলামের বর্ণনা, অর্থাৎ ঈমান হচ্ছে অন্তরের স্বীকৃতি আর ইসলাম হচ্ছে আত্মসমর্পণ ও বাহ্যিক আনুগত্য। ঈমান ও ইসলাম একসঙ্গে উল্লেখ হলে এ অর্থ প্রকাশ করে, যদি আলাদা উল্লেখ হয়, তখন একে অপরের অর্থ প্রকাশ করে।

<sup>19</sup> বুখারি: (৮), মুসলিম: (১৬)

<sup>20</sup> বুখারি: (৮৭), মুসলিম: (১৬)

<sup>21</sup> দেখুন: ইমাম নববী কর্তৃক মুসলিম শরিফের ব্যাখ্যা গ্রন্থ: (১/১৪৮)

# ইসলামিক আলো

দুই. মূলত ইসলাম হচ্ছে আল্লাহ ও তার রাসূলের সাক্ষ্য দেয়া, তবে ইসলামের মৌলিক আমল হিসেবে সালাত, যাকাত, সওম ও হজ তার সাথে সম্পৃক্ত করা হয়।

তিন. এ পাঁচটি রোকন বা তার আংশিক ত্যাগ করা আল্লাহর অবাধ্যতা প্রমাণ করে।

চার. ইসলামে সিয়ামের গুরুত্ব অপরিসীম, তাই সিয়ামকে তার রোকন স্থির করা হয়েছে।

পাঁচ. দ্বীনের গুরুত্বপূর্ণ বিষয়গুলো জানা জরুরী। ওয়াজিবের ওপর আমল করা, হারাম থেকে বিরত থাকা এবং মানুষের নিকট দ্বীন পৌঁছে দেয়া, যেমন নবী সাল্লাল্লাহু আলাইহি ওয়াসাল্লাম তাদেরকে বলেছেন: “তোমরা এগুলো মনে রাখ ও তোমাদের রেখে আসা ভাইদের পৌঁছে দাও”।

# ইসলামিক আলো

## ৪. রমযানের ফযিলত

আবু হুরায়রা রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«إِذَا دَخَلَ شَهْرُ رَمَضَانَ فَتُحْتَفَلُ بِبَوَابِ السَّمَاءِ، وَتُغْلَقُ أَبْوَابُ جَهَنَّمَ، وَتُسَلِّطُ الشَّيَاطِينُ» رَوَاهُ الشَّيْخَانُ.

“যখন রমযান মাস আগমন করে, তখন আসমানের দরজাসমূহ খুলে যায়, জাহান্নামের দরজাসমূহ বন্ধ করা হয় এবং শয়তানগুলো শৃঙ্খলাবদ্ধ করা হয়”।<sup>22</sup> অপর বর্ণনায় আছে:

«إِذَا كَانَ أَوَّلُ لَيْلَةٍ مِنْ شَهْرِ رَمَضَانَ صُفِّتِ الشَّيَاطِينُ وَمَرَدَةُ الْجِنِّ، وَغُلِّقَتْ أَبْوَابُ النَّارِ فَلَمْ يُقْعَمْ مِنْهَا بَابٌ، وَفُتِحَتْ أَبْوَابُ الْجَنَّةِ فَلَمْ يُغْلَقْ مِنْهَا بَابٌ، وَيُنَادِي مُنَادٍ: يَا بَاغِيَ الْخَيْرِ أَقْبِلْ، وَيَا بَاغِيَ الشَّرِّ أَهْزِبْ، وَلِلَّهِ عُتَقَاءُ مِنَ النَّارِ وَتِلْكَ كُلُّ لَيْلَةٍ».

“যখন রমযানের প্রথম রাত হয়, শয়তান ও অব্যাহত জিনগুলো শৃঙ্খলিত করা হয়, জাহান্নামের সকল দরজা বন্ধ করা হয়; খোলা হয় না তার কোন দ্বার, জাহান্নামের দুয়ারগুলো খুলে দেয়া হয়; বন্ধ করা হয় না তার কোন তোরণ। এবং একজন ঘোষক ঘোষণা করে: হে পুণ্যের অন্বেষণকারী, অগ্রসর হও। হে মন্দের অন্বেষণকারী, ক্ষান্ত হও। আর আল্লাহর জন্য রয়েছে জাহান্নাম থেকে মুক্তিপ্রাপ্ত অনেক বান্দা, এটা প্রত্যেক রাতে হয়”।<sup>23</sup>

হাদিসে বর্ণিত: “হে পুণ্যের অন্বেষণকারী অগ্রসর হও, হে মন্দের অন্বেষণকারী ক্ষান্ত হও”। অর্থ: হে কল্যাণ অনুসন্ধানকারী, তুমি আরো কল্যাণ অনুসন্ধান কর। এটা তোমার মুখ্য সময়, এতে অল্প আমলে তোমাকে অধিক প্রদান করা হবে। আর হে মন্দের প্রত্যাশী, তুমি ক্ষান্ত হও, তওবা কর, এটা তওবা করার মোক্ষম সময়।

অপর বর্ণনায় আছে, রাসূলুল্লাহ সাল্লাল্লাহু আলাইহি ওয়াসাল্লাম তার সাহাবীদের সুসংবাদ প্রদান করে বলেছেন:

«لَا تَأْكُمُ رَمَضَانَ شَهْرٌ مُبَارَكٌ فَرَضَ اللَّهُ عَزَّ وَجَلَّ صِيَامَهُ، تُوَدِّعُ فِيهِ أَبْوَابُ السَّمَاءِ، وَتُعْطَى فِيهِ أَبْوَابُ الْجَنَّةِ، وَتُغْلَى فِيهِ مَرَدَةُ الشَّيَاطِينِ، اللَّهُ فِيهِ لَيْلَةٌ خَيْرٌ مِنْ أَلْفِ شَهْرٍ، مَنْ حَرَّمَ خَيْرَهَا فَقَدْ حَرَّمَ».

“তোমাদের নিকট বরকতময় মাস রমযান এসেছে, আল্লাহ এর সওম ফরয করেছেন। এতে জাহান্নামের দরজাসমূহ খোলা হয়, জাহান্নামের দরজাসমূহ বন্ধ করা হয়, শিকলে বেঁধে রাখা হয় শয়তানগুলো। এতে একটি রজনী রয়েছে যা সহস্র মাস থেকে উত্তম। যে তার কল্যাণ থেকে বঞ্চিত হল, সে প্রকৃত অর্থে বঞ্চিত হল”।<sup>24</sup>

আবু হুরায়রা অথবা আবুসাইদ খুদরি রাদিয়াল্লাহু আনহুমা থেকে বর্ণিত, তারা বলেন: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«لَنْ يَكُونَ عُتَقَاءُ فِي كُلِّ يَوْمٍ وَلَيْلَةٍ، لَكُلِّ عَبْدٍ مِنْهُمْ دَعْوَةٌ مُسْتَجَابَةٌ» رَوَاهُ أَحْمَدُ.

“প্রত্যেক দিনে ও রাতে আল্লাহর মুক্তিপ্রাপ্ত বান্দা রয়েছে, তাদের প্রত্যেকের জন্য রয়েছে দো‘আ কবুলের প্রতিশ্রুতি”।<sup>25</sup>

জাবের রাদিয়াল্লাহু আনহু থেকে বর্ণিত, তিনি বলেন: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

<sup>22</sup> বুখারি: (১৮০০), মুসলিম: (১০৭৯)

<sup>23</sup> তিরমিযি: (৬৮২), ইবন মাজাহ: (১৬৪২), সহিহ ইবন খুযাইমা: (১৮৮৩), সহিহ ইবন হিব্বান: (৩৪৪৩৫), হাকেম: (১/৫৮২), তিনি বুখারি ও মুসলিমের শর্ত মোতাবেক হাদিসটি সহিহ বলেছেন। আলবানি সহীহ জামে তিরমিযিতে এ হাদিস সহিহ বলেছেন।

<sup>24</sup> নাসায়ি: (৪/১২৯), আহমদ: (২/২৩০), আবু ইবন হুমাঈদ: (১৪২৯)

<sup>25</sup> আহমদ: (২/২৫৪), তাবরানি ফিল আওসাত: (৬/২৫৭), বিশুদ্ধ সনদে।

# ইসলামিক আলো

«إِنَّ اللَّهَ عِنْدَ كُلِّ فِطْرٍ عَتَقَاءَ، وَتِلْكَ كُلُّ ذَلِيلَةٍ» رواه ابن ماجه.

“প্রত্যেক ইফতারের সময় আল্লাহর মুক্তি প্রাপ্ত বান্দা রয়েছে, আর তা প্রত্যেক রাতে”।<sup>26</sup>

## শিক্ষা ও মাসায়েল:

এক. রমযান মাসের ফযিলত যে, এতে জান্নাতের দরজাসমূহ উন্মুক্ত করা হয়, জাহান্নামের দরজাসমূহ বন্ধ করা হয় ও শয়তানগুলো শৃঙ্খলে আবদ্ধ করা হয়। রমযানের প্রত্যেক রাতে তা সংঘটিত হয়, শেষ রমযান পর্যন্ত অব্যাহত থাকে।

দুই. এসব হাদিস প্রমাণ করে যে, জান্নাত-জাহান্নাম আল্লাহর সৃষ্ট দু’টি বস্তু, এগুলোর দরজাসমূহ প্রকৃত অর্থে খোলা ও বন্ধ করা হয়।<sup>27</sup>

তিন. ফযিলতপূর্ণ মৌসুম ও তাতে সম্পাদিত আমল আল্লাহর সন্তুষ্টির কারণ, যে কারণে জান্নাতের দরজাসমূহ খোলা ও জাহান্নামের দরজাসমূহ বন্ধ করা হয়।

চার. রমযানের সুসংবাদ প্রদান ও তার শুভেচ্ছা বিনিময় বৈধ। কারণ সাহাবিদের সুসংবাদ প্রদান ও তাদেরকে আমলের প্রতি উদ্বুদ্ধ করার জন্য নবী সাল্লাল্লাহু আলাইহি ওয়াসাল্লাম রমযানের এসব বৈশিষ্ট্যের বর্ণনা দিতেন। অনুরূপ প্রত্যেক কল্যাণের সুসংবাদ প্রদান বৈধ।

পাঁচ. অবাধ্য শয়তানগুলো এ মাসে আবদ্ধ করা হয়, ফলে তাদের প্রভাব কমে যায় ও মানুষ অধিক আমল করার সুযোগ পায়।

ছয়. বান্দার ওপর আল্লাহর অনুগ্রহ যে, তিনি তাদের সিয়াম হিফাজত করেন, তাদের থেকে অবাধ্য শয়তানের প্রভাব দূর করেন, যেন সে তাদের ইবাদত বিনষ্ট করার সুযোগ না পায়।<sup>28</sup>

সাত. এসব হাদিস থেকে শয়তানের অস্তিত্বের প্রমাণ মিলে। তাদের শরীর রয়েছে, যা শিকলে বাঁধা যায়। তাদের কতিপয় অবাধ্য, রমযানে যাদেরকে শৃঙ্খলবদ্ধ করা হয়।<sup>29</sup>

আট. রমযানের বিশেষ মর্যাদা সেসব মুমিনগণ অর্জন করবে, যারা এর যথাযথ মর্যাদায় দেয় ও এতে আল্লাহর বিধান পালন করে। পক্ষান্তরে কাফের, যারা এতে পানাহার করে, এর কোন মর্যাদা দেয় না, তাদের জন্য জান্নাতের দরজাসমূহ খোলা ও জাহান্নামের দরজাসমূহ বন্ধ করা হয় না। তাদের শয়তানগুলো বন্দি করা হয় না, তারা জাহান্নাম থেকে মুক্তির যোগ্য নয়।<sup>30</sup> অতএব এ মাসে তাদের মৃতরা আল্লাহর শাস্তি থেকে মুক্তি পাবে না।

নয়. যে মুসলিম কাফেরদের সঙ্গে মিল রাখল, যেমন রমযানের মূল্য দিল না, এতে পানাহার করল, সওম ভঙ্গকারী কাজ করল, অথবা সওমের সওয়াব হ্রাসকারী কর্মে লিপ্ত হল, যেমন গীবত, চোগলখুরী, মিথ্যা সাক্ষ্য দেয়া ও এসব

<sup>26</sup> ইব্ন মাজাহ: (১৬৪৩), আলবানি সহিহ ইব্ন মাজায় হাদিসটি হাসান ও সহিহ বলেছেন।

<sup>27</sup> দেখুন: শারহ ইব্ন বাত্তাল: (৪/২০), আল-মুফহিম: (৩/১৩৬)

<sup>28</sup> যাখিরাতুল উকবা: (২০/২৫৫)

<sup>29</sup> যাখিরাতুল উকবা: (২০/২৫৫)

<sup>30</sup> দেখুন: ফাতাওয়া শায়খুল ইসলাম: (৫/১৩১-৪৭৪)

# ইসলামিক আলো

বৈঠকে উপস্থিত হওয়া, বলা যায় সে রমযানের ফযিলত থেকে বঞ্চিত হবে, তার জন্য জাহান্নামের দরজাসমূহ উন্মুক্ত ও জাহান্নামের দরজাসমূহ বন্ধ করা হবে না, তার শয়তানগুলো শৃঙ্খলাবদ্ধ থাকবে না।

দশ. সূরায়ে 'সাদ'-এর ৫০নং আয়াতে জাহান্নামের প্রশংসায় বলা হয়েছে:

(جَنَّتْ عَنْ مَفَاحِهِ لَهُمُ الْأُيُوبُ ٥٠) [ص: 50]

“চিরস্থায়ী জাহান্নাম, যার দরজাসমূহ থাকবে তাদের জন্য উন্মুক্ত।”<sup>31</sup> এ আয়াত রমযানের উপরোক্ত বৈশিষ্ট্যের বিপরীত নয়, কারণ এ আয়াত জাহান্নামের দরজাসমূহ সর্বদা উন্মুক্ত থাকার দাবি করে না। দ্বিতীয়ত এ আয়াত কিয়ামতের দিন সম্পর্কে। অনুরূপ জাহান্নাম সম্পর্কে সূরায়ে জুমারের ৭১নং আয়াত:

(حَتَّىٰ إِذَا جَاءُوهَا فَتَحَتْ أَبْوَابَهَا ٧١) [الزمر: 71]

“অবশেষে তারা যখন জাহান্নামের কাছে এসে পৌঁছবে তখন তার দরজাগুলো খুলে দেয়া হবে।”<sup>32</sup> হতে পারে এর পূর্বে জাহান্নামের দরজাসমূহ বন্ধ থাকবে।<sup>33</sup>

এগার. লাইলাতুল কদর ফযিলতপূর্ণ। এ রাত লাইলাতুল কদর বিহীন হাজার মাস থেকে উত্তম। এ রাতের বরকত থেকে যে মাহরুম হল, সে অনেক কল্যাণ থেকে মাহরুম হল।

বারো. রমযানের প্রত্যেক রাতে আল্লাহর মুক্ত করা কতিপয় বান্দা থাকে। যারা আল্লাহর মহব্বত, সওয়াবের আশা ও শান্তির ভয়ে সওম রাখে, সওম হিফাজত করে, কিয়াম করে, ইহসানের প্রতি যত্নশীল থাকে ও অধিক নেক আমল করে, তারা মুক্তির বেশী হকদার।

তের. জাহান্নাম থেকে মুক্ত এসব বান্দার জন্য আল্লাহর নিকট দো'আ কবুলের ওয়াদা রয়েছে। তারা দু'টি কল্যাণ লাভ করেছে: জাহান্নাম থেকে মুক্তি ও দো'আ কবুলের প্রতিশ্রুতি।

চৌদ্দ. মুসলিমদের উচিত সওয়াব বিনষ্ট বা হ্রাসকারী কর্ম থেকে সওম হিফাজত করা, যেমন চোখ, কান ও জবান সংরক্ষণ করা, তাহলে ইনশাআল্লাহ জাহান্নাম থেকে মুক্তির সনদ মিলবে।

পনের. সওম পালনকারীর উচিত অধিক দো'আ করা, কারণ তার দো'আ কবুলের সম্ভাবনা রয়েছে।

<sup>31</sup> সূরা সাদ: (৫০)

<sup>32</sup> সূরা যুমার: (৭১)

<sup>33</sup> যাখিরাতুল উকবা: (২০/২৫৩)

# ইসলামিক আলো

## ৫. ফরয সওমের নিয়ত

হাফসা বিনতে ওমর রাদিয়াল্লাহু আনহা থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«مَنْ لُجِمَ الصَّيَّامُ قَبْلَ الْفَجْرِ فَلَا صِيَامَ لَهُ»

“যে ফজরের পূর্বে সওমের নিয়ত করল না, তার সওম নেই”। ইমাম নাসায়ি এভাবে বর্ণনা করেছেন:

«مَنْ لَمْ يُدَيِّتِ الصَّيَّامَ قَبْلَ الْفَجْرِ فَلَا صِيَامَ لَهُ»

“যে ফজরের পূর্বে রাত থেকে সওম আরম্ভ করল না, তার সওম নেই”।<sup>34</sup> আব্দুল্লাহ ইবন ওমর রাদিয়াল্লাহু আনহু বলতেন:

«لَا يَصُومُ إِلَّا مَنْ أَجَمَعَ الصَّيَّامَ قَبْلَ الْفَجْرِ» رَوَاهُ مَالِكٌ

“সওম রাখবে না, তবে যে ফজরের পূর্ব থেকে সওম আরম্ভ করেছে”।<sup>35</sup>

রাত থেকে সওম আরম্ভ করার অর্থ হচ্ছে: রাত থেকে সওমের দৃঢ় ও চূড়ান্ত নিয়ত করা, যে ফজরের পূর্বে সওমের দৃঢ় নিয়ত করল না, তার সওম হবে না।<sup>36</sup>

ইমাম তিরমিযি রহ. বলেন: আলেমদের নিকট এ হাদিসের অর্থ হচ্ছে: রমযান মাসে ফজরের পূর্বে যে সওম আরম্ভ করল না, অথবা রমযানের কাযা অথবা মাল্গতের সওমে যে রাত থেকে নিয়ত করল না, তার সওম শুদ্ধ হবে না। হ্যাঁ, নফল সওমের নিয়ত ভোর হওয়ার পর বৈধ। এটা ইমাম শাফেয়ী, আহমদ ও ইসহাকের অভিমত।<sup>37</sup>

### শিক্ষা ও মাসায়েল:

এক. সিয়ামে ইবাদতের নিয়ত করা জরুরী, যদি কেউ স্বাস্থ্য রক্ষা, ডাক্তারের পরামর্শ, পানাহারের প্রতি অনীহা বা অন্য কারণে খাদ্য ও স্ত্রীগমন থেকে বিরত থাকে, তার এ বিরত থাকা শরয়ি সওম গণ্য হবে না, সে এ কারণে সওয়াব পাবে না।

দুই. নিয়ত অন্তরের আমল, অতএব যার অন্তরে এ ধারণা হল যে, আগামীকাল সে সওম রাখবে, সে নিয়ত করল। তিন. ওয়াজিব সওম যেমন রমযান, মানত ও কাফফারার ক্ষেত্রে পূর্ণ দিন তথা সুবহে সাদিক থেকে সূর্যাস্ত পর্যন্ত সওমের নিয়তে থাকা জরুরী। যে ব্যক্তি দিনের কোন অংশে সওমের নিয়ত করল, তার সওম পূর্ণ দিন ব্যাপী হল না, তাই তার সওম শুদ্ধ হবে না। এ জন্য ওয়াজিব সওমে সুবহে সাদিকের পূর্ব থেকে নিয়ত করা জরুরী।

চার. রাতের যে কোন অংশে ফরয বা নফল সওমের নিয়ত করা বৈধ। নিয়ত করার পর সওম পরিপন্থী কোন কাজ করলে নিয়ত নষ্ট হবে না, নতুন নিয়তের প্রয়োজন নেই।

<sup>34</sup> আবু দাউদ: (২৪৫৪), তিরমিযি: (৭৩০), নাসায়ি: (৪/১৯৬), ইবন মাজাহ: (১৭০০), আহমদ: (৬/২৮৭), সহিহ ইবন খুযাইমাহ: (১৯৩৩), এ হাদিসটি মওকুফ ও মারফু উভয়ভাবে বর্ণিত আছে, তবে মওকুফ বর্ণনা অধিক বিশ্বস্ত।

<sup>35</sup> মুয়াত্তা মালেক: (১/২৮৮)

<sup>36</sup> তুহফাতুল আহওয়ালি: (৩/৩৫২)

<sup>37</sup> জামে তিরমিযি: (৩/১০৮)

# ইসলামিক আলো

## ৬. সিয়ামের আদব

আবু হুরায়রা রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«الصِّيَامُ جُنَّةٌ، فَإِذَا كَانَ أَحَدُكُمْ صَائِمًا فَلَا يَرْفُثُ وَلَا يَجْهَلُ، فَإِنْ أَمْرٌ شَاتَمَهُ فَلْيَقُلْ: إِنِّي صَائِمٌ، إِنِّي صَائِمٌ». رواه الشيخان

“সিয়াম ঢাল, সুতরাং তোমাদের কেউ সিয়াম অবস্থায় হলে সে যেন অশ্লীলতা ও মুখতা পরিহার করে, যদি কেউ তাকে গালি দেয়, সে যেন বলে: আমি রোযাদার, আমি রোযাদার”।<sup>38</sup> অপর বর্ণনায় এসেছে:

«وَإِذَا كَانَ يَوْمٌ صَوْمٌ أَحَدُكُمْ فَلَا يَرْفُثُ وَلَا يَصْخَبُ، فَإِنْ سَابَهُ أَحَدٌ أَوْ قَاتَلَهُ فَلْيَقُلْ إِنِّي أَمْرٌ صَائِمٌ».

“তোমাদের কারো যখন সওমের দিন হয়, সে যেন অশ্লীলতা ও শোরগোল পরিহার করে, কেউ যদি তাকে গালি দেয় বা তার সাথে মারামারি করে, সে যেন বলে: আমি রোযাদার”।<sup>39</sup>

অপর বর্ণনায় এসেছে:

«لَا تَسَابُ وَأَنْتَ صَائِمٌ، وَإِنْ سَابَكَ أَحَدٌ فَقُلْ: إِنِّي صَائِمٌ، وَإِنْ كُنْتَ قَائِمًا فَاجْلِسْ».

“সওম অবস্থায় তুমি গালি দেবে না, যদি কেউ তোমাকে গালি দেয় তাহলে তাকে বল: আমি রোযাদার। আর যদি তুমি দণ্ডায়মান থাক, বসে যাও”।<sup>40</sup>

আবু হুরাইরা রাদিয়াল্লাহু আনহু থেকে বর্ণিত, তিনি বলেন, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«مَنْ لَمْ يَدَعْ قَوْلَ الزُّورِ وَالْعَمَلَ بِهِ وَالْجَهْلَ فَلَيْسَ بِشَيْءٍ حَاجِبٍ أَنْ يَدَعَ طَعَامَهُ وَشَرَابَهُ» رواه البخاري.

“যে মিথ্যা কথা ও তদনুরূপ কাজ এবং মূখতা পরিত্যাগ করল না, তার পানাহার বর্জনে আল্লাহর কোন প্রয়োজন নেই”।<sup>41</sup>

আয়েশা রাদিয়াল্লাহু আনহা নবী সাল্লাল্লাহু আলাইহি ওয়াসাল্লাম থেকে বর্ণনা করেন, তিনি বলেন:

«الصِّيَامُ جُنَّةٌ مِنَ النَّارِ، فَمَنْ أَصْبَحَ صَائِمًا فَلَا يَجْهَلُ يَوْمِيذٍ، وَإِنْ أَمْرٌ جَهْلٌ عَلَيْهِ فَلَا يَشْتُمُهُ، وَلَا يَسُبُّهُ، وَيَقُولُ: إِنِّي صَائِمٌ...» رواه النسائي.

“সিয়াম জাহান্নামের ঢাল, যে সওম অবস্থায় ভোর করল, সে যেন সেদিন মুখতার আচরণ না করে। কেউ যদি তার সাথে দুর্ব্যবহার করে, সে তাকে তিরস্কার করবে না, গালি দেবে না, বরং বলবে: আমি রোযাদার”।<sup>42</sup> আবু হুরাইরা রাদিয়াল্লাহু আনহু থেকে বর্ণিত:

«لَنْتَهُ كَانَ وَأَصْحَابُهُ إِذَا صَامُوا قَعَدُوا فِي الْمَسْجِدِ، وَقَالُوا: بَطَّهَرُ صِيَامَنَا».

“তিনি ও তার সাথীগণ যখন সিয়াম পালন করতেন মসজিদে বসে থাকতেন, আর বলতেন: আমাদের সওম পবিত্র করছি”।<sup>43</sup>

<sup>38</sup> উল্লেখিত শব্দ মুয়াত্তা মালেক থেকে নেয়া: (১/৩১০), বুখারি: (১৭৯৫), মুসলিম: (১১৫১)

<sup>39</sup> বুখারি: (১৮০৫), মুসলিম: (১১৫১)

<sup>40</sup> নাসায়ি ফিল কুবরা: (৩২৫৯), তায়ালিসি: (২৩৬৭), ইবন খুযাইমাহ: (১৯৯৪) ও ইবন হিব্বান: (৩৪৮৩) হাদিসটি সহিহ বলেছেন।

<sup>41</sup> বুখারি: (৫৭১০), আবু দাউদ: (৩২৬২), নাসায়ি ফিল কুবরা: (৩২৪৫-৩২৪৮), তিরমিযি: (৭০৭)

<sup>42</sup> নাসায়ি: (৪/১৬৭), তাবরানি ফিল আওসাত: (৪১৭৯), আলবানি সহিহ নাসায়িতে হাদিসটি সহিহ বলেছেন।

<sup>43</sup> আহমদ ফিয যুহদ: (১৭৮), আবু নুয়াইম ফিল হিলইয়াহ: (১/৩৮২)

# ইসলামিক আলো

## শিক্ষা ও মাসায়েল:

এক. সিয়াম জাহান্নাম থেকে মুক্তি দেয়, কারণ সে প্রবৃত্তি থেকে বিরত রাখে, আর জাহান্নাম প্রবৃত্তি দ্বারা আবৃত। দুই. রোযাদারের জন্য রাফাস হারাম, রাফাস হচ্ছে অশ্লীল কথা, কখনো সহবাস ও তার আনুষঙ্গিক কর্মকাণ্ডে ব্যবহার হয়।<sup>44</sup> এসব থেকে রোযাদার বিরত থাকবে, তবে যে নিজের ওপর নিয়ন্ত্রণ রাখতে সক্ষম, তার জন্য চুম্বন ও স্ত্রীর সাথে মেলামেশা বৈধ।

তিন. রোযাদারের জন্য মুখতাপূর্ণ আচরণ হারাম, যেমন চিৎকার ও শোরগোল করা, অযথা ঝগড়ায় লিপ্ত হওয়া ইত্যাদি।

চার. রোযাদার যদি করো গালমন্দ, চিৎকার ও ঝগড়ার সম্মুখীন হয়, তাহলে তার করণীয়:

(১). গালমন্দকারীকে অনুরূপ প্রতি উত্তর করবে না, বরং ধৈর্য ও সহনশীলতা অবলম্বন করবে।

(২). তার সাথে কথা পরিহার করবে, যেন সে মুখতার সুযোগ না পায়। কতক বর্ণনায় এসেছে:

«وَأِنْ شَتَمَهُ إِنْسَانٌ فَلَا يَكْلِمُهُ».

“যদি কেউ তাকে গালি দেয়, তার সাথে কথা বলবে না”।<sup>45</sup>

৩. তাকে বলবে: “আমি রোযাদার”। উচ্চস্বরে বলবে, যেন সে মুখতা থেকে বিরত থাকে ও প্রতি উত্তর না করার কারণ বুঝতে পারে। ফরয-নফল সব সওমের ক্ষেত্রে অনুরূপ করবে।<sup>46</sup>

(৪) যদি সে বিরত না হয়, তবে বারবার বলবে আমি রোযাদার, আমি রোযাদার।

(৫). এ পরিস্থিতিতে যদি সে দাঁড়ানো থাকে, বসার সুযোগ হলে বসে যাবে, যে রূপ অন্যান্য বর্ণনায় এসেছে, যেন গোস্তা নিবারণ হয়, প্রতিপক্ষ ও শয়তান পিছু হটে।

পাঁচ. এ সকল হাদিস থেকে এ কথা বুঝে নেয়ার অবকাশ নেই যে, অশ্লীলতা, গালিগালাজ, মুখতার আচরণ, অসার ও অযথা বিতর্ক শুধু সওম অবস্থায় নিষেধ, অন্য সময় নয়, বরং সর্বাবস্থায় এগুলো নিষেধ ও হারাম, তবে সওম অবস্থায় এগুলোতে লিপ্ত হওয়া জঘন্য অন্যায়, কারণ এসব সওমের মূল উদ্দেশ্যকে নস্যাৎ করে।<sup>47</sup>

ছয়. ইসলামি জীবন-দর্শনের পবিত্রতা, তার অনুসারীদের ভদ্র আচরণ শিক্ষা দেয়া ও মূখদের এড়িয়ে চলার অভিনব কৌশল।

সাত. যদি রোযাদারের ওপর কেউ জুলুম করে, তাহলে সহজতর উপায়ে তার প্রতিকার করবে, এ থেকে রোযাদারকে নিষেধ করা হয়নি।<sup>48</sup>

<sup>44</sup> ফাতহুল বারি: (৪/১০৪)

<sup>45</sup> ফাতহুল বারি: (৪/১০৪)

<sup>46</sup> এ বিষয়ে আলেমদের মাঝে মতবিরোধ রয়েছে।

<sup>47</sup> আল-মুফহিম: (৩/২১৪), ফাতহুল বারি: (৪/১০৪)

<sup>48</sup> ফাতহুল বারি: (৪/১০৫)



# ইসলামিক আলো

আট. সত্যিকারের সিয়াম পাপ থেকে অঙ্গ-প্রত্যঙ্গের সিয়াম, মিথ্যা ও অশ্লীলতা থেকে মুখের সিয়াম, পানাহার থেকে পেটের সিয়াম, স্ত্রীসহবাস ও যৌনতা থেকে লিঙ্গের সিয়াম।<sup>49</sup>

নয়. অধিকাংশ আলেম একমত যে, গীবত, পরনিন্দা, মিথ্যা কথা, মূর্খতাপূর্ণ আচরণ ইত্যাদি কাজগুলো সিয়াম ভঙ্গ করে না, তবে তার সওয়াব অবশ্যই হ্রাস করে, এ জন্য সে গুনাহ্‌গার হবে।<sup>50</sup>

দশ. এ থেকে প্রমাণ হলো যে, সিয়ামের উদ্দেশ্য শুধু ক্ষুধা-পিপাসা সহ্য করা নয়, বরং মূল উদ্দেশ্য প্রবৃত্তি দুর্বল করা, গোস্তা নিবারণ করা, কু-প্রবৃত্তির চাহিদা নস্যাত করা ও নফসে মুতমায়িল্লার আনুগত্য করা, যদি সিয়াম দ্বারা এসব অর্জন না হয়, তাহলে সিয়াম রাখা না-রাখার মত, কারণ সিয়াম তার ওপর কোন প্রভাব ফেলতে পারেনি।<sup>51</sup>

এগার. এ হাদিস থেকে বুঝা যায় যে, মিথ্যা কথা, মিথ্যা নির্ভর কাজ সকল অন্যায়ের মূল। এ জন্য আল্লাহ মিথ্যাকে শিকের সাথে উল্লেখ করেছেন:

﴿اجْتَنِبُوا الرِّجْسَ مِنَ الْأَوْثَانِ وَاجْتَنِبُوا قَوْلَ الزُّورِ ۚ﴾ [الحج: 30]

“সুতরাং মূর্তিপূজার অপবিত্রতা থেকে বিরত থাক এবং মিথ্যা কথা পরিহার কর”।<sup>52</sup> এ আয়াতে আল্লাহ পৌত্তলিকতার অপরাধের সাথে মিথ্যাকে উল্লেখ করেছেন। এ থেকে মিথ্যার ভয়াবহতা প্রতীয়মান হয়।<sup>53</sup>

<sup>49</sup> দেখুন: আহাদিসুস সিয়াম, আব্দুল্লাহ আল-ফাওয়ান: (৭৫)

<sup>50</sup> ফাতহুল বারি: (৪/১০৪), উমদাতুল কারি: (১০/২৭৬)

<sup>51</sup> বায়যাবি থেকে উদ্ধৃত, দেখুন: ফাতহুল বারি: (৪/১১৭), ফায়যুল কাদির: (৬/২২৪)

<sup>52</sup> সূরা হজ: (৩০)

<sup>53</sup> মুনাভি আল্লামা তিবি থেকে বর্ণনা করেছেন, দেখুন: ফায়যুল কাদির: (৬/২২৪)

# ইসলামিক আলো

## ৭. এক সাথে সিয়াম রাখা ও ভঙ্গ করা

আবু হুরায়রা রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«الصَّوْمُ يَوْمٌ تَصُومُونَ وَالْفِطْرُ يَوْمٌ تَفْطِرُونَ وَالْأَضْحَى يَوْمٌ تُضْحُونَ» رَوَاهُ التِّرْمِذِيُّ وَقَالَ: حَبِيثٌ حَسَنٌ غَرِيبٌ.

“সেদিন সওম, তোমরা যেদিন সওম পালন করবে, সেদিন ইফতার, তোমরা যেদিন ইফতার করবে, সেদিন কুরবানি, তোমরা যেদিন কুরবানি করবে”। তিরমিযি, তিনি বলেছেন: হাদিসটি হাসান, গরিব।

আবু দাউদের এক বর্ণনায় আছে:

«وَفِطْرُكُمْ يَوْمٌ تَفْطِرُونَ وَأَضْحَاكُمْ يَوْمٌ تُضْحُونَ».

“তোমাদের ইফতার, যেদিন তোমরা ইফতার করবে, তোমাদের কুরবানি, যেদিন তোমরা কুরবানি করবে”।<sup>54</sup>

আয়েশা রাদিয়াল্লাহু আনহা থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«الْفِطْرُ يَوْمٌ يَفْطِرُ النَّاسُ، وَالْأَضْحَى يَوْمٌ يُضْحِي النَّاسُ»

“ইফতার, যেদিন মানুষ ইফতার করে, কুরবানি, যেদিন মানুষ কুরবানি করে”।<sup>55</sup>

### শিক্ষা ও মাসায়েল:

এক. এ হাদিস ইসলামি শরিয়তের সৌন্দর্য ও সহজতার প্রমাণ বহন করে, মানুষ যা করতে পারবে না, তার ওপর তা চাপিয়ে দেয়া হয়নি। ইবাদতের সময় নির্ধারণে সবচেয়ে সহজ পদ্ধতি তথা চোখে দেখার উপর নির্ভর করা হয়েছে।

দুই. ইসলামি শরিয়ত একতার প্রতি যথেষ্ট গুরুত্বারোপ করেছে, যেমন সে মুসলিমদেরকে এক সাথে সওম রাখা, ভঙ্গ করা ও একসাথে ঈদ উৎযাপনের নির্দেশ দিয়েছে।

তিন. চাঁদ দেখায় শরয়ি পদ্ধতি অনুসরণ করা, অথবা চাঁদ দেখায় বাঁধার কারণে ত্রিশ দিন পূর্ণ করার পর যদি মাসের শুরু-শেষ ভুল প্রমাণিত হয়, তাহলে তা ক্ষমাযোগ্য। হাফেয ইব্ন আব্দুল-বার রহ. বলেন: “সকল ওলামায়ে কেরাম এ ব্যাপারে একমত যে, যদি যিলহজ মাসের চাঁদ দেখার ভুলের কারণে দশ তারিখে ওকুফে আরাফা করে, তবে তা যথেষ্ট হবে। তদ্রূপ ঈদুল ফিতর ও ঈদুল আযহা। আল্লাই ভাল জানেন”।<sup>56</sup>

চার. এসব হাদিস প্রমাণ করে যে, ঈদ হওয়ার জন্য সবার এক হওয়া জরুরী। যদি কেউ একা ঈদের চাঁদ দেখে তার জন্য জরুরী সবার সাথে ঈদ করা। সে সবার সাথে সওম রাখবে, ভঙ্গ করবে ও কুরবানি করবে। ইবনুল

<sup>54</sup> আবু দাউদ: (২৩২৪), তিরমিযি: (৬৯৭), ইব্ন মাজাহ: (১৬৬০), দারাকুতনি: (২/১৬৪), আব্দুর রায্যাক: (৭৩০৪), ইসহাক: (৪৯৬)

<sup>55</sup> তিরমিযি: (৮০২), তিনি বলেছেন এ সনদে হাদিসটি হাসান, গরিব ও সহিহ। ইসহাক: (১১৭২)

<sup>56</sup> আত-তামহিদ: (১৪/২৫৬), শায়খ ইব্ন বায রাহিমাহুল্লাহ বলেছেন: “শরয়িভাবে চাঁদ দেখার উপর নির্ভর করে যদি মানুষ ভুল করে, তাহলে তারা সওয়াব পাবে ও পুরস্কৃত হবে”। মাজমু ফাতাওয়া ও রাসায়েল: (১৫/১৩৩)

# ইসলামিক আলো

কায়ম রহ. বলেন: “এ থেকে প্রমাণিত হয়, একা চাঁদ প্রত্যক্ষকারীর ওপর চাঁদ দেখার বিধান বর্তায় না, সওম রাখা ও ভঙ্গ করার ক্ষেত্রে সে অন্যদের মত”।<sup>57</sup>

এ থেকে বলা যায়, কেউ যদি একা চাঁদ দেখে, তাহলে তার সাক্ষ্য গ্রহণযোগ্য হবে না, কারণ সে একা সওম রাখবে না, বরং মানুষের সাথে সওম রাখবে। তার বিধান অন্যান্য মানুষের ন্যায়, এ হাদিস থেকে তাই বুঝে আসে”।<sup>58</sup>

---

<sup>57</sup> তাহযিবুস সুনান: (৬/৩১৭)

<sup>58</sup> দেখুন: ফাতাওয়া সাদিয়াহ: (২১৬), মাজমু ফাতাওয়া ও রাসায়েল: (১৫/৭২-৭৩)

# ইসলামিক আলো

## ৮. তারাবির সালাতের অনুমোদন

আব্দুর রহমান ইব্ন আব্দুল কারি রহ. থেকে বর্ণিত, তিনি বলেছেন: “আমি ওমর ইব্ন খাত্তাবের সাথে রমযানের রাতে মসজিদে যাই, তখন মানুষেরা পৃথকভাবে নিজ নিজ সালাত আদায় করছিল। আবার কেউ কতক লোকের সাথে জামাতসহ সালাত আদায় করছিল। ওমর বললেন: আমার মনে হয় এক ইমামের পিছনে তাদের সকলের সালাত আদায়ের ব্যবস্থা করলে, খুব সুন্দর হবে। অতঃপর তিনি উবাই ইব্ন কাবের পিছনে সবাইকে সালাত আদায়ের নির্দেশ দেন। পরবর্তীতে কোন রাতে আমি তার সাথে বের হয়ে দেখি লোকেরা এক ইমামের পিছনে সালাত আদায় করছে, তখন ওমর বললেন: এটা খুব সুন্দর বিদআত। তবে যারা এ সালাতে অনুপস্থিত, তারা উত্তম এদের থেকে, অর্থাৎ শেষ রাতে সালাত আদায়ের উদ্দেশ্যে প্রথম রাতে যারা ঘুমাচ্ছে, তারা এদের চেয়ে উত্তম। তখন মানুষেরা প্রথম রাতে সালাত আদায় করত”।<sup>59</sup>

ইমাম মালেকের এক বর্ণনায় আছে: “ওমর ইব্ন খাত্তাব রাদিয়াল্লাহু আনহু উবাই ইব্ন কাব ও তামিমুদ দারি রাদিয়াল্লাহু আনহুকে সবার সাথে এগারো রাকাত সালাত আদায়ের নির্দেশ দিয়েছেন। তিনি বলেন: ইমাম সাহেব শত আয়াতের অধিক বিশিষ্ট সূরাসমূহ তিলাওয়াত করতেন, আমরা দীর্ঘ কিয়ামের কারণে লাঠির ওপর ভর করতাম, আমরা ফজরের আগ মুহূর্ত ব্যতীত বাড়ি ফিরতাম না”।<sup>60</sup>

ইব্ন খুযাইমার এক বর্ণনায় আছে: ওমর বলেন: “আল্লাহর শপথ, আমার ধারণা আমি যদি এক ইমামের পিছনে তাদের সবাইকে একত্র করি, তাহলে খুব ভাল হবে। অতঃপর ওমর চূড়ান্ত সিদ্ধান্ত গ্রহণ করেন। তিনি উবাই ইব্ন কাবকে সবার সাথে সালাত আদায়ের নির্দেশ দেন। পরবর্তীতে ওমর তাদের দেখতে যান, তখন সবাই এক ইমামের পিছনে সালাত আদায় করছিল, তিনি বলেন: এটা খুব সুন্দর বিদআত। যারা এ সালাত থেকে ঘুমিয়ে আছে তারা উত্তম, (অর্থাৎ প্রথম রাতে ঘুমিয়ে যারা শেষ রাতে সালাত আদায় করে)। তখন লোকেরা প্রথম রাতে সালাত আদায় করত। তারা রমযানের শেষার্ধ্বে কাফেরদের ওপর লানত করত:

اللَّهُمَّ قَاتِلِ الْكَفْرَةَ الَّذِينَ يَصُدُّونَ عَنْ سَبِيلِكَ، وَيُكْتَبُونَ رُسُلَكَ، وَلَا يُؤْمِنُونَ بِوَعْدِكَ، وَخَالَفَ بَيْنَ كَلِمَتِهِمْ، وَأَقَى فِي دُورِهِمُ الرُّعْبَ، وَأَقَى عَلَيْهِمْ رَجْزَكَ وَعَذَابَكَ إِلَهَ الْحَقِّ،

“হে আল্লাহ, তুমি কাফেরদের ধ্বংস কর, যারা তোমার রাস্তা থেকে মানুষদের বিরত রাখে, তোমার রাসূলকে মিথ্যারোপ করে, তোমার প্রতিশ্রুতির ওপর ঈমান আনে না। তুমি তাদের মধ্যে অনৈক্য সৃষ্টি কর, তাদের অন্তরে ভীতির সঞ্চার কর। হে সত্য ইলাহ, তুমি তাদের ওপর তোমার আযাব ও শাস্তি নাযিল কর”। অতঃপর নবী সাল্লাল্লাহু আলাইহি ওয়াসাল্লামের ওপর দরুদ ও সালাম পাঠ করে মুসলিমদের জন্য কল্যাণের দো'আ ও ইস্তেগফার করবে। তিনি বলেন: তারা কাফেরদের ওপর লানত, নবীর ওপর দরুদ ও মুমিনদের জন্য দো'আ-ইস্তেগফার শেষে বলতেন:

اللَّهُمَّ إِيَّاكَ نَعْبُدُ، وَإِلَيْكَ نَسْتَعِيْزُ وَنُخَفِّدُ، وَنَرْجُو رَحْمَتَكَ رَبَّنَا، وَنَخَافُ عَذَابَكَ الْجَدِّ، إِنَّ عَذَابَكَ لَمَنْ عَادَيْتَ مُلْحَقٌ،

<sup>59</sup> বুখারি: (১৯০৬), মালেক: (১/১১৪), আব্দুর রাযযাক: (৭৭২৩), ইব্ন আবি শায়বাহ: (২/১৬৫)

<sup>60</sup> মালেক: (১/১১৫), আব্দুর রাযযাক: (৭৭৩০), ইব্ন আবি শায়বাহ: (২/১৬২)

# ইসলামিক আলো

“হে আল্লাহ আমরা একমাত্র তোমার ইবাদত করি, তোমার জন্য সালাত আদায় করি ও সেজদা করি। আমরা তোমার নিকট দৌড়ে যাই ও তোমার নিকট দ্রুত ধাবিত হই। তোমার রহমত প্রত্যাশা করি হে আমাদের রব, তোমার আযাব ভয় করি, নিশ্চয় তোমার আযাব তোমার শত্রুদের নিশ্চিত স্পর্শ করবে”। অতঃপর তাকবীর বলবে ও সেজদার জন্য ঝুঁকবে”।<sup>61</sup>

## শিক্ষা ও মাসায়েল:

এক. তারাবির সালাত সুন্নত, নবী সাল্লাল্লাহু আলাইহি ওয়াসাল্লাম তার সূচনা করেন, কিন্তু মুসলিমদের ওপর ফরয হওয়ার আশঙ্কায় তিনি তা ত্যাগ করেন। লোকেরা এ সালাত একা একা আদায় করত তার ও আবু বকরের যামানায়, যখন ওমরের যুগ আসে তিনি সবাইকে এক ইমামের পিছনে একত্র করেন। এভাবে তিনি নবীর সুন্নত জীবিত করেন। তার যামানায় ও তার পরবর্তী যামানার মুসলিমগণ একমত যে, তারাবির জামাত মুস্তাহাব।<sup>62</sup>

দুই. কম মর্যাদাপূর্ণ ব্যক্তি কখনো এমন সুন্নত জীবিত করেন, অধিক মর্যাদাপূর্ণ ব্যক্তি যা করতে পারেন নি। যেমন মহান এ সুন্নত জীবিত করার তওফিক আল্লাহ ওমরকে দিয়েছেন, আবু বকরকে দেননি, অথচ তিনি ওমরের চেয়ে উত্তম। সকল কল্যাণের ক্ষেত্রে তিনি ওমরের চেয়ে অগ্রগামী ছিলেন। ওমর বলেছেন: “আল্লাহর শপথ আমি কোন জিনিসে তার অগ্রগামী হতে পারব না”।<sup>63</sup>

রমযানে আলি রাদিয়াল্লাহু আনহু যখন মসজিদের পাশ দিয়ে অতিক্রম করতেন, তাতে বাতি জ্বালানো দেখে বলতেন: “আল্লাহ ওমরের কবরকে নুরাশ্বিত করুন, যেমন তিনি আমাদের মসজিদগুলো নুরাশ্বিত করেছেন”।<sup>64</sup> অর্থাৎ সালাতে তারাবিহ দ্বারা। তাই মুসলিম কোন কল্যাণের ব্যাপারে নিজেকে ছোট বা হীন মনে করবে না, আল্লাহ তার থেকে এমন খিদমত নিতে পারেন, যা তার চেয়ে উত্তম ব্যক্তিদের থেকে নেননি। এটা আল্লাহর অনুগ্রহ, তিনি যাকে ইচ্ছা এ অনুগ্রহ দান করেন।

তিন. মুসলিমদের জামাত ও তাদের একতা বিচ্ছিন্নতা থেকে উত্তম। ইমামের কর্তব্য মুসলিমদের মাঝে একতা প্রতিষ্ঠা করা।

চার. সুন্নতের ব্যাপারে ইমামের ইজতিহাদ মেনে নেয়া অন্যদের ওপর অবশ্য জরুরী, এতে তার আনুগত্য করা ওয়াজিব। যেমন ওমর যখন তাদের সবাইকে এক ইমামের পিছনে একত্র করেন, সাহাবায়ে কেলাম তা মেনে নেন ও ওমরের আনুগত্য করেন।

পাঁচ. সবাই মিলে সুন্নত জীবিত করা ও একসাথে ইবাদত আদায় করা বরকতপূর্ণ। কারণ জমাতে প্রত্যেকের দো‘আ প্রত্যেককে অন্তর্ভুক্ত করে। এ জন্য জমাতের সালাত একাকী সালাতের চেয়ে সত্তরগুণ বেশি ফযিলত রাখে।

<sup>61</sup> ইব্ন খুযাইমা: (১১০০), আলবানি সহীহ ইব্ন খুযাইমার টিকায় হাদিসটি সহিহ বলেছেন।

<sup>62</sup> একাধিক আলেম এ মতের ওপর ইজমা বর্ণনা করেছেন, তার মধ্যে অন্যতম ইমাম নববী, দেখুন: তাহযিবুল আসমা ওয়াল লুগাত: (২/৩৩২)

<sup>63</sup> আবু দাউদ: (১৬১৮), তিরমিযি: (৩৬৭৫), তিনি হাদিসটি হাসান ও সহিহ বলেছেন।

<sup>64</sup> ইব্ন আসাকের তার তারিখে বর্ণনা করেছেন: (৪৪/২৮০), এবং ইব্ন আব্দুল বার তার তামহিদ গ্রন্থে: (৮/১১৯)

# ইসলামিক আলো

সায়িদ ইব্ন জুবাইর রহ. বলেছেন: “আমার নিকট সূরা গাশিয়াহ পাঠকারী ইমামের পিছনে সালাত আদায় করা অধিক উত্তম, একাকী সালাতে আমার একশ আয়াত তিলাওয়াত করার চেয়ে”।<sup>65</sup>

হয়. কারণবশত কোন আমল ত্যাগ করলে, কারণ শেষে তা পুনরায় আরম্ভ করা দুরন্ত আছে, যেমন ওমর রাদিয়াল্লাহু আনহু রমযানের তারাবির জামাত পুনরায় আরম্ভ করেন।

সাত. কুরআনের হাফেয ও কুরআনের অধিক জ্ঞানের অধিকারী ব্যক্তি যথাসম্ভব ইমামতি করবেন, যেমন ওমর তাদের মধ্যে বড় কারী উবাই ইব্ন কা'বকে প্রাধান্য দিয়েছেন। এটা উত্তম কিন্তু ওয়াজিব নয়, কারণ ওমর তামিমে দারিকেও ইমামতির দায়িত্ব দিয়েছেন, অথচ তার চেয়ে বড় কারী সাহাবিদের মধ্যে বিদ্যমান ছিল।

আট. তারাবির সালাতে অন্যান্য মুসলিমদের ন্যায় নারীরা মসজিদে উপস্থিত হতে পারবে, অনুরূপ ফিতনার আশঙ্কা না থাকলে শুধু নারীদের পুরুষ ইমামতি করতে পারবে।

নয়. ইমাম যদি ইমামতের নিয়ত না করে, তবু মুসল্লি তার পিছনে ইকতিদা করতে পারবে।

দশ. দুই সালাম অথবা চার সালাম অথবা কিয়ামের পর যদি ইমামের বিরতি নেয়ার অভ্যাস থাকে, তাহলে এ বিরতিতে মুক্তাদির নফল পড়া বৈধ নয়। ইমাম আহমদ এটা মাকরুহ বলেছেন, তিনজন সাহাবি থেকে তিনি তা বর্ণনা করেন: উবাদাহ ইব্ন সামেত, আবু দারদাহ ও উকবাহ ইব্ন আমের রাদিয়াল্লাহু আনহুম।<sup>66</sup>

এগারো. এক ইমামের পিছনে তারাবিহ শেষ করে, যদি অন্য ইমামের পিছনে তারাবির জমাতে শরীক হয়, এতে দোষ নেই।<sup>67</sup>

বারো. রমযানের নফল ব্যতীত অন্য নফলের জন্য ক্রমান্বয়ে একত্র হওয়া বৈধ নয়, বরং অন্যান্য নফল একসাথে আদায় করা বিদআত, যেমন রাতের নফলের জন্য একত্র হওয়া অথবা নির্দিষ্ট রাতে নফল আদায়ের জন্য একত্র হওয়া ইত্যাদি। কারণ নবী সাল্লাল্লাহু আলাইহি ওয়াসাল্লাম রমযান ব্যতীত কোন নফলে সাহাবিদের একত্র করেন নি। তিনি যেহেতু ফরয হওয়ার আশঙ্কায় ত্যাগ করেছেন, তাই পরবর্তীতে ওমর রাদিয়াল্লাহু আনহু তা জীবিত করেন।

<sup>65</sup> ইব্ন আব্দুল বার ফিত তামহিদ: (৮/১১৮)

<sup>66</sup> আল-ইস্তেযকার: (২/৭২)

<sup>67</sup> আনাস ইব্ন মালেক রাদিয়াল্লাহু আনহু এটা বৈধ বলেছেন, ইমাম আহমদ বলেছেন এতে কোন সমস্যা নেই। দেখুন: মুগনি: (১/৪৫৭)

# ইসলামিক আলো

## ৯. রোযাদারের গোসল ও শীতলতা অর্জন করা

আয়েশা রাদিয়াল্লাহু আনহু থেকে বর্ণিত, তিনি বলেন:

«كَانَ رَسُولُ اللَّهِ يُصْبِحُ جَذْبًا مَيِّعَتَيْلٍ ثُمَّ يَغْدُو إِلَى الْمَسْجِدِ وَرَأْسُهُ قَطُرٌ ثُمَّ يَصُومُ ذَلِكَ الْيَوْمَ» رواه أحمد.

“রাসূলুল্লাহ সাল্লাল্লাহু আলাইহি ওয়াসাল্লাম প্রত্যুষ করতেন নাপাক অবস্থায়, অতঃপর গোসল করে মসজিদে যেতেন, তখনো তার মাথা থেকে পানি টপকাত, অতঃপর সেদিনের সওম পালন করতেন”।<sup>68</sup>

আবু বকর ইব্ন আব্দুর রহমান নবী সাল্লাল্লাহু আলাইহি ওয়াসাল্লামের জনৈক সাহাবি থেকে বর্ণনা করেন, তিনি বলেছেন:

«قَالَ رَسُولُ اللَّهِ بِالْعَرَجِ يَصْبُ عَلَى رَأْسِهِ الْمَاءَ وَهُوَ صَلَائِمٌ مِنَ الْعَطَشِ أَوْ مِنَ الْحَرِّ» رواه أبو داود.

আমি রাসূলুল্লাহ সাল্লাল্লাহু আলাইহি ওয়াসাল্লামকে আরজ নামক স্থানে দেখেছি, তিনি সওম অবস্থায় মাথায় পানি দিচ্ছেন, পিপাসার কারণে অথবা গরমের কারণে”।<sup>69</sup>

ইমাম বুখারি রহ. বলেন: ইব্ন ওমর রাদিয়াল্লাহু আনহু সওম অবস্থায় কাপড় ভিজিয়ে গায়ে রেখেছেন। ইমাম শাবি রোযা অবস্থায় গোসলখানায় প্রবেশ করেছেন। ইব্ন আব্বাস রাদিয়াল্লাহু আনহু বলেন: “সওম অবস্থায় রান্নার ডেগ চেখে দেখা বা কোন বস্তুর স্বাদ পরীক্ষা করা দোষের নয়”। হাসান রহ. বলেন: “রোযাদারের কুলি ও শীতলতা অর্জন দোষের নয়”। ইব্ন মাসউদ রাদিয়াল্লাহু আনহু বলেন: “যখন তোমাদের কারো সওমের দিন হয়, সে যেন সকালে তেল দেয় ও চিরনি করে”। আনাস রাদিয়াল্লাহু আনহু বলেন: “আমার ছোট একটি হাউজ আছে, তাতে আমি সওম অবস্থায় ডুব দেই”।<sup>70</sup>

### শিক্ষা ও মাসায়েল:

এক. রোযাদারের জন্য জায়েয আছে গরম বা তৃষ্ণা হালকা করার জন্য পুরো শরীর বা কোন অংশে পানি দেয়া, এটা ওয়াজিব গোসল, অথবা মোস্তাহাব গোসল অথবা বিনা প্রয়োজনে হতে পারে।<sup>71</sup>

দুই. রোযাদারের জন্য পানিতে ডুবে থাকা বৈধ, তবে সতর্ক থাকবে পেটে যেন পানি প্রবেশ না করে।<sup>72</sup>

তিন. ইবাদতকারীর কষ্ট হলে বৈধ উপায়ে তা লাঘব করা দোষের নয়, এটাকে অধৈর্য গণ্য করা হবে না, এর থেকে বিরত থাকা ঠিক নয়।

<sup>68</sup> আহমদ: (৬/৯৯) নাসায়ি ফিল কুবরা: (২৯৮৬), আবু ইয়ালা: (৪৭০৮), বাযযার: (১৫৫২), তায়ালিসি: (১৫০৩), তার সনদ সহিহ, হাদিসটি বুখারি ও মুসলিমে আছে অন্য শব্দে।

<sup>69</sup> আবু দাউদ: (২৩৬৫), আহমদ: (৩/৪৭৫), মুআত্তা মালেক: (১/২৯৪), তার থেকে মুসনাদে শাফি: (১/১৫৭), হাকেম: (১/৫৯৮), হাদিসটি সহিহ বলেছেন ইব্ন আব্দুল বারর ফিত তামহিদ: (২২/৪৭), হাফেয ফি তাগলিকিত তালিক: (৩/১৫৩), আইনি ফি উমদাতিল কারি: (১১/১১), আলবানি ফি সহিহ আবু দাউদ।

<sup>70</sup> বুখারি: (২/৬৮১), দেখুন: তাগলিকুত তালিক: (৩/১৫১)

<sup>71</sup> আউনুল মাবুদ: (৬/৩৫২)

<sup>72</sup> মিরকাতুল মাফাতিহ: (৪/৪৪১)

# ইসলামিক আলো

চার. মানুষ দুর্বল ও অপারগ, তার উচিত কষ্ট দূর করার জন্য বৈধ উপায় গ্রহণ করা।

পাঁচ. সওম অবস্থায় গোসলখানায় গরম পানি ব্যবহার করা বৈধ, অনুরূপ সুগন্ধি ও তৈল ব্যবহার করা, চিরনি করা বৈধ, ঘ্রাণ জাতীয় বস্তুর কারণে সওম নষ্ট হয় না, এগুলো রোযাদারের জন্য মাকরুহ নয়।

ছয়. রোযাদার ঠাণ্ডা ও পবিত্রতা অর্জনের জন্য হাউজ, ট্যাংকি, পুকুর ইত্যাদি ব্যবহার করতে পারবে, এ কারণে সওম নষ্ট হবে না।

সাত. প্রয়োজনে বাবুর্চি খানার স্বাদ পরীক্ষা করতে পারবে, তবে তা যেন পেটে প্রবেশ না করে। ইমাম আহমদ রহ. বলেন: “আমার কাছে পছন্দনীয় হলো সওম অবস্থায় খাবারের স্বাদ পরীক্ষা না করা, তবে কেউ তা করলে সমস্যা নেই”।<sup>73</sup>

সৌদি আরবের স্থায়ী ফতোয়া পরিষদ সওম অবস্থায় খাবারের স্বাদ চেখে দেখা জায়েয ফতোয়া দিয়েছে।<sup>74</sup>

---

<sup>73</sup> আল-মুগনি: (৩/১৯)

<sup>74</sup> ফাতাওয়া লাজনা দায়েমা: ফাতাওয়া নং: (৯৮৪৫) শায়খ উসাইমিন “ফাতাওয়া আরকানুল ইসলামে” তিনি অনুরূপ ফাতাওয়া দিয়েছেন, ফাতাওয়া নং: (৪৮৪)



# ইসলামিক আলো

## ১০. সিয়াম ফরযের ধাপসমূহ

বারা রাদিয়াল্লাহু আনহু থেকে বর্ণিত, তিনি বলেন: “নবী সাল্লাল্লাহু আলাইহি ওয়াসাল্লামের সাহাবীদের অভ্যাস ছিল, তাদের সিয়াম শেষে যখন খানা উপস্থিত হত, আর তারা খানা না খেয়ে যদি ঘুমিয়ে যেতেন, তাহলে সে রাত ও পরবর্তী দিনে তারা খেতেন না। কাইস ইব্ন সিরমা আল-আনসারি রাদিয়াল্লাহু আনহু সওম শেষে খানার সময় স্ত্রীর কাছে এসে বললেন: তোমার নিকট খাবার আছে? উত্তরে স্ত্রী বলল: নেই, তবে আমি তোমার জন্য ব্যবস্থা করছি। সে ছিল দিনের কর্মকান্ত, তার দু’চোখে ঘুম এসে গেল। তার স্ত্রী এসে তাকে দেখে বলল: আফসোস আপনি বঞ্চিত হলেন। পরদিন যখন দুপুর হল, তিনি সংজ্ঞাহীন হয়ে পড়লেন। নবী সাল্লাল্লাহু আলাইহি ওয়াসাল্লামকে বিষয়টি অবগত করানো হল। অতঃপর আল্লাহ তা’আলা নাযিল করলেন:

[البقرة: 187] (۱۸۷) اٰ۟لَکُمۡ لَیۡلَةُ الصَّیَّامِ الرَّفَثُ اِلٰیۤیۡ نَسَا۟ئِکُمْ

“সিয়ামের রাতে তোমাদের জন্য তোমাদের স্ত্রীদের নিকট গমন হালাল করা হয়েছে।”<sup>75</sup> তারা এ আয়াতের কারণে খুব খুশি হলেন, অতঃপর নাযিল হল:

[البقرة: 187] (۱۸۷) کُلُواْ وَاَشْرَبُواْ حَتّٰی یَبۡدِیَنَّ لَکُمۡ الْخَیۡطُ الْاَبۡیَضُ مِنَ الْخَیۡطِ الْاَسۡوَدِ مِّنۡ اَفۡجَرٍ (۱۸۷)

“আর আহার কর ও পান কর যতক্ষণ না ফজরের সাদা রেখা কাল রেখা থেকে স্পষ্ট হয়”<sup>76</sup>।<sup>77</sup>

মুয়ায ইব্ন জাবাল রাদিয়াল্লাহু আনহু থেকে বর্ণিত, তিনি বলেন: “সালাতের তিনটি ধাপ অতিক্রম করেছে, অনুরূপ সিয়ামের তিনটি ধাপ অতিক্রম করেছে... তিনি সালাতের তিন ধাপ উল্লেখ করেন। অতঃপর সিয়ামের ব্যাপারে বলেন: রাসূলুল্লাহ সাল্লাল্লাহু আলাইহি ওয়াসাল্লাম প্রত্যেক মাসের তিন দিন ও আশুরার সওম পালন করতেন। অতঃপর আল্লাহ তা’আলা নাযিল করেন:

[البقرة: 183-184] (۱۸۴) یٰۤاَیُّهَا الَّذِیۡنَ اٰمَنُوۡا کُتِبَ عَلَیۡکُمُ الصَّیَّامُ کَمَا کُتِبَ عَلَی الَّذِیۡنَ مِنۡ قَبۡلِکُمۡ لَعَلَّکُمۡ تَتَّقُوۡنَ (۱۸۳) اِلٰی قَوْلِهِ: (طَعَامٌ مِّنۡ سِتِّیۡنَ ۱۸۴)

“হে মুমিনগণ, তোমাদের উপর সিয়াম ফরয করা হয়েছে, যেভাবে ফরয করা হয়েছিল তোমাদের পূর্ববর্তীদের উপর। যাতে তোমরা তাকওয়া অবলম্বন কর... একজন দরিদ্রকে খাবার প্রদান করা”<sup>78</sup> তখন যার ইচ্ছা সওম পালন করত, যার ইচ্ছা ইফতার করত ও প্রত্যেক দিনের বিনিময়ে একজন মিসকিনকে খাদ্য দিত। এটা তখন হালাল ছিল, অতঃপর আল্লাহ তা’আলা নাযিল করেন:

[البقرة: 185] (۱۸۵) اِلٰی (یَّامِ اُحَرَ ۱۸۵) اِنَّ رَمَضَانَ الَّذِیۡ اُنۡزِلَ فِیۡهِ الْفُرۡقَانُ

<sup>75</sup> সূরা বাকারা: (১৮৭)

<sup>76</sup> সূরা বাকারা: (১৮৭)

<sup>77</sup> বুখারি: (১৮১৬), আবু দাউদ: (২৩১৪), তিরমিযি: (২৯৬৮), আহমদ: (৪/২৯৫)

<sup>78</sup> সূরা বাকারা: (১৮৩)

# ইসলামিক আলো

“রমযান মাস, যাতে কুরআন নাযিল করা হয়েছে... অন্যান্য দিবসে সংখ্যা পূরণ করে নেবে”।<sup>79</sup> এরপর থেকে যে রমযান পায়, তার ওপর সওম ওয়াজিব হয়, মুসাফির সফর শেষে কাযা করবে, যারা বৃদ্ধ- সওম পালনে অক্ষম, তাদের ব্যাপারে ফিদিয়া তথা খাদ্য দান বহাল থাকে”।<sup>80</sup>

মুসনাদে আহমদের অপর বর্ণনায় আছে: “আর সিয়ামের ধাপ হচ্ছে রাসূলুল্লাহ সাল্লাল্লাহু আলাইহি ওয়াসাল্লাম মদিনায় আগমন করে প্রত্যেক মাসে তিন দিন সওম পালন আরম্ভ করেন। ইয়াযিদ ইব্ন হারুন বলেন: “তিনি নয় মাস তথা রবিউল আউয়াল থেকে রমযান পর্যন্ত প্রত্যেক মাসে তিন দিন ও আশুরার সওম পালন করেন। অতঃপর আল্লাহ তার উপর সিয়ামের ফরয নাযিল করেন:

﴿يٰۤاَيُّهَا الَّذِيْنَ اٰمَنُوْا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِيْنَ مِنْ قَبْلِكُمْ لَعَلَّكُمْ تَتَّقُوْنَ﴾ (۱۸۳) إِلَىٰ هَذِهِ الْآيَةِ: ﴿وَعَلَى الَّذِيْنَ يُطِيقُوْنَهُ فِتْيَةٌ طَعَامُ مَشْكِيْنٍ﴾ (۱۸۴) [البقرة: 183-184]

“হে মুমিনগণ, তোমাদের উপর সিয়াম ফরয করা হয়েছে, যেভাবে ফরয করা হয়েছিল তোমাদের পূর্ববর্তীদের উপর... আর যাদের জন্য তা কষ্টকর হবে, তাদের কর্তব্য ফিদয়া, একজন দরিদ্রকে খাবার প্রদান করা”।<sup>81</sup> তিনি বলেন: তখন যার ইচ্ছা সওম পালন করত, যার ইচ্ছা খাদ্য প্রদান করত, খাদ্যদান যথেষ্ট ছিল। তিনি বলেন: অতঃপর আল্লাহ তা’আলা অপর আয়াত নাযিল করেন:

﴿شَهْرُ رَمَضَانَ الَّذِي اُنْزِلَ فِيْهِ الْقُرْآنُ﴾ إِلَىٰ قَوْلِهِ ( فَمَنْ شَهِدَ مِنْكُمُ الشَّهْرَ فَلْيَصُمْهُ ۝ ۱۸۵) [البقرة: 185]

“রমযান মাস, যাতে কুরআন নাযিল করা হয়েছে... সুতরাং তোমাদের মধ্যে যে মাসটিতে উপস্থিত হবে, সে যেন তাতে সিয়াম পালন করে”।<sup>82</sup> তিনি বলেন: আল্লাহ তা’আলা মুকিম ও সুস্থ ব্যক্তির উপর সিয়াম জরুরী করে দেন, অসুস্থ ও মুসাফিরকে তাতে শিথিলতা প্রদান করেন। আর যে সিয়াম পালনে অক্ষম, তার ব্যাপারে খাদ্যদান বহাল থাকে। এ হল দুটি ধাপ। তিনি বলেন: তারা ঘুমের আগ পর্যন্ত পানাহার ও স্ত্রীগমন করত, যখন তারা ঘুমাইত তা থেকে বিরত থাকত। তিনি বলেন: কায়েস ইবন সিরমাহ নামক জনৈক আনসারি সওম অবস্থায় সন্ধ্যা পর্যন্ত কাজ করেন, অতঃপর স্ত্রীর নিকট এসে এশার সালাত আদায় করেন। অতঃপর পানাহার না করে ঘুমিয়ে পড়েন, অবশেষে সকালে উঠেন ও সওম রাখেন। তিনি বলেন: রাসূলুল্লাহ সাল্লাল্লাহু আলাইহি ওয়াসাল্লাম তাকে দেখেন যে, সে খুব ক্লান্ত হয়ে গেছে। তিনি বললেন: কি হয়েছে, তোমাকে এতো ক্লান্ত দেখছি কেন? সে বলল: হে আল্লাহর রাসূল, আমি গতকাল কাজ করেছি, অতঃপর বাড়িতে এসে শুয়ে পড়ি ও ঘুমিয়ে যাই, যখন ভোর করেছি, সওম অবস্থায় ভোর করেছি। তিনি বলেন: ওমর রাদিয়াল্লাহু আনহু ঘুম থেকে উঠে স্ত্রীগমন করে ছিলেন। তিনি নবী সাল্লাল্লাহু আলাইহি ওয়াসাল্লামের নিকট এসে বলেন: অতঃপর আল্লাহ তা’আলা নাযিল করেন:

﴿حُلِّ لَكُمْ لَيْلَةُ الصِّيَامِ الرَّفَثُ إِلَىٰ نِسَائِكُمْ﴾ إِلَىٰ قَوْلِهِ: ﴿تَجَمُّوْا الصِّيَامَ إِلَىٰ ۝ ۱۸۷﴾ [البقرة: 187]

<sup>79</sup> সূরা বাকারা: (১৮৫)

<sup>80</sup> আবু দাউদ: (৫০৭), আহমদ: (৫/২৪৬), তাবরানি ফিল কাবির: (২০/১৩২), হাদিস নং: (২৭০), হাকেম: (২/৩০১), তিনি হাদিসটি সহিহ বলেছেন, আর ইমাম যাহাবি তার সমর্থন করেছেন। দ্বিতীয় বর্ণনা আহমদ থেকে নেয়া, হাকেম তা সহিহ বলেছেন ও ইমাম যাহাবি তার সমর্থন করেছেন, কিন্তু তাতে দুর্বলতা রয়েছে, তবে তার অন্যান্য শাহেদ হাদিস আছে।

<sup>81</sup> সূরা বাকারা: (১৮৩)

<sup>82</sup> সূরা বাকারা: (১৮৫)

# ইসলামিক আলো

“সিয়ামের রাতে তোমাদের জন্য তোমাদের স্ত্রীদের নিকট গমন হালাল করা হয়েছে... অতঃপর রাত পর্যন্ত সিয়াম পূর্ণ কর”।<sup>83</sup>

## শিক্ষা ও মাসায়েল:

১. ইবাদতের এ সহজ রূপ বান্দার উপর আল্লাহর বিশেষ অনুগ্রহ, কারণ সিয়াম ফরযের ধাপগুলোতে দেখা যায়: সূর্যাস্তের পর যে ঘুমিয়ে পড়ত অথবা এশা থেকে ফারেগ হত, সে আগামীকালের সূর্যাস্ত পর্যন্ত পানাহার থেকে বিরত থাকত, এ জন্য তারা খুব কষ্ট ও ক্লান্তির সম্মুখীন হত, যেমন উপরে এক সাহাবির ঘটনা থেকে জানলাম। অতঃপর আল্লাহ তা‘আলা রমযানের রাতে পানাহার ও স্ত্রীগমন বৈধ করে তাদের ওপর সহজ করলেন, সূর্যাস্তের পর ঘুমিয়ে যাক বা জাগ্রত থাক। এটা ছিল আল্লাহর পক্ষ থেকে রুখসত। সকল প্রশংসা আল্লাহর।

দুই. স্বামীর খেদমত করা একজন ভাল স্ত্রীর বৈশিষ্ট্য ও একান্ত হিতাকাঙ্ক্ষী হওয়ার আলামত।

তিন. এতে সাহাবিদের ধর্মপরায়ণতা, আল্লাহর আদেশের কাছে নতি স্বীকার করা, তাঁর বিরোধিতাকে ভয় করা এবং প্রকাশ্যে ও অপ্রকাশ্যে আল্লাহকে স্মরণ করার দৃষ্টান্ত রয়েছে। কতক বর্ণনায় এসেছে: “স্ত্রী আসতে দেৱী করেন, ফলে সে ঘুমিয়ে যায়। স্ত্রী এসে তাকে জাগ্রত করেন, কিন্তু সে আল্লাহ ও তার রাসূলের নাফরমানী অপছন্দ করে খানা থেকে বিরত থাকেন ও সওম অবস্থায় সকাল করেন”।<sup>84</sup> অপর বর্ণনায় আছে: “তিনি মাথা রেখে তন্দ্রায় যান, তার স্ত্রী খানা নিয়ে এসে বলে: খান, সে বলে: আমি তো ঘুমিয়ে ছিলাম। সে বলল: আপনি ঘুমাননি। অতঃপর সে অভুক্ত অবস্থায় প্রতুষ করে”।<sup>85</sup>

চার. আল্লাহর পক্ষ থেকে রুখসত তথা শিথিল বিধান পেয়ে আনন্দ প্রকাশ করা বৈধ, এটা আযীমতের বিপরীত নয়, কারণ উভয় আল্লাহর পক্ষ থেকে, তিনি যেকোন রুখসত পছন্দ করেন, অনুরূপ আযীমত পছন্দ করেন।

পাঁচ. আল্লাহর পক্ষ থেকে বান্দার ওপর রহমত যে, তিনি তাদের জন্য এমন ইবাদত রচনা করেন, যাতে রয়েছে তাদের অন্তর ও আত্মার পরিশুদ্ধতা।

ছয়. আল্লাহ অনভ্যস্ত বিষয়ে বিধান দানে বিভিন্ন ধাপ গ্রহণ করেন, যেমন তিনি সালাত ও সিয়াম তিন ধাপে ফরয করেন। অনুরূপ মদ নিষেধাজ্ঞার বিধান বিভিন্ন ধাপে এসেছে, যেন তারা ধীরে ধীরে অভ্যস্ত হয়।

সাত. রোযা ক্রমান্বয়ে ফরয হয়েছে, কারণ ইসলামের সূচনাকালে তারা রোযায় অভ্যস্ত ছিল না। যেমন মুয়ায থেকে বর্ণিত হাদিসের দ্বিতীয় বর্ণনায় এসেছে, তিনি বলেন: “তারা সিয়ামে অভ্যস্ত ছিল না, তাদের উপর সিয়াম খুব কষ্টকর ছিল”।<sup>86</sup>

আট. তিন ধাপে সিয়াম ফরয হয়েছে:

<sup>83</sup> সূরা বাকারা: (১৮৭)

<sup>84</sup> তাবারি: (২/১৬৭)

<sup>85</sup> তাবারি: (২/১৬৮)

<sup>86</sup> আবু দাউদ: (৫০৬), বায়হাকি ফিস সুনান: (৪/২০১), ফাযায়েলুল আওকাত: (৩০), আলবানি সহিহ আবু দাউদে হাদিসটি সহিহ বলেছেন।

# ইসলামিক আলো

১. প্রতিমাসে তিন দিন ও আশুরার রোযা।
২. রমযানে রোযা পালন বা খাদ্য দান, সিয়াম পালনে অনিচ্ছুকদের কোন একটি বেছে নেয়ার ইখতিয়ার।
৩. রমযানের রোযা সুস্থ ব্যক্তির ওপর ফরয, রোযার পরিবর্তে খাদ্য দানের বিধান শুধু বৃদ্ধ ব্যক্তির জন্য প্রযোজ্য, যে রোযা পালনে সক্ষম নয়, সে রোগী এর অন্তর্ভুক্ত, যার আরোগ্য লাভের সম্ভাবনা নেই।

# ইসলামিক আলো

## ১১. তারাবির সালাতের বিধান

যায়েদ ইব্ন সাবেত রাদিয়াল্লাহু আনহু থেকে বর্ণিত, তিনি বলেন: “রাসূলুল্লাহ সাল্লাল্লাহু আলাইহি ওয়াসাল্লাম চাটাই দ্বারা একটি ছোট হুজরার ন্যায় বানিয়ে তাতে সালাত আদায়ের জন্য বের হন, লোকেরা তার পিছু নিল ও তার সাথে সালাত আদায় করতে লাগল। অতঃপর তারা পরবর্তী রাতে উপস্থিত হল, রাসূলুল্লাহ সাল্লাল্লাহু আলাইহি ওয়াসাল্লাম বিলম্ব করলেন, বের হলেন না, তারা জোরে আওয়াজ দিতে লাগল ও দরজায় ছোট পাথর নিক্ষেপ করে জানান দিচ্ছিল, রাসূলুল্লাহ সাল্লাল্লাহু আলাইহি ওয়াসাল্লাম তাদের নিকট রাগান্বিত অবস্থায় বের হলেন, অতঃপর বললেন: তোমাদের এ কর্ম দেখে আমার ধারণা হচ্ছে তোমাদের ওপর এ সালাত ফরয করে দেয়া হবে, তোমরা তোমাদের ঘরে সালাত আদায় কর, কারণ ব্যক্তির সালাত ঘরেই উত্তম, শুধু ফরয ব্যতীত”।<sup>৪৭</sup>

অপর বর্ণনায় আছে: “আমার আশঙ্কা হচ্ছে তোমাদের ওপর এ সালাত ফরয করা হবে, আর যদি ফরয করা হয় তোমরা তা আদায় করতে পারবে না”।<sup>৪৮</sup>

### শিক্ষা ও মাসায়েল:

এক. দুনিয়ার প্রতি নবী সাল্লাল্লাহু আলাইহি ওয়াসাল্লামের অনাসক্তি, তিনি খুব নরমাল ও অনাড়ম্বর আসবাব পত্র ব্যবহার করতেন।

দুই. নবী সাল্লাল্লাহু আলাইহি ওয়াসাল্লাম অধিক ইবাদত করতেন, অথচ তার অগ্র-পশ্চাতের সকল পাপ মোচন করা হয়েছে।

তিন. নবী সাল্লাল্লাহু আলাইহি ওয়াসাল্লামের আনুগত্যের প্রতি সাহাবিদের আগ্রহ।

চার. কিয়ামুল্লাইলের ফযিলত, বিশেষ করে রমযানে।

পাঁচ. মসজিদে নফল সালাত বৈধ।<sup>৪৯</sup>

ছয়. তারাবির সালাত নবী সাল্লাল্লাহু আলাইহি ওয়াসাল্লামের সুন্নত, তিনি এর সূচনা করেছেন। অতঃপর উম্মতের ওপর ফরয হওয়ার আশঙ্কায় তা ত্যাগ করেন। পুনরায় ওমর রাদিয়াল্লাহু আনহু তা জীবিত করেন।<sup>৫০</sup>

সাত. আমির বা মুসলিম প্রধান যখন অভ্যাসের বিপরীত কিছু করেন, তখন তার কারণ বলে দেয়া উচিত, যেমন নবী সাল্লাল্লাহু আলাইহি ওয়াসাল্লাম বলেছেন।<sup>৫১</sup>

<sup>৪৭</sup> বুখারি: (৫৭৬২), মুসলিম: (৭৮১)

<sup>৪৮</sup> বুখারি: (৬৮৬০), মুসলিম: (৭৮১)

<sup>৪৯</sup> শরহুন নববী আলাল মুসলিম: (৬/৬৯)

<sup>৫০</sup> ফাতহুল বারি: (৩/১৪)

<sup>৫১</sup> ফাতহুল বারি: (৩/১৪), তারহত দাসরিব: (৩/৯০)

# ইসলামিক আলো

আট. উম্মতের ওপর নবী সাল্লাল্লাহু আলাইহি ওয়াসাল্লামের দয়া যে, তিনি তাদের ওপর ইবাদতের চাপ কমিয়ে দিয়েছেন। আল্লাহ তাকে আমাদের পক্ষ থেকে উত্তম প্রতিদান দান করুন। আমির ও মুরাব্বিদের উচিত নবী সাল্লাল্লাহু আলাইহি ওয়াসাল্লামের এ আদর্শ গ্রহণ করা।<sup>92</sup>

নয়. অনিষ্ট থেকে সুরক্ষার জন্য কতক স্বার্থ ত্যাগ করা বৈধ, অনুরূপ অধিক গুরুত্বপূর্ণকে অগ্রাধিকার দেয়া জরুরী।<sup>93</sup>

দশ. জমাতের সাথে নফল আদায়ের সময় আযান ও ইকামত নেই, যেমন তারাবির সালাত।<sup>94</sup>

এগার. নফল সালাত মসজিদের তুলনায় ঘরে পড়া অধিক উত্তম, তবে যে নফল জামাতসহ পড়া উত্তম তা ব্যতীত, যেমন ইস্তেস্কা ও তারাবির সালাত।<sup>95</sup>

---

<sup>92</sup> ফাতহুল বারি: (৩/১৪)

<sup>93</sup> শারহুন নববী আলা মুসলিম: (৬/৬৯), ফাতহুল বারি: (৩/১৪)

<sup>94</sup> ফাতহুল বারি: (৩/১৪), তারহুত তাসরিব: (৩/৯০)

<sup>95</sup> শারহুন নববী আল্লাল মুসলিম: (৬/৭০), মিরকাতুল মাফাতিহ: (৩/৩৩৪)

# ইসলামিক আলো

## ১২. সিয়াম পাপ মোচনকারী

আল্লাহ তা'আলা বলেন:

إِنَّمَا أَمْوَالُكُمْ وَأَوْلَادُكُمْ فِتْنَةٌ وَاللَّهُ عِنْدَ أَجْرٍ عَظِيمٍ (التغابن: 15)

“তোমাদের ধন-সম্পদ ও সন্তান-সন্ততি তো কেবল পরীক্ষা বিশেষ। আর আল্লাহর নিকটই মহান প্রতিদান।”<sup>96</sup>

يَا أَيُّهَا الَّذِينَ آمَنُوا اتَّقُوا اللَّهَ مَا كَانُوا يَتَّقُونَ (الأنبياء: 15)

“আর ভাল ও মন্দ দ্বারা আমি তোমাদেরকে পরীক্ষা করে থাকি এবং আমার কাছেই তোমাদেরকে ফিরে আসতে হবে।”<sup>97</sup> আয়াতদ্বয়ে “ফিতনা” শব্দটি পরীক্ষা অর্থে ব্যবহৃত হয়েছে। ইব্ন আব্বাস রাদিয়াল্লাহু আনহু এর অর্থ বলেন: “আমি তোমাদেরকে সুখ-দুঃখ, সুস্থতা-অসুস্থতা, প্রাচুর্য-দারিদ্র, হালাল-হারাম, পাপ-পুণ্য এবং হেদায়েত ও গোমরাহির মাধ্যমে পরীক্ষা করব।”<sup>98</sup>

হুযাইফা রাদিয়াল্লাহু আনহু বলেন, ওমর রাদিয়াল্লাহু আনহু বলেছেন:

«مَنْ يَحْفَظُ حَدِيثًا عَنِ النَّبِيِّ فِي الْفِتْنَةِ؟ قَالَ حُنَيْفَةُ: أَأَنَا سَمِعْتُ يُقُولُ: فِتْنَةُ الرَّجُلِ فِي أَهْلِيهِ وَمَالِهِ وَجَارِهِ تُكْفَرُهَا الصَّلَاةُ وَالصِّيَامُ وَالصَّدَقَةُ»

“ফেতনা সম্পর্কে রাসূলুল্লাহ সাল্লাল্লাহু আলাইহি ওয়াসাল্লামের হাদিস কার মনে আছে? হুযাইফা রাদিয়াল্লাহু আনহু বলেন: আমি তাকে বলতে শুনেছি, ব্যক্তির ফিতনা তার পরিবার-পরিজনে, মাল-সম্পদে ও তার প্রতিবেশীর মধ্যে, যার কাফফারা হয় সালাত, সিয়াম ও সদকা।”<sup>99</sup>

আবু হুরাইরা রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম আল্লাহর থেকে বর্ণনা করেন:

«لِكُلِّ عَمَلٍ كَفَّارَةٌ، وَالصَّوْمُ لِيَوَّأَنَا أَجْزِي بِهِ...» رواه البخاري.

“প্রত্যেক আমলের কাফফারা রয়েছে, আর সওম হচ্ছে আমার জন্য, আমি তার প্রতিদান দেব।”<sup>100</sup>

মুসনাদে আহমাদে রয়েছে:

«كُلُّ الْعَمَلِ كَفَّارَةٌ إِلَّا الصَّوْمَ لِيَوَّأَنَا أَجْزِي بِهِ...»

“প্রত্যেক আমল কাফফারা, আর সওম আমার জন্য, আমি তার প্রতিদান দেব।”<sup>101</sup>

অপর বর্ণনায় আছে:

«كُلُّ الْعَمَلِ كَفَّارَةٌ إِلَّا الصَّوْمَ لِيَوَّأَنَا أَجْزِي بِهِ...»

“প্রত্যেক আমল কাফফারা, তবে সওম আমার জন্য, আমি তার প্রতিদান দেব।”<sup>102</sup>

<sup>96</sup> সূরা তাগাবুন: (১৫)

<sup>97</sup> সূরা আশ্বিয়া: (৩৫)

<sup>98</sup> তাফসিরে ইব্ন কাসির: (৩/২৮৬)

<sup>99</sup> বুখারি: (১৭৯৬), মুসলিম: (১৪৪)

<sup>100</sup> বুখারি: (৭১০০), আহমদ: (২/৫০৪)

<sup>101</sup> আহমদ: (২/৪৫৭), তায়ালিসি: (২৪৮৫)

# ইসলামিক আলো

আবু হুরায়রাহ রাদিয়াল্লাহু আনহু বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলতেন:

«الصَّلَاةُ الْخَمْسُ، وَالْجُمُعَةُ إِلَى الْجُمُعَةِ، وَرَمَضَانُ إِلَى رَمَضَانَ، مُكَفِّرَاتٌ مَا بَيْنَهُنَّ إِذَا جُذِبَتْ الْكِبَائِرُ» رواه مسلم.

“পাঁচ ওয়াক্ত সালাত, এক জুমা থেকে অপর জুমা, এক রমযান থেকে অপর রমযান, মধ্যবর্তী সময়ের জন্য কাফফারাস্বরূপ, যদি কবীরাহ গুনাহ থেকে বিরত থাকা হয়”।<sup>103</sup>

আবু সাঈদ খুদরি রাদিয়াল্লাহু আনহু থেকে বর্ণিত, তিনি বলেন: আমি রাসূলুল্লাহ সাল্লাল্লাহু আলাইহি ওয়াসাল্লামকে বলতে শুনেছি:

«مَنْ صَامَ رَمَضَانَ وَعَرَفَ حُدُودَهُ وَحَفِظَ مَا كَانَ يَنْبَغِي لَهُ أَنْ يَحْفَظَ فِيهِ كَفَّرَ مَا قَبْلَهُ» رَوَاهُ أَحْمَدُ وَصَحَّحَهُ ابْنُ جِبَانَ.

“যে রমযানের সওম পালন করল, তার সীমারেখা ঠিক রাখল এবং যা থেকে বিরত থাকা দরকার তা থেকে সে বিরত থাকল, তার পূর্বের পাপ মোচন করা হবে”।<sup>104</sup>

## শিক্ষা ও মাসায়েল:

এক. কল্যাণ-অকল্যাণ উভয় দ্বারা মানুষকে পরীক্ষা করা হয়, কল্যাণের পরীক্ষা যেমন: অধিক সম্পদ ও নিয়ামত। অকল্যাণের পরীক্ষা যেমন: বিপদ-আপদ দুঃখ-বেদনা, রোগ-ব্যাদি লেগে থাকা।

দুই. সন্তান ও সম্পদ মানুষের জন্য পরীক্ষা, কারণ মানুষ তাদের মহব্বত, ভালবাসা ও হিতকামনায় আল্লাহর হুকুম নষ্ট করে, পরকালে যা শাস্তির কারণ। তাদের দ্বারা পরীক্ষার অপর দিক হলো, শরিয়ত আমাদেরকে তাদের ওপর অনেক দায়িত্ব দিয়েছে, যেমন তাদের শিক্ষা-দীক্ষা, ভরন-পোষণ ইত্যাদির ব্যবস্থা করা, সেসব বিষয়ে ত্রুটি করা পরকালে শাস্তির কারণ।<sup>105</sup>

তিন. পাপ ও নাফরমানী ফিতনার অন্তর্ভুক্ত, যেমন বেগানা নারী অথবা হারাম মালে জড়িত ব্যক্তি ফিতনায় পতিত, অনেক সময় নেককার লোকেরা এতে পতিত হয়।<sup>106</sup>

আল্লাহ তাআলা বলেন:

يَا أَيُّهَا الَّذِينَ آمَنُوا إِذَا مَسَّهُمْ طَائِفٌ مِّنَ الشَّيْطَانِ تَكَرَّرُوا فَإِنَّا لَهُمْ مُبْصِرُونَ (٢٠١) [الأعراف: 201]

“নিশ্চয় যারা তাকওয়া অবলম্বন করেছে যখন তাদেরকে শয়তানের পক্ষ থেকে কোন কুমন্ত্রণা স্পর্শ করে তখন তারা আল্লাহকে স্মরণ করে। তখনই তাদের দৃষ্টি খুলে যায়”।<sup>107</sup> তিনি অন্যত্র বলেন:

وَالَّذِينَ إِذَا فَعَلُوا فَحْشَةً أَوْ ظَلَمُوا أَنْفُسَهُمْ كَرُّوا أَلْفَعَوْا وَلِيَا لِنُؤْيِبِهِمْ وَمَنْ يَغْفِرُ الذُّنُوبَ إِلَّا اللَّهُ وَلَمْ يُصِرُّوا عَلَىٰ مَا فَعَلُوا وَهُمْ يَعْلَمُونَ (١٣٥) [آل عمران: 135]

<sup>102</sup> এ হাদিস ইবন রাহওয়েহ থেকে বর্ণিত, মাজমাউয যাওয়ায়েদে হায়সামি তা আহমদ থেকে বর্ণনা করেছেন: (৩/১৭৯), তিনি বলেছেন: এর বর্ণনাকারীগণ সহিহ গ্রন্থের বর্ণনাকারী।

<sup>103</sup> মুসলিম: (২৩৩)

<sup>104</sup> আহমদ: (৩/৫৫), আবু ইয়ালা: (১০৫৮), বায়হাকি: (৪/৩০৪), সহিহ ইবন হিব্বান: (৩৪৩৩)

<sup>105</sup> শারহুন নববী আলা মুসলিম: (২/১৭১)

<sup>106</sup> আত-তামহিদ লি ইবন আব্দুল বারর: (১৭/৩৯৪)

<sup>107</sup> সূরা আরাফ: (২০১)



# ইসলামিক আলো

“আর যারা কোন অশ্লীল কাজ করলে অথবা নিজদের প্রতি যুলম করলে আল্লাহকে স্মরণ করে, অতঃপর তাদের গুনাহের জন্য ক্ষমা চায়। আর আল্লাহ ছাড়া কে গুনাহ ক্ষমা করবে? আর তারা যা করেছে, জেনে শুনে তা তারা বার বার করে না”।<sup>108</sup>

চার. কোন গুনাহে যে বারবার লিপ্ত হয়, তার উচিত অধিক সওয়াবের কাজ করা, কেননা নেক কাজ গুনাহ মুছে দেয়। আল্লাহ তা’আলা বলেন:

[إِنَّ لَكَ سَلْتَ يُجِبْنَ السَّيِّئَاتِ ۖ (هُود: 114)]

“নিশ্চয়ই ভালকাজ মন্দকাজকে মিটিয়ে দেয়। এটি উপদেশ গ্রহণকারীদের জন্য উপদেশ”।<sup>109</sup> সন্দেহ নেই, অধিক পরিমাণ নেক কাজ গুনাহের শৃঙ্খল থেকে বেরিয়ে আসতে সাহায্য করে। অতঃপর আল্লাহ তার নেক আমলের কারণে তাকে খালেস তওবা করার তওফিক দান করেন।

পাঁচ. এসব হাদিস প্রমাণ করে সিয়াম কাফফারা। সুতরাং আবু হুরায়রার হাদিসে বর্ণিত ‘সিয়াম কাফফারা নয়’ এর অর্থ হচ্ছে, সাধারণ আমল শুধু কাফফারা, কিন্তু সিয়াম কাফফারা হওয়ার সাথে সাথে অতিরিক্ত সওয়াবও আছে। একনিষ্ঠ-ভাবে আল্লাহর জন্য সম্পাদিত সিয়ামে এ ফযিলত লাভ হবে।<sup>110</sup>

ছয়. ইমাম নববী রহ. বলেন: “কখনো বলা হয়: ওযু যদি গোনাহের কাফফারা হয় তাহলে সালাত কিসের কাফফারা? আর সালাত যদি কাফফারা হয়, তাহলে জামাতের সালাত, রমযানের সওম, আরাফার সওম, আশুরার সওম এবং ফেরেশতাদের আমীনের সাথে বান্দার আমীনের মিল কিসের কাফফারা? কারণ এসব আমল সম্পর্কে বর্ণিত আছে এগুলো কাফফারা। আলেমগণ এর উত্তর দিয়েছেন: এসব আমল কাফফারার যোগ্য, যদি কাফফারা করার জন্য ছোট পাপ থাকে, তাহলে তার কাফফারা করে, যদি ছোট-বড় পাপ না থাকে, তাহলে এর দ্বারা নেকী লিখা হয় ও মর্যাদা বৃদ্ধি করা হয়। আর যদি কোন কবির গুনাহে লিপ্ত হয়, আশা করি এ কারণে তা হালকা হবে।<sup>111</sup>

সাত. এসব আমল দ্বারা বান্দার হক মাফ হয় না, ছোট বা বড় নেক আমলের কারণে কোন হক মাফ হয় না। বরং তা থেকে অবশ্যই মুক্ত হতে হবে, অথবা তার থেকে হালাল করে নিতে হবে।<sup>112</sup>

আট. সিয়ামের ফলে পাপ মোচন হয়।

নয়. সিয়ামের এসব ফযিলত সে লাভ করবে, যে সওম বিনষ্টকারী বস্তু থেকে স্বীয় সওম হিফায়ত করবে, যেমন আবু সাঈদ খুদরির হাদিসে এসেছে:

«وَعَرَفَ حُدُودَهُ حَفَظَ مِمَّا كَانَ يَبْغِي لَهُ أَنْ يُحَفَظَ فِيهِ»

“সওমের সীমারেখা ঠিক রাখল ও সেসব বস্তু থেকে নিরাপদ থাকল, যা থেকে নিরাপদ থাকা জরুরী”।

<sup>108</sup> সূরা আলে-ইমরান: (১৩৫)

<sup>109</sup> সূরা হুদ: (১১৪)

<sup>110</sup> ফাতহুল বারি: (৪/১১১)

<sup>111</sup> শারহুন নববী: (৩/১১৩), আদ-দিবায় আলা মুসলিম: (২/১৭)

<sup>112</sup> তানবিরুল হাওয়ালেক: (২/৪২), তুহফাতুল আহওয়ালি: (১/৫৩৫)

# ইসলামিক আলো

সারকথা, মুসলিমদের উচিত রমযানের রাত-দিন হারাম কথা যেমন গীবত, পরনিন্দা ও হারাম দৃষ্টি থেকে নিজেকে হিফায়ত করা, যা টেলিভিশন-ইন্টারনেট ও বিভিন্ন প্রচার যন্ত্রে প্রচার করা হয়, যার কুফল অন্যান্য সময়ের চেয়ে রমযানে বেড়ে যায়। আল্লাহ আমাদেরকে হিদায়াত ও সঠিক পথে থাকার তওফিক দান করুন।

# ইসলামিক আলো

## ১৩. সাদা তাগা ও কালো তাগার অর্থ

আল্লাহ তা'আলা বলেন:

(كُلُوا وَاشْرَبُوا حَتَّى يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ مِنَ الْفَجْرِ ۚ) [البقرة: 187]

“আর আহার কর ও পান কর যতক্ষণ না ফজরের সাদা রেখা কাল রেখা থেকে স্পষ্ট হয়”।<sup>113</sup> আদি ইবন হাতেম থেকে বর্ণিত, তিনি বলেন: যখন নাযিল হল:

( حَتَّى يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ مِنَ الْفَجْرِ ۚ) [البقرة: 187]

“যতক্ষণ না ফজরের সাদা রেখা কাল রেখা থেকে স্পষ্ট হয়”।<sup>114</sup>

আমি একটি কাল রশি ও একটি সাদা রশি হাতে নেই এবং তা আমার বালিশের নিচে রেখে দেই। অতঃপর আমি রাতে বারবার তাকাতে থাকি, কিন্তু আমার নিকট তা স্পষ্ট হয়নি। প্রত্যুষে আমি রাসূলুল্লাহ সাল্লাল্লাহু আলাইহি ওয়াসাল্লামের নিকট এ ঘটনার বর্ণনা দেই। তিনি বললেন: এটা হচ্ছে রাতের কাল রেখা ও দিনের সাদা রেখা”।<sup>115</sup>

### শিক্ষা ও মাসায়েল:

এক. আল্লাহর নির্দেশ বাস্তবায়নে সাহাবিরা ছিলেন অধীর আগ্রহী, রাসূলুল্লাহ সাল্লাল্লাহু আলাইহি ওয়াসাল্লামের ওপর নাযিলকৃত ওহী তারা দ্রুত বাস্তবায়ন করতেন। অপর বর্ণনায় এসেছে: আদি ইবন হাতেম রাদিয়াল্লাহু আনহু বলেন: “হে আল্লাহর রাসূল, আপনি আমাকে যা বলেছেন সব বুঝেছি, তবে সাদা তাগা ও কালো তাগা ব্যতীত। আমি গত রাতে দুটি তাগা সঙ্গে করে ঘুমাই, একবার এ দিকে, আরেক বার সে দিকে তাকাতে থাকি। রাসূলুল্লাহ সাল্লাল্লাহু আলাইহি ওয়াসাল্লাম হেসে দিলেন। অতঃপর বললেন: এ কালো তাগা আর সাদা তাগার অর্থ আসমানে বিদ্যমান রাত-দিনের সাদা-কালো রেখা”।<sup>116</sup> দেখার বিষয় আদি এ আয়াতের অর্থ বাস্তবায়নের জন্য বালিশের নিচে সাদা ও কালো তাগা পর্যন্ত রেখেছেন।<sup>117</sup>

দুই. সাহাবায়ে কেরাম ইবাদত সংক্রান্ত বিষয়ে জটিলতা সৃষ্টি না হলে প্রশ্ন থেকে নিবৃত্ত থাকতেন। বুঝার জন্য তারা যথাযথ চেষ্টা করতেন, যখন অপারগ হতেন রাসূলুল্লাহ সাল্লাল্লাহু আলাইহি ওয়াসাল্লামকে জিজ্ঞাসা করতেন। অনুরূপ প্রত্যেক মুসলিমের কর্তব্য প্রথমে জিজ্ঞাসা না করে বুঝার চেষ্টা করা, ইবাদত সংশ্লিষ্ট বিষয়ে জটিলতা ব্যতীত জিজ্ঞাসা না করা।

তিন. আল্লাহ তা'আলার বাণী:

(كُلُوا وَاشْرَبُوا حَتَّى يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ مِنَ الْفَجْرِ ۚ) [البقرة: 187]

<sup>113</sup> সূরা বাকারা: (১৮৭)

<sup>114</sup> সূরা বাকারা: (১৮৭)

<sup>115</sup> বুখারি : (১৮১৭), মুসলিম: (১০৯০)

<sup>116</sup> তাবরানি ফিল কাবির: (১৭/৭৯), হাদিস নং: (১৭৫)

<sup>117</sup> আল-মুফহিম: (৩/১৪৮-১৫০)

# ইসলামিক আলো

“আর আহার কর ও পান কর যতক্ষণ না ফজরের সাদা রেখা কাল রেখা থেকে স্পষ্ট হয়”<sup>118</sup> এর অর্থ হচ্ছে: তোমরা খাও এবং পান কর, যতক্ষণ না দিনের সাদা রেখা রাতের কালো রেখা থেকে স্পষ্ট হয়। আর এটা হয় সুবহে সাদিক উদিত হওয়ার পর”<sup>119</sup>

চার. কঠিন মাসআলা ও দুর্বোধ্য শব্দসমূহ বিজ্ঞ আলোমেদের নিকট জিজ্ঞাসা করা।

পাঁচ. এ আয়াত প্রমাণ করে যে, ফজরের পরবর্তী সময় দিনের অংশ, রাতের নয়।<sup>120</sup>

ছয়. ফজর উদিত হওয়া পর্যন্ত পানাহার বৈধ। পানাহার অবস্থায় যদি কারো ফজর উদিত হয়, আর সে মুখের খানা বের করে ফেলে, তার সওম শুদ্ধ, খেতে থাকলে সওম শুদ্ধ হবে না।<sup>121</sup>

---

<sup>118</sup> সূরা বাকারা: (১৮৭)

<sup>119</sup> ইব্ন কাসির: (১/২২২), ফাতহুল বারি: (৪/১৩৪)

<sup>120</sup> শারহুন নববী আলা মুসলিম: (৭/২০১), ফাতহুল বারি: (৪/১৩৪)

<sup>121</sup> ফাতহুল বারি: (৪/১৩৫)

# ইসলামিক আলো

## ১৪. ঋতুবতী নারীর ইফতার ও কাযা

মুয়াযাহ বিনতে আব্দুল্লাহ আল-আদাবি রাহিমাল্লাহ বলেন: আমি আয়েশা রাদিয়াল্লাহু আনহাকে বলি: “ঋতুবতী কেন সওম কাযা করে, সালাত কাযা করে না? তিনি বললেন: তুমি কি হারুরি? আমি বললাম: আমি হারুরি না, কিন্তু আমি জিজ্ঞাসা করছি, তিনি বললেন: আমাদের এমন হত, অতঃপর আমাদেরকে শুধু সওম কাযার নির্দেশ দেয়া হত, সালাত কাযার নির্দেশ দেয়া হত না”।<sup>122</sup>

মুয়াযাহ থেকে ইমাম তিরমিযির এক বর্ণনায় আছে, সে আয়েশা রাদিয়াল্লাহু আনহাকে বলে: “আমাদের প্রত্যেকে কি ঋতুকালীন সালাত কাযা করবে? তিনি বললেন: তুমি কি হারুরি? আমাদের কারো ঋতুশ্রাব হলে, কাযার নির্দেশ দেয়া হত না”।<sup>123</sup>

আয়েশা রাদিয়াল্লাহু আনহা থেকে বর্ণিত, তিনি বলেন: “আমরা রাসূলুল্লাহ সাল্লাল্লাহু আলাইহি ওয়াসাল্লামের যুগে ঋতুবতী হতাম, অতঃপর পবিত্রতা অর্জন করতাম, তিনি আমাদেরকে সওম কাযার নির্দেশ দিতেন, কিন্তু সিয়াম কাযার নির্দেশ দিতেন না”। এ হাদিস ইমাম তিরমিযি বর্ণনা করেছেন, তিনি বলেছেন হাদিসটি হাসান। অতঃপর তিনি বলেন: “এ হাদিস অনুযায়ী আহলে ইলমের আমল, অর্থাৎ ঋতুবতী নারী সিয়াম কাযা করবে, সালাত কাযা করবে না। এ ব্যাপারে তাদের দ্বিমত সম্পর্কে জানি না”।<sup>124</sup>

আয়েশা রাদিয়াল্লাহু আনহা “তুমি কি হারুরি” বলে, এ প্রশ্নের প্রতি অনীহা ও বিরক্তি প্রকাশ করেছেন। হারুরি খারেজি সম্প্রদায়ের একটি গ্রুপ। কুফার নিকটে অবস্থিত হারুরা শহরে তাদের বসতি, এ জন্য তাদেরকে হারুরি বলা হয়, সেখান থেকে তাদের উৎপত্তি। তাদের মধ্যে ছিল দ্বীনের ব্যাপারে বাড়াবাড়ি ও কঠোরতা।<sup>125</sup> তাদের কেউ হাদিস ও ইজমার বিপরীত ঋতুবতী নারীর উপর ঋতুকালীন সালাতের কাযার নির্দেশ দিত।<sup>126</sup> এ জন্য তিনি বিরক্তি প্রকাশক শব্দ দ্বারা তাকে জিজ্ঞাসা করেছেন, তুমি কি তাদের কেউ?

<sup>122</sup> বুখারি: (৩১৫), মুসলিম: (৩৩৫)

<sup>123</sup> তিরমিযি: (১৩০)

<sup>124</sup> তিরমিযি: (৭৮৭)

<sup>125</sup> ফাতহুল বারি: (১/৪২২)

<sup>126</sup> দেখুন: আল-মুগনি: (১/১৮৮), হাশিয়া সিনদি আলা সুনানে নাসায়ি: (৪/১৯১), উমদাতুল কারি: (৩/৩০০)

# ইসলামিক আলো

## শিক্ষা ও মাসায়েল:

এক. দ্বীনের মধ্যে বাড়াবাড়ি ও কঠোরতা হারাম। কুরআন-হাদিসের সীমারেখায় অবস্থান করা ও সে অনুযায়ী আমল করা ওয়াজিব। আল্লাহর দেয়া শিথিলতা বা রুখসত গ্রহণ করা। দ্বীনের ব্যাপারে যেরূপ বাড়াবাড়ি খারাপ, অনুরূপ বাহানা তালাশ নিন্দনীয়। মধ্যম পন্থা অবলম্বন করা উত্তম, অর্থাৎ কুরআন-হাদিসের ওপর আমল করা।

দুই. দ্বীনের ব্যাপারে কঠোরতা আরোপকারীদের নিষেধ করা বৈধ, যেন সঠিকভাবে শরিয়তের বাস্তবায়ন হয় এবং কোন সমস্যার সৃষ্টি না হয়।

তিন. কোন প্রশ্নের কারণে প্রশ্নকারী সম্পর্কে যদি মুফতির মনে খারাপ ধারণা জন্মায় তাহলে প্রশ্নকারীর ব্যাখ্যা দেয়া উচিত যে, তিনি গোড়া নন বরং জানতে ইচ্ছুক, যেমন মুয়াযাহ বলেছেন: “আমি হারুরি নই, কিন্তু প্রশ্ন করছি” তখন মুফতির কর্তব্য দলিল দ্বারা তার প্রশ্ন দূর করা, যেমন আয়েশা রাদিয়াল্লাহু আনহা করেছেন।

চার. শরিয়তের মূল ভিত্তি আল্লাহ ও তার রাসুলের নির্দেশ। এ জন্য আয়েশা রাদিয়াল্লাহু আনহা তাকে বলেছেন: নবী সাল্লাল্লাহু আলাইহি ওয়াসাল্লাম তাদের সওম কাযার নির্দেশ দিতেন, সালাত কাযার নির্দেশ দিতেন না। অর্থাৎ যদি সালাতের কাযা ওয়াজিব হত, তাহলে নবী সাল্লাল্লাহু আলাইহি ওয়াসাল্লাম অবশ্যই তাদের কাযা করার নির্দেশ দিতেন। কারণ তিনি ছিলেন উম্মতের সবচেয়ে হিতাকাঙ্ক্ষি, তিনি উম্মতের জন্য প্রত্যেক বিষয় স্পষ্ট করে গেছেন।<sup>127</sup> মুসলিমের কর্তব্য আল্লাহর নির্দেশে পরিপূর্ণ সোপর্দ হওয়া, তার শরিয়তকে সম্মান প্রদর্শন করা ও দলিলের সামনে থেমে যাওয়া। আদেশগুলো বাস্তবায়ন করা, যেহেতু শরিয়তের আদেশ, নিষেধাজ্ঞা থেকে বিরত থাকবে, যেহেতু শরিয়তের নিষেধ, কারণ বুঝা যাক বা না যাক।

পাঁচ. ইব্ন আব্দুল বার রহ. বলেছেন: “ঋতুবতী নারী সিয়াম পালন করবে না, বরং কাযা করবে, তবে সালাত কাযাও করবে না। এ বিষয়ে উম্মতের ইজমা রয়েছে। আল-হামদুলিল্লাহ। সকল মুসলিম যেখানে একমত, সেটা সঠিক ও চূড়ান্ত সত্য”।<sup>128</sup>

ছয়. নারীর ওপর ইসলামি শরিয়তের ছাড় এই যে, তাদেরকে সালাত কাযার নির্দেশ দেয়া হয়নি, কারণ সালাত দিনে একাধিক বার, যার কাযা খুব কষ্টকর। এ জন্য নারীদের উচিত আল্লাহর শোকর আদায় করা।

সাত. নারী যদি ফজর উদিত হওয়ার সময় পাক হয়, তাহলে সে দিনের সওম তার শুদ্ধ হবে না, কাযা করা জরুরী, কারণ যখন ফজর উদিত হয়েছে, তখন সে ঋতুবতী। নারী যদি সূর্যাস্তের সামান্য আগে ঋতুবতী হয়, তাহলে তার সওম বাতিল, কাযা করা ওয়াজিব।<sup>129</sup>

নয়. নারী যদি সূর্যাস্ত যাওয়ার সামান্য পর ঋতুবতী হয়, তাহলে সে দিনের সওম শুদ্ধ।

<sup>127</sup> উমদাতুলকারী: (৩/৩০১)

<sup>128</sup> তামহিদ: (২২/১০৭)

<sup>129</sup> ফাতাওয়া লাজনায়ে দায়েমা: (১০/১৫৫), ফাতাওয়া নং: (১০৩৪৩)

# ইসলামিক আলো

দশ. নারী যদি সওম অবস্থায় রক্ত আসা অথবা তার ব্যথা অনুভব করে, সূর্যাস্তের আগে বের না হয়, তাহলে তার সওম শুদ্ধ।<sup>130</sup>

এগার. এ হাদিস থেকে বুঝায় অসুস্থ ব্যক্তি সওম ভঙ্গ করতে পারবে, যদিও তার সওমের ক্ষমতা থাকে, যদি রোগ বৃদ্ধির আশঙ্কা থাকে। কারণ ঋতুবতী নারী একেবারে দুর্বল হয় না, বরং রক্ত বের হওয়ার কারণে তার ওপর সওম কষ্টকর, আর রক্ত বের হওয়া একটি রোগ।<sup>131</sup>

---

<sup>130</sup> “ফাতাওয়া আল-জামেয়াহ লিল মারআল মুসলিমাহ” লি ইব্ন উসাইমিন: (১/৩২৫)

<sup>131</sup> শারহ ইব্ন বাত্তাল আলাল বুখারি: (৪/৯৭-৯৮)

# ইসলামিক আলো

## ১৫. রোযাদারকে ইফতার করানোর ফযিলত

জায়েদ ইব্ন খালেদ জুহানি রাদিয়াল্লাহু আনহু থেকে বর্ণিত, তিনি বলেন, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«مَنْ فُطِّرَ صَائِمًا كَانَ لَهُ مِثْلُ أَجْرِ غَيْرِهِ لَا يَنْقُصُ مِنْ أَجْرِ الصَّائِمِ شَيْئًا»

“যে রোযাদারকে ইফতার করাল, তার রোযাদারের ন্যায় সাওয়াব হবে, তবে রোযাদারের নেকি বিন্দুমাত্র কমানো হবে না”।<sup>132</sup> অপর বর্ণনায় আছে :

«مَنْ فُطِّرَ صَائِمًا طَعَمَهُ وَسَقَاهُ كَانَ لَهُ مِثْلُ أَجْرِ مَنْ غَيْرُهُ لَا يَنْقُصُ مِنْ أَجْرِهِ شَيْءٌ».

“যে রোযাদারকে ইফতার করাল, তাকে পানাহার করাল, তার রোযাদারের সমান সাওয়াব হবে, তবে তার নেকি থেকে বিন্দুমাত্র হ্রাস করা হবে না”।<sup>133</sup>

আবু হুরায়রা রাদিয়াল্লাহু আনহু থেকে বর্ণিত, তাকে এক মহিলা ইফতারের জন্য দাওয়াত করল, তিনি তাতে সাড়া দিলেন এবং বললেন: “আমি তোমাকে বলছি, যে গৃহবাসী কোন রোযাদারকে ইফতার করাবে, তাদের জন্য তার অনুরূপ সাওয়াব হবে। মহিলা বলল: আমি চাই আপনি ইফতারের জন্য আমার কাছে কিছুক্ষণ অবস্থান করুন, বা এ জাতীয় কিছু বলেছে। তিনি বললেন: আমি চাই এ নেকি আমার পরিবার হাসিল করুক।<sup>134</sup>

### শিক্ষা ও মাসায়েল:

এক. আল্লাহ তা‘আলার অসীম অনুগ্রহ যে, তিনি কল্যাণের নানা ক্ষেত্র উন্মুক্ত করেছেন। যেমন তিনি মানুষের প্রতি অনুগ্রহ করার আহ্বান জানিয়ে মহান সাওয়াবের ঘোষণা দিয়েছেন।<sup>135</sup>

দুই. রোযাদারকে ইফতার করানো একটি ফযিলতপূর্ণ আমল, যে রোযাদারকে ইফতার করাবে সে তার ন্যায় নেকি লাভ করবে।

তিন. রোযাদারকে ইফতার করালে তার বদলা আল্লাহ নিজের পক্ষ থেকে প্রদান করেন, রোযাদারের পক্ষ থেকে নয়। অতএব রোযাদারের সামান্য নেকি হ্রাস হবে না, এটা আল্লাহর দয়া ও অনুগ্রহের আলামত।<sup>136</sup>

<sup>132</sup> তিরমিযি: (৮০৭), ইব্ন মাজাহ: (১৭৪৬), নাসায়ি ফিল কুবরা: (৩৩৩০-৩৩৩১), সহিহ ইব্ন খুযাইমাহ: (২০৬৪), ইব্ন হিব্বান: (৩৪২৯), নাসায়ি আয়েশা থেকে মওকুফ হিসেবেও বর্ণনা করেছেন, দেখুন: নাসায়ি ফিল কুবরা: (৩৩৩২), আব্দুর রায্যাক আবু হুরায়রা থেকে মওকুফ হিসেবে বর্ণনা করেছেন, দেখুন: আব্দুর রায্যাক: (৭৯০৬)

<sup>133</sup> আব্দুর রায্যাক: (৭৯০৫), তাবরানি ফিল কাবির: (৫/২৫৬), হাদিস নং: (৫২৬৯)

<sup>134</sup> মুসাল্লাফ ইব্ন আব্দুর রায্যাক: (৭৯০৮)

<sup>135</sup> আরেযাতুল আহওয়াযি: (৪/২১)

<sup>136</sup> ফায়যুল কাদির: (৬/১৮৭)



# ইসলামিক আলো

চার. এ থেকে বুঝা যায় ইফতারের দাওয়াত গ্রহণ করা বৈধ, বুজুর্গি দেখিয়ে বা নেকি কন্মার আশঙ্কায় তা প্রত্যাখ্যান করা বাড়াবাড়ি। কারণ অপরের নিকট ইফতার করলে রোযাদারের পুণ্য কমে না। তবে শুধু মিসকিনদের জন্য ইফতারের দাওয়াত হলে, সেখানে ধনীদের যাওয়া ঠিক নয়।

পাঁচ. আত্মীয়দের সঙ্গে সদাচার ও তাদের খুশির জন্য দাওয়াতে সাড়া দেয়া ও ইফতার করা বৈধ, যেন তাদের পুণ্য হাসিল হয়, যেমন আবু হুরায়রা রাদিয়াল্লাহু আনহু করেছেন।

ছয়. যে ইফতার করাবে, সে নেকি ও অপরের প্রতি ইহসানের নিয়ত করবে, বিশেষ করে রোযাদার যদি গরিব হয়।

সাত. রোযাদারকে বাসায় নিয়ে আপ্যায়ন করা, বা খাবার প্রস্তুত করে তার জন্য পাঠিয়ে দেয়া ইফতার করানোর শামিল, তবে অপচয় না করা, বিশেষ করে রকমারি ইফতারের এ যুগে।

আট. কেউ যদি গরিবকে টাকা দেয়, যার কিছু দিয়ে সে ইফতার করল, বাকিটা সংগ্রহে রেখে দিল, বাহ্যত তা ইফতার করানোর হাদিসের অন্তর্ভুক্ত হবে, অধিকন্তু সে আর্থিকভাবে উপকৃত হল।

# ইসলামিক আলো

## ১৬. রমযানে ওমরার ফযিলত

ইব্ন আব্বাস রাদিয়াল্লাহু আনহু থেকে বর্ণিত, তিনি বলেন: “নবী সাল্লাল্লাহু আলাইহি ওয়াসাল্লাম হজ থেকে এসে উম্মে সিনান আনসারিকে বলেন: তুমি কেন হজ করনি? সে বলল: অমুকের পিতা, অর্থাৎ তার স্বামীর কারণে। তার চাষাবাদের দুটি উট ছিল, একটি দ্বারা সে হজ করেছে, অপরটি আমাদের জমি চাষ করেছে। নবী সাল্লাল্লাহু আলাইহি ওয়াসাল্লাম বললেন: “নিশ্চয় রমযানের ওমরা আমার সাথে হজের সমান”।<sup>137</sup>

অপর বর্ণনায় আছে: নবী সাল্লাল্লাহু আলাইহি ওয়াসাল্লাম বলেছেন:

«فَإِذَا جَاءَ رَمَضَانُ فَاعْتَمِرِي فَإِنَّ عُمْرَةً فِيهِ تَعْدِلُ حَجَّةً».

“যখন রমযান আগমন করে ওমরা কর, কারণ তখনকার ওমরা হজের সমান”।<sup>138</sup>

উম্মে মাকাল রাদিয়াল্লাহু আনহা থেকে বর্ণিত, নবী সাল্লাল্লাহু আলাইহি ওয়াসাল্লাম তাকে বলেছেন:

«اعْتَمِرِي فِي رَمَضَانَ فَإِنَّهَا كَحَجَّةٍ» رواه أبو داود.

“রমযানে ওমরা কর, কারণ তা হজের ন্যায়”।<sup>139</sup>

অনুরূপ হাদিস বর্ণিত হয়েছে জাবের, আনাস, আবু হুরায়রা ও ওয়াহাব ইব্ন আনাস রাদিয়াল্লাহু আনহু থেকে।<sup>140</sup>

নবী সাল্লাল্লাহু আলাইহি ওয়াসাল্লামের বাণী: “রমযানের ওমরা হজের সমান”। ইব্ন বাত্তাল রহ. বলেন: “এর দ্বারা বুঝা যায় নবী সাল্লাল্লাহু আলাইহি ওয়াসাল্লাম তাকে যে হজের কথা বলেছেন, তা নফল ছিল, কারণ উম্মত এ বিষয়ে একমত যে, ওমরা কখনো ফরয হজের স্থলাভিষিক্ত হয় না। এখানে নবী সাল্লাল্লাহু আলাইহি ওয়াসাল্লামের বাণী “হজের বরাবর” দ্বারা উদ্দেশ্যে সাওয়াব ও ফযিলত, যা মানুষের কিয়াস ও ধারণার উর্ধ্বে, আল্লাহ যাকে ইচ্ছা তার অনুগ্রহ দান করেন”।<sup>141</sup>

### শিক্ষা ও মাসায়েল:

এক. বান্দার ওপর আল্লাহর অশেষ অনুগ্রহ যে, তিনি অল্প আমলের বিনিময়ে অধিক সাওয়াব দান করেন। এ জন্য আমরা আল্লাহর শোকর আদায় করি।

দুই. নবী সাল্লাল্লাহু আলাইহি ওয়াসাল্লাম উম্মতের প্রতি সজাগ দৃষ্টি রাখতেন ও তাদের খবর নিতেন। আল্লাহ যাকে তার বান্দাদের দায়িত্ব দান করেন, তার উচিত অধীনদের সাথে দয়ার আচরণ করা, তাদের হিতকামনা করা ও খবরাখবর নেয়া এবং তাদের দীন ও দুনিয়ার স্বার্থে কাজ করা।

<sup>137</sup> বুখারি: (১৭৬৪), মুসলিম: (১২৫৬)

<sup>138</sup> বুখারি: (১৬৯০), মুসলিম: (১২৫৬)

<sup>139</sup> আবু দাউদ: (১৯৮৯), নাসায়ি ফিল কুবরা: (৪২২৬), তিরমিযি: (৯৩৯), তিনি বলেছেন হাদিসটি হাসান, গরিব। ইব্ন খুযাইমাহ: (৩০২৫), ও হাকেম: (১/৬৫৬), সহিহ বলেছেন, হাকেম বলেছেন হাদিসটি সহিহ মুসলিমের শর্ত মোতাবেক।

<sup>140</sup> দেখুন: জামে তিরমিযি: (৩/২৭৬)

<sup>141</sup> শারহ ইব্ন বাত্তাল আলাল বুখারি: (৪/৪২৮), দেখুন: মিনহাতুল বারি: (৪/২৩৩)

# ইসলামিক আলো

তিন. ফরয হজের মোকাবেলায় যথেষ্ট নয় রমযানের ওমরা। অবশ্য সওয়াবের দিক থেকে সমান, কিন্তু এ কারণে ফরয আদায় হবে না। এ ব্যাপারে সবাই একমত।<sup>142</sup>

চার. সময়ের মর্যাদার কারণে আমলের সওয়াব বেড়ে যায়, যেমন বেড়ে যায় একাগ্রতা ও ইখলাসের কারণে।<sup>143</sup>

পাঁচ. এসব হাদিসের উদাহরণ, যেমন এসেছে সূরা ইখলাস কুরআনের এক তৃতীয়াংশের সমান, অর্থাৎ সওয়াবের বিবেচনায়, কিন্তু সূরা ইখলাস তিলাওয়াত করা পূর্ণ কুরআন তিলাওয়াত করার সমান নয়।

ষষ্ঠ. রমযানের মর্যাদার কারণে ওমরা হজের সমমর্যাদা লাভ করে, কারণ রমযান মাসে ওমরাকারী ওমরার ফযিলত ও রমযানের ফযিলত লাভ করে। এ বরকতপূর্ণ সময় ও মক্কার পবিত্রতার কারণে ওমরা হজের সমান, যে হজ যিলহজ মাসের বরকতপূর্ণ সময় ও মক্কার পবিত্র স্থানে আদায় করা হয়।<sup>144</sup>

দ্বিতীয়ত রমযানের ওমরায় রয়েছে অধিক কষ্ট, কারণ সওম অবস্থায় আমল কষ্টকর, বা সফরের কারণে যদি সওম ত্যাগ করে, তবু সফরের কষ্ট কম নয়, পরবর্তীতে আবার কাযার কষ্ট। এরূপ কষ্ট রমযান ব্যতীত অন্য মাসে হয় না। নবী সাল্লাল্লাহু আলাইহি ওয়াসাল্লাম ওমরার নির্দেশ করে আয়েশা রাদিয়াল্লাহু আনহাকে বলেন:

﴿تَبَّهَا عَلَى قَدْرِ نَصَبِكَ، أَوْ قَالَ: عَلَى قَدْرِ نَفَقَتِكَ﴾ رواه مسلم.

“ওমরা হচ্ছে তোমার কষ্ট, অথবা বলেছেন: তোমার খরচ অনুপাতে”।<sup>145</sup>

সাত. রমযান মাসে ওমরাকারী এ সওয়াব অর্জন করবে, মক্কায় অবস্থান করুক, বা ওমরা শেষে বাড়ি ফিরুক।

আট. এ হাদিস প্রমাণ করে না যে, তানয়িম অথবা হেরেমের বাইরে গিয়ে একমাসে বারবার ওমরা করা, অথবা একদিনে বারবার ওমরা করা বৈধ, বর্তমান যুগে প্রচলিত এ আমল সুন্নত পরিপন্থী, সাহাবিদের আমলের বিপরীত, তাদের কারো থেকে বর্ণিত নেই যে, তারা এক সফরে একাধিক ওমরা করেছেন।<sup>146</sup>

নয়. রমযানে ওমরাকারী ও বায়তুল্লাহ শরীফে ইতিকাফকারীর কর্তব্য আল্লাহর নিষিদ্ধ বস্তু থেকে অঙ্গ-প্রত্যঙ্গ হিফাজত করা। কারণ মক্কার পাপ অন্য স্থানের পাপের তুলনায় অধিক ক্ষতিকর, বিশেষভাবে যদি রমযানের মহান মাসে হয়।

দশ. পরিবার ও সন্তানসহ যে রমযান মাসে হারাম শরীফে অবস্থান করে, তার কর্তব্য পরিবার ও সন্তানদের প্রতি খেয়াল রাখা, যেন তারা হারামে লিপ্ত না হয়, অন্যথায় সে সওয়াবের পরিবর্তে পাপ ও গুনাহসহ বাড়ি ফিরবে, যেহেতু সে তাদের প্রতি খেয়াল রাখেনি।

এগার. যখন রোযাবস্থায় ওমরার নিয়তে মক্কায় পৌঁছে, সে হয়তো সওম ভেঙ্গে ওমরা আদায় করবে, অথবা সূর্যাস্তের অপেক্ষা করে ইফতারের পর তা আদায় করবে। সওম ভঙ্গ করে ওমরা আদায় করাই উত্তম, কারণ ওমরার নিয়ম মক্কায় পৌঁছা মাত্র তা আদায় করা, যেমন নবী সাল্লাল্লাহু আলাইহি ওয়াসাল্লাম করেছেন।

<sup>142</sup> ফাতহুল বারি: (৩/৬০৪), তুহফাতুল আহওয়াযি: (৪/৭)

<sup>143</sup> দেখুন: ফাতহুল বারি: (৩/৬০৪), আউনুল মাবুদ: (৫/৩২৩), ফায়যুল কাদির: (৪/৩৬১)

<sup>144</sup> মাজমুউল ফাতাওয়া: (২৬/২৯৩)

<sup>145</sup> মুসলিম: (১২১১), দেখুন: আল-মুফহিম: (৩/৩৭০)

<sup>146</sup> মাজমুউল ফাতাওয়া: (২৬/২৯২), যাদুল মায়াদ: (২/৯৩), তাহযিবুস সুনান: (৭/৩৬)

ইসলামিক আলো

[www.islamicalo.com](http://www.islamicalo.com)

# ইসলামিক আলো

## ১৭. সেহরির ফযিলত (১)

আবু সাঈদ খুদরি রাদিয়াল্লাহু আনহু থেকে বর্ণিত, তিনি বলেন, রাসূলুল্লাহ সাল্লাল্লাহু আলাইহি ওয়াসাল্লাম বলেছেন: «السُّحُورُ أَكْلُهُ بَرَكَةٌ فَلَا تَدْعُوهُ وَلَوْ أَنَّ يَجْرَعَ أَحَدُكُمْ جُرْعَةً مِنْ مَاءٍ فَإِنَّ اللَّهَ عَزَّ وَجَلَّ وَمَلَائِكَتُهُ يُصَلُّونَ عَلَى الْمُتَسَحِّرِينَ» رَوَاهُ أَحْمَدُ.

“সেহরি বরকতময় খানা, তোমরা তা ত্যাগ কর না, যদিও তোমাদের কেউ একটোক পানি গলাধঃকরণ করে, কারণ আল্লাহ সেহরি ভক্ষণকারীদের ওপর রহমত প্রেরণ করেন ও ফেরেশতাগণ তাদের জন্য ইস্তেগফার করেন”।<sup>147</sup>

আব্দুল্লাহ ইব্ন হারেস রাসূলুল্লাহ সাল্লাল্লাহু আলাইহি ওয়াসাল্লামের জনৈক সাহাবি থেকে বর্ণনা করেন: “এক ব্যক্তি নবী সাল্লাল্লাহু আলাইহি ওয়াসাল্লামের নিকট আগমন করেন, তখন তিনি সেহরি খাচ্ছিলেন, তিনি বললেন: إِنَّ السُّحُورَ بَرَكَةٌ عَطَاكُمُهَا اللَّهُ عَزَّ وَجَلَّ فَلَا تَدْعُوهَا»

নিশ্চয় সেহরির বরকতময়, আল্লাহ তোমাদেরকে তা দান করেছেন, অতএব তোমরা তা ত্যাগ কর না”।<sup>148</sup>

আবু সুআইদ রাদিয়াল্লাহু আনহু থেকে বর্ণিত, তিনি বলেন নবী সাল্লাল্লাহু আলাইহি ওয়াসাল্লাম বলেছেন:

«لَا هُمْ صَلَّ عَلَى الْمُتَسَحِّرِينَ»

“হে আল্লাহ সেহরি ভক্ষণকারীদের ওপর রহমত বর্ষণ করুন”। উবাদা ইব্ন নাসি বলেন: মুখেমুখে প্রচলিত ছিল:

“সেহরি খাও, যদিও পানি দ্বারা হয়। কারণ প্রসিদ্ধ ছিল: সেহরি বরকতের খানা”।<sup>149</sup>

ইব্ন ওমর রাদিয়াল্লাহু আনহু থেকে বর্ণিত, তিনি বলেন: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«إِنَّ اللَّهَ وَمَلَائِكَتُهُ يُصَلُّونَ عَلَى الْمُتَسَحِّرِينَ» رَوَاهُ ابْنُ حَبَانَ.

“নিশ্চয় আল্লাহ সেহরি ভক্ষণকারীদের উপর রহমত প্রেরণ করেন ও তার ফেরেশতাগণ তাদের জন্য ইস্তেগফার করেন”।<sup>150</sup>

আবু হুরায়রা রাদিয়াল্লাহু আনহু থেকে বর্ণিত, নবী সাল্লাল্লাহু আলাইহি ওয়াসাল্লাম বলেছেন:

«يُعَمَّ سَحُورُ الْمُؤْمِنِ الذَّمَرُ» رَوَاهُ أَبُو دَاوُدَ.

“খেজুর মুমিনদের উত্তম সেহরি”।<sup>151</sup>

<sup>147</sup> আহমদ: (৩/১২), জামে সগির: (৪৮০১) গ্রন্থে সুযুতি হাদিসটি সহিহ বলেছেন, আলবানি সহিহুল জামে গ্রন্থে হাদিসটি হাসান বলেছেন।

<sup>148</sup> আহমদ: (৫/৩৭০), নাসায়ি: (৪/১৪৫), আলবানি সহিহুল জামে: (১৬৩৬) গ্রন্থে হাদিসটি সহিহ বলেছেন।

<sup>149</sup> ইব্ন আবি আসেম ফিল আহাদ ওয়াল মাসানি: (২৭৫৮), বায্য়ার: (৯৭৪), তাবরানি ফিল কাবির: (২২/৩৩৭), হাদিস নং: (৮৪৫), হাফেয ইব্ন হাজার হাদিসটি হাসান বলেছেন, দেখুন: মুখতাসার যাওয়ায়েদে মুসনাদিল বায্য়ার: (৬৯১)

<sup>150</sup> সহিহ ইব্ন হিব্বান: (৩৪৬৭), আবু নায়িম ফিল হিলইয়াহ: (৮/৩২০), সহিহুল জামে: (১৮৪৪) গ্রন্থে আলবানি হাদিসটি হাসান বলেছেন। সিলসিলাতুস সাহিহাহ: (১৬৫৪)

<sup>151</sup> আবু দাউদ: (২৩৪৫), বায্হারিকি: (৪/২৩৬), সহিহ ইব্ন হিব্বান: (৩৪৭৫), আলবানি সহিহ আবু দাউদে হাদিসটি সহিহ বলেছেন।

# ইসলামিক আলো

## শিক্ষা ও মাসায়েল:

এক. সেহরি ফযিলতপূর্ণ, সেহরি আল্লাহর পক্ষ থেকে রুখসত ও বরকত, এ জন্য আমরা আল্লাহর শোকর আদায় করব।

দুই. সেহরির বরকত যেমন আল্লাহ সেহরি ভক্ষণকারীদের ওপর দরুদ প্রেরণ করেন ও তার ফেরেশতাগণ তাদের জন্য ইস্তেগফার করেন। আল্লাহর দরুদ প্রেরণ করার অর্থ হচ্ছে তাদের ওপর রহমত বর্ষণ করা, তাদের কর্মের মন্তুষ্টি প্রকাশ করা ও তাদের প্রশংসা করা। ফেরেশতাদের দরুদ প্রেরণ করার অর্থ হচ্ছে তাদের জন্য ইস্তেগফার করা।<sup>152</sup>

তিন. নবী সাল্লাল্লাহু আলাইহি ওয়াসাল্লাম সেহরি ত্যাগ করতে নিষেধ করেছেন, যা সেহরির গুরুত্ব প্রমাণ করে।

চার. সামান্য বস্তু দ্বারা সেহরি হয়, যদিও তা একটোক পানি, যেমন হাদিস থেকে স্পষ্ট।

পাঁচ. খেজুর সর্বোত্তম সেহরি, নবী সাল্লাল্লাহু আলাইহি ওয়াসাল্লাম এর প্রশংসা করেছেন।

ছয়. মুসলিমদের উচিত এ সুন্নত পালন করা।

---

<sup>152</sup> দেখুন: কাসিদা ইবনুল কাইয়েম: (২০), ফাতহুল বারি লি ইব্ন হাজার: (১১/১৫৬), ফায়যুল কাদির: (৩/১৩৭)

# ইসলামিক আলো

## ১৮. সেহরির ফযিলত (২)

আনাস ইব্ন মালিক রাদিয়াল্লাহু আনহু থেকে বর্ণিত, নবী সাল্লাল্লাহু আলাইহি ওয়াসাল্লাম বলেছেন:

«تَسْحَرُوا فَإِنَّ فِي السَّحْرِ بَرَكَاتٍ» رواه الشيخان.

"তোমরা সেহরি খাও, কারণ সেহরিতে বরকত রয়েছে"।<sup>153</sup>

আমর ইব্ন আস রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«فَصَلُّ مَا بَيْنَ صِيَامِنَا وَصِيَامِ أَهْلِ الْكِتَابِ كَلَّةَ السَّحْرِ» رواه مسلم.

"আমাদের সওম ও আহলে কিতাবিদের সওমের পার্থক্য হচ্ছে সেহরি ভক্ষণ করা"।<sup>154</sup>

ইরবায় ইব্ন সারিয়াহ রাদিয়াল্লাহু আনহু বলেন:

«دَعَانِي رَسُولُ اللَّهِ إِلَى السَّحْرِ فِي رَمَضَانَ فَقَالَ: هَلُمَّ إِلَى الْغَدَاءِ الْمُبَارِكِ»

"রাসূলুল্লাহ সাল্লাল্লাহু আলাইহি ওয়াসাল্লাম আমাকে রমযানে সেহরিতে আহ্বান করে বলেন, বরকতপূর্ণ খানার জন্য আস"।<sup>155</sup>

মিকদাদ ইব্ন মা'দি কারিব রাদিয়াল্লাহু আনহু থেকে বর্ণিত, নবী সাল্লাল্লাহু আলাইহি ওয়াসাল্লাম বলেছেন:

«عَلَيْكُمْ بِغَدَاءِ السَّحْرِ فَإِنَّهُ هُوَ الْغَدَاءُ الْمُبَارَكُ» رواه النسائي.

"তোমরা সেহরি অবশ্যই ভক্ষণ কর, কারণ তা বরকতপূর্ণ খাবার"।<sup>156</sup>

### শিক্ষা ও মাসায়েল:

এক. সেহরিতে বরকত বিদ্যমান। আল্লাহ যেখানে ইচ্ছা তার মাখলুকে বরকত রাখেন, তন্মধ্যে সেহরি।

দুই. সকল আলেম একমত যে, সেহরি মোস্তাহাব, ওয়াজিব নয়, তবে এ উম্মতের বৈশিষ্ট্য।<sup>157</sup>

তিন. সেহরির বরকতসমূহ:

(১). সেহরি খাওয়া শরিয়তের নির্দেশ বাস্তবায়ন করা। কারণ নবী সাল্লাল্লাহু আলাইহি ওয়াসাল্লাম এর নির্দেশ দিয়েছেন, এতে রয়েছে বান্দার ইহকাল ও পরকালের সফলতা।<sup>158</sup>

(২). সেহরিতে আহলে কিতাবের বিরোধিতা রয়েছে, তারা সেহরি খায় না।<sup>159</sup> আর তাদের বিরোধিতা আমাদের দ্বীনের মূল নীতি। তাই ইসলামের দৃষ্টিতে তাদের সাথে মিল রাখা ও তাদের আখলাক, বৈশিষ্ট্য গ্রহণ হারাম।

<sup>153</sup> বুখারি: ১৮২৩), মুসলিম: (১০৯৫), অনুরূপ হাদিস বর্ণিত আছে আবু হুরায়রা রাদিয়াল্লাহু আনহু আবু সাঈদ, জাবের, আয়েশা. আমর ইব্ন আস, হুযায়ফা, ইরবায়, আবু লাইলা, তালক, ইয়াশ ইব্ন তালক, ওমর, উতবা ইব্ন আব্দ, আবু দারদা ও সালমান রাদিয়াল্লাহু আনহু প্রমুখদের থেকে। দেখুন: শারহ ইব্ন মুলাক্কিন আলাল উমদাহ: (৫/১৮৯), মাজমাউয যাওয়ায়েদ: (৩/১৫৪)

<sup>154</sup> মুসলিম: (১৯৬)

<sup>155</sup> আবু দাউদ: (২৩৪৪), আহমদ: (৪/১২৬), নাসায়ি: (৪/১৪৫), সহিহ ইব্ন খুযাইমাহ: (১৯৩৮), ইব্ন হিব্বান: (৩৪৬৫), আলবানি সহিহ আবু দাউদে হাদিসটি সহিহ বলেছেন।

<sup>156</sup> নাসায়ি: (৪/১৪৬), আহমদ: (৪/১৪২), আলবানি সহিহ নাসায়িতে হাদিসটি সহিহ বলেছেন।

<sup>157</sup> দেখুন: শারহ ইব্নুল মুলাক্কিন আলাল উমদাহ: (৫/১৮৮), যাখিরাতুল উকবা: (২০/৩৬৬)

<sup>158</sup> দেখুন: ফাতুহুল বারি: (৪/১৪০), তাওযিহুল আহকাম: (৩/১৫৫)

# ইসলামিক আলো

- (৩). সেহরির ফলে সওম ও ইবাদতের শক্তি অর্জন হয়, ক্ষুধা ও পিপাসা থেকে সৃষ্ট খারাপ অভ্যাস দূর হয়।<sup>160</sup>
- (৪). সেহরি ভক্ষণকারী দো'আ কবুলের মুহূর্তে ইস্তেগফার, যিকর ও দো'আ করার সুযোগ লাভ করে, যা ঘুমন্ত ব্যক্তির নসিব হয় না। সেহরির সময় ইস্তেগফারকারীদের আল্লাহ প্রশংসা করেছেন।
- (৫). সেহরি ভক্ষণকারী যথাসময়ে ফজর সালাতে হাজির হয়, অনেক সময় মসজিদে আগে এসে প্রথম কাতার ও ইমামের নিকটবর্তী দাঁড়ানোর সাওয়াব লাভ করে, আযানের জওয়াব দেয় ও ফজরের দু'রাকাত সুন্নত আদায়ে সক্ষম হয়, হাদিসে এসেছে দুনিয়া ও তার মধ্যে বিদ্যমান সবকিছু থেকে ফজরের দুই রাকাত সুন্নত উত্তম।
- (৬). সেহরি ভক্ষণকারী ক্ষুধার্তকে খাদ্যদান করে বা সেহরিতে কাউকে অংশীদার করে সদকার সওয়াব লাভ করতে পারে।<sup>161</sup>
- (৭). সেহরিতে রয়েছে আল্লাহর নিয়ামতের শোকর ও তার রুখসতের প্রতি সমর্থন, কারণ আল্লাহ আমাদের জন্য সূর্যাস্ত থেকে ফজর পর্যন্ত পানাহার বৈধ করেছেন, যা পূর্বে হারাম ছিল।<sup>162</sup>
- চার. মুসলিমদের কর্তব্য সেহরিতে বাড়াবাড়ি না করা, বিশেষভাবে যেহেতু নবী সাল্লাল্লাহু আলাইহি ওয়াসাল্লাম বলেছেন: "তোমরা তা ত্যাগ কর না"। নেক নিয়তে সওয়াবের আশায় সেহরি ভক্ষণ করা, শুধু অভ্যাসে পরিণত করা নয়।<sup>163</sup>
- পাঁচ. সেহরির দাওয়াত দেয়া ও দাওয়াত গ্রহণ করা বৈধ। কারণ নবী সাল্লাল্লাহু আলাইহি ওয়াসাল্লাম ইরবায় ইব্ন সারিয়াকে তার সাথে সেহরি খেতে ও একত্র হতে আহ্বান করেছেন। এক হাদিসে এরূপ এসেছে: "তোমরা বরকতপূর্ণ খানার জন্য আস"।<sup>164</sup>
- ছয়. ইমাম খাত্তাবি রহ. বলেছেন: "এতে প্রমাণিত হয় যে, দ্বীন সহজ, তাতে কঠোরতা নেই। কিতাবিদের বিধান ছিল, তারা ইফতার খেয়ে ঘুমিয়ে পড়লে ফজর পর্যন্ত আর সেহরি খেতে পারত না। আল্লাহ তা'আলা আমাদের থেকে তা রহিত করেছেন:
- ﴿كُلُوا وَاشْرَبُوا حَتَّى يَتَبَيَّنَ لَكُمُ الْخَيْطُ مِنَ الْأَيْتِضُ مِنَ الْأَسْوَدِ مِنَ الْفَجْرِ ۚ﴾ [البقرة: 187]
- "আর আহার কর ও পান কর যতক্ষণ না ফজরের সাদা রেখা কাল রেখা থেকে স্পষ্ট হয়"<sup>165</sup>।<sup>166</sup> আল্লাহর অসংখ্য নিয়ামতের জন্য আমরা তার শোকর আদায় করছি।

<sup>159</sup> ফাতুহুল বারি: (৪/১৪০), তাওযিহুল আহকাম: (৩/১৫৫), শারহুন নববী আলা মুসলিম: (৭/২০৭)

<sup>160</sup> ফাতুহুল বারি: (৪/১৪০)

<sup>161</sup> ফাতুহুল বারি: (৪/১৪০)

<sup>162</sup> আউনুল মাবুদ: (৬/৩৩৬)

<sup>163</sup> তাওযিহুল আহকাম: (৩/১৫৬), যাখিরাতুল উকবা: (২০/৩৬৬),

<sup>164</sup> নাসায়ি: (৪/১৪৫), আলবানি সহিহ নাসায়িতে হাদিসটি সহিহ বলেছেন।

<sup>165</sup> সূরা বাকারা: (১৮৭)

<sup>166</sup> মাআলেমুস সুনান: (২/৭৫৭), আউনুল মাবুদ: (৬/৩৩৬)



# ইসলামিক আলো

## ১৯. সেহরির সময় (১)

ইবন মাসউদ রাদিয়াল্লাহু আনহু থেকে বর্ণিত, তিনি বলেন, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«لَا يَمْنَعُ أَحَدَكُمْ أَنْ يَلَّالَ مِنْ سُحُورِهِ أَنْ يُوْتِنَ أَوْ قَالَ: يُنَادِي لِيَرْجِعَ قَائِمُكُمْ وَيُنَبِّئُهُ نَائِمُكُمْ وَلَيْسَ الْفَجْرُ أَنْ يَقُولَ هَكَذَا - وَجَمَعَ يَحْيَى بْنُ سَعِيدٍ الْقَطَّانُ كَوْنَهُ - حَتَّى يَقُولَ هَكَذَا - وَمَذَّيْحَى إِنْ صَبَّحَهُ السَّبَائِبُ».

“বেলালের আযান যেন তোমাদের কাউকে সেহরি থেকে বিরত না রাখে। কারণ সে আযান দেয় অথবা তিনি বলেছেন: সে ডাকে যেন তোমাদের জাগ্রতরা ফিরে যায় ও ঘুমন্তরা জাগ্রত হয়। ফজর এটা নয় যে এরকম হবে, (ইয়াহইয়া ইবন সায়েদ আল-কাত্তান নিজ হাতের তালুদয় জড়ো করলেন [অর্থাৎ লম্বালম্বি অবস্থায় আলো প্রকাশ পেলেই তা ফজর হিসেবে ধর্তব্য হবে না, বরং তা সুবহে কাযিব]) যতক্ষণ না এরকম হবে, (ইয়াহইয়া তার তর্জনীদ্বয় প্রসারিত করলেন [অর্থাৎ আলো ডানে বাঁয়ে ব্যাপকভাবে প্রসার লাভ করলেই কেবল ফজর হিসেবে ধর্তব্য হবে, তখন তা হবে সুবহে সাদিক])”<sup>167</sup>

সাহল ইবন সা'দ রাদিয়াল্লাহু আনহু থেকে বর্ণিত, তিনি বলেন: “আমি আমার পরিবারে সেহরি খেতাম, অতঃপর রাসূলুল্লাহ সাল্লাল্লাহু আলাইহি ওয়াসাল্লামের সাথে ফজর সালাতের জন্য দ্রুত ছুটতাম”।

বুখারির অপর বর্ণনায় আছে: “আমার দ্রুততার কারণ ছিল রাসূলুল্লাহ সাল্লাল্লাহু আলাইহি ওয়াসাল্লামের সঙ্গে সিজদায় অংশ গ্রহণ করা”।<sup>168</sup>

যির ইবন হুবাইশ রাহিমাল্লাহু বলেন, আমি হুযায়ফার সঙ্গে সেহরি করলাম, অতঃপর আমরা সালাতের জন্য চললাম, মসজিদে এসে দু'রাকাত সালাত আদায় করলাম, আর ইকামত আরম্ভ হল, উভয়ের মাঝে সামান্য ব্যবধান ছিল”।<sup>169</sup>

“যেন তোমাদের ঘুমন্তরা ফিরে যায়” অর্থ: বেলাল রাতে আযান দেয়, তোমাদের জানানোর জন্য যে, ফজর বেশী দেরি নাই। সে তাহাজ্জুদে দণ্ডায়মানকারীদের আরামের জন্য ফিরিয়ে দেয়, যেন সামান্য ঘুমিয়ে উদ্যমতাসহ সকালে উঠতে পারে, অথবা বেতর পড়ে নেয়, যদি তা পড়ে না থাকে, অথবা ফজরের জন্য প্রস্তুতি নেয় যদি পবিত্রতার প্রয়োজন থাকে, বা অন্যান্য প্রয়োজন সেরে নেয়, যা ফজরের সময় জানলেই সম্ভব।<sup>170</sup>

“ঘুমন্তদের জাগ্রত করে” অর্থ: ঘুমন্তরা যেন ঘুম থেকে জেগে ফজরের প্রস্তুতি নেয়, সামান্য তাহাজ্জুদ আদায় করে, অথবা বেতর আদায় না করলে তা আদায় করে, অথবা সওমের ইচ্ছা থাকলে সেহরি খায়, অথবা গোসল বা ওযু সেরে নেয়, অথবা অন্যান্য প্রয়োজন সেরে নেয়।<sup>171</sup>

<sup>167</sup> বুখারি: (৬৮২০), মুসলিম: (১০৯৩)

<sup>168</sup> বুখারি: (৫৫২), দ্বিতীয় বর্ণনা বুখারি: (১৮২০) ও আবু ইয়ালার: (৭৫৩৩)

<sup>169</sup> নাসায়ি: (৪/১২৪), আলবানি সহিহ নাসায়িতে হাদিসটি সহিহ বলেছেন।

<sup>170</sup> শারহুন নববী আলা মুসলিম: (৭/২০৪), আল-মুফহিম: (৩/১৫৩)

<sup>171</sup> শারহুন নববী আলা মুসলিম: (৭/২০৪), আল-মুফহিম: (৩/১৫৩)

# ইসলামিক আলো

## শিক্ষা ও মাসায়েল:

এক. নবী সাল্লাল্লাহু আলাইহি ওয়াসাল্লাম ও তার সাহাবিগণ ফজরের শেষ সময় পর্যন্ত সেহরি বিলম্ব করতেন। তাদের কেউ সময় শেষ হওয়ার আশঙ্কায় সেহরি সংক্ষেপ করতেন। অতএব ফজরের পূর্ব পর্যন্ত সেহরি বিলম্ব করা সুন্নত।<sup>172</sup>

দুই. প্রয়োজনের সময় দ্রুত আহাৰ করা জায়েয। এ ব্যাপারে ইমাম বুখারি একটি অধ্যায় কায়েম করেছেন: “সেহরি দ্রুত করার অধ্যায়”, শিরোনামে। ইমাম মালিক রাহিমাহুল্লাহ আব্দুল্লাহ ইব্ন আবি বকর থেকে, সে তার পিতা থেকে বর্ণনা করেন: “রমযানে আমরা সালাতুল লাইল শেষে এতো দেরিতে বাড়ি যেতাম যে, খাদেমদের দ্রুত খানা পেশ করার জন্য বলতাম, যেন ফজর ছুটে না যায়”।<sup>173</sup>

---

<sup>172</sup> ফাতহুল বারি: (৪/১৩৮)

<sup>173</sup> মালেক : (১/১১৬), বায়হাকি: (২/৪৯৭)

# ইসলামিক আলো

## ২০. সেহরির সময় (২)

আব্দুল্লাহ ইব্ন ওমর রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম ইরশাদ করেন:

«إِنَّ بِلَالًا يُؤْتَنُّ بِلَيْلٍ فَكُلُوا وَاشْرَبُوا حَتَّى يُنَادِيَ ابْنُ أُمِّ مَكْتُومٍ ثُمَّ قَالَ: وَكَانَ رَجُلًا أَعْمَى لَا يُنَادِي حَتَّى يَقَالَ لَهُ: أَصْبَحْتَ أَصْبَحْتَ» رواه الشيخان.

“নিশ্চয় বেলাল আযান দেয় রাতে, অতএব তোমরা পানাহার কর যতক্ষণ না আব্দুল্লাহ ইব্ন উম্মে মাকতুম আযান দেয়। অতঃপর তিনি বলেন: সে ছিল অন্ধ, যতক্ষণ না তাকে বলা হত ভোর করেছে, ভোর করেছে সে আযান দিত না।”

মুসলিমের অপর বর্ণনায় রয়েছে:

«كَانَ لِرَسُولِ اللَّهِ مُؤَتْنَانِ: بِلَالٌ وَابْنُ أُمِّ مَكْتُومٍ الْأَعْمَى فَقَالَ رَسُولُ اللَّهِ: إِنَّ بِلَالًا يُؤْتَنُّ بِلَيْلٍ فَكُلُوا وَاشْرَبُوا حَتَّى يُؤْتَنَّ ابْنُ أُمِّ مَكْتُومٍ قَالَ: وَلَمْ يَكُنْ بَيْنَهُمَا إِلَّا أَنْ يَنْزِلَ هَذَا وَيرْقَى هَذَا».

“রাসূলুল্লাহ সাল্লাল্লাহু আলাইহি ওয়াসাল্লামের দু'জন মুয়াজ্জিন ছিল: বেলাল ও অন্ধ আব্দুল্লাহ ইব্ন উম্মে মাকতুম। রাসূলুল্লাহ সাল্লাল্লাহু আলাইহি ওয়াসাল্লাম বলেন: বেলাল রাতে আযান দেয় সুতরাং তোমরা পানাহার কর, যতক্ষণ না ইব্ন উম্মে মাকতুম আযান দেয়। তিনি বলেন: তাদের দু'জনের সময়ের ব্যবধান ছিল একজন (আজানের স্থান থেকে) নামতেন অপরজন উঠতেন”।<sup>174</sup>

সামুরা ইব্ন জুনদুব রাদিয়াল্লাহু আনহু থেকে বর্ণিত, তিনি বলেন, রাসূলুল্লাহ সাল্লাল্লাহু আলাইহি ওয়াসাল্লাম ইরশাদ করেন:

«لَا يَغْرَنَكُمْ مِنْ سُحُورِكُمْ أَذَانُ بِلَالٍ وَلَا بَيَاضُ الْأُفُقِ الْمَسْتُطِيلِ هَكَذَا، حَتَّى يَسْتَطِيرَ هَكَذَا» وَحَكَاهُ حَمَادُ بْنُ زَيْدٍ بِرِيْثِهِ، قَالَ: يَغْنِي مُعْتَرِضًا. رواه مسلم

“বেলালের আযান বা দিগন্তের লম্বা সাদা রেখা যেন তোমাদেরকে সেহরি থেকে বিরত না রাখে, যতক্ষণ না তা এভাবে প্রলম্বিত হয়”। হাম্মাদ ইব্ন যায়েদ দু'হাতে ইশারা করে তার ব্যাখ্যা দেন। তিনি ইঙ্গিত করলেন: অর্থাৎ প্রস্থের দিক থেকে প্রসারিত হওয়া। মুসলিম।

নাসায়ির এক বর্ণনায় আছে:

«لَا يَغْرَنَكُمْ أَذَانُ بِلَالٍ، وَلَا هَذَا الْبَيَاضُ حَتَّى يَفْجَرَ الْفَجْرُ هَكَذَا وَهَكَذَا» يَغْنِي: مُعْتَرِضًا. قَالَ أَبُو دَاوُدَ الطَّيَالِسِيُّ: وَيَسْطُرُ بِرِثَيْهِ يَمِينًا وَشِمَالًا مَا دَايِدِيهِ.

“বেলালের আযান এবং এ ক্ষুদ্রতা যেন তোমাদেরকে প্রতারণিত না করে, যতক্ষণ না ফজর এভাবে এভাবে ছড়িয়ে পড়ে”। অর্থাৎ প্রস্থেরদিকে। আবু দাউদ তায়ালিসি বলেন: তিনি তার দু'হাত ডানে-বামে লম্বাকরে প্রসারিত করলেন।<sup>175</sup>

আবু হুরায়রা রাদিয়াল্লাহু আনহু থেকে বর্ণিত, তিনি বলেন, রাসূলুল্লাহ সাল্লাল্লাহু আলাইহি ওয়াসাল্লাম ইরশাদ করেন:

<sup>174</sup> বুখারি: (৫৯২), মুসলিম: (১০৯২)

<sup>175</sup> মুসলিম: (১০৯৪), আবু দাউদ: (২৩৪৬), তিরমিযি: (৭০৬), নাসায়ি: (৪/১৪৮)

# ইসলামিক আলো

«إِنَّا سَمِعَ أَحَدُكُمْ الدَّاءَ وَالْإِنَاءَ عَلَى يَدَيْهِ فَلَا يَضَعُهُ حَتَّى يَضَيِّي حَاجَتَهُ مِنْهُ»

“যখন তোমাদের কেউ আযান শ্রবণ করে, আর হাতে থাকে খানার প্লেট, সে তা রাখবে না যতক্ষণ না সেখান থেকে তার প্রয়োজন পূর্ণ করে”।<sup>176</sup>

ইমাম আহমদের এক বর্ণনায় অতিরিক্ত বলেছেন:

«وَكَانَ الْمُؤْتَنُ يُؤْتَنُ إِذَا بَزَغَ الْفَجْرُ».

“মুয়াজ্জিন আযান দিত যখন সুবহে সাদিকের আলো বিচ্ছুরিত হত”।<sup>177</sup>

শিক্ষা ও মাসায়েল:<sup>178</sup>

এক. ফজর উদিত হওয়ার আগ পর্যন্ত পানাহার ও স্ত্রীগমন বৈধ।

দুই. অন্ধ ব্যক্তির আযান দেয়া বৈধ, যদি সে সময় সম্পর্কে জানে বা তাকে জানানোর কেউ থাকে।

তিন. ফজরের জন্য দু'বার আযান দেয়া বৈধ: প্রথমবার ফজরের পূর্বে, দ্বিতীয়বার: ফজর উদয় হওয়ার পর।

চার. সওমের নিয়তের পর সেহরি খাওয়া বৈধ, পানাহারের কারণে পূর্বের নিয়ত নষ্ট হবে না। কারণ নবী সাল্লাল্লাহু আলাইহি ওয়াসাল্লাম ফজর উদয়ের পূর্ব পর্যন্ত পানাহার বৈধ করেছেন, অথচ ফজর উদয়ের পর নিয়ত বৈধ নয়, এ থেকে প্রমাণিত হয় নিয়তের স্থান খানার পূর্বে, তারপর পানাহারে সওম নষ্ট হবে না। অতএব কেউ মাঝরাতে আগামীকালের সওমের নিয়ত করে, শেষ রাত পর্যন্ত পানাহার করলে তার নিয়ত শুদ্ধ।

পাঁচ. ফজর উদয়ে সন্দেহ সৃষ্টি হলে পানাহার করা বৈধ, কারণ রাত অবশিষ্ট আছে এটাই স্বাভাবিক। দলিল নিম্নের আয়াত:

«وَلَوْ أَشْرَبُوا حَتَّى يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ مِنَ الْفَجْرِ ۖ (البقرة: 187)»

“তোমরা পানাহার করতে থাক যতক্ষণ না ফজরের সাদা রেখা থেকে কালো রেখা সুস্পষ্ট আলাদা না হয়ে যায়”।<sup>179</sup> সন্দেহকারীর নিকট ফজরের সাদা রেখা সুস্পষ্ট হয়নি, তাই সে সেহরি খেতে পারবে। আব্দুল্লাহ ইব্ন আব্বাস রাদিয়াল্লাহু আনহু থেকে সহিহ সনদে বর্ণিত:

«كُلْ مَا شِئْتَ حَتَّى يَتَبَيَّنَ لَكَ» رواه البيهقي،

“তোমার সন্দেহ পর্যন্ত তুমি খাও, যতক্ষণ তোমার নিকট স্পষ্ট হয়”।<sup>180</sup>

এ বিধান তখন, যখন সে স্বচক্ষে ফজর দেখে নিশ্চিত হয়, কিন্তু সে যদি আযান অথবা ঘড়ির উপর নির্ভর করে, তাহলে সন্দেহের অবকাশ নেই। কারণ তখন জিজ্ঞাসা করে নিশ্চিত হওয়া সম্ভব।

<sup>176</sup> আবু দাউদ: (২৩৫০), আহমদ: (২/৫১০), দারা কুতনি: (২/১৬৫), বায়হাকি: (৪/২১৮), হাকেম: (১/৫৮৮), তিনি মুসলিমের শর্তে সহিহ বলেছেন, ইমাম যাহাবি তার সমর্থন করেছেন।

<sup>177</sup> আহমদ: (২/৫১০), তাবারি ফি তাফসিরিহি: (২/১৭৫), বায়হাকি: (৪/২১৮)

<sup>178</sup> আল-মুফহিম: (৩/১৫০), শারহুন নববী: (৭/২০৪), ফাতহুল বারি: (২/৯৯০-১০০), দিবায: (৩/১৯৪)

<sup>179</sup> সূরা বাকার: (১৮৭)

<sup>180</sup> ইমাম নববী বলেছেন: “যদি ফজর উদয়ে সন্দেহ হয়, তাহলে তার জন্য পানাহার ও স্ত্রীগমন বৈধ, এতে কারো দ্বিমত নেই, যতক্ষণ না ফজর স্পষ্ট হয়”। মাজমু: (৬/৩১৩), দেখুন: যাখিরাতুল উকবা: (২০/৩৫৫)

# ইসলামিক আলো

ছয়. সেহরি খাওয়া ও তাতে বিলম্ব করা মোস্তাহাব।

সাত. “দুই মুয়াজ্জিনের মধ্যে সময়ের ব্যবধান: একজন নামতেন, অপরজন উঠতেন”। ইমাম নববী রাহিমাহুল্লাহ বলেন: “এর অর্থ: বেলাল ফজরের পূর্বে আযান দিতেন, আযানের পর দো'আ ইত্যাদির জন্য অপেক্ষা করতেন। অতঃপর ফজর পর্যবেক্ষণ করতেন, যখন ফজর ঘনিয়ে আসত, তিনি অবতরণ করে উম্মে মাকতুমকে খবর দিতেন। ইবন উম্মে মাকতুম ওয়ু, ইস্তেঞ্জা সেরে প্রস্তুতি নিতেন, অতঃপর উপরে উঠে ফজর উদিত হওয়ার সাথে সাথে আযান আরম্ভ করতেন”।<sup>181</sup>

আট. এ থেকে প্রমাণিত হয়, ফজরের পর রাত থাকে না, বরং তা দিনের অংশ।<sup>182</sup>

নয়. ব্যক্তির জন্য মায়ের পরিচয় গ্রহণ করা বৈধ, যদি লোকেরা তার মায়ের পরিচয়ে তাকে চিনে, বা তার প্রয়োজন হয়।<sup>183</sup>

দশ. প্রথম ফজর ও দ্বিতীয় ফজরে পার্থক্য তিনটি:

প্রথম পার্থক্য: দিগন্তের উত্তর থেকে দক্ষিণে লম্বালম্বি সাদা রেখা দ্বিতীয় ফজরের আলামত। আর উর্ধ্ব আকাশে পূর্ব থেকে পশ্চিম পর্যন্ত সাদা লম্বা রেখা প্রথম ফজরের আলামত।

দ্বিতীয় পার্থক্য: দ্বিতীয় ফজরের পর অন্ধকার থাকে না, বরং সূর্যোদয় পর্যন্ত ফর্সা ক্রমান্বয়ে পায়। আর দ্বিতীয় ফজরে আলোর পর অন্ধকার মেনে আসে।

তৃতীয় পার্থক্য: দ্বিতীয় ফজরের সাদা রেখা দিগন্তের সাথে মিলিত থাকে। প্রথম ফজরে সাদা রেখা ও উর্ধ্ব আকাশের মাঝে অন্ধকার বিরাজ করে।<sup>184</sup>

এগার. মুয়াজ্জিন যখন ফজরের আযান দেয়, তখন যদি রোযাদারের হাতে খাবার প্লেট থাকে, সে পানাহার পূর্ণ করবে, বন্ধ করবে না, হাদিসের বাহ্যিক অর্থ তাই বলে। এটা আল্লাহর পক্ষ থেকে ছাড়। তাঁর জন্য সকল প্রশংসা ও কৃতজ্ঞতা।<sup>185</sup>

<sup>181</sup> কুরতুবি এ ব্যাখ্যা উল্লেখ করে বলেন, এটাই যুক্তিযুক্ত। আল-মুফহিম: (৩/১৫১), দেখুন: শারহুন নববী: (৭/২০৪), দিবায: (৩/১৯৪)

<sup>182</sup> আল-মুফহিম: (৩/১৫১), দিবায: (৩/১৯৪), দেখুন: ফাতহুল বারি: (২/১০১)

<sup>183</sup> ফাতহুল বারি: (২/১০১)

<sup>184</sup> ফিকহুল ইবাদাত লি শায়খ উসাইমিন: (১৭২-১৭৩)

<sup>185</sup> “মুখতাসারে মুনিয়িরির” উপর শায়খ আহমদ শাকেরের টিকা: (৩/২৩৩), তামামুল মিন্নাহ লিল আলবানি: (৪১৭-৪১৮)

# ইসলামিক আলো

## ২১. আযান ও সেহরির মাঝে ব্যবধান

আনাস ইব্ন মালিক রহ., যায়েদ ইব্ন সাবেত রাদিয়াল্লাহু আনহু থেকে বর্ণনা করেন, তিনি বলেন:

«تَسَحَّرْنَا مَعَ النَّبِيِّ ثُمَّ قَامَ إِلَى الصَّلَاةِ، قُلْتُ: كَمْ كَانَ بَيْنَ لَأَتَانَ وَالسَّحُورِ؟ قَالَ: قَدَرُ خَمْسِينَ آيَةً» رواه الشيخان.

“আমরা রাসূলুল্লাহ সাল্লাল্লাহু আলাইহি ওয়াসাল্লামের সঙ্গে সেহরি খেলাম, অতঃপর তিনি সালাতের জন্য দাঁড়ালেন।

আমি বললাম: আযান ও সেহরির মধ্যে ব্যবধান কি ছিল? তিনি বললেন: পঞ্চাশ আয়াত পরিমাণ”।<sup>186</sup>

বুখারির অপর বর্ণনায় আনাস ইব্ন মালিক থেকে বর্ণিত:

«لَأَنَّ النَّبِيَّ وَزَيْدَ بْنِ أَبِي تَسْحَرَا فَلَمَّا فَرَغَا مِنْ سَحُورِهِمَا قَامَ نَبِيُّ اللَّهِ إِلَى الصَّلَاةِ فَصَلَّى، فَقَالَا نَسْ: كَمْ كَانَ بَيْنَ فَرَاغِهِمَا مِنْ سَحُورِهِمَا وَتَحُولِهِمَا فِي الصَّلَاةِ؟ قَالَ: قَدَرُ مَا يَقْرَأُ الرَّجُلُ خَمْسِينَ آيَةً».

“নবী সাল্লাল্লাহু আলাইহি ওয়াসাল্লাম ও জায়েদ ইব্ন সাবেত এক সঙ্গে সেহরি খান, যখন তারা সেহরি থেকে ফারেগ হলেন, নবী সাল্লাল্লাহু আলাইহি ওয়াসাল্লাম সালাতের জন্য দাঁড়ালেন ও সালাত আদায় করলেন। আমরা আনাসকে বললাম: তাদের সেহরি ও সালাত আরম্ভের মধ্যে ব্যবধান কি ছিল? তিনি বললেন: যতটুকু সময়ে একজন ব্যক্তি পঞ্চাশ আয়াত পড়ে”।<sup>187</sup>

### শিক্ষা ও মাসায়েল<sup>188</sup>:

এক. সেহরিতে বিলম্ব করা সুন্নত। এতে যেমন সওমের শক্তি অর্জন হয়, তেমন কিতাবিদের সুস্পষ্ট বিরোধিতা হয়।

দুই. সাহাবিদের সময় ইবাদতে পরিপূর্ণ ছিল, এ জন্য যায়েদ কুরআন তিলাওয়াতের পরিমাণ দ্বারা সময়ের পরিমাণ নির্ধারণ করেছেন।

তিন. শারীরিক কর্ম দ্বারা সময় পরিমাপ করা বৈধ, যেমন আরবরা বলত: বকরির দুধ দোহনের পরিমাণ, উটের বাচ্চা নহর করার পরিমাণ ইত্যাদি।

চার. সেহরি ও আযানের ব্যবধান মধ্যম গতির তিলাওয়াতে স্বাভাবিক পর্যায়ের পঞ্চাশ আয়াত পরিমাণ।<sup>189</sup>

পাঁচ. সেহরি বিলম্ব করা সুন্নত, তবে সেহরির শেষ পর্যন্ত জীগমন তার অন্তর্ভুক্ত নয়, তার দ্বারা সওমের শক্তি অর্জন হয় না, বরং তাতে কাফফারা ওয়াজিব ও সওম বিনষ্টের সম্ভাবনা রয়েছে। কারণ কখনো এমন হবে, ফজর উদিত হচ্ছে, কিন্তু সে উত্তেজনার কারণে রমন ক্রিয়া বন্ধ করতে পারছে না।

<sup>186</sup> বুখারি: (১৮২১), মুসলিম: (১০৯৭), তিরমিযি: (৭০৩), নাসায়ি: (৪/১৩৪), ইব্ন মাজাহ: (১৬৯৪)

<sup>187</sup> বুখারি: (৫৫১)

<sup>188</sup> শারহুন নব্বী আলা মুসলিম: (৭/২০৭-২০৮), ফাতহুল বারি: (৪/১৩৮-১৩৯), তুহফাতুল আহওয়াযি: (৩/৩১৭), শারহ ইব্ন মুলাক্কিন আলাল উমদাহ: (১৯৩-১৯৪), ইয়াহুয়াল মাসালেক ইলা মুয়াত্তা ইমাম মালেক, লিল কান্দলভী: (৫/৫৮), যাখিরাতুল উকবা: (২০/৩৫৭-৩৭৭)

<sup>189</sup> দেখুন: ফাতহুল বারি: (৪/১৩৮), তুহফাতুল আহওয়াযি: (৩/৩১৭)

# ইসলামিক আলো

হয়। ইলম অর্জন করা, মাসায়েল জানা, সুন্নত অনুসন্ধান করা, ইবাদতের সময় জানা ও তদনুরূপ আমল করা জরুরী। কারণ আনাস রাদিয়াল্লাহু আনহু বলেছেন: “সেহরি ও আযানের ব্যবধান কি ছিল”। যায়েদ রাদিয়াল্লাহু আনহু বলেছেন: “পঞ্চাশ আয়াত পরিমাণ”।

সাত. উম্মতের উপর রাসূলুল্লাহ সাল্লাল্লাহু আলাইহি ওয়াসাল্লামের দয়া যে, সিয়ামের শক্তির জন্য সেহরির বিধান দেন, অতঃপর তিনি স্বেচ্ছায় তা বিলম্ব করেন, যেন সাহাবিরা এতে তার অনুসরণ করে। তিনি সেহরি না খেলে তার অনুসরণ করা তাদের জন্য কষ্টকর ছিল, আবার প্রথমরাত বা মধ্যরাতে সেহরি খেলে সেহরির অনেক উদ্দেশ্য বিফল হত।

আট. রাসূলুল্লাহ সাল্লাল্লাহু আলাইহি ওয়াসাল্লামের সাথে শিষ্টাচার ও আদব রক্ষা করা জরুরী। এখানে যেমন যায়েদ বলেছেন: “আমরা রাসূলুল্লাহ সাল্লাল্লাহু আলাইহি ওয়াসাল্লামের সাথে সেহরি খেয়েছি”। তিনি বলেননি: “আমরা ও রাসূলুল্লাহ সাল্লাল্লাহু আলাইহি ওয়াসাল্লাম সেহরি খেয়েছি”। কারণ সাথীত্ব আনুগত্যের প্রমাণ বহন করে।

# ইসলামিক আলো

## ২২. রোযাদারের চুম্বন ও আলিঙ্গন করার বিধান

আয়েশা রাদিয়াল্লাহু আনহা থেকে বর্ণিত, তিনি বলেন:

«كَانَ رَسُولُ اللَّهِ يَقْبَلُ وَهُوَ صَائِمٌ، وَيُبَاشِرُ وَهُوَ صَائِمٌ، وَلَكِنَّهُ لَا يَمْلِكُ رِيَّةً» أَيُّ: لَا يَمْلِكُ لِحَاجَتِهِ.

“রাসূলুল্লাহ সাল্লাল্লাহু আলাইহি ওয়াসাল্লাম রোযাবস্থায় চুম্বন করতেন, আলিঙ্গন করতেন, কিন্তু তিনি তোমাদের চেয়ে তার চাহিদা অধিক নিয়ন্ত্রণকারী ছিলেন। অর্থাৎ স্ত্রীগমনের চাহিদা।

অপর বর্ণনায় আয়েশা রাদিয়াল্লাহু আনহা বলেন: “রাসূলুল্লাহ সাল্লাল্লাহু আলাইহি ওয়াসাল্লাম রমযানে রোযাবস্থায় চুম্বন করতেন”। মুসলিম।

মুসলিমের অপর বর্ণনায় আয়েশা রাদিয়াল্লাহু আনহা বলেন:

«وَأَيْكُمُ يَمْلِكُ رِيَّةً كَمَا كَانَ رَسُولُ اللَّهِ يَمْلِكُ رِيَّةً».

“তোমাদের মধ্যে কে রাসূলুল্লাহ সাল্লাল্লাহু আলাইহি ওয়াসাল্লামের মত নিজের প্রবৃত্তির উপর নিয়ন্ত্রণ রাখে”।

আবু দাউদের এক বর্ণনায় আয়েশা রাদিয়াল্লাহু আনহা থেকে বর্ণিত, তিনি বলেন:

«كَانَ رَسُولُ اللَّهِ يَقْبَلُنِي وَهُوَ صَائِمٌ وَأَنَا صَائِمَةٌ».

“রাসূলুল্লাহ সাল্লাল্লাহু আলাইহি ওয়াসাল্লাম আমাকে চুম্বন করতেন, অথচ তিনি ও আমি সওম অবস্থায় থাকতাম”।

ইবন হিব্বানের এক বর্ণনায় এসেছে, আবু সালমা ইবন আব্দুর রহমান আয়েশা রাদিয়াল্লাহু আনহা থেকে বর্ণনা করেন, তিনি বলেছেন:

«كَانَ رَسُولُ اللَّهِ يَقْبَلُ بَعْضَ نِسَائِهِ وَهُوَ صَائِمٌ، قُلْتُ لِعَائِشَةَ: فِي الْفَرِيضَةِ؟ قَالَتْ عَائِشَةُ: فِي كُلِّ تِلْكَ فِي الْفَرِيضَةِ وَالنَّطْوَعِ».

“রাসূলুল্লাহ সাল্লাল্লাহু আলাইহি ওয়াসাল্লাম তার কতক স্ত্রীদের রোযাবস্থায় চুম্বন করতেন। আমি আয়েশাকে জিজ্ঞেস করলাম: ফরয ও নফলে? তিনি বললেন: উভয়ে”।<sup>190</sup>

হাফসা রাদিয়াল্লাহু আনহা থেকে বর্ণিত:

«أَنَّ النَّبِيَّ كَانَ يَقْبَلُ وَهُوَ صَائِمٌ» رَوَاهُ مُسْلِمٌ.

“রাসূলুল্লাহ সাল্লাল্লাহু আলাইহি ওয়াসাল্লাম রোযাবস্থায় চুম্বন করতেন”।<sup>191</sup>

ওমর ইবন আবু সালমা রাদিয়াল্লাহু আনহু থেকে বর্ণিত, তিনি রাসূলুল্লাহ সাল্লাল্লাহু আলাইহি ওয়াসাল্লামকে জিজ্ঞাসা করেন: “রোযাদার কি চুম্বন করবে? রাসূলুল্লাহ সাল্লাল্লাহু আলাইহি ওয়াসাল্লাম বললেন: তাকে -উম্মে সালমা- জিজ্ঞাসা কর। উম্মে সালমা তাকে বলেন: রাসূলুল্লাহ সাল্লাল্লাহু আলাইহি ওয়াসাল্লাম এরূপ করেন। সে বলল: হে আল্লাহর রাসূল, আল্লাহ আপনার অগ্র-পশ্চাতের সবগুনাহ ক্ষমা করে দিয়েছেন। রাসূলুল্লাহ সাল্লাল্লাহু আলাইহি

<sup>190</sup> বুখারি: (১৮২৬), মুসলিম: (১১০৬), আবু দাউদ: (২৩৮৪), আহমদ: (৬/৪৪), তৃতীয় বর্ণনা মুসলিমের, চতুর্থ বর্ণনা আবু দাউদ ও আহমদের, পঞ্চম বর্ণনা ইবন হিব্বানের: (৩৫৪৫)

<sup>191</sup> মুসলিম: (১১০৭), ইবন মাজাহ: (১৬৮৫), আহমদ: (৬/২৮৬)



# ইসলামিক আলো

ওয়াসাল্লাম তাকে বললেন: জেনে রেখ, আল্লাহর শপথ! আমি তোমাদের মধ্যে সর্বাধিক পরহেযগার ও আল্লাহভীরু”। মুসলিম।<sup>192</sup>

ওমর ইব্ন খাতাব রাদিয়াল্লাহু আনহু থেকে বর্ণিত, তিনি বলেন: “রোযাবস্থায় বিনোদনের ছলে আমি চুম্বন করি। আমি বললাম: হে আল্লাহর রাসূল, আজ এক জঘন্য অপরাধ করে ফেলেছি, রোযাবস্থায় চুম্বন করেছি। তিনি বললেন: বল দেখি রোযাবস্থায় পানি দ্বারা কুলি করলে কি হয়? আমি বললাম: কিছু হয় না। তিনি বললেন: তাহলে কী অপরাধ করেছ”।<sup>193</sup>

## শিক্ষা ও মাসায়েল:

এক. রোযাদারের চুম্বন ও আলিঙ্গন করা বৈধ, রোযা ফরয হোক বা নফল, রোযাদার বৃদ্ধ হোক বা যুবক, রমযান বা গায়রে রমযান সর্বাবস্থায়, যদি স্ত্রীগমন অথবা বীর্যপাত থেকে নিরাপদ থাকে ও নিজেকে নিয়ন্ত্রণ করতে সক্ষম হয়।

দুই. হাদিসে আলিঙ্গন দ্বারা উদ্দেশ্য শরীরের সাথে শরীরের স্পর্শ, স্ত্রী সহবাস নয়। কারণ স্ত্রী সহবাস রোযা ভঙ্গকারী।<sup>194</sup>

তিন. রোযাদারের স্ত্রী চুম্বন, অথবা স্পর্শ অথবা আলিঙ্গনের ফলে যদি বীর্যস্থলন হয়, রোযা ভেঙ্গে যাবে, তার অবশিষ্ট দিন পানাহার থেকে বিরত থাকা, তওবা, ইস্তেগফার ও পরবর্তীতে কাযা করা জরুরী। কারণ আল্লাহ তা‘আলা হাদিসে কুদসীতে বলেন:

«يَذْغُ شَهْوَتُهُمْ أَكْلَهُ وَشُرْبُهُ مِنْ أَجْلِي» وفي رواية «يَذْغُ لَنْتَهُ مِنْ أَجْلِي، وَيَذْغُ زَوْجَتَهُ مِنْ أَجْلِي».

“সে আমার জন্য তার প্রবৃত্তি ও পানাহার ত্যাগ করে”।<sup>195</sup> অপর বর্ণনায় আছে: “সে আমার জন্য স্বাদ ও স্ত্রীগমন ত্যাগ করে”।<sup>196</sup>

‘মজি’ বের হলে রোযা ভাঙবে না, বিশুদ্ধ মতানুসারে এ কারণে তার ওপর কিছু ওয়াজিব হবে না।<sup>197</sup>

রোযাদারের জন্য উচিত যৌন উত্তেজক আচরণ থেকে বিরত থাকা, যা হারাম পর্যন্ত নিয়ে যায়।

চার. হাদিস প্রমাণ করে যে, চুম্বন শুধু নবী সাল্লাল্লাহু আলাইহি ওয়াসাল্লামের বৈশিষ্ট্য নয়, বরং সমগ্র উম্মতের জন্য তা বৈধ, যদি সহবাস বা বীর্যপাতের আশঙ্কা না থাকে।<sup>198</sup>

<sup>192</sup> মুসলিম: (১১০৮), মালেক: (১/২৯১)

<sup>193</sup> আবু দাউদ: (২৩৮৫), দারামি: (১৭২৪), আবু ইব্ন হুমাইদ: (২১), হাদিসটি সহিহ বলেছেন ইব্ন হিব্বান: (৩৫৪৪), হাকেম, তিনি বলেছেন বুখারি ও মুসলিমের শর্ত মোতাবেক, ইমাম যাহাবি তার সমর্থন করেছেন: (১/৫৯৬) ও আলবানি, সহিহ আবু দাউদে।

<sup>194</sup> তাবারি তার তাফসির গ্রন্থে বলেছেন: “আরবদের ভাষায় মোবাশারা হচ্ছে চামড়ার সাথে চামড়া মিলানো, আর পুরুষের চামড়া হচ্ছে তার বাহ্যিক শরীর”: (২/১৬৮), দেখুন: ফাতহুল বারি: (৪/১৪৯)

<sup>195</sup> বুখারি: (৭০৫৪), মুসলিম: (১১৫১)

<sup>196</sup> সহিহ ইব্ন খুযাইমাহ: (১৮৯৭), দেখুন: ফাতাওয়া ইব্ন বায: (২/১৬৪), এবং তার মাজমু ফাতাওয়া ও রাসায়েল: (১৫/৩১৫)

<sup>197</sup> ফাতাওয়া ইব্ন বায: (২/১৬৪), তার মাজমু ফাতাওয়া ও রাসায়েল: (১৫/২৬৮-৩১৫), ফাতাওয়াস সিয়াম লি ইব্ন জাবরিন: (৫৪)

<sup>198</sup> শারহ ইব্ন বাত্তাল: (৪/৫৬), মিনহাতুল বারি: (৪/৩৬৪), তুহফাতুল আহওয়াযি: (৩/৩৫০)

# ইসলামিক আলো

পাঁচ. রাসূলুল্লাহ সাল্লাল্লাহু আলাইহি ওয়াসাল্লাম ছিলেন সবচেয়ে আল্লাহ ভীরু, কারণ তিনি আল্লাহকে সবচেয়ে বেশী জানতেন।<sup>199</sup>

হয়. হাদিস প্রমাণ করে যে, দ্বীনের ব্যাপারে বাড়াবাড়ি ও কঠোরতা নিষেধ, অথবা এ বিশ্বাস করা যে, শুধু নবী সাল্লাল্লাহু আলাইহি ওয়াসাল্লামের জন্য স্ত্রী চুম্বন বৈধ, উম্মতের কারো জন্য তা বৈধ নয়। কারণ এ ব্যাপারে যখন রাসূলুল্লাহ সাল্লাল্লাহু আলাইহি ওয়াসাল্লামকে জিজ্ঞাসা করা হয়, তিনি স্বাভাবিকভাবে তা নেননি, বরং তিনি বলেন:

«أَمَّا وَاللَّهِ إِنِّي لَا تَقَاكُمُ اللَّهُ وَأَخْشَاكُمْ لَهُ» وَفِي الْحَدِيثِ الْآخَرِ: «وَأَعْلَمُكُمْ بِحُدُودِ اللَّهِ».

“জেনে রেখ, আমি তোমাদের মধ্যে সবচেয়ে পরহেযগার ও আল্লাহ ভীরু”।<sup>200</sup> অপর হাদিসে এসেছে: “আমি তোমাদের চেয়ে আল্লাহর বিধান অধিক জানি”।

সাত. হাদিস থেকে সাহাবিদের হালাল-হারাম জানার আগ্রহ ও আল্লাহ ভীতি প্রমাণ হয়, তারা ইবাদত বিনষ্টকারী বা সওয়াব হ্রাসকারী বস্তু থেকে সতর্কতা অবলম্বন করতেন।

আট. এ হাদিসে সেসব সূফীদের প্রতিবাদ করা হয়েছে, যারা বিশ্বাস করে যে, ঈমান ও আমলে যাদের পূর্ণতা অর্জন হয়েছে, তারা শরিয়তের বিধানের বাধ্যবাধকতা থেকে মুক্ত! এখানে আমরা দেখি রাসূলুল্লাহ সাল্লাল্লাহু আলাইহি ওয়াসাল্লাম শরিয়তের বিধানে সর্বাধিক গুরুত্ব প্রদান করেন, অথচ তার ঈমান ও আমল সবার চেয়ে কামেল ও পরিপূর্ণ ছিল। এতে তাদেরও প্রতিবাদ রয়েছে, যাদের ধারণা নবী সাল্লাল্লাহু আলাইহি ওয়াসাল্লামের পূর্বাঙ্গের পাপ ক্ষমা করে দেয়া হয়েছে, তাই নিষিদ্ধ কতক কাজ তার জন্য বৈধ।<sup>201</sup>

নয়. ওমর ইবন খাত্তাবের হাদিসে এক বিধানের ক্ষেত্রে দুটি বস্তুর তুলনা করা ও কiyাসের বৈধতা প্রমাণিত হয়, যদি বস্তুদ্বয়ে সাদৃশ্য থাকে। যেমন পানি দ্বারা গড়গড়ার ফলে গলায় ও পেটে পানি প্রবেশের সম্ভাবনা থাকে, যে কারণে সওম ভেঙ্গে যায়, অনুরূপ চুম্বনের ফলে স্ত্রীগমনের সম্ভাবনা থাকে, যে কারণে সওম ভেঙ্গে যায়, কিন্তু যেহেতু গড়গড়ার ফলে সওম ভাঙ্গে না, তাই চুম্বনের ফলে সওম ভাঙ্গে না।<sup>202</sup>

<sup>199</sup> আল-মুফহিম: (৩/১৬৫)

<sup>200</sup> শারহুন নববী আলা মুসলিম: (৭/২১৯)

<sup>201</sup> অনুরূপ আরও ভুল বুঝার সম্ভাবনা রয়েছে, তৃতীয়বার পাপ থেকে তওবাকারীর হাদিস ও আল্লাহর বাণী থেকে: **اعمل ما شئت فقد غفرت**

এ “তুমি যা ইচ্ছা কর, আমি তোমাকে ক্ষমা করে দিয়েছি”। মূলত: এ ভুল বুঝার সম্ভাবনা বাতিল। এর দলিল, রাসূলুল্লাহ সাল্লাল্লাহু আলাইহি ওয়াসাল্লামের বাণী: “আমি তোমাদের মধ্যে অধিক পরহেযগার ও আল্লাহ ভীরু”। উপরন্তু এ ব্যাপারে উম্মতের ইজমা রয়েছে যে, ব্যক্তি বুযুগী ও মর্যাদার যে স্তরে উপনীত হোক, শরিয়তের বিধান তার থেকে মওকুফ হবে না”। আল-মুফহিম: (৩/১৬৪-১৬৫)

<sup>202</sup> আবু দাউদের টিকায় মাআলেমুস সুনান: (২/৭৮০)

# ইসলামিক আলো

## ২৩. রমযানে পানাহার করার শাস্তি

আবু উমামা বাহেলি রাদিয়াল্লাহু আনহু বলেন: আমি রাসূলুল্লাহ সাল্লাল্লাহু আলাইহি ওয়াসাল্লামকে বলতে শুনেছি:

«بَيْنَا أَنَا وَتَانِي رَجُلَانِ فَأَخَذَا بِضَبْعِي - أَي: عَضْدِي فَأَتَيْنَا بِي جَبَلًا وَعَرَا قَالَا لِي: اصْعَدْ، فَقُلْتُ: إِنِّي لَا طَيْفَ لَهُ، فَقَالَا: إِنَّا سَدَّسْهُ لَكَ، فَصَعِدْتُ حَتَّى إِذَا كُنْتُ فِي سَوَاءِ الْجَبَلِ إِذَا أَنَا بِأَصْوَاتٍ شَبِيحَةٍ، فَقُلْتُ: مَا هَذِهِ الْأَصْوَاتُ؟ قَالُوا: هَذَا عَوَى أَهْلُ النَّارِ، ثُمَّ انْطَلَقَ بِي فَإِذَا أَنَا بِرُفُوفٍ مُعَلَّقِينَ بِعَرَاقِيهِمْ، مُشَقَّقَةً سِدَاقُهُمْ تَسِيلُ لِنَدَاقِهِمْ دَمًا، قَالَ: قُلْتُ: مَنْ هَؤُلَاءِ؟ قَالَ: هَؤُلَاءِ الَّذِينَ يُفْطِرُونَ قَبْلَ تِلْكَ صَوْمِهِمْ» رَوَاهُ النَّسَائِيُّ وَصَحَّحَهُ الْحَاكِمُ.

“একদা আমি ঘুমিয়ে ছিলাম, সহসা দু’জন লোক এসে আমার বাহু ধরে আমাকেসহ তারা এক দুর্গম পাহাড়ে আগমন করল। তারা আমাকে বলল: আরোহণ কর, আমি বললাম: আমি আরোহণ করতে পারি না। তারা বলল: আমরা তোমাকে সাহায্য করব। আমি ওপরে আরোহণ করলাম। যখন পাহাড়ের চূড়ায় পৌঁছলাম, বিভিন্ন বিকট শব্দের সম্মুখীন হলাম। আমি বললাম: এ আওয়াজ কিসের? তারা বলল: এগুলো জাহান্নামীদের যেউ যেউ আর্তনাদ। অতঃপর তারা আমাকে নিয়ে রওনা করল, আমি এমন লোকদের সম্মুখীন হলাম, যাদেরকে হাঁটুতে বুলিয়ে রাখা হয়েছে, তাদের চোয়াল ক্ষতবিক্ষত, অবিরত রক্ত বরছে। রাসূলুল্লাহ সাল্লাল্লাহু আলাইহি ওয়াসাল্লাম বললেন: আমি বললাম: এরা কারা? তারা বলল: এরা হচ্ছে সেসব লোক, যারা সওম পূর্ণ হওয়ার আগে ইফতার করত”।<sup>203</sup>

### শিক্ষা ও মাসায়েল:

এক. এ হাদিসে কবরের আযাবের প্রমাণ রয়েছে। কবরের আযাব কুরআন, সুন্নাহ ও উম্মতের ইজমা দ্বারা প্রমাণিত। ইমাম আহমদ রহ. বলেন: কবরের আযাব সত্য, গোমরাহ ও পথভ্রষ্ট ব্যতীত কেউ তা অস্বীকার করতে পারে না”।<sup>204</sup>

দুই. কবরের আযাব শরীর ও রুহ উভয়ের ওপর ঘটে, যার স্বরূপ আল্লাহ ব্যতীত কেউ জানে না। ইব্ন কায়্যিম রহ. বলেন: “এ উম্মতের পূর্বসূরি ও ইমামদের অভিমত হচ্ছে, মৃত ব্যক্তি যখন মারা যায়, নেয়ামত বা আযাবে অবস্থান করে, যা তার শরীর ও রুহ উভয় ভোগ করে। শরীর থেকে আলাদা হওয়ার পর রুহ আরামে বা আযাবে অবস্থান করে। কখনো সে শরীরের সাথে মিলিত হয়, তখন সে তার সাথে আযাব বা নেয়ামত ভোগ করে। অতঃপর যখন কিয়ামত সংঘটিত হবে, তখন সব রুহ শরীরে ফিরিয়ে দেওয়া হবে। আর তারা সবাই কবর থেকে আল্লাহর সমীপে উপস্থিত হবে”।<sup>205</sup>

<sup>203</sup> নাসায়ি ফিল কুবরা: (৩২৮৬), তাবরানি ফিল কাবির: (৮/১৫৭), হাদিস নং: (৭৬৬৭), মুসনাদে শামি: (৫৭৭), বায়হাকি: (৪/২১৬), এ হাদিস সহিহ বলেছেন ইব্ন খুযাইমাহ: (১৯৮৬), ইব্ন হিব্বান: (৭৪৬১) ও হাকেম: (১/৫৯৫), তিনি বলেছেন মুসলিমের শর্ত মোতাবেক, ইমাম যাহাবি তার সমর্থন করেছেন।

<sup>204</sup> আর-রুহ লি ইব্নিল কাইয়িম: (৫৭), দেখুন: আস-সুন্নাহ, লিল লালেকায়ি: (৬/১১২৭), ইসবাতু আযাবিল কাবর লিল বায়হাকি: (১/১১০)

<sup>205</sup> আর-রুহ লি ইব্ন কাইয়িম: (৫২), দেখুন: মাজমু ফাতাওয়া: (৪/২৮২)

# ইসলামিক আলো

তিন. রাসূলুল্লাহ সাল্লাল্লাহু আলাইহি ওয়াসাল্লামকে স্বপ্নে কবর আযাবের কতক নমুনা দেখানো হয়েছে। নবীদের স্বপ্ন সত্য ও ওহির অংশ।

চার. এতে কবর আযাবের কঠিন চিত্র ফুটে উঠেছে, মুসলিমদের উচিত কবর আযাব ভয় করা, তার উপকরণ থেকে বেচে থাকা ও তা থেকে সুরক্ষার আসবাব গ্রহণ করা।

পাঁচ. রমযানে যে ব্যক্তি জেনে ও ইচ্ছাকৃতভাবে, কোন কারণ ব্যতীত সময় হওয়ার পূর্বে ইফতার করে, তার জন্য কঠোর হুশিয়ারি রয়েছে এ হাদিসে। এটা কবির গুনাহ, যার জন্য রয়েছে কঠিন শাস্তি।

ছয়. সূর্যাস্তের পূর্বে ইফতারে যদি এ শাস্তি হয়, তাহলে যে রমযানে সওম রাখে না, অথবা কোন কারণ ব্যতীত কয়েক রমযান ইফতার করে, সে এরূপ বা তার চেয়ে কঠিন শাস্তি ভোগ করবে সন্দেহ নেই। অতএব যার থেকে এরূপ ঘটে তার কর্তব্য দ্রুত তওবা করা, যেন তাকে কবরের এ আযাব স্পর্শ না করে।

# ইসলামিক আলো

## ২৪. দ্রুত ইফতার করার ফযিলত

আল্লাহ তা'আলা বলেছেন:

ثُمَّ (تَمُوا) الصَّيَّامَ إِلَى الْآيَةِ (البقرة: 187)

“অতঃপর রাত পর্যন্ত সিয়াম পূর্ণ কর”।<sup>206</sup>

সাহাল ইব্ন সাদ থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«لَا يَزَالُ النَّاسُ بِخَيْرٍ مَا عَجَّلُوا الْفِطْرَ» رواه الشيخان.

“লোকেরা কল্যাণ থেকে মাহরুম হবে না, যতক্ষণ তারা দ্রুত ইফতার করবে”।<sup>207</sup>

ইব্ন মাজার এক বর্ণনায় আছে: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«لَا يَزَالُ النَّاسُ يَخَيْرُ مَا عَجَّلُوا الْفِطْرَ، عَجَّلُوا الْفِطْرَ فَإِنَّ الْيَهُودَ يُؤَخَّرُونَ».

“লোকেরা কল্যাণে অবস্থান করবে, যাবত তারা দ্রুত ইফতার করবে। তোমরা দ্রুত ইফতার কর, কারণ ইহুদিরা বিলম্ব করে”।<sup>208</sup>

ইব্ন হিব্বান ও ইব্ন খুযাইমার বর্ণনায় আছে:

«مَا يَزَالُ الدِّينُ ظَاهِرًا مَا عَجَّلَ النَّاسُ الْفِطْرَ، إِنَّ الْيَهُودَ وَالنَّصَارَى يُؤَخَّرُونَ».

“এ ধীন বিজয়ী থাকবে, যতদিন মানুষেরা দ্রুত ইফতার করবে, নিশ্চয় ইহুদি ও নাসারারা বিলম্ব করে”।<sup>209</sup>

অপর এক বর্ণনায় আছে:

«لَا تَزَالُ مَتِي عَلَى سُنَّتِي مَا لَمْ تَنْتَظِرْ بِفِطْرِهَا النُّجُومَ».

“আমার উম্মতেরা সুন্নতের ওপর প্রতিষ্ঠিত থাকবে, যতক্ষণ তারা ইফতারের জন্য নক্ষত্রের অপেক্ষা না করবে”।<sup>210</sup>

আবুল আতিয়াহ হামদানি রহ. বলেন: আমি ও মাসরুক আয়েশা রাদিয়াল্লাহু আনহা নিকট গিয়ে জিজ্ঞাসা করি: হে উম্মুল মুমেনিন, রাসূলের দু'জন সাহাবি: একজন দ্রুত ইফতার ও দ্রুত সালাত আদায় করেন, অপরজন দেরিতে ইফতার ও দেরিতে সালাত আদায় করেন। তিনি বললেন: কে দ্রুত ইফতার করে ও দ্রুত সালাত আদায় করে? তিনি বলেন: আমরা বললাম: আব্দুল্লাহ অর্থাৎ আব্দুল্লাহ ইব্ন মাসউদ। তিনি বললেন: নবী সাল্লাল্লাহু আলাইহি ওয়াসাল্লাম এরূপ করতেন। আবু কুরাইব বাড়িয়ে বলেছেন: দ্বিতীয় ব্যক্তি আবু মূসা”।<sup>211</sup>

<sup>206</sup> সূরা বাকারা: (১৮৭)

<sup>207</sup> বুখারি: (১৮৫৬), মুসলিম: (১০৯৮)

<sup>208</sup> সুনানে ইব্ন মাজার: (১৬৯৮)

<sup>209</sup> সহিহ ইব্ন খুযাইমাহ: (২০৬০), সহিহ ইব্ন হিব্বান: (৩৫০৩)

<sup>210</sup> ইব্ন খুযাইমাহ: (২০৬১), সহিহ ইব্ন হিব্বান: (৩৫২০), হাকেম: (১/৫৯৯), তিনি বলেছেন বুখারি ও মুসলিমের শর্ত মোতাবেক, ইমাম যাহাবি তার সমর্থন করেছেন।

<sup>211</sup> মুসলিম: (১০৯৯), আবু দাউদ: (২৩৫৪), তিরমিযি: (৭০২), নাসায়ি: (৪/১৪৪), আহমদ: (৬/৪৬)

# ইসলামিক আলো

আনাস রাদিয়াল্লাহু আনহু থেকে বর্ণিত, তিনি বলেন: “ইফতার না করে কখনো নবী সাল্লাল্লাহু আলাইহি ওয়াসাল্লামকে মাগরিবের সালাত আদায় করতে দেখিনি, তা একটোক পানি দ্বারাই হোক”।<sup>212</sup>

আমর ইব্ন মায়মুন আওদি রহ. বলেছেন: “নবী সাল্লাল্লাহু আলাইহি ওয়াসাল্লামের সাহাবিগণ সবচেয়ে দ্রুত ইফতার করতেন ও সবচেয়ে বিলম্বে সেহরি খেতেন”।<sup>213</sup>

## শিক্ষা ও মাসায়েল:

এক. চোখে দেখে, অথবা নির্ভরযোগ্য সংবাদ শুনে অথবা প্রবল ধারণা হয় যে, সূর্য ডুবেছে, তাহলে দ্রুত ইফতার করা মোস্তাহাব। হাদিস তাই প্রমাণ করে, সাহাবিদের আদর্শ এরূপ ছিল। হাফেয ইব্নু আব্দুল বার রহ. বলেছেন: “সকল আলেম একমত যে, মাগরিবের সালাতের সময় হলে রোযাদারের ইফতার হালাল হয়, কি ফরয কি নফল। মাগরিব সালাত রাতের সালাতের অন্তর্ভুক্ত, এতে কারো দ্বিমত নেই। আল্লাহ তা‘আলা বলেন:<sup>214</sup>

ثُمَّ (تَمُوا) الصَّيَّامَ إِلَى الْإِيلِ (١٨٧) [البقرة: 187]

“অতঃপর রাত পর্যন্ত সিয়াম পূর্ণ কর”।<sup>215</sup>

দুই. দ্রুত ইফতার যেহেতু বরকতময়, তাই বিলম্বে ইফতার বরকতহীন।<sup>216</sup>

তিন. এ উম্মতের একটি কল্যাণ হচ্ছে তারা কিতাবি তথা ইহুদি ও নাসারাদের বিপরীতে দ্রুত ইফতার করে, তারা নক্ষত্র বিকশিত হওয়ার অপেক্ষা করে।<sup>217</sup> কিতাবিদের বিরোধিতা আমাদের দ্বীনের এক গুরুত্বপূর্ণ মূলনীতি। এটা এ উম্মতের বড় বৈশিষ্ট্য ও সকল উম্মতের ওপর তার শ্রেষ্ঠত্বের প্রমাণ। এ জন্য কাফেরদের সাথে মিল রাখা হারাম।

চার. সূর্যাস্তের পর ইফতার বিলম্ব করা সুন্নত পরিহার ও বিদআত সৃষ্টির আলামত।

পাঁচ. এসব হাদিসে শিয়া-রাফেযা ও তাদের অনুসারীদের প্রত্যাখ্যান করা হয়েছে, যারা সূর্যাস্তের পর ইফতারের জন্য স্পষ্টভাবে তারকা দেখার অপেক্ষা করে।<sup>218</sup>

ছয়. ইবাদতের ক্ষেত্রে নির্দিষ্ট সময়ের পাবন্দ হলে, গোঁড়ামি, দ্বীন থেকে বিচ্যুতি ও শয়তানি প্রবঞ্চনা থেকে মুক্ত থাকা যায়, যেমন নিশ্চিত সূর্যাস্তের পর দ্রুত ইফতার করা।<sup>219</sup>

সাত. দ্রুত ইফতারে বান্দার অপারগতা, আল্লাহর আনুগত্য ও তার রুখসতের প্রতি আগ্রহ প্রকাশ পায়।<sup>220</sup>

<sup>212</sup> আবু ইয়াল্লা: (৩৭৯২), বায্ঘার: (৯৮৪), বাযহাকি: (৪/২৩৯), সহিহ ইব্ন খুযাইমাহ: (২০৬৩), ইব্ন হিব্বান: (৩৫০৪-৩৫০৫), হায়সামি মাজমাউয যাওয়ায়েদ: (৩/১৫৫) গ্রন্থে বলেছেন, আবু ইয়ালার বর্ণনাকারীগণ সহিহ গ্রন্থের বর্ণনাকারী।

<sup>213</sup> আব্দুর রায্ঘাক: (৭৫৯১), বাযহাকি: (৪/২৩৮), হাফেয ইব্ন হাজার ফাতহুল বারিতে : (৪/১৯৯), হাদিসটি সহিহ বলেছেন।

<sup>214</sup> আল-ইস্তেযকার: (৩/২৮৮)

<sup>215</sup> সূরা বাকার: (১৮৭)

<sup>216</sup> আল-ইস্তেযকার: (৩/১৫৩)

<sup>217</sup> ফাতহুল বারি: (৪/১৯৯),

<sup>218</sup> ফাতহুল বারি: (৪/১৯৯)

<sup>219</sup> আল-মুফহিম: (৩/১৫৭), তুহফাতুল আহওয়াযি: (৩/৩১৪)

# ইসলামিক আলো

আট. এ হাদিস প্রমাণ করে লাগাতার সওম মাকরুহ। আরো প্রমাণ করে সালাতের পূর্বে ইফতার করা জরুরী, এতে ইফতার দ্রুত হয়।<sup>221</sup>

নয়. সুন্নতের অনুসরণ করা ও তার বিরোধিতা থেকে বিরত থাকা, সুন্নত ত্যাগ করার কারণে কর্মে ফ্যাসাদ ও বিঘ্নতার সৃষ্টি হয়। সাহাবিরা কোন কর্মে সফলতা না পেলে পরখ করত, তাদের থেকে কোন সুন্নত ছুটে গেছে, কোন সুন্নত খুঁজে পেলে ধরে নিত, এ কারণে তাদের এ সমস্যা।<sup>222</sup>

দশ. এ উম্মতের সৌভাগ্য তারা সুন্নত লাভ করেছে, যা আল্লাহর মহব্বতকে জরুরী করে। আল্লাহ তা'আলা বলেন:

قُلْ إِن كُنْتُمْ تُحِبُّونَ اللَّهَ فَأَتَّبِعُوا نَبِيَّيَ يُخْرِجْكُمُ اللَّهُ مِن ظِلِّهِ وَيَغْفِرْ لَكُمْ تَوْبَكُمْ وَاللَّهُ غَفُورٌ رَّحِيمٌ (آل عمران: 31)

“বল, ‘যদি তোমরা আল্লাহকে ভালবাস, তাহলে আমার অনুসরণ কর, আল্লাহ তোমাদেরকে ভালবাসবেন এবং তোমাদের পাপসমূহ ক্ষমা করে দেবেন। আর আল্লাহ অত্যন্ত ক্ষমাশীল, পরম দয়ালু”<sup>223, 224</sup>

---

<sup>220</sup> তুহফাতুল আহওয়াযি: (৩/৩১৫)

<sup>221</sup> শারহ ইবনুল মুলাক্কিন আলাল উমদাহ: (৫/৩১১)

<sup>222</sup> শারহ ইবনুল মুলাক্কিন আলাল উমদাহ: (৫/৩১০-৩১১)

<sup>223</sup> সূরা বাকার: (৩১)

<sup>224</sup> তুহফাতুল আহওয়াযি: (৩/৩১৬)

# ইসলামিক আলো

## ২৫. মুসাফির, গর্ভবতী ও স্তন্যদানকারীর সিয়াম ভঙ্গ করা

আনাস ইব্ন মালিক আল-কা'বি রাদিয়াল্লাহু আনহু বলেন: রাসূলুল্লাহ সাল্লাল্লাহু আলাইহি ওয়াসাল্লামের বাহিনী আমার কাওমের উপর আক্রমণ করেছিল। তখন আমি তার নিকট এলাম, তিনি খানা খাচ্ছিলেন। তিনি বললেন: কাছে আস, খাও। আমি বললাম: আমি রোযাদার। তিনি বললেন: বস, আমি তোমাকে সওম অথবা সিয়াম সম্পর্কে বলছি। আল্লাহ তা'আলা মুসাফির থেকে অর্ধেক সালাত হ্রাস করেছেন, মুসাফির, গর্ভবতী ও স্তন্য-দানকারী থেকে সওম অথবা সিয়াম স্থগিত করেছেন। হায় আফসোস! সেদিন যদি আমি রাসূলের খানা থেকে কিছু ভক্ষণ করতাম!<sup>225</sup>

### শিক্ষা ও মাসায়েল:

এক. বান্দার ওপর আল্লাহর দয়া যে, তিনি অক্ষম ব্যক্তিদের থেকে কতক আহকাম স্থগিত করে দিয়েছেন, যারা তা পালনে অপারগ বা তা আদায়ে কষ্ট ও ক্ষতির সম্মুখীন হওয়ার সম্ভাবনা রয়েছে।

দুই. রাসূলুল্লাহ সাল্লাল্লাহু আলাইহি ওয়াসাল্লামের সদাচরণ যে তিনি আনাসকে খানার জন্য আহ্বান করেছেন। তিনি উম্মতের কল্যাণে ছিলেন অতি আগ্রহী, তাই প্রয়োজনীয় জিনিস তাদের বাতলে দিতেন।

তিন. মুসাফিরের জন্য ইফতার ও কসর করা বৈধ, এটা আল্লাহর পক্ষ থেকে রুখসত, আল্লাহ যেমন আজিমত পছন্দ করেন, তেমন তিনি রুখসত পছন্দ করেন।

চার. গর্ভবতীর জন্য আল্লাহ রমযানে সিয়াম সাধনা স্থগিত করে দিয়েছেন। কারণ গর্ভে বিদ্যমান বাচ্চা মায়ের খাদ্য থেকে খাবার গ্রহণ করে, যদি মা সিয়াম পালন করে, তবে তার কষ্ট হতে পারে বা তার ক্ষতির সম্ভাবনা রয়েছে, তাই আল্লাহ তার থেকে সিয়াম স্থগিত করে দিয়েছেন।

পাঁচ. স্তন্য-দানকারীর ওপর আল্লাহ সিয়াম স্থগিত করে দিয়েছেন, কারণ স্তন্য দানকারী মায়ের বারবার খাবার গ্রহণ করা জরুরী, অন্যথায় তার বা তার বাচ্চার ক্ষতির সম্ভাবনা রয়েছে।

ছয়. জ্বলন্ত ব্যক্তিকে বাঁচানো, পানিতে নিমজ্জিত ব্যক্তিকে উদ্ধার করা বা নিষ্পাপ শিশুকে মুক্ত করার জন্য যার সিয়াম ভঙ্গ করা জরুরী হয়, সে এর অন্তর্ভুক্ত।<sup>226</sup>

সাত. গর্ভবতী ও স্তন্য দানকারী যদি নিজের জানের ভয়, অথবা নিজের ও বাচ্চার ক্ষতির ভয়ে সিয়াম ভঙ্গ করে, তাহলে তাদের শুধু কাযা করাই যথেষ্ট, এতে কারো দ্বিমত নেই। কারণ তারা অসুস্থ ব্যক্তিদের ন্যায়, অতএব তাদের মত তারা সুবিধা ভোগ করবে।<sup>227</sup> আর মায়েরা যদি শুধু বাচ্চার আশঙ্কায় সওম ভঙ্গ করে, তাহলে এতে

<sup>225</sup> আবুদাউদ: (২৪০৮) আহমদ: (৪/৩৪৭) তিরমিযি: (৭১৫) তিনি বলেছেন, হাদিসটি হাসান। ইব্ন মাজাহ: (১৬৬৭) তাবরানি ফিল কাবির: (১/২৬৩) হাদিস নং: (৭৬৫) বায়হাকি: (৪/২৩১) সহিহ আবু দাউদ লিল আলবানি। শায়খ ইব্ন বায ও তার ফাতাওয়ায় হাদিসটি সহিহ বলেছেন: (১৫/২২৪)

<sup>226</sup> দেখুন: আশ-শারহুল মুমতি: (৬/৩৫০-৩৫১), মুনতাকা মিন ফাতাওয়া শায়খ ইব্ন বায: (৩/১৪১)

<sup>227</sup> আল-মুগনি: (৪/৩৯৩-৩৯৪), যাখিরাতুল উকবা: (২১১/২১৪)



# ইসলামিক আলো

আলেমদের দ্বিমত রয়েছে। তবে যার উপর ফতোয়া, ইনশাআল্লাহ তাই বিশুদ্ধ যে, তাদের শুধু কাযা করতে হবে, কারণ তারা অসুস্থ ব্যক্তিদের ন্যায়। দ্বিতীয়ত নবী সাল্লাল্লাহু আলাইহি ওয়াসাল্লাম সওম স্থগিত করার ব্যাপারে মুসাফির ও তাদেরকে একসাথে উল্লেখ করেছেন, এটা সর্বজন বিদিত যে, মুসাফির কাযা করবে, তার উপর খাদ্যদান জরুরী নয়, অনুরূপ গর্ভবতী ও দুগ্ধ দানকারী।

# ইসলামিক আলো

## ২৬. সফরে রোযা ভঙ্গ করা

আয়েশা রাদিয়াল্লাহু আনহা থেকে বর্ণিত,

«أَنَّ حَمْرَةَ بِنَ عَمْرٍو أَسْلَمِي ۖ قَالَ لِلنَّبِيِّ ﷺ: أَأَصُومُ فِي السَّفَرِ؟ وَكَانَ كَثِيرَ الصَّيَامِ، فَقَالَ: إِنْ شِئْتَ فَصُمْ وَإِنْ شِئْتَ فَافْطِرْ» رواه الشيخان.

“হামজাহ ইব্ন আমর আসলামি রাদিয়াল্লাহু আনহা রাসূলুল্লাহ সাল্লাল্লাহু আলাইহি ওয়াসাল্লামকে বলেন: আমি কি সফরে রোযা রাখব? তার রোযার খুব অভ্যাস ছিল। তিনি বললেন: যদি চাও রাখ, অন্যথায় ইফতার কর”।<sup>228</sup>

ইব্ন আব্বাস রাদিয়াল্লাহু আনহুমা থেকে বর্ণিত, তিনি বলেন:

«سَافَرَ رَسُولُ اللَّهِ ﷺ فِي رَمَضَانَ فَصَامَ حَتَّى بَلَغَ عُسْفَانَ، ثُمَّ دَعَا بِإِنَاءٍ مِنْ مَاءٍ فَشَرِبَ نَهَارًا لِإِبْرَاهِيمَ الدَّاسُ فَاْفْطَرَ حَتَّى قَدِمَ مَكَّةَ، وَكَانَ ابْنُ عَبَّاسٍ يَقُولُ: صَامَ رَسُولُ اللَّهِ ﷺ فِي السَّفَرِ وَافْطَرَ، فَمَنْ شَاءَ صَامَ وَمَنْ شَاءَ افْطَرَ» رواه الشيخان.

“রাসূলুল্লাহ সাল্লাল্লাহু আলাইহি ওয়াসাল্লাম রমযানে সফর করে রোযাবস্থায় উসফান নামক স্থানে পৌঁছেন। অতঃপর পানির পাত্র ডেকে পাঠালেন ও দিনে পান করলেন, যেন লোকেরা তাকে দেখে। তিনি ইফতার করে মক্কায় আগমন করেন। ইব্ন আব্বাস রাদিয়াল্লাহু আনহু বলতেন: রাসূলুল্লাহ সাল্লাল্লাহু আলাইহি ওয়াসাল্লাম সফরে রোযা রেখেছেন ও ইফতার করেছেন। অতএব যার ইচ্ছা রোযা রাখ, যার ইচ্ছা ইফতার কর”।<sup>229</sup>

আনাস ইব্ন মালিক রাদিয়াল্লাহু আনহু বলেন:

«كَأَنَّهُ سَافَرُ مَعَ النَّبِيِّ ﷺ فَلَمْ يَجِبِ الصَّائِمُ عَلَى الْمُفْطِرِ وَلَا الْمُفْطِرُ عَلَى الصَّائِمِ»

“আমরা নবী সাল্লাল্লাহু আলাইহি ওয়াসাল্লামের সাথে সফর করতাম, রোযাদার রোযাভঙ্গকারীকে বা রোযাভঙ্গকারী রোযাদারকে কোন তিরস্কার করেনি”।<sup>230</sup>

আবু সাঈদ খুদরি রাদিয়াল্লাহু আনহু বর্ণনা করেন:

«كُنَّا نَعْرِو مَعَ رَسُولِ اللَّهِ ﷺ فِي رَمَضَانَ فَمَنْ الصَّائِمُ وَمَنْ الْمُفْطِرُ، فَلَا يَجُزُّ الصَّائِمُ عَلَى الْمُفْطِرِ، وَلَا الْمُفْطِرُ عَلَى الصَّائِمِ، يَرَوْنَ أَنَّ مَنْ وَجَّهَ فَصَامَ فَإِنَّ ذَلِكَ حَسَنٌ، وَيَرَوْنَ أَنَّ مَنْ وَجَّهَ ضَعُفًا فَافْطَرَ فَإِنَّ ذَلِكَ حَسَنٌ» رواه مسلم.

“আমরা রাসূলুল্লাহ সাল্লাল্লাহু আলাইহি ওয়াসাল্লামের সাথে রমযানে যুদ্ধ করতাম, আমাদের থেকে কেউ হত রোযাদার, কেউ হত রোযাভঙ্গকারী। রোযাদার রোযাভঙ্গকারীকে ও রোযাভঙ্গকারী রোযাদারকে তিরস্কার করত না। তারা মনে করত, যার শক্তি আছে সে রোযা রাখবে, এটা তার জন্য ভাল, আর যে দুর্বল সে রোযা ভাঙ্গবে, এটা তার জন্য ভাল”।<sup>231</sup>

তার থেকে আরো বর্ণিত, তিনি বলেন:

«سَافَرْنَا مَعَ رَسُولِ اللَّهِ ﷺ إِلَى مَكَّةَ وَنَحْنُ صِيَامٌ، فَتَزَلْنَا مَزْلًا فَقَالَ رَسُولُ اللَّهِ ﷺ: إِنَّكُمْ قَدْ نَوَيْتُمْ مِنْ عَذُوكُمْ وَالْفِطْرَ أَقْوَى لَكُمْ، فَكَانَتْ رُخْصَةً، فَمَنْ صَامَ، وَمَنْ مَنَّ فِطْرَ، ثُمَّ نَزَلْنَا مَزْلًا آخَرَ فَقَالَ: إِنَّكُمْ مُصْبِحُو عَذُوكُمْ وَالْفِطْرَ أَقْوَى لَكُمْ فَافْطَرُوا، وَكَانَتْ عَزْمَةً فَافْطَرْنَا، ثُمَّ قَالَ: لَقَدْ رَأَيْتُنَا نَصُومُ مَعَ رَسُولِ اللَّهِ ﷺ بَعْدَ ذَلِكَ فِي السَّفَرِ» رواه مسلم.

<sup>228</sup> বুখারি: (১৮১৪), মুসলিম: (১১২১)

<sup>229</sup> বুখারি: (৪০২৯), মুসলিম: (১১১৩)

<sup>230</sup> বুখারি: (১৮৪৫), মুসলিম: (১১১৮)

<sup>231</sup> মুসলিম: (১১১৬), তিরমিযি: (৭১৩), আহমদ: (৩/১২)

# ইসলামিক আলো

“আমরা রাসূলুল্লাহ সাল্লাল্লাহু আলাইহি ওয়াসাল্লামের সাথে রোযাবস্থায় মক্কার দিকে সফর করেছি, আমরা একস্থানে অবতরণ করলাম, অতঃপর রাসূলুল্লাহ সাল্লাল্লাহু আলাইহি ওয়াসাল্লাম বললেন: তোমরা তোমাদের শত্রুদের নিকটবর্তী হয়েছ, পানাহার তোমাদের শক্তির জন্য সহায়ক। এটা ছিল রুখসত। আমাদের কেউ রোযা রাখল, কেউ ভেঙ্গে ফেলল। অতঃপর আমরা অপর স্থানে অবতরণ করলাম, তিনি বললেন: সকালে তোমরা তোমাদের শত্রুদের মুখোমুখি হবে, ইফতার তোমাদের শক্তি বৃদ্ধি করবে। এটা চূড়ান্ত নির্দেশ ছিল, আমরা সকলে ইফতার করলাম। অতঃপর তিনি বলেন: তারপর আমরা নিজেদের দেখেছি, আমরা রাসূলুল্লাহ সাল্লাল্লাহু আলাইহি ওয়াসাল্লামের সাথে সফরে রোযা রাখতাম”।<sup>232</sup>

## শিক্ষা ও মাসায়েল<sup>233</sup>:

এক. ইসলামের উদারতা, ইসলামি শরিয়তের ছাড় ও তার অনুসারীদের ওপর সজাগ দৃষ্টির প্রমাণ রয়েছে এ হাদিসে।

দুই. মুসাফির রোযা রাখা ও ভঙ্গ করার ক্ষেত্রে ইচ্ছাধীন, যা সহজ তার পক্ষে তাই সুন্নত। এসব হাদিস শিথিলতা গ্রহণ করার দীক্ষা দেয়।

তিন. যার পক্ষে রোযা কষ্টকর, তার জন্য রোযা না রাখা উত্তম। আর যার পক্ষে কাযা কষ্টকর, সফরে রোযা কষ্টকর নয়, তার পক্ষে সফরে রোযা রাখা উত্তম।

চার. লাগাতার যে সফর করে, অথবা অধিকাংশ সময় সফরে থাকে, চাকুরী বা পেশাদারী কাজের জন্য, তার পক্ষে সফরে রোযা রাখা উত্তম, যদি কষ্ট না হয়। আর যদি কাযার সময় না মিলে, যেমন যাদের সারা বছর অতিবাহিত হয় সফরে, তাদের পক্ষে সফরে রোযা রাখা ওয়াজিব।

পাঁচ. যতদ্রুত সম্ভব শরিয়তের দায়িত্ব থেকে মুক্ত হওয়া জরুরী।

ছয়. সফরে রোযা রাখা ও ইফতার করা উভয় নবী সাল্লাল্লাহু আলাইহি ওয়াসাল্লাম থেকে প্রমাণিত, যখন যার দাবি ছিল, তিনি তখন তিনি তাই করেছেন। মুসলিমদের উচিত এ ক্ষেত্রে নবী সাল্লাল্লাহু আলাইহি ওয়াসাল্লামের আদর্শ অনুসরণ করা।

সাত. হামজাহ আসলামি রাদিয়াল্লাহু আনহুর হাদিস প্রমাণ করে যে, প্রয়োজনীয় প্রত্যেক বিষয় জানা উত্তম। সাহাবায়ে কেরাম এরূপ করতেন।

আট. ইমাম যখন রুখসতের নির্দেশ দেন, তখন তা আযিমত হয়ে যায়, তার বিরোধিতা করা বৈধ নয়, কারণ তার আনুগত্য করা ওয়াজিব। এ ক্ষেত্রে তার আনুগত্য করা আল্লাহর অবাধ্যতায় তার আনুগত্য করা নয়।

নয়. ইমামের কর্তব্য অধীনদের সাথে নরম আচরণ করা, তাদের দুর্বলদের প্রতি সহানুভূতির দৃষ্টি রাখা, যেমন নবী সাল্লাল্লাহু আলাইহি ওয়াসাল্লাম সবাইকে ইফতার করার নির্দেশ দিয়েছেন, যেন শত্রুর মোকাবেলায় তারা শক্তি

<sup>232</sup> মুসলিম: (১১২০), আবু দাউদ: (২৪০৬), আহমদ: (৩/৩৫)

<sup>233</sup> দেখুন: শারহ ইবনুল মুলাক্কিন আলাল উমদাহ: (৫/২৬৮-২৭২), তাহযিবুস সুন্নান: (৩/২৮৪)

# ইসলামিক আলো

প্রদর্শনে সক্ষম হয়। অথচ তাদের মধ্যে এমন লোক ছিল, রোযা যাদের ওপর প্রভাব সৃষ্টি করত না, কারণ তাদের তা অভ্যাসে পরিণত হয়েছিল, কিন্তু এমনও লোক ছিল, রোযা যাদের দুর্বল করে দিত, তাই দুর্বলদের প্রতি লক্ষ্য রেখে সবাইকে ইফতারের নির্দেশ দেন।

দশ. দুটি বিধানের একটি গ্রহণ করার স্বাধীনতা মূলত মুসলিমের উপর শরিয়তের উদারতা, যে কোন একটি গ্রহণে সে তিরস্কারের উপযুক্ত হবে না। তদনুরূপ ইখতিলাফি মাসাআলা, যেখানে কারো পক্ষে দলিল স্পষ্ট নেই, সেখানেও যে কোন একটি গ্রহণের প্রশস্ততা রয়েছে, ইনশাআল্লাহ।

এগার. রুখসত গ্রহণ বা দলিল বুঝার ক্ষেত্রে মুসলিমদের ইখতিলাফ যেন বিচ্ছেদ ও শত্রুতার কারণ না হয়।

বারো. এসব হাদিস প্রমাণ করে যে, সাহাবিদের মাঝে মহব্বত, ভ্রাতৃত্ব ও দ্বীনের গভীর জ্ঞান ছিল। যেমন রোযাদার ও রোযাভঙ্গকারী কেউ কাউকে দোষারোপ করে নি, যেহেতু সকলে শরিয়তের নির্দেশিত পন্থা অনুসরণ করেছে।

তের. রমযান মাসে সফর করা বৈধ, কারণ ফাতহে মক্কার বছর রাসূলুল্লাহ সাল্লাল্লাহু আলাইহি ওয়াসাল্লাম রমযান মাসে সফর করেছেন।<sup>234</sup>

চৌদ্দ. আগামীকাল সফরের যে নিয়ত করে, সে রাত থেকে ইফতারের নিয়ত করবে না, কারণ নিয়ত দ্বারা মুসাফির হয় না, যতক্ষণ না সে সফর আরম্ভ করে।<sup>235</sup>

পনের. সফরের নিয়তকারী ব্যক্তির মুকিম অবস্থায় ইফতার করা বৈধ নয়, যতক্ষণ না সে সফর আরম্ভ করে, বা যানবাহনে চড়ে।<sup>236</sup>

---

<sup>234</sup> আত-তামহিদ: (২২/৪৮)

<sup>235</sup> আত-তামহিদ: (২২/৪৯)

<sup>236</sup> আত-তামহিদ: (২২/৪৯)

# ইসলামিক আলো

## ২৭. সওমের মাধ্যমে যৌন চাহিদা হ্রাস করা

ইব্ন মাসউদ রাদিয়াল্লাহু আনহু থেকে বর্ণিত, তিনি বলেন, আমরা নবী সাল্লাল্লাহু আলাইহি ওয়াসাল্লামের সঙ্গে ছিলাম, তিনি ইরশাদ করেন:

«مَنْ اسْتَطَاعَ مِنْكُمُ الْبَاعَةَ فَلْيَتَزَوَّجْ فَإِنَّهُ غَضُّ لِلْبَصَرِ وَأَخْصَنُ لِلْفَرْجِ، وَمَنْ لَمْ يَسْتَطِعْ فَعَلَيْهِ بِالصَّوْمِ فَإِنَّهُ لَهُ وَجَاءٌ» متفق عليه.

“তোমাদের মধ্যে যে বিবাহের সামর্থ্য রাখে সে যেন বিবাহ করে, কারণ তা দৃষ্টি অবনতকারী ও লজ্জাস্থান হেফাজতকারী। আর যে সামর্থ্যবান নয়, সে যেন সওম আঁকড়ে ধরে, কারণ তা যৌন চাহিদার জন্য ভঙ্গুরতা”<sup>237</sup>

জাবের ইব্ন আব্দুল্লাহ রাদিয়াল্লাহু আনহু থেকে বর্ণিত: এক যুবক নবী সাল্লাল্লাহু আলাইহি ওয়াসাল্লামের দরবারে এসে নপুংসক হওয়ার অনুমতি চাইল। তিনি বললেন:

«صُمْ وَسَلَّ اللَّهُ عَزَّ وَجَلَّ مِنْ فَضْلِهِ» رواه أحمد.

“রোযা রাখ আর আল্লাহ নিকট তার অনুগ্রহ প্রার্থনা কর”<sup>238</sup>

আব্দুল্লাহ ইব্ন ওমর রাদিয়াল্লাহু আনহু থেকে বর্ণিত, তিনি বলেন, রাসূলুল্লাহ সাল্লাল্লাহু আলাইহি ওয়াসাল্লামের নিকট এক ব্যক্তি এসে বলল: হে আল্লাহর রাসূল, আমাকে নপুংসক হওয়ার অনুমতি দিন। রাসূলুল্লাহ সাল্লাল্লাহু আলাইহি ওয়াসাল্লাম বললেন:

«خَصَاءُ أُمَّتِي الصِّيَامُ وَالْقِيَامُ» رواه أحمد.

“আমার উম্মতের খাসী করা বা নপুংসকতা হলো সিয়াম ও কিয়াম”<sup>239</sup>

<sup>237</sup> বুখারি: (১৮০৬), মুসলিম: (১৪০০)

<sup>238</sup> আহমদ: (৩/৩৮২), ইব্ন মুবারক ফিয যুহদ: (১১০৭), তার বর্ণনাকারীগণ নির্ভরযোগ্য, কিন্তু জাবের থেকে বর্ণনাকারী ব্যক্তি মাজহুল ও অপরিচিত, তবে এর দুটি শাহেদ হাদিস আছে।

<sup>239</sup> আহমদ: (২/১৭৩), বগভি ফি শারহিস সুন্নাহ: (২২৩৮), হায়সামি: (৪/২৫৩), তিনি তাবরানির সূত্রে উল্লেখ করেছেন, তিনি বলেছেন এর বর্ণনাকারীগণ নির্ভরযোগ্য, কতিপয়ের ব্যাপারে দ্বিমত রয়েছে, শায়খ আহমদ শাকের: (৬৬১২) ও আলবানি: (১৮৩০), এ হাদিসটি সহিহ বলেছেন, তবে তাদের বিশুদ্ধ হাদিসে “কিয়াম” নেই, কারণ তা দুর্বল, যেমন আলবানি তা বর্ণনা করেছেন।

# ইসলামিক আলো

## শিক্ষা ও মাসায়েল:

এক. সাহাবিদের মধ্যে আল্লাহর ইবাদতের আগ্রহ, তার অবাধ্যতার ভয়, দীনের যাবতীয় বিষয় অকপটে জিজ্ঞেস করা ও আখিরাতে প্রতি গভীর মনোযোগের প্রমাণ রয়েছে এ হাদিসে।

দুই. যৌনা চাহিদা দমন করার জন্য খাসী করা বা নপুংসক হওয়া নিষিদ্ধ। এ দ্বারা প্রতীয়মান হয় যে, নপুংসক হওয়া বৈধ নয়।

তিন. যৌনাবেগ দমন করার জন্য ওষুধ ব্যবহার করা বৈধ, যেহেতু নবী সাল্লাল্লাহু আলাইহি ওয়াসাল্লাম সিয়ামের মাধ্যমে তা দমন করতে বলেছেন।<sup>240</sup>

চার. সামর্থ্যবান ব্যক্তির জন্য বিবাহ করা মর্যাদার, এটা বান্দার ইবাদত হিসেবে গণ্য ও তার ওপর আল্লাহর অনুগ্রহ।

পাঁচ. যার বিবাহের সামর্থ্য নেই, তার উচিত আল্লাহর নিকট বিবাহের খরচ প্রার্থনা করা এবং সিয়াম পালন করা যতক্ষণ না আল্লাহ তার ব্যবস্থা করেন।

ছয়. খাদ্য, পানীয় ও স্ত্রীগমন উপভোগ করা নবীর আদর্শ। ইবাদত ও বুজুর্গি ভেবে এসব থেকে বিরত থাকা সুন্নতের স্পষ্ট লঙ্ঘন।

---

<sup>240</sup> শারহুস সুন্নাহ লিল বগভি: (৯/৬)

# ইসলামিক আলো

## ২৮. তারাবির রাকাত সংখ্যা

আয়েশা রাদিয়াল্লাহু আনহা থেকে বর্ণিত, তিনি বলেন: “রাসূলুল্লাহ সাল্লাল্লাহু আলাইহি ওয়াসাল্লাম রমযান কিংবা গায়রে রমযানে এগারো রাকাতের বেশী সালাত আদায় করতেন না। তিনি চার রাকাত সালাত আদায় করতেন, তার সৌন্দর্য ও দীর্ঘকরণ সম্পর্কে তোমাকে কি বলব! অতঃপর তিনি চার রাকাত পড়তেন, তার সৌন্দর্য ও দীর্ঘকরণ সম্পর্কে তোমাকে কি বলব! অতঃপর তিনি তিন রাকাত আদায় করতেন। আয়েশা বলেন: আমি বললাম: হে আল্লাহর রাসূল, আপনি বেতর পড়ার আগে ঘুমান, তিনি বললেন: হে আয়েশা আমার দু’চোখ ঘুমায় কিন্তু আমার অন্তর ঘুমায় না”।<sup>241</sup>

অপর বর্ণনায় আছে: নবী সাল্লাল্লাহু আলাইহি ওয়াসাল্লাম রাতে তেরো রাকাত সালাত আদায় করতেন, তার মধ্যে বেতর ও ফজরের দু’রাকাত বিদ্যমান”।<sup>242</sup>

মাসরুফ রহ. থেকে বর্ণিত, তিনি বলেন: আমি আয়েশা রাদিয়াল্লাহু আনহাকে রাসূলুল্লাহ সাল্লাল্লাহু আলাইহি ওয়াসাল্লামের রাতের সালাত সম্পর্কে জিজ্ঞাসা করেছি, তিনি বলেন: সাত রাকাত, নয় রাকাত ও এগারো রাকাত, ফজরের দু’রাকাত ব্যতীত।<sup>243</sup>

ইব্ন আব্বাস রাদিয়াল্লাহু আনহু থেকে বর্ণিত, তিনি বলেন: নবী সাল্লাল্লাহু আলাইহি ওয়াসাল্লাম রাতে তেরো রাকাত সালাত আদায় করতেন”।<sup>244</sup>

আব্দুর রহমান ইব্ন হুরমুয আল-আ’রাজ রহ. বলেন: “আমি লোকদের দেখেছি তারা রমযানে কাফেরদের ওপর লানত করত। তিনি বলেন, কোন কোন ইমাম আট রাকাতে সূরা বাকারা খতম করতেন, আর যখন সূরা বাকারা দ্বারা বারো রাকাত পড়তেন, তখন লোকেরা মনে করত যে তিনি হাঙ্কা করেছেন”।<sup>245</sup>

### শিক্ষা ও মাসায়েল:

এক. নবী সাল্লাল্লাহু আলাইহি ওয়াসাল্লামের রাতের সালাত রমযান ও গায়রে রমযানে সমান ছিল।<sup>246</sup>

দুই. নবীদের চোখ ঘুমায়, কিন্তু তাদের অন্তর ঘুমায় না, এ জন্য তাদের স্বপ্ন সত্য, এটা নবীদের বৈশিষ্ট্য।<sup>247</sup>

<sup>241</sup> বুখারি: (১০৯৬), মুসলিম: (৭৩৮)

<sup>242</sup> বুখারি: (১০৮৯), মুসলিম: (৭৩৮)

<sup>243</sup> বুখারি: (১০৮৮)

<sup>244</sup> বুখারি: (১০৮৭), মুসলিম: (৭৬৪)

<sup>245</sup> মুয়াত্তা মালেক: ১/১১৫, আব্দুর রায্যাক: (৭৭৩৪), বায়হাকি: (২/৪৯৭), তার সনদ সহিহ, আব্দুর রহমান ইব্ন হুরমুয প্রখ্যাত তাবিয়ি, তিনি এ বর্ণনায় মদিনাবাসীদের আমল বর্ণনা করেছেন। দেখুন তার জীবনী: সিয়ারে আলামিন নুবালা: (৫/৬৯)

<sup>246</sup> আল-ইস্তেযকার: (২/৯৮)

<sup>247</sup> আল-ইস্তেযকার: (২/১০১), শারহুন নববী: (৬/২১)

# ইসলামিক আলো

তিন. সকল আলেম একমত যে, রমযান ও গায়রে রমযানে রাতের সালাত সুন্নত, এতে কোন পরিমাণ নির্দিষ্ট নেই, যার ইচ্ছা কিয়াম লম্বা করে রাকাত সংখ্যা কমাবে, যার ইচ্ছা কিয়াম সংক্ষেপ করে রাকাত সংখ্যা বৃদ্ধি করবে।<sup>248</sup>

চার. রাতের সালাতে কিরাত, রুকু ও সেজদা দীর্ঘ করা নবী সাল্লাল্লাহু আলাইহি ওয়াসাল্লামের সুন্নত, ছোট কিরাতে অধিক রাকাতের চেয়ে দীর্ঘ কিরাতে এগারো রাকাত অধিক উত্তম।<sup>249</sup>

পাঁচ. নবী সাল্লাল্লাহু আলাইহি ওয়াসাল্লাম কখনো এগারো রাকাতের অধিক তেরো রাকাত পড়েছেন, কখনো তিনি এগারো রাকাতের কম সাত বা নয় রাকাত পড়েছেন, যেমন অন্যান্য হাদিস দ্বারা প্রমাণিত, তবে আয়েশা রাদিয়াল্লাহু আনহা নবী সাল্লাল্লাহু আলাইহি ওয়াসাল্লামের সচরাচর সালাতের বর্ণনা করেছেন, অর্থাৎ এগারো রাকাত নিয়মিত পড়া।<sup>250</sup>

ছয়. নবী সাল্লাল্লাহু আলাইহি ওয়াসাল্লাম প্রত্যেক দু'রাকাতের পর সালাম ফিরাতেন, একসাথে চার রাকাত বা তার অধিক পড়া নবী সাল্লাল্লাহু আলাইহি ওয়াসাল্লামের সচরাচর আমল ও সুন্নত পরিপন্থী। দলিল আয়েশা রাদিয়াল্লাহু আনহা বর্ণনা: “নবী সাল্লাল্লাহু আলাইহি ওয়াসাল্লাম প্রত্যেক দু'রাকাতের পর সালাম ফিরাতেন, এক রাকাত দ্বারা বেতর পড়তেন”।<sup>251</sup> নবী সাল্লাল্লাহু আলাইহি ওয়াসাল্লাম বলেছেন: “রাতের সালাত দু'রাকাত, দু'রাকাত”।<sup>252</sup> এটা বেতর ব্যতীত। অতএব মুসলিম তিন অথবা পাঁচ রাকাত দ্বারা বেতর পড়বে, তবে শেষ রাকাত ব্যতীত বসবে না, যেমন আয়েশা রাদিয়াল্লাহু আনহা হাদিসে এসেছে: “রাসূলুল্লাহ সাল্লাল্লাহু আলাইহি ওয়াসাল্লাম রাতে তেরো রাকাত সালাত পড়তেন, তন্মধ্যে পাঁচ রাকাত দ্বারা বেতর পড়তেন, শেষ রাকাত ব্যতীত বসতেন না”।<sup>253</sup>

সাত. সাহাবায়ে কেরাম ও তাদের পরবর্তী তাবেয়ীগণ মদিনায় সালাতে তারাবিহ খুব দীর্ঘ করতেন, যেমন বিশিষ্ট তাবেয়ি আব্দুর রহমান ইব্ন হুরমুয রহ. উল্লেখ করেছেন।

আট. সালাতে তারাবির 'দো'আয়ে কুনুত' কাফেরদের জন্য বদদো'আ ও তাদের ওপর লানত করা বৈধ। তারা আমাদের চুক্তির অধীনে থাক বা না-থাক, কুফরের কারণে তারা লানতের উপযুক্ত, তবে এটা ওয়াজিব নয়। এ ক্ষেত্রে নবী সাল্লাল্লাহু আলাইহি ওয়াসাল্লামের সুন্নত হচ্ছে যুদ্ধবাজ কাফেরদের জন্য ধ্বংস ও শাস্তির বদদো'আ করা। যাদের ইসলাম গ্রহণ করার সম্ভাবনা রয়েছে তাদের জন্য হিদায়েত লাভের দো'আ করা।<sup>254</sup>

নয়. মদিনায় সাহাবায়ে কেরাম ও তাবেয়িদের রমযানের 'দো'আয়ে কুনুত' নবী সাল্লাল্লাহু আলাইহি ওয়াসাল্লামের 'কুনুতে নাযেলা' থেকে গৃহীত, যে কুনুতে নাযেলা তিনি রা'ল, যাকওয়ান, বনু লিহইয়ান ও উসাইয়্যাহ সম্প্রদায়ের

<sup>248</sup> আল-ইস্তেযকার: (২/১০২), তামহিদ: (২১/৭০)

<sup>249</sup> মাজমুউল ফাতাওয়া শায়খুল ইসলাম: (২৩/৬৯-৭২)

<sup>250</sup> দেখুন: ফাতাওয়া: নং:(৯৩৫৩), ফাতাওয়া লাজনা দায়েমাহ। ফাতহুল বারি লি ইব্ন হাজার: (৩/২০), শারহুন নববী: (৬/১৮), সুবুলুস সালাম: (২/১৩)

<sup>251</sup> মুসলিম: (৭৩৬)

<sup>252</sup> বুখারি: (৯৪৬), মুসলিম: (৭৪৯)

<sup>253</sup> মুসলিম: (৭৩৭)

<sup>254</sup> আল-ইস্তেযকার: (২/৭৩), ইমাম বুখারি এ সংক্রান্ত (৫৮), (৯৮), (৫৯) ও (১০০) নং বাব/অধ্যায়সমূহ রচনা করেছেন।



# ইসলামিক আলো

ওপর করেছেন, যারা কুরআনের কারীদের হত্যা করেছে।<sup>255</sup> মদিনাবাসী রমযানের শেষার্ধ থেকে শেষ পর্যন্ত এ বদদো'আ করতেন।

দশ. মদিনার সাহাবিদের আমল থেকে জুমার দ্বিতীয় খুতবায় কাফেরদের ওপর বদদো'আ করার সুন্নত গৃহীত। হাফেয ইব্ন আব্দুল বার রহ. এ সিদ্ধান্ত চূড়ান্ত করে বলেছেন: “আ'রাজ সাহাবায়ে কেরাম ও তাবৈয়িদের বড় এক জমাতের সাক্ষাত পেয়েছেন, এটা মদিনার আমল ছিল”।<sup>256</sup>

---

<sup>255</sup> আল-ইস্তেযকার: (২/৭৩)

<sup>256</sup> আল-ইস্তেযকার: (২/৭৫)

# ইসলামিক আলো

## ২৯. মুসাফির কখন সিয়াম ভাঙবে?!

জা'ফর ইব্ন জাবর রহ. থেকে বর্ণিত, তিনি বলেন: “আমি আবু বসরা গিফারি সাহাবির সাথে রমযানে মিসরের ফুসতাত থেকে জাহাজে চড়েছিলাম, তাদেরকে যখন জাহাজে উঠানো হল, দুপুরের খানা পেশ করা হল। জা'ফর তার হাদিসে বলেন: এখনো বাড়ি-ঘরগুলো ছাড়িয়ে যায়নি, তিনি দস্তরখান হাজির করতে বললেন। তিনি বললেন: নিকটে আস। আমি বললাম আপনি কি ঘরগুলো দেখছেন না। আবু বসরাহ বললেন: তুমি রাসূলুল্লাহ সাল্লাল্লাহু আলাইহি ওয়াসাল্লামের সুন্নত থেকে বিরত থাকতে চাও? জা'ফর তার হাদিসে বলেন: অতঃপর তিনি খানা গ্রহণ করেন”।<sup>257</sup>

মুহাম্মদ ইব্ন কাব রহ. বলেন: “আমি রমযানে আনাস ইব্ন মালিকের নিকট আসি, তখন তিনি সফরের প্রস্তুতি নিচ্ছিলেন, তার জন্য সওয়ারি প্রস্তুত করা হয়েছে, তিনি সফরের পোশাক পরিধান করেন, অতঃপর খানা আনতে বলেন, তিনি খানা ভক্ষণ করেন, আমি তাকে বললাম: এটা কি সুন্নত? তিনি বললেন: সুন্নত, অতঃপর সওয়ারীর ওপর উঠে বসলেন”।<sup>258</sup>

### শিক্ষা ও মাসায়েল:

এক. সফরে ইফতার করা নবীর সুন্নত। তার থেকে বর্ণিত: তিনি সফরে সওম পালন করেছেন, যেমন তিনি ইফতার করেছেন। অনুরূপ সাহাবিদের থেকে বর্ণিত: তারা নবী সাল্লাল্লাহু আলাইহি ওয়াসাল্লামের সাথে কতক সফরে সওম পালন করেছেন, কতক সফরে ইফতার করেছেন।

দুই. এসব হাদিস থেকে বুঝা যায় যে, যদি কেউ সফর আরম্ভ করে, তার জন্য ইফতার করা বৈধ, সে নিজের শহর বা গ্রাম অতিক্রম করুক বা না-করুক। ইব্নুল কাইয়্যেম রহ. বলেন: “সাহাবায়ে কেলাম যখন সফর করতেন, তখন তারা বাড়ি ত্যাগ করার দ্রুতপন না করে ইফতার করতেন, বলতেন এটা সুন্নত ও নবীর আদর্শ”।<sup>259</sup>

<sup>257</sup> আবু দাউদ: (২৪১২), আহমদ: (৬/৩৯৮), দারামি: (১৭১৩), তাবরানি ফিল কাবির: (২/২৭৯-২৮০), হাদিস নং: (২১৬৯-২১৭০), শাওকানি বলেন: এর বর্ণনাকারীগণ নির্ভরযোগ্য, নাইলুল আওতার: (৪/৩১১), দেখুন: তুহফাতুল আহওয়াযি: (৩/৪৩০), আলবানি ইরওয়া: (৪/১৬৩) গ্রন্থে হাদিসটি সহিহ বলেছেন, হাদিস নং: (৯২৮)

<sup>258</sup> তিরমিযি: (৭৯৯-৮০০), তিনি হাদিসটি হাসান বলেছেন। দিয়া' ফিল মুখতারাহ: (২৬০২), দারাকুতনি: (২/১৮৭), বায়হাকি: (৪/২৪৭), আলবানি ইরওয়া: (৪/৬৪) ও সহিহ তিরমিযিতে হাদিসটি সহিহ বলেছেন।

<sup>259</sup> যাদুল মায়াদ: (২/৫৬), এ মাসআলাটি দ্বিমতপূর্ণ, ইমাম আহমদ থেকে বর্ণিত, ঘর থেকে বের হয়ে ইফতার করবে। ইসহাক বলেছেন: বরং যখন সে সফরে পা রাখবে তখন থেকে, যেমন আনাস করেছেন। দেখুন: মুগনি: (৪/৩৪৫-৩৪৮), ফাতহুল বারি: (৪/১৮০-১৮২)

# ইসলামিক আলো

তিন. এসব হাদিস প্রমাণ করে, যে ব্যক্তি দিনের মধ্যবর্তী সময়ে সওম অবস্থায় সফর করে, তার জন্য ইফতার করা বৈধ, যদিও কেউ কেউ এর বিরোধিতা করে থাকে। ইবনুল কাইয়্যেম রহ. বলেছেন: “এসব হাদিস থেকে স্পষ্ট বুঝা যায় যে, রমযানের দিনে যে সফর করবে, তার জন্য সেদিন ইফতার করা বৈধ”।<sup>260</sup>

---

<sup>260</sup> যাদুল মায়াদ: (২/৫২), তাহযিবুস সুনান: (৭/৩৯), এটাই শা'বি, আহমদ, ইসহাক, আবু দাউদ ও ইব্ন মুনিযিরের ব্যক্তব্য। তবে তিন ইমাম ও ইমাম আওয়ালি এর বিপরীত মত প্রকাশ করেন, তাদের নিকট যে ব্যক্তি সওম অবস্থায় সফর আরম্ভ করে, সে ঐ দিন ইফতার করবে না। দেখুন: মুখতাসারুস সুনান লিল মুনিযিরি: (৩/২৯১)

# ইসলামিক আলো

## ৩০. রমযানের দিনে সহবাস করা

আবু হুরায়রা রাদিয়াল্লাহু আনহু থেকে বর্ণিত, তিনি বলেন: “আমরা নবী সাল্লাল্লাহু আলাইহি ওয়াসাল্লামের নিকট বসে ছিলাম, এমতাবস্থায় তার নিকট এক ব্যক্তি আগমন করল, সে বলল: হে আল্লাহর রাসূল, আমি তো ধ্বংস হয়ে গেছি। তিনি বললেন: কি হয়েছে? সে বলল: সওম অবস্থায় আমি আমার স্ত্রীর ওপর উপগত হয়েছি। রাসূলুল্লাহ সাল্লাল্লাহু আলাইহি ওয়াসাল্লাম বললেন: তোমার কি গোলাম আছে? সে বলল: না, তিনি বললেন: তুমি কি দু’মাস লাগাতার সওম রাখতে পারবে? সে বলল: না, তিনি বললেন: তুমি কি ষাটজন মিসকিনকে খাওয়াতে পারবে? সে বলল: না, তিনি বলেন: নবী সাল্লাল্লাহু আলাইহি ওয়াসাল্লাম বিরতি নিলেন। আমরা আমাদের অবস্থানে ছিলাম, নবী সাল্লাল্লাহু আলাইহি ওয়াসাল্লাম একপাত্র খেজুর নিয়ে হাজির হলেন, অতঃপর বললেন: প্রশ্নকারী কোথায়? সে বলল: আমি। বললেন: তুমি এটা গ্রহণ করে সদকা করে দাও। সে বলল: আমার চেয়ে গরিব কাউকে হে আল্লাহর রাসূল? আল্লাহর শপথ আমার পরিবারের চেয়ে অধিক গরিব মদিনার আশ-পাশে আর কোন পরিবার নেই। নবী সাল্লাল্লাহু আলাইহি ওয়াসাল্লাম হেসে দিলেন, তার দাঁত পর্যন্ত দেখা গেল, অতঃপর বললেন: এটা তোমার পরিবারকে খাওয়াও”।<sup>261</sup>

### শিক্ষা ও মাসায়েল:

এক. রমযানের দিনে ওজর ব্যতীত যে স্ত্রী সহবাস করল, যেমন সফর, ভুল ও বলপ্রয়োগ, সে পাপ ও গুনাহ করল, অবশিষ্ট দিন বিরত থাকাসহ তার তওবা করা ওয়াজিব, সে দিনের সওম নষ্ট হয়ে যাবে, তার ওপর কাফফারা ওয়াজিব।<sup>262</sup>

দুই. কাফফারা ক্রমান্বয়ে ওয়াজিব হয়, প্রথমে গোলাম আযাদ, অতঃপর লাগাতার দু’মাস সওম পালন, যদি সামর্থ্য না থাকে তাহলে ষাটজন মিসকিনকে খাদ্য দান করা।

তিন. স্বামী-স্ত্রীর মাঝে ঘটে যাওয়া ঘটনা প্রয়োজনে বলা বৈধ।<sup>263</sup>

চার. পাপীর পাপ সম্পর্কে ফতোয়া তলব করা, পাপ প্রকাশ করার অপরাধ হবে না।<sup>264</sup>

পাঁচ. ছাত্রদের সাথে নরম ব্যবহার করা, শিক্ষার ক্ষেত্রে বিনয়ী হওয়া, দ্বীনের প্রতি লোকদের আগ্রহী করা, পাপের অনুশোচনা ও আল্লাহর ভয় অন্তরে জাগ্রত রাখা জরুরী।<sup>265</sup>

<sup>261</sup> বুখারি: (১৮৩৪), মুসলিম: (১১১১)

<sup>262</sup> ফাতাওয়া আরকানুল ইসলাম লি ইবন উসাইমিন: (৪৭৪), শারহুল মুমতি: (৬/৪০১), জমহুর ও অধিকাংশ আলেমগণ বলেন কাফফারার সাথে কাযা করতে হবে। দেখুন: আল-মুফহিম: (৩/১৭২) শাইখুল ইবন তাইমিয়াহ রহ. বলেছেন তার কাযা করতে হবে না, যদি কাযা ওয়াজিব হত, নবী সাল্লাল্লাহু আলাইহি ওয়াসাল্লাম অবশ্যই তাকে তার নির্দেশ দিতেন।

<sup>263</sup> ফাতহুল বারি লি ইবন হাজার: (৪/১৭৩)

<sup>264</sup> শারহ ইবনুল মুলাক্কিন আলাল উমদাহ: (৫/২১৫)

# ইসলামিক আলো

হয়. এক পরিবারকে পুরো কাফফারা দেয়া বৈধ।<sup>266</sup>

সাত. এ হাদিসে সাহাবিদের অন্তরের পবিত্রতা ও অন্তরকে আযাব থেকে মুক্ত করার ব্যাকুলতা প্রমাণ হয়।<sup>267</sup>

আট. গরিব ব্যক্তি কাফফারার খানা নিজে খাওয়া ও নিজ পরিবারের ওপর সদকা করা বৈধ।<sup>268</sup>

নয়. স্বামীর ওপর পরিবারের খরচ ওয়াজিব, যদিও সে গরিব হয়। এ হাদিস দ্বারা ইমাম বুখারি একটি অধ্যায়ের নামকরণ করেছেন।<sup>269</sup>

দশ. স্ত্রীগমন করে সওম ভঙ্গকারীর ওপর কাফফারা ওয়াজিব, পানাহার করে সওম ভঙ্গকারীর ওপর কাফফারা ওয়াজিব নয়, এটাই ফতোয়া।<sup>270</sup>

এগারো. অধীনদের দুনিয়াবি ও দ্বীনি প্রয়োজন পূরণ করে ইমামের খুশি প্রকাশ করা বৈধ।<sup>271</sup>

বারো. মানুষ নিজের অভাবের কথা এমন ব্যক্তির নিকট প্রকাশ করতে পারে, যে তাকে সাহায্য করতে সক্ষম, যদি সে অভাব অভিযোগ আকারে পেশ না করে।

তেরো. যদি কাফফারা আদায় না করে একাধিকবার দিনে সহবাস করে, তাহলে তার ওপর এক কাফফারা ওয়াজিব হবে, এতে কারো দ্বিমত নেই।<sup>272</sup>

চৌদ্দ. যদি রমযানের দুদিন অথবা তার চেয়ে অধিক সহবাস করে, তাহলে প্রত্যেক দিনের মোকাবেলায় একটি করে কাফফারা দিতে হবে।<sup>273</sup>

পনেরো. রমযানের কাযায় যদি সহবাস করে, তাহলে শুধু কাযা ওয়াজিব হবে কাফফারা নয়, কারণ বিশুদ্ধ মত অনুযায়ী কাফফারা শুধু রমযানের সম্মান বিনষ্টের কারণে ওয়াজিব হয়।<sup>274</sup>

ষোল. সহবাস অবস্থায় যার উপর ফজর উদিত হয়, সে যদি সাথে সাথে উঠে যায়, তাহলে তার ওপর কিছু ওয়াজিব হবে না। আর যদি সে তাতে লিপ্ত থাকে, তাহলে সে গুনাহগার হবে, তার ওপর তওবা ও কাফফারাসহ অবশিষ্ট দিন বিরত থাকা ওয়াজিব।<sup>275</sup>

---

<sup>265</sup> ফাতহুল বারি: (৪/১৭৩)

<sup>266</sup> ফাতহুল বারি: (৪/১৭৪)

<sup>267</sup> আল-ফিরইয়াবি কর্তৃক বুলুগুল মারামের ব্যাখ্যা গ্রন্থ: (১/৪২৬)

<sup>268</sup> আল-ফিরইয়াবি কর্তৃক বুলুগুল মারামের ব্যাখ্যা গ্রন্থ: (১/৪২৬)

<sup>269</sup> বুখারি: (৫/২০৫৩), দেখুন: শারহ ইবনুল মুলাক্কিন: (৫/২৫৪)

<sup>270</sup> হানাফি ও মালেকি মাজহাবের আলেমগণ পানাহার করে সওম ভঙ্গকারীর ওপর কাফফারা ওয়াজিব করেন। দেখুন: আল-মুফহিম: (৩/১৭৩)

<sup>271</sup> আল-ফিরইয়াবি কর্তৃক বুলুগুল মারামের ব্যাখ্যা গ্রন্থ: (১/৪২৬)

<sup>272</sup> আল-মাজমু: (৬/৩৪৯), আল-আশবাহ ওয়ান নাজায়ের লিস সুয়ুতি: (১২৭)

<sup>273</sup> আল-মুগনি: (৪/৩৮৬), আল-মাজমু: (৬/৩৪৬), লাজনায়ে দায়েমার এটাই ফাতাওয়া। ফাতাওয়া নং: (১৩৫৪৮)

<sup>274</sup> দেখুন: আল-উম্ম: (২/১০০), তাফসিরুল কুরতুবি: (২/২৮৪), আল-মুগনি: (৪/৩৭৮), লাজনায়ে দায়েমার ফাতাওয়া অনুরূপ। ফাতাওয়া নং: (১৩৪৭৫)

# ইসলামিক আলো

সতেরো. যদি কেউ স্ত্রীগমনের জন্য পানাহার করে সওম ভঙ্গ করে, তাহলে সে গুনাহগার হবে, কারণ সে বিনা কারণে ইফতার করেছে ও শরিয়তের বিপরীতে বাহানার আশ্রয় নিয়েছে, এ জন্য তার থেকে কাফফারা মওকুফ হবে না।<sup>276</sup>

আঠারো. উপরোক্ত ব্যক্তির ওপর ইসলামের উদারতা ও শিথিলতার প্রমাণ মিলে। সে রমযানে কবির গুনাহ করে নবী সাল্লাল্লাহু আলাইহি ওয়াসাল্লামের নিকট ভীতবস্থায় এসে বলেছে: “আমি ধ্বংস হয়ে গেছি”, অন্য বর্ণনায় এসেছে: “আমি তো দেখছি আমি ধ্বংস হয়ে গেছি”। এটা তার অনুশোচনা ও তওবার প্রমাণ, ফলে আল্লাহ তার তওবা কবুল করেছেন। নবী সাল্লাল্লাহু আলাইহি ওয়াসাল্লাম তাকে কাফফারা প্রদান করেন, সে তা নিজের পরিবারে খরচ করে, তাদের অভাবের কারণে। এ জন্য নবী সাল্লাল্লাহু আলাইহি ওয়াসাল্লাম হেসেছেন।<sup>277</sup>

উনিশ. রমযান না জেনে যদি স্ত্রীগমন করে, তাহলে কাফফারা ওয়াজিব হবে না।<sup>278</sup>

বিশ. ভুলে যদি কেউ সহবাস করে, তার সওম বিশুদ্ধ, তার ওপর কাফফারা কিছু ওয়াজিব হবে না।<sup>279</sup>

---

<sup>275</sup> দেখুন: মাজমুউল ফাতাওয়া: (৬/৩১৬), রওয়াতুত তালেবিন: (২/৩৬৫), আল-মুগনি: (৪/৩৭৯), কাশশাফুল কানা: (২/৩২৫), ইমাম বায়হাকি তার সুনান গ্রন্থে ইব্ন ওমর রাদিয়াল্লাহু আনহু থেকে বর্ণনা করেন: “যদি সালাতের আযান দেয়া হয়, আর ব্যক্তি তার স্ত্রীর ওপর থাকে, তাকে সে দিনের সওম থেকে বিরত রাখা হবে না, যদি সে সওম রাখতে চায় উঠে গোসল করবে ও তার সওম পূর্ণ করবে”। ইনশাআল্লাহ এটা বিশুদ্ধ।

<sup>276</sup> মাজমুউল ফাতাওয়া: (২৫/২৬০), ইলামুল মুয়াক্কিন: (৩/২৪৭),

<sup>277</sup> মিনহাতুল বারি: (৪/৩৭৯), ফাতহুল বারি: (৪/১৭১)

<sup>278</sup> ফাতাওয়া ইব্ন তাইমিয়াহ: (২৫/২২৮), ইব্ন ইবরাহিম এর ফাতাওয়া: (৪/১৯৫)

<sup>279</sup> দেখুন: আল-উম্ম: (২/৯৯), আল-ইস্তেযকার: (১০/১১১), আল-মুফহিম: (৩/১৬৯), শারহ ইব্ন মুলাক্কিন আলাল উমদাহ: (৫/২১৭)

# ইসলামিক আলো

## ৩১. জামাতের সাথে সালাতে তারাবির ফযিলত

আবুযর রাদিয়াল্লাহু আনহু বলেন: “আমরা রাসূলুল্লাহ সাল্লাল্লাহু আলাইহি ওয়াসাল্লামের সাথে রমযানের সওম পালন করলাম। তিনি মাসের কোন অংশে আমাদের নিয়ে সালাত আদায় করেননি, যখন সাত দিন বাকি, তিনি আমাদের নিয়ে দাঁড়ালেন, রাতের এক তৃতীয়াংশ চলে গেল। যখন ষষ্ঠ দিন বাকি, তিনি আমাদের সাথে দাঁড়ালেন না। যখন পাঁচ দিন বাকি, তিনি আমাদের নিয়ে দাঁড়ালেন রাতের অর্ধেক চলে গেল। আমি বললাম: হে আল্লাহর রাসূল, যদি রাতের বাকি অংশ আমাদের নিয়ে সালাত আদায় করতেন! তিনি বললেন:

إِنَّ الرَّجُلَ إِذَا صَلَّى مَعَ الْإِمَامِ حَتَّى يَنْصَرِفَ حُسِبَ لَهُ قِيَامٌ لَيْلَةً،

“ব্যক্তি যখন ইমামের প্রস্থান পর্যন্ত তার সাথে সালাত আদায় করে, তার জন্য পূর্ণ রাতের সওয়াব লেখা হয়”।

তিনি বললেন: যখন চতুর্থ রাত বাকি, তিনি দাঁড়ালেন না। যখন তৃতীয় রাত বাকি, তিনি নিজ পরিবার, নারী ও লোকদের জমা করে আমাদের সাথে দাঁড়ালেন, অবশেষে আমরা আশঙ্কা করলাম, আমাদের থেকে ‘ফালাহ’ না ছুটে যায়। তিনি বলেন: আমি জিজ্ঞাসা করলাম: ‘ফালাহ’ কি? তিনি বললেন: সেহরি। অতঃপর মাসের অবশিষ্ট দিনে তিনি আমাদের সাথে দাঁড়াননি”।<sup>280</sup>

### শিক্ষা ও মাসায়েল:

এক. এ হাদিস প্রমাণ করে সালাতে তারাবি সুন্নত, নবী সাল্লাল্লাহু আলাইহি ওয়াসাল্লাম সূচনা ফরয হওয়ার শঙ্কায় তা ত্যাগ করেন।

দুই. মসজিদে মুসলিমদের সাথে নারীদের তারাবি পড়া বৈধ, কারণ নবী সাল্লাল্লাহু আলাইহি ওয়াসাল্লাম নিজ পরিবার, স্ত্রী ও লোকদের জমা করে তাদের সাথে সালাত আদায় করেছেন।

তিন. ইমামের সাথে যে কিয়াম করল তার প্রস্থানের পূর্ব পর্যন্ত, তার জন্য পূর্ণ রাতের কিয়াম লেখা হবে। সুতরাং মুসলিমদের উচিত এ কল্যাণে অলসতা না করা। রমযানের প্রত্যেক রাতে মুসলিমদের সাথে তারাবি পূর্ণ করা। ইমাম আহমদ রহ.-কে জিজ্ঞাসা করা হয়েছিল: “রমযানে জামাতের সাথে ব্যক্তির সালাত আপনার পছন্দ, না একাকী সালাত? তিনি বলেন: জামাতের সাথে সালাত আদায় করবে ও সুন্নত জীবিত করবে। তিনি আরো বলেন: আমার পছন্দ হচ্ছে ইমামের সাথে সালাত আদায় করা ও বেতর পড়া”।<sup>281</sup>

চার. রাতের প্রথমে তারাবি পড়া সুন্নত, যেমন নবী সাল্লাল্লাহু আলাইহি ওয়াসাল্লাম ও সাহাবায়ে কেলাম করেছেন। ইমাম আহমদ রহ.-কে জিজ্ঞাসা করা হয়েছিল: “কিয়াম (তারাবি) কি শেষ রাত পর্যন্ত বিলম্ব করব? তিনি বললেন:

<sup>280</sup> আবু দাউদ: (১৩৭৫), তিরমিযি: (৮০৬), তিনি বলেছেন হাদিসটি হাসান। নাসায়ি: (৩/৮৩), ইবন মাজাহ: (১৩২৭), আহমদ: (৫/১৬৩), ইবন খুযাইমাহ: (২২০৫) ও ইবন হিব্বান: (২৫৪৭) হাদিসটি সহিহ বলেছেন।

<sup>281</sup> তুহফাতুল আহওয়াযি: (৩/৪৪৮), দেখুন: আল-মুগনি: (১/৪৫৭)

# ইসলামিক আলো

না, মুসলিমদের সুন্নত আমার নিকট অধিক প্রিয়"।<sup>282</sup> শায়খ ইব্ন বায রহ.-কে জিজ্ঞাসা করা হয়েছিল: যদি সবাই শেষ রাতে বেতর পড়তে রাজি হয়? তিনি বললেন: সবার সাথে প্রথম রাতে সালাত আদায় করা অধিক উত্তম।  
পাঁচ. ব্যক্তি যদি নিজের মধ্যে ইবাদতের আগ্রহ ও শক্তি দেখে, তাহলে মুসলিমদের সাথে প্রথম রাতে সালাত পূর্ণ করবে, অতঃপর শেষ রাতে নিজের জন্য যত ইচ্ছা সালাত আদায় করবে। তাহলে সে দু'টি কল্যাণ জমা করল: ইমামের সাথে সালাতের কল্যাণ ও শেষ রাতে সালাতের কল্যাণ।

---

<sup>282</sup> আল-মুগনি: (১/৪৫৭)



# ইসলামিক আলো

## ৩২. ইফতারের সময়

ওমর ইব্ন খাত্তাব রাদিয়াল্লাহু আনহু থেকে বর্ণিত, তিনি বলেন: রাসূলুল্লাহ সাল্লাল্লাহু আলাইহি ওয়াসাল্লাম বলেছেন: **«إِذَا قَبِلَ اللَّيْلُ مِنْ هَٰ هُنَا وَنَزَّ النَّهَارُ مِنْ هَٰ هُنَا وَغَرَبَتِ الشَّمْسُ فَقَدْ أَطْرَ الصَّائِمُ»** رَوَاهُ الشَّيْخَانُ.

“যখন রাত এখান থেকে আগমন করে ও দিন এখান থেকে পশ্চাত গমন করে এবং সূর্যাস্ত যায়, তাহলে সওম পালনকারী ইফতার হল”<sup>283</sup> তিরমিযির এক বর্ণনায় আছে:

**«وَعَابَتِ الشَّمْسُ فَقَدْ أَطْرَتْ»**.

“এবং সূর্য অদৃশ্য হল, তাহলে তুমি ইফতার করলে”<sup>284</sup> আবু দাউদের এক বর্ণনায় আছে:

**«إِذَا جَاءَ اللَّيْلُ مِنْ هَٰ هُنَا، وَكَهَبَ النَّهَارُ مِنْ هَٰ هُنَا، وَغَابَتِ الشَّمْسُ فَقَدْ أَطْرَ الصَّائِمُ»**.

“যখন রাত এখান থেকে আসে ও দিন এখান থেকে প্রস্থান করে এবং সূর্য অদৃশ্য হয়, তাহলে রোযাদার ইফতার করল”<sup>285</sup>

আব্দুল্লাহ ইব্ন আবু আউফা রাদিয়াল্লাহু আনহু থেকে বর্ণিত, তিনি বলেন: “কোন এক সফরে আমরা রাসূলুল্লাহ সাল্লাল্লাহু আলাইহি ওয়াসাল্লামের সাথে ছিলাম, তিনি রোযাদার ছিলেন। যখন সূর্য ডুবে গেল তিনি কাউকে বললেন: হে অমুক, উঠ আমাদের জন্য ইফতার (পানীয় জাতীয়) তৈরি কর। সে বলল: হে আল্লাহর রাসূল, যদি সন্ধ্যায় উপনীত হয়ে নিতেন। তিনি বললেন: আস আমাদের জন্য ইফতার তৈরি কর। সে বলল: হে আল্লাহর রাসূল, যদি সন্ধ্যায় উপনীত হয়ে নিতেন। তিনি বললেন: আস আমাদের জন্য ইফতার তৈরি কর। সে বলল: আপনার দিন এখনো বাকি। তিনি বললেন: আস আমাদের জন্য ইফতার তৈরি কর। সে এসে তাদের জন্য ইফতার তৈরি করল, নবী সাল্লাল্লাহু আলাইহি ওয়াসাল্লাম পান করলেন। অতঃপর বললেন: যখন তোমরা দেখ রাত এখান থেকে আগমন করেছে, তখন রোযাদার ইফতার করল”<sup>286</sup>

মুসলিমের এক বর্ণনায় আছে: “তিনি নিজ হাতে পূর্ব দিকে ইশারা করেছেন”। আহমদের এক বর্ণনায় আছে: “তখন ইফতার হালাল হল”। আবু দাউদের এক বর্ণনায় আছে: নবী সাল্লাল্লাহু আলাইহি ওয়াসাল্লাম বেলালকে বলেছেন<sup>287</sup>

<sup>283</sup> বুখারি: (১৮৫৩), মুসলিম: (১১০০)

<sup>284</sup> জামে তিরমিযি: (৬৯৮), তিনি হাদিসটি হাসান ও সহিহ বলেছেন। আহমদ: (১/৩৫), দারামি: (১৭০০)

<sup>285</sup> সুনানে আবু দাউদ: (২৩৫১), আহমদ: (১/৫৪), ইব্ন আবি শায়বাহ: (২/২৭৭)

<sup>286</sup> বুখারি ও মুসলিম।

<sup>287</sup> বুখারি: (১৮৫৪), মুসলিম: (১১০১), আবু দাউদ: (২৩৫২), আহমদ: (৪/৩৮২)

# ইসলামিক আলো

শিক্ষা ও মাসায়েল<sup>288</sup>:

এক. সূর্যাস্ত হলেই ইফতার হালাল হয়। রাত আগমন ও দিন পশ্চাদগমন দ্বারা তাই উদ্দেশ্য, অর্থাৎ সূর্যের গোলক অদৃশ্য হওয়া, দিগন্ত বা সূর্যের কক্ষপথে আলো থাকলে তাতে সমস্যা নেই।<sup>289</sup>

দুই. নবী সাল্লাল্লাহু আলাইহি ওয়াসাল্লাম শরয়ি বিধানের সাথে সংশ্লিষ্ট বিষয়গুলো গুরুত্বসহ বর্ণনা করেছেন ও স্পষ্ট বাক্যে তার ব্যাখ্যা প্রদান করেছেন, যেমন তিনি ইফতার আরম্ভের তিনটি আলামত বর্ণনা করেছেন: রাতের আগমন, দিনের পশ্চাৎ গমন ও সূর্যাস্ত। এ তিনটি আলামত একসাথে ঘটে, একটি প্রকাশ পেলে বাকি দুটি অবশ্যই প্রকাশ পায়। কোন কারণে কেউ সূর্যাস্ত দেখতে পায় না, কিন্তু সে পূর্বের অন্ধকার দেখতে পায়, তখন তার জন্য ইফতার করা বৈধ। এ জন্য তিনি সবকটি নিদর্শন বর্ণনা করেছেন।

তিন. যখন সূর্যের গোলক ডুবে গেল, রোযাদার ইফতার করল, দিগন্তে বিদ্যমান লাল আভা ধর্তব্য নয়। যখন সূর্যের গোলক ডুবে যায়, তখন পূর্ব দিক থেকে অন্ধকার প্রকাশ পায়।

চার. রাতের কোন অংশ রোযাবস্থায় থাকা ওয়াজিব নয়, এ ব্যাপারে সকল আলেম একমত।<sup>290</sup> ইফতার দেরি করা মোস্তাহাব নয়, বরং হাদিস অনুসারে দ্রুত ইফতার করা মোস্তাহাব।

পাঁচ. মানুষ অজানা বিষয় দ্রুত অস্বীকার করে, যেমন বেলাল নবী সাল্লাল্লাহু আলাইহি ওয়াসাল্লামের নির্দেশ পালনে বিলম্ব করেছে। কারণ ইফতারের সময় হয়েছে বেলালের জানা ছিল না।

ছয়. সাহাবায়ে কেরাম সতর্কতা অবলম্বন অথবা স্পষ্টভাবে জানা অথবা অধিক জানার জন্য নবী সাল্লাল্লাহু আলাইহি ওয়াসাল্লামের শরণাপন্ন হতেন, অতঃপর তৎক্ষণাৎ তার নির্দেশ পালনে তৎপর হতেন, যেমন বেলাল সূর্যাস্তের পর রক্তিম আভা ও উজ্জ্বলতা দেখে ভেবেছিল ইফতারের সময় হয়নি, কিন্তু নবী সাল্লাল্লাহু আলাইহি ওয়াসাল্লাম যখন তাকে জানিয়ে দিলেন, সে সাথে সাথে তা বস্তবায়ন করল।

সাত. আলেম অথবা দায়িত্বশীলকে স্মরণ করিয়ে দেয়া, যদি তার ভুলে যাওয়া বা অন্যমনস্ক হওয়ার আশঙ্কা হয়, তবে তৃতীয়বারের পর না বলা।

আট. কেউ যদি কোন বিধান না জানে, তার জিজ্ঞাসা করা ও জানতে চাওয়া দোষণীয় নয়।

নয়. এ হাদিসে কিতাবি তথা ইয়াহুদী ও খ্রিষ্টানদের বিরোধিতার ইঙ্গিত রয়েছে, কারণ তারা সূর্যাস্তের পর ইফতারে বিলম্ব করে। আরো রয়েছে শিয়াদের কর্মকাণ্ডের প্রতিবাদ, যারা ইফতারের জন্য নক্ষত্র বিকশিত হওয়ার অপেক্ষা করে।

দশ. ক্ষতির আশঙ্কা না হলে সফরে সওম বৈধ।

<sup>288</sup> বুখারি: (১৮৫৪), মুসলিম: (১১০১), আবু দাউদ: (২৩৫২), আহমদ: (৪/৩৮২)

<sup>289</sup> ইমাম কুরতুবি রহ. বলেন: “এ কথা বেলাল তাকে এ জন্য বলেছে, যেহেতু সে সূর্যের আলো উজ্জ্বল দেখছিল, যদিও গোলক অদৃশ্য ছিল। রাসূলুল্লাহ সাল্লাল্লাহু আলাইহি ওয়াসাল্লাম সূর্যের আলো উপেক্ষা করে, সূর্যের শরীর অদৃশ্য হওয়াকে গ্রহণ করেন। অতঃপর যে সূর্যের শরীর দেখতে পায় না, তার ইফতারের আলামত বর্ণনা করেন, অর্থাৎ সে পূর্বদিক থেকে রাতের আগমন গণ্য করবে”। আল-মুফহিম: (৩/১৫৯)

<sup>290</sup> ইবন বাত্তাল তার বুখারির ব্যাখ্যা গ্রন্থে এর ওপর ইজমা বর্ণনা করেছেন: (৪/১০২)

# ইসলামিক আলো

এগারো. ইফতারের সময় মুয়াজ্জিনের জবাব দেয়া ও আযান পরবর্তী যিকর পাঠ করা রোযাদারের জন্য বৈধ। কারণ রোযাদার ও রোযাভঙ্গকারী সবাই দলিলের ব্যাপকতার অন্তর্ভুক্ত।<sup>291</sup>

বারো. রোযা রাখা, ইফতার করা ও সালাতের সময় নিরুপণে মূল হচ্ছে যমিন, যেখানে সে অবস্থান করছে; অথবা যে শূন্যে সে বিচরণ করছে। অতএব বিমান বন্দরে থাকাবস্থায় যার সূর্যাস্ত গেল, অথবা সেখানে মাগরিবের সালাত আদায় করল, অতঃপর পশ্চিমের উদ্দেশ্যে বিমান উড্ডয়ন করল, ফলে সে পুনরায় সূর্য দেখল, তাহলে তার পানাহার থেকে বিরত থাকা জরুরী নয়, তার সালাত ও সিয়াম উভয় শুদ্ধ। কারণ সে যে জমিতে ছিল তার হিসেবে ইফতার ও সালাত সম্পন্ন করেছে, তাই পুনরায় তা আদায় করতে হবে না। আর যদি সূর্যাস্তের সামান্য আগে বিমান উড্ডয়ন করে, তার সাথে দিন চলতে থাকে, তাহলে তার জন্য ইফতার ও সালাত আদায় বৈধ নয়, যতক্ষণ না তার আকাশের সূর্যাস্ত যায়, যেখানে সে ভ্রমণ করছে। আর যদি সে এমন দেশের ওপর দিয়ে গমন করে, যার অধিবাসীরা ইফতার ও সালাত আদায় করেছে, কিন্তু সে ঐ দেশের আসমানে (শূন্যে) সূর্য দেখছে, তার সূর্যাস্তের পূর্বে ইফতার ও সালাত বৈধ হবে না।<sup>292</sup>

---

<sup>291</sup> ফাতাওয়া ইব্ন উসাইমিন: (১/৫৩১-৫৩২)

<sup>292</sup> ফাতোয়া লাজনায়ে দায়েমা: (২২৫৪), ফাতাওয়া ইব্ন বায: (১৫/২৯৩-৩০০-৩২২)

ইসলামিক আলো

[www.islamicalo.com](http://www.islamicalo.com)

# ইসলামিক আলো

## ৩৩. রোযাদারের বমির হুকুম

আবু হুরায়রা রাদিয়াল্লাহু আনহু থেকে বর্ণিত, তিনি বলেন: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«مَنْ تَرَعه قَيْءٌ وَهُوَ صَائِمٌ فَلَيْسَ عَلَيْهِ قَضَاءٌ وَإِنْ اسْتَقَاءَ فَلْيَقْضِ»

“রোযাবস্থায় যার বমি হল, তার ওপর কাযা জরুরী নয়। হ্যাঁ, যদি সে স্বেচ্ছায় বমি করে, তাহলে সে যেন কাযা করে”।<sup>293</sup>

মি‘দান ইব্ন তালহা রহ. থেকে বর্ণিত: “আবুদ দারদা রাদিয়াল্লাহু আনহু তাকে বলেছেন, রাসূলুল্লাহ সাল্লাল্লাহু আলাইহি ওয়াসাল্লাম বমি করার পর রোযা ভঙ্গ করেছেন। পরবর্তীতে দিমাশকের এক মসজিদে আমি রাসূলুল্লাহ সাল্লাল্লাহু আলাইহি ওয়াসাল্লামের দাস সাওবানের সঙ্গে সাক্ষাত করি, আমি বললাম: আবুদ দারদা আমাকে বলেছে, রাসূলুল্লাহ সাল্লাল্লাহু আলাইহি ওয়াসাল্লাম বমি করার পর রোযা ভঙ্গ করেছেন। তিনি বললেন: হ্যাঁ, তিনি ঠিক বলেছেন। আমি তার পানি ঢেলেছি”।<sup>294</sup>

### শিক্ষা ও মাসায়েল:

এক. বান্দার প্রতি আল্লাহর দয়া যে, তার অনিচ্ছায় যেসব কাজ সংঘটিত হয়, সে জন্য তিনি তাকে জিজ্ঞাসা করবেন না। হ্যাঁ, বান্দার ইচ্ছাধীন কাজের জন্য জিজ্ঞাসাবাদ করা হবে। যেমন বমি করা। অর্থাৎ আঙ্গুল ঢুকিয়ে বা গলায় কিছু প্রবেশ করিয়ে, অথবা দুর্গন্ধ শুকে, অথবা বিরক্তিকর কোন জিনিস দেখে বা কোন কারণে বমি করল। যদি সে ইচ্ছাকৃত এমন করে, তবে তার সিয়াম নষ্ট হয়ে যাবে, অনিচ্ছাকৃত হলে সিয়াম নষ্ট হবে না।

দুই. রাসূলুল্লাহ সাল্লাল্লাহু আলাইহি ওয়াসাল্লাম থেকে যে বর্ণিত আছে, তিনি বমি করেছেন, অতঃপর রোযা ভঙ্গ করেছেন, এর অর্থ তিনি বমির কারণে দুর্বল হয়েছিলেন বিধায় সিয়াম ভঙ্গ করেছেন। বমির কারণে তিনি সওম ভঙ্গ করেন নি। তাহাবির এক বর্ণনায় আছে, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«وَلَكِنِّي قَيْءٌ فَضَعُفْتُ عَنِ الصَّوْمِ فَأَفْطَرْتُ».

“কিন্তু আমি বমি করেছি, ফলে সওম পালন থেকে দুর্বল হয়ে গেছি, তাই আমি সিয়াম ভঙ্গ করেছি”।<sup>295</sup>

তিন. এসব হাদিস প্রমাণ করে, স্বেচ্ছায় যে বমি করবে, তার সওম ভেঙ্গে যাবে, হোক সে বমি তিক্ত পানি, খানা, কফ কিংবা রক্ত, কারণ এসব হাদিসের অর্থ ও ব্যাপকতার অন্তর্ভুক্ত।<sup>296</sup>

চার. রমযানের দিনে রোযাদারের বমি করা বৈধ নয়, কারণ বমির কারণে তার রোযা ভেঙ্গে যাবে। হ্যাঁ, কেউ যদি অসুস্থ হয়, তাহলে রোগের কারণে অপারগ। আল্লাহ তা‘আলা বলেন:

﴿فَمَنْ كَانَ مِنْكُمْ مَّرِيضًا أَوْ عَلَى سَفَرٍ فَعِدَّةٌ مِّنْ أَيَّامٍ أُخَرَ ۖ﴾ [البقرة: 184]

<sup>293</sup> আবুদাউদ: (২৩৮০) আহমদ: (২/৪৯৮) সহিহ ইব্ন খুজাইমা: (১৯৬০) সহিহ ইব্ন হিব্বান: (৩৫১৮) সহিহ হাকেম: (১/৮৫৫-৫৮৯)

<sup>294</sup> আবুদাউদ: (২৩৮১) আহমদ: (৬/১৯) নাসায়ি ফিল কুবরা: (৩২১০-৩২২৯) সহিহ ইব্ন হিব্বান: (১০৯৭) হাকেম: (১/৫৮৮-৫৮৯)

<sup>295</sup> তাহাবি: শরহুমাআনিল আসার: (২/৯৭) উমদাতুলকারি: (১১/৩৬)

<sup>296</sup> আল-মুগনি লি ইব্ন কুদামাহ: (৩/২৪)

# ইসলামিক আলো

“তবে তোমাদের মধ্যে যে অসুস্থ হবে, কিংবা সফরে থাকবে, তাহলে অন্যান্য দিনে সংখ্যা পূরণ করে নেবে”।<sup>297</sup>  
অর্থাৎ সে রমযানে পানাহার করে পরে কাযা করবে।<sup>298</sup>

পাঁচ. ইচ্ছাকৃতভাবে যে বমি করবে, তার সওম ভঙ্গের বিধান ইসলামি শরিয়তের ইনসাফকে প্রমাণ করে। আরো প্রমাণ করে যে, আল্লাহর প্রত্যেক বিধান বান্দার ওপর ইনসাফ ও রহমত। শায়খুল ইসলাম ইব্ন তাইমিয়াহ রহ. বলেছেন: “রোযাদারকে সেসব বস্তু থেকে বারণ করা হয়েছে, যা তার শক্তি বৃদ্ধি করে ও খাদ্যের যোগান দেয়, যেমন খাদ্য ও পানীয়, অতএব যা তাকে দুর্বল করে ও যার ফলে তার খাদ্য বের হয়, তা থেকে তাকে বারণ করা হয়েছে। যদি তাকে এর অনুমতি দেয়া হয়, সে নিজেকে ক্ষতিগ্রস্ত করবে ও ইবাদতে সীমালঙ্ঘনকারী গণ্য হবে।”<sup>299</sup>

---

<sup>297</sup> সূরা বাকারা: (১৮৪)

<sup>298</sup> আস-সালাত লি ইব্ন কাইয়িম: (১৩৪)

<sup>299</sup> মাজমুউল ফাতাওয়া : (২৫/২৫০-২৫১)

# ইসলামিক আলো

## ৩৪. রোযাদারের সুরমা ও মিসওয়াক ব্যবহার করা

আবু হুরায়রা রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«لَوْلَا أَنِ اشْتَقَّ عَلَى مَنِيٍّ لَا مَرُؤُهُمْ بِالسَّوَاكِ مَعَ كُلِّ صَلَاةٍ» متفق عليه.

“যদি আমার উম্মতের ওপর কষ্ট না হত, তাহলে আমি প্রত্যেক সালাতের সময় তাদেরকে অবশ্যই মিসওয়াকের নির্দেশ দিতাম”।<sup>300</sup>

আয়েশা রাদিয়াল্লাহু আনহা থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«السَّوَاكِ مَطَهْرَةٌ لِّفَمِّ مَرْضَاةٍ لِلرَّبِّ عَزَّ وَجَلَّ»

“মিসওয়াক মুখ পবিত্র রাখা ও আল্লাহকে সন্তুষ্ট করার বস্তু”।<sup>301</sup>

ইবন ওমর রাদিয়াল্লাহু আনহু বলেছেন: “দিনের শুরু ও শেষে মিসওয়াক করবে”।<sup>302</sup>

তিনি আরো বলেছেন:

«لَا يَأْسَأَنَّ يَسْتَاكِ الصَّلَاةُ بِالسَّوَاكِ الرِّطْبُ وَالْيَابِسُ».

“রোযাদার শুষ্ক বা ভেজা মিসওয়াক দিয়ে মিসওয়াক করবে এতে সমস্যা নেই”।<sup>303</sup>

মু‘আয রাদিয়াল্লাহু আনহু থেকে বর্ণিত: “নবী সাল্লাল্লাহু আলাইহি ওয়াসাল্লাম তাদেরকে মিসওয়াক করার নির্দেশ দিয়েছেন, তিনি জানতেন মিসওয়াকের পর রোযাদারের মুখে খলুফ থাকবে, তিনি তাদেরকে স্বেচ্ছায় মুখ দুর্গন্ধময় করতে নির্দেশ দেন নি, তাতে কোন কল্যাণ নেই, বরং তাতে রয়েছে অনিষ্ট, তবে যে রোগে আক্রান্ত, যার থেকে মুক্তির পথ নেই সে ব্যতীত”।<sup>304</sup>

আনাস ইবন মালেক রাদিয়াল্লাহু আনহু থেকে বর্ণিত, “তিনি সওম অবস্থায় সুরমা ব্যবহার করতেন”।<sup>305</sup>

হাসান রহ. থেকে বর্ণিত: “তিনি রোযাদার ব্যক্তির সুরমা ব্যবহারে কোন সমস্যা মনে করতেন না”।<sup>306</sup>

যুহরি রহ. বলেন: “রোযাদারের সুরমা ব্যবহারে কোন সমস্যা নেই”।<sup>307</sup>

<sup>300</sup> বুখারি: (৮৪৭), মুসলিম: (২৫২)

<sup>301</sup> আহমদ: (৬/৬২), নাসায়ি: (১/১০), দারামি: (৬৮৪), আবু ইয়াল্লা: (৪৯৪৬), সহিহ ইবন খুযাইমাহ: (১৩৫), ও সহিহ ইবন হিব্বান: (১০৬৭)

<sup>302</sup> বুখারি: (২/৬৮১)

<sup>303</sup> ইবন আবি শায়বাহ: (২/২৯৬)

<sup>304</sup> তাবরানি ফিল কাবির: (২০/৭০), হাদিস নং: (১৩৩), মুসনাদে শামি: (২২৫০), হাফেয ইবন হাজার এর সনদ জাইয়েদ বলেছেন: তালখিস: (২/২০২), কিন্তু হায়সামি বকর ইবন খুনাইস বর্ণনাকারীর কারণে হাদিসটি দুর্বল বলেছেন, তবে তিনি বলেছেন: ইবন মুয়িন তাকে নির্ভরযোগ্য বলেছেন। মাজমাউয যাওয়ায়েদ: (৩/১৬৫)

<sup>305</sup> আবু দাউদ: (২৩৭৮), ইবন আবি শায়বাহ: (২/৩০৪), এ হাদিস মওকুফ। তিরমিযি বলেছেন: এ অধ্যায়ে নবী সাল্লাল্লাহু আলাইহি ওয়াসাল্লাম থেকে মারফু কোন হাদিস নেই। তিরমিযি: (৩/১০৫)

<sup>306</sup> ইবন আবি শায়বাহ: (২/৩০৪), যুহরি রহ. থেকে বর্ণিত, তিনি বলেন: “সওম পালনকারীর সুরমা ব্যবহারে কোন সমস্যা নেই”। ইবন আবি শায়বাহ: (২/৩০৪)

# ইসলামিক আলো

## শিক্ষা ও মাসায়েল:

এক. মিসওয়াকের ফযিলত, নবী সাল্লাল্লাহু আলাইহি ওয়াসাল্লাম প্রত্যেক সালাতের সময় তার নির্দেশ দেয়ার ইচ্ছা করেছেন।

দুই. উম্মতের ওপর নবী সাল্লাল্লাহু আলাইহি ওয়াসাল্লামের দয়া যে, তিনি তাদের ওপর কষ্টের বিধান চাপিয়ে দেননি।

তিন. দিনের শুরু ও শেষে রোযাদারের জন্য মিসওয়াক করা বৈধ। রোযাদার ও গায়রে রোযাদার সবার জন্য মিসওয়াক করা সুন্নত, সবাই হাদিসের হাদিসের ব্যাপকতার অন্তর্ভুক্ত।

চার. কাঁচা ও শুষ্ক সব মিসওয়াক রোযাদারের জন্য বৈধ।<sup>308</sup>

পাঁচ. মিসওয়াকের সময় দাঁতের মাড়ি থেকে রক্ত বের হলে সমস্যা নেই, সওম নষ্ট হবে না, তবে রক্ত গলাধঃকরণ করবে না।<sup>309</sup>

ছয়. রোযাদার সুরমা ব্যবহার করতে পারবে, অনুরূপ কান ও চোখের ড্রপ ব্যবহার করতে পারবে, যদিও স্বাদ অনুভব হয়, এ ব্যাপারে কোন নিষেধাজ্ঞা বা তার ইঙ্গিত নেই, দ্বিতীয়ত এগুলো খাদ্যনালী নয়।<sup>310</sup>

সাত. নাকের ড্রপ যদি পেটে যায়, তাহলে রোযা ভেঙে যাবে, কারণ নবী সাল্লাল্লাহু আলাইহি ওয়াসাল্লাম নাকে বেশী পানি দিতে নিষেধ করেছেন, যদি পেটে না পৌঁছে, কোন সমস্যা নেই।<sup>311</sup>

আট. ইনহেলার (হাঁপানির স্প্রে) ও এ জাতীয় বস্তু যা ফুসফুসে যায়, রোযাদার ব্যবহার করতে পারবে, এতে কোন সমস্যা হবে না।<sup>312</sup>

নয়. ইনজেকশনে রোযা ভাঙবে না, মাংস বা রগ যেখানে গ্রহণ করা হোক, হ্যাঁ খাদ্যের জন্য ব্যবহৃত ইনজেকশনে রোযা ভাঙবে।<sup>313</sup>

দশ. রোযাদার যদি খাদ্য জাতীয় ইনজেকশন নিতে বাধ্য হয়, তাহলে অসুস্থতার জন্য সে তা নিবে ও পরে রোযাটি কাযা করবে।

এগারো. যদি রোযাদার কঠিন ঘ্রাণযুক্ত তেল ব্যবহার করে, রোযা ভাঙ হবে না, কারণ ঘ্রাণ যত শক্তিশালী হোক রোযা ভঙ্গের কারণ নয়।<sup>314</sup>

---

<sup>307</sup> ইব্ন আব্বি শায়বাহ: (২/৩০৪)

<sup>308</sup> বুখারি: (২/৬৮২), ফাতহুল বারি: (৪/১৫৮), দেখুন: তামহিদ: (১৯/৫৮)

<sup>309</sup> ফাতাওয়া লাজনায়ে দায়েমাহ: (১০/২৬৫), ফাতাওয়া নং: (৩৭৮৫)

<sup>310</sup> মাজমু ফাতাওয়া ইব্ন বায: (১৫/২৬০-২৬১), শাইখুল ইসলাম ইব্ন তাইমিয়া রহ. এটা গ্রহণ করেছেন। দেখুন: ফিকহুল ইবাদাত লি ইব্ন উসাইমিন: (১৯১-১৯২)

<sup>311</sup> দেখুন: ফাতাওয়া ইব্ন বায: (১৫/২৬০), ফাতাওয়া ইব্ন উসাইমিন: (১/৫২০)

<sup>312</sup> ফাতাওয়া ইব্ন বায: (১৫/২৬৫), ফাতাওয়া ইব্ন উসাইমিন: (১/৫০০)

<sup>313</sup> মজমুউ ফাতাওয়া ও রাসায়েল লি ইব্ন উসাইমিন: (১৯/২১৩-২১৫)

<sup>314</sup> মজমুউ ফাতাওয়া ও রাসায়েল লি ইব্ন উসাইমিন: (১৯/২২৫-২২৮)



# ইসলামিক আলো

বারো. অসুস্থতার জন্য ডুশ (সাপোজিটর) ব্যবহার করলে সওম ভঙ্গ হবে না, অতএব সওম পালনকারী এটা ব্যবহার করতে পারে।<sup>315</sup>

তেরো. দাঁতের মাজন রোযা ভঙ্গকারী নয়, বরং তা মিসওয়াকের মতই, তবে পেটে যেন না যায় সে জন্য সতর্কতা অবলম্বন করা জরুরী, যদি অনিচ্ছায় পেটে যায়, তবে সমস্যা নেই।<sup>316</sup> মাজন দ্বারা রাতে দাঁত মাজাই উত্তম।

চৌদ্দ. গড়গড়ার ওষুধের কারণে সওম ভঙ্গ হবে না, যদি তা গলাধঃকরণ না করে, তবে বিশেষ প্রয়োজন ব্যতীত রাত পর্যন্ত অপেক্ষা করা উত্তম।<sup>317</sup>

পনেরো. মুখের দুর্গন্ধ দূর করার জন্য স্প্রে ব্যবহার করা বৈধ, যদি তার মূল ধাতু গলায় না পৌঁছে।<sup>318</sup>

ষোল. রোযাদারের থু থু গলাধঃকরণে সমস্যা নেই, কিন্তু নাকের স্লেম্মা বা কপ গলাধঃকরণ বৈধ নয়, কারণ এগুলো থেকে বিরত থাকা সম্ভব।<sup>319</sup>

সতেরো. মলদ্বারে সিরিজ দ্বারা তরল পদার্থ প্রবেশ করালে রোযা ভঙ্গবে না।<sup>320</sup>

---

<sup>315</sup> ফাতাওয়া ইব্ন উসাইমিন: (১/২০৫)

<sup>316</sup> মাজমুউ ফাতাওয়া ইব্ন উসাইমিন: (১/২০৫)

<sup>317</sup> মজমুউ ফাতাওয়া ও রাসায়েল লি ইব্ন উসাইমিন: (১৯/২৯০)

<sup>318</sup> আল-মুনতাকা: (৩/১৩০)

<sup>319</sup> ফাতাওয়া লাজনায়ে দায়েমাহ: (৯৫৮৪), ফাতাওয়া ইব্ন বায: (৩/২৫১)

<sup>320</sup> তুহফাতুল ইখওয়ান লি ইব্ন বায: (৮২)

# ইসলামিক আলো

## ৩৫. নফল সওমের ফযিলত

আবু উমামা রাদিয়াল্লাহু আনহু থেকে বর্ণিত, তিনি বলেন:

«أَتَيْتُ رَسُولَ اللَّهِ ﷺ فَقَالَ: مُرْنِي بِأَمْرٍ أَخْبَهُ عَلَيْكَ، قَالَ: عَلَيْكَ بِالصَّوْمِ فَإِنَّهُ لَا مِثْلَ لَهُ».

“আমি রাসূলুল্লাহ সাল্লাল্লাহু আলাইহি ওয়াসাল্লামের নিকট আগমন করি, অতঃপর তাকে বলি: আপনি আমাকে একটি কাজের নির্দেশ দিন, যা আমি আপনার থেকে গ্রহণ করব, তিনি বললেন: তুমি সওম আঁকড়ে ধর, কারণ তার সমকক্ষ কিছু নেই”।

হাদিসটি অন্য শব্দে এভাবে এসেছে: আবু উমামা রাসূলুল্লাহ সাল্লাল্লাহু আলাইহি ওয়াসাল্লামকে জিজ্ঞাসা করেন:

«يَا رَسُولَ اللَّهِ ﷺ! قَالَ: عَلَيْكَ بِالصَّوْمِ فَإِنَّهُ لَا عِوَالَ لَهُ».

“কোন আমল সর্বোত্তম? তিনি বলেন: তুমি সওম আঁকড়ে ধর, কারণ তার সমকক্ষ কিছু নেই”।

অপর বর্ণনায় এসেছে: আবু উমামা বলেছেন: “হে আল্লাহর রাসূল, আমাকে একটি জিনিসের নির্দেশ দিন, যার মাধ্যমে আমি জান্নাতে প্রবেশ করব, তিনি বললেন: তুমি সওম আঁকড়ে ধর, কারণ সওমের কোন তুলনা নেই। বর্ণনাকারী বলেন: আবু উমামার বাড়িতে মেহমান আগমন ব্যতীত দিনে কখনো ধোঁয়া দেখা যেত না। যদি তারা ধোঁয়া দেখত, মনে করত আজ তার বাড়িতে মেহমান এসেছে”।

অপর বর্ণনায় এসেছে: আমি বললাম: “হে আল্লাহর রাসূল, আমাকে একটি আমলের নির্দেশ দিন, তিনি বললেন: তুমি সওম আঁকড়ে ধর, কারণ তার কোন তুলনা নেই। বর্ণনাকারী বলেন: আবু উমামা, তার স্ত্রী ও খাদেমদের সওম ব্যতীত দেখা যেত না। তাদের বাড়িতে দিনে আগুন দেখলে বলা হত মেহমান এসেছে, কোন আগন্তুক এসেছে। বর্ণনাকারী বলেন: এভাবে সে এক দীর্ঘ সময় অতিক্রম করে। অতঃপর আমি তার কাছে এসে বলি: হে আল্লাহর রাসূল, আপনি আমাদেরকে সওমের নির্দেশ দিয়েছেন, আশা করি আল্লাহ তাতে আমাদেরকে বরকত দান করেছেন। হে আল্লাহর রাসূল, আমাকে আরেকটি আমলের নির্দেশ দেন, তিনি বলেন: জেনে রাখ, তোমার এমন কোন সেজদা নেই, যার দ্বারা আল্লাহ তোমার মর্তবা বৃদ্ধি করেন না ও তোমার পাপ মোচন করেন না”।<sup>321</sup>

### শিক্ষা ও মাসায়েল:

এক. সাহাবিদের আখেরাতের আমল জানার আগ্রহ।

দুই. সওম সর্বোত্তম আমল, এ হাদিস তাই প্রমাণ করে, অপর হাদিসে এসেছে যে, সালাত সর্বোত্তম ইবাদত, যেমন:

«وَأَعْلَمُوا أَنَّ خَيْرَ أَعْمَالِكُمُ الصَّلَاةُ».

“জেনে রেখ, তোমাদের সর্বোত্তম আমল সালাত”।

<sup>321</sup> দেখুন: নাসায়ি: (৪/১৬৫), আহমদ: (৫/২৪৮), হাদিসটি সহিহ বলেছেন ইবন হিব্বান: (৩৪২৫), ইবন খুযাইমাহ: (১৮৯৩), হাকেম: (১/৫৮২), ও হাফেয ইবন হাজার ফিল ফাতহ: (৪/১০৪)। প্রথম দুটি বর্ণনা নাসায়ি থেকে নেয়া, তৃতীয় বর্ণনা ইবন হিব্বান থেকে নেয়া, চতুর্থ বর্ণনা আহমদ থেকে নেয়া।

# ইসলামিক আলো

স্পষ্টত বুঝা যায় আমলের শ্রেষ্ঠত্ব মানুষের অবস্থার উপর নির্ভর করে, কতক মানুষের পক্ষে সওম উত্তম, কারণ সওম তাদেরকে হারাম প্রবৃত্তি থেকে বিরত রাখে, তাদের অন্তঃকরণকে আল্লাহর ইবাদতের জন্য পরিশুদ্ধ করে। আবার কারো পক্ষে সালাত উত্তম, কারণ তাদের শরীর সওম পালনে সক্ষম নয়, বা সওমের কারণে অন্যান্য কর্তব্যে ত্রুটি হবে। ইব্নুল কাইয়্যিম রহ. বলেন: “নারীর প্রতি যার আগ্রহ বেশী, তার জন্য সওম উত্তম অন্যান্য ইবাদত থেকে”।

তিন. সওম মানুষের প্রবৃত্তিকে নষ্ট করে, যা অনেক পাপ সংঘটিত করে ও ইবাদত থেকে বিরত রাখে। যেসব যুবকরা বিবাহের সামর্থ্য রাখে না, কিন্তু তারা পাপের আশঙ্কা করে, তাদেরকে সওম পালনের নির্দেশ দেয়া হয়েছে, এ দিক থেকে সওমের কোন তুলনা বা সমকক্ষ নেই”।

চার. আবু উমামা ও তার পরিবার নবী সাল্লাল্লাহু আলাইহি ওয়াসাল্লামের সওমের নির্দেশ অক্ষরে অক্ষরে পালন করেছেন, এখান থেকে বুঝা যায় যে, সাহাবায়ে কেলাম শরিয়তের আদেশ দ্রুত ও যথাযথ বাস্তবায়ন করতেন।

পাঁচ. মেহমানের সম্মান করা ইসলামি বিধান, তার সম্মানে নফল সওম ত্যাগ করা বৈধ।

# ইসলামিক আলো

## ৩৬. রোযাদারের জন্য শিক্ষা ব্যবহার করা

শাদ্দাদ ইব্ন আউস রাদিয়াল্লাহু আনহু থেকে বর্ণিত, নবী সাল্লাল্লাহু আলাইহি ওয়াসাল্লাম আমার হাত ধরে 'বাকি' নামক স্থানে এক ব্যক্তির নিকট আগমন করেন, যে শিক্ষা লাগাচ্ছিল, তখন আঠারো রমযান। তিনি বললেন:

«تَطَرَّ الْحَاجُّ وَالْمَحْجُومُ» رواه أبو داود وصححه أحمد والبخاري.

“যে শিক্ষা লাগায় আর যার লাগানো হয় উভয় ইফতার করল”।<sup>322</sup>

সাওবান<sup>323</sup>, রাফে ইব্ন খাদিজ<sup>324</sup> ও একদল সাহাবি থেকে অনুরূপ বর্ণিত আছে, এ জন্য একদল আলেম এ হাদিসকে মুতাওয়াতির বলেছেন।

ইব্ন আব্বাস রাদিয়াল্লাহু আনহু থেকে বর্ণিত, “নবী সাল্লাল্লাহু আলাইহি ওয়াসাল্লাম ইহরাম অবস্থায় শিক্ষা লাগিয়েছেন, তিনি সওম অবস্থায় শিক্ষা লাগিয়েছেন”।

আবু দাউদের এক বর্ণনা আছে: “তিনি সওম অবস্থায় শিক্ষা লাগিয়েছেন”।<sup>325</sup>

শু'বা রহ. থেকে বর্ণিত, তিনি বলেন: “আমি সাবেত আল-বুনানিকে বলতে শুনেছি, তিনি মালিক ইব্ন আনাসকে জিজ্ঞেস করেছিলেন: আপনারা কি রোযাদারের জন্য শিক্ষা অপছন্দ করতেন” তিনি বললেন: না, তবে দুর্বলতার কারণে”।<sup>326</sup>

আবু দাউদের এক বর্ণনায় আনাস থেকে বর্ণিত আছে, তিনি বলেন: “দুর্বলতার কারণে আমরা রোযাদারের জন্য শিক্ষা অপছন্দ করতাম”।<sup>327</sup>

### শিক্ষা ও মাসায়েল:

এক. একাধিক হাদিস প্রমাণ করে যে, শিক্ষা উভয়ের সওম ভঙ্গ করে: যে লাগায় ও যার লাগানো হয়। আবার এর বিপরীতে অন্যান্য হাদিস রয়েছে, যা প্রমাণ করে নবী সাল্লাল্লাহু আলাইহি ওয়াসাল্লাম সওম অবস্থায় শিক্ষা

<sup>322</sup> আবু দাউদ: (২৩৬৯), নাসায়ি ফিল কুবরা: (৩১২৬), ইব্ন মাজাহ: (১৬৮১), আহমদ: (৪/১২৩), আলি ইব্ন মাদিনি ও বুখারি হাদিসটি সহিহ বলেছেন, দেখুন: তালখিসুল হাবির: (২/১৯৩), আব্দুল্লাহ ইব্ন ইমাম আহমদ তার পিতার মাসআলা সমগ্র নকল করেন: যে শিক্ষা লাগায় এবং যার লাগানো হয়, উভয়ের সওম ভঙ্গের ব্যাপারে এটা সবচেয়ে বিশুদ্ধ হাদিস। মাসায়েলে ইমাম আহমদ: (৬৮২), সহিহ ইব্ন হিব্বান: (৩৫৩৩), হাকেম: (১/৫৯২), মাজমু গ্রন্থে হাদিসটি ইমাম নববী সহিহ বলেছেন। তিনি বলেন: এ হাদিস ইমাম মুসলিমের শর্ত মোতাবেক: (৬/৩৫০)

<sup>323</sup> দেখুন: সাওবান রাদিয়াল্লাহু আনহু থেকে বর্ণিত হাদিস: আবু দাউদ: (২৩৭১), ইব্ন মাজাহ: (১৬৮০), দারামি: (১৭৩১), আহমদ: (৫/২৭৬), তায়ালিসি: (৯৮৯), সহিহ ইব্ন হিব্বান: (৩৫৩২), ইব্ন খুযাইমাহ: (১৯৬২-১৯৬৩)

<sup>324</sup> দেখুন: রাফে ইব্ন খাদিজ থেকে বর্ণিত হাদিস: তিরমিযি: (৭৭৪), আহমদ: (৩/৪৬৫), সহিহ ইব্ন হিব্বান: (৩৫৩৫)

<sup>325</sup> দেখুন: বুখারি: (১৮৩৬), মুসলিম: (১২০২), আবু দাউদ: (২৩৭২-২৩৭৪), তিরমিযি: (৭৭৫-৭৭৭)

<sup>326</sup> বুখারি: (১৮৩৮)

<sup>327</sup> আবু দাউদ: (২৩৭৫)

# ইসলামিক আলো

লাগিয়েছেন। তাই শিঙ্গার ব্যাপারে আলেমদের ইখতিলাফ সৃষ্টি হয়েছে। জমহুর আলেম বলেন রোযাদারের জন্য শিঙ্গা লাগানো বৈধ। নিষেধাজ্ঞার হাদিসগুলো বৈধতার হাদিস দ্বারা রহিত ও মানসুখ।<sup>328</sup>

ইমাম আহমদের মায়হাব হচ্ছে, শিঙ্গা সওম ভঙ্গকারী। শায়খুল ইসলাম ও তার শিষ্য ইব্বনুল কাইয়েম এ মত গ্রহণ করেছেন।<sup>329</sup>

সৌদি আরবের লাজনায়ে দায়েমা অনুরূপ ফতোয়া প্রদান করেছে।<sup>330</sup>

সৌদি আরবের অধিকাংশ আলেম এটাই গ্রহণ করেছেন। অতএব রোযাদারের দিনে শিঙ্গা পরিহার করাই সতর্কতা, এতে কোন ইখতিলাফ থাকে না।

দুই. আনাস রাদিয়াল্লাহু আনহুর হাদিস প্রমাণ করে যে, শিঙ্গা রোযা দুর্বল করে, তাই নিষেধ করা হয়েছে। এটা শরিয়তের এক বৈশিষ্ট্য, সে তার অনুসারীদের থেকে কষ্ট দূরীভূত করে।

তিন. শিঙ্গা শরীর দুর্বল করে, তাই সওম ভঙ্গকারী। যে শিঙ্গা লাগায় তার সওম ভঙ্গের কারণ হচ্ছে, রক্ত চোষণের ফলে তার মুখে রক্ত প্রবেশ করার সমূহ সম্ভাবনা থাকে। হ্যাঁ যদি সে মুখে না চোষে, আধুনিক যন্ত্র দ্বারা টেনে বের করে, তাহলে তার সওম ভঙ্গ হবে না।<sup>331</sup>

চার. অপারেশন দ্বারা বিষাক্ত রক্ত বের করলে সওম পালনকারীর সওম ভেঙ্গে যাবে, তবে ডাক্তারের সওম ভঙ্গ হবে না।<sup>332</sup>

<sup>328</sup> দেখুন: আবু সাঈদ খুদরি, ইব্ন মাসউদ ও উম্মে সালামা থেকে বর্ণিত সওম পালনকারীর জন্য শিঙ্গা লাগানো বৈধ। উরওয়া, সাঈদ ইব্ন জুবায়ের এবং প্রসিদ্ধ তিন ইমাম: আবু হানিফা, মালেক ও ইমাম শাফেঈ অনুরূপ অভিমত ব্যক্ত করেছেন। আল-মুগনি: (৪/৩৫০), মুহাল্লা: (৬/২০৪-২০৫), ফাতহুল বারি লি ইব্ন হাজার: (৪/১৭৪-১৭৮), সুবুলুস সালাম: (২/১৫৮-১৬০), নাইলুল আওতার: (৪/২৭৫)

<sup>329</sup> দেখুন: যারা বলেছেন শিঙ্গার কারণে সওম ভেঙ্গে যাবে, তাদের মধ্যে আতা ও আব্দুর রহমান ইব্ন মাহদি অন্যতম, ইমাম আহমদের এ মায়হাব। ইসহাক, ইব্ন মুনির ও ইব্ন খুযাইমাহ তদনুরূপ বলেছেন। ইব্ন কুদামা একদল সাহাবি থেকে বর্ণনা করেছেন, তারা রাতে শিঙ্গা লাগাতেন। তাদের মধ্যে ইব্ন ওমর, ইব্ন আব্বাস, আবু মূসা ও আনাস অন্যতম। আল-মুগনি: (৪/৩৫০), মাজমুউল ফাতাওয়া: (২৫/২৫৭), রিসালা হাকিকাতুস সিয়াম: (৮১-৮৪), তাহযিবুস সুনান: (৬/৩৫৪-৩৬৮), ইলামুল ময়াক্কিন: (২/৫২), ইব্বনুল কাইয়েম রহ. বলেন: রোযাদারের জন্য শিঙ্গা জায়েয মন্তব্যকারীগণ চারটি বিষয় নিশ্চিত হওয়া ব্যতীত এ কথা বলতে পারেন না:

(১). নবী সাল্লাল্লাহু আলাইহি ওয়াসাল্লাম শিঙ্গা লাগিয়েছেন সুস্থ অবস্থায়, অসুস্থ অবস্থায় নয়।

(২). তিনি শিঙ্গা লাগিয়েছেন মুকিম অবস্থায়, মুসাফির অবস্থায় নয়।

(৩). তিনি ফরয সওমে শিঙ্গা লাগিয়েছেন, নফল সওমে নয়।

(৪). তিনি শিঙ্গা লাগিয়েছেন নিষেধ করার পর, আগে নয়। যখন এ চারটি বিষয় প্রমাণ হবে, তখন বলা যাবে যে, রোযাদারের জন্য শিঙ্গা লাগানো বৈধ, অন্যথায় নয়। যাদুল মা'আদ: (৪/৬১-৬২)

<sup>330</sup> দেখুন: ফাতাওয়াল লাজনাহ: (১০/২৬১-২৬২), ফাতাওয়া নং: (১১৯১)

<sup>331</sup> দেখুন: শারহুল মুমতি: (৬/৩৮২)

<sup>332</sup> দেখুন: ফাতাওয়ায়ে লাজনায়ে দায়েমা: (১০/২৬২), ফাতাওয়া নং: (৫৪৭), এটাই শায়খুল ইসলাম ইব্বন তাইমিয়ার পছন্দনীয় অভিমত। মাজমুউল ফাতাওয়া: (২৫/২৬৮), শায়খ মুহাম্মদ ইব্ন ইবরাহিম তার ফাতাওয়াতে এ মতটি প্রধান্য দিয়েছেন: (৪/১৯১)

# ইসলামিক আলো

পাঁচ. মাথা হালকা করা বা কোন কারণে স্বেচ্ছায় নাক থেকে রক্ত বের করলে সওম ভেঙ্গে যাবে, অনিচ্ছায় অধিক রক্ত বের হলেও সওম ভঙ্গ হবে না।<sup>333</sup> রক্ত বের হওয়ার কারণে যদি শরীর দুর্বল হয় ও রোযা ভাঙ্গার প্রয়োজন হয়, তাহলে তার অনুমতি রয়েছে, কারণ সে অসুস্থ।

ছয়. রক্ত পরীক্ষা করলে সওম ভঙ্গ হবে না, হ্যাঁ ইখতিলাফ এড়িয়ে থাকার জন্য এসব কাজ রাতে করা উত্তম। তবে রক্ত বেশী বের হলে সওম ভেঙ্গে যাবে, তাই রাত ব্যতীত এসব কাজ না করা উত্তম। অসুখের জন্য প্রয়োজন হলে করবে, তবে সওম ভেঙ্গে যাবে, পরে তা কায্য করবে।<sup>334</sup>

সাত. অনিচ্ছাকৃতভাবে রোযাদারের শরীর থেকে দুর্ঘটনা অথবা যখমের কারণে অধিক রক্ত বের হলে, সওম নষ্ট হবে না। যদি দুর্বলতার কারণে সওম ভাঙ্গতে বাধ্য হয়, তাহলে সে অসুস্থ ব্যক্তির ন্যায় সওম ভাঙ্গবে ও কায্য করবে।<sup>335</sup>

আট. দাঁত বের করার কারণে সওম ভাঙ্গবে না, যদিও বেশী রক্ত বের হয়, কারণ সে রক্ত বের করার জন্য তা বের করেনি, রক্ত তার ইচ্ছা ব্যতীত বের হয়েছে, কিন্তু সে রক্ত গিলবে না, যদি ইচ্ছাকৃত রক্ত গিলে ফেলে, সওম ভেঙ্গে যাবে।<sup>336</sup>

নয়. ডাক্তারি যন্ত্র দ্বারা কিডনি পরিষ্কার করে সে রক্ত বিভিন্ন কেমিক্যাল যেমন সুগার, লবন ইত্যাদি মিশিয়ে পুনরায় তা শরীরে প্রতিস্থাপন করলে সওম ভেঙ্গে যাবে।<sup>337</sup>

দশ. শিশুর ন্যায় রক্ত দান করলে সওম ভেঙ্গে যাবে, তাই রাত ব্যতীত এ কাজ করবে না, তবে কাউকে বাঁচানোর জন্য রক্ত দেয়ার প্রয়োজন হলে দিবে, রোযা ভঙ্গ করবে ও পরে কায্য করবে।<sup>338</sup>

এগারো. খাদ্য জাতীয় ইনজেকশনের ফলে সওম ভেঙ্গে যাবে।<sup>339</sup>

<sup>333</sup> এটা শায়খুল ইসলাম ইব্ন তাইমিয়াহ ফি ইখতিয়ারুল ফিকহিয়াহ: (১০৮), ইব্ন ইবরাহিম: (৪/১৯১) ও উসাইমিন: (১৯/২৪৯) প্রমুখগণের অভিমত। দেখুন: ফাতাওয়া লাজনা দায়েমা: (১০/২৬৪), ফাতাওয়া নং: (৩৪৫৫)

<sup>334</sup> দেখুন: ফাতাওয়া লাজনায়ে দায়েমা: (১০/২৬৩), ফাতাওয়া নং: (৫৬), মাজমু ফাতাওয়া ইব্ন বায: (৩/২৩৮-২৩৯), মাজমু ফাতাওয়া ইব্ন উসাইমিন: (১৯/২৫০-২৫১)

<sup>335</sup> দেখুন: ফাতাওয়া ইব্ন উসাইমিন: (১/৫১৪)

<sup>336</sup> দেখুন: মাজমু ফাতাওয়া ইব্ন উসাইমিন: (১৯/২৪৯-২৫৩)

<sup>337</sup> দেখুন: ফাতাওয়া লাজনায়ে দায়েমা: (৪৪৯৯)

<sup>338</sup> দেখুন: ফাতাওয়া ইব্ন উসাইমিন: (১/৫১১)

<sup>339</sup> দেখুন: ফাতাওয়া লাজনায়ে দায়েমা: (৫১৭৬)

# ইসলামিক আলো

## ৩৭. সিয়ামের ফযিলত

আবু হুরায়রা রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«الصِّيَامُ جُذَّةٌ رَوَاهُ الشَّيْخَانُ.

“সিয়াম ঢাল”।<sup>340</sup> মুসনাদে আহমদের এক বর্ণনায় আছে:

«الصِّيَامُ جُذَّةٌ وَحَصْنٌ حَصِينٌ مِنَ النَّارِ».

“সিয়াম ঢাল ও জাহান্নাম থেকে সুরক্ষার মজবুত কিল্লা”।<sup>341</sup>

জাবের রাদিয়াল্লাহু আনহু থেকে বর্ণিত, নবী সাল্লাল্লাহু আলাইহি ওয়াসাল্লাম বলেছেন:

«إِنَّ الصِّيَامَ جُذَّةٌ يَسْتَحِجُّ بِهَا الْعَبْدُ مِنَ النَّارِ».

“নিশ্চয় সিয়াম ঢাল, বান্দা এর দ্বারা জাহান্নাম থেকে সুরক্ষা লাভ করবে”।<sup>342</sup>

উসমান ইব্ন আবুল আস সাকাফি রাদিয়াল্লাহু আনহু থেকে বর্ণিত, তিনি বলেন আমি নবী সাল্লাল্লাহু আলাইহি ওয়াসাল্লামকে বলতে শুনেছি:

«الصِّيَامُ جُذَّةٌ مِنَ النَّارِ كُذَّةٌ أَحْكَمُ مِنَ الْقِتَالِ».

“সিয়াম জাহান্নাম থেকে ঢাল, তোমাদের কারো যুদ্ধের ময়দানের ঢালের ন্যায়”।<sup>343</sup>

আবু উবাইদাহ ইবনুল জাররাহ রাদিয়াল্লাহু আনহু বলেন, আমি নবী সাল্লাল্লাহু আলাইহি ওয়াসাল্লামকে বলতে শুনেছি:

«الصَّوْمُ جُذَّةٌ مَا لَمْ يَحْرِقْهَا».

“সওম ঢাল, যতক্ষণ না তা ভাঙ্গা হয়”।<sup>344</sup>

<sup>340</sup> বুখারি: (বুখারি: (১৭৯৫), মুসলিম: (১১৫১)

<sup>341</sup> আহমদ: (২/৪০২)

<sup>342</sup> আহমদ: (৩/৩৯৬)

<sup>343</sup> আহমদ: (৪/২২), নাসায়ি: (৪/১৬৭), ইব্ন মাজাহ: (১৬৩৯), সহিহ ইব্ন খুযাইমাহ: (২১২৫), সহিহ ইব্ন হিব্বান: (৩৬৪৯)

<sup>344</sup> নাসায়ি: (৪/১৬৭), আহমদ: (১/১৯৫), তায়ালিসি: (২২৭), আবু ইয়ালা: (৮৭৮), দারামি: (১৭৩২), মুনিযিরি হাদিসটি হাসান বলেছেন: (২/৯৪০), হাদিস নং: (১৬৪৩), শায়খ আহমদ শাকের হাদিসটি সহিহ বলেছেন: (১৬৯০), এ হাদিসের সনদে বাশশার ইব্ন আবু ইয়াসূফ আল-জুরমি রয়েছেন, যাকে ইব্ন হিব্বান ব্যতীত কেউ গ্রহণ যোগ্য বলেনি, দায়িফে সুনানে নাসায়িতে আলবানি হাদিসটি দুর্বল বলেছেন, তিনি হয়তো এ কারণে হাদিসটি দুর্বল বলেছেন, তবে অন্যান্য হাদিস দ্বারা এটি শক্তিশালী হয়।

<sup>344</sup> ইমাম কুরতুবি সওম সুরক্ষা ও ঢাল এর ব্যাখ্যায় বলেন:

ক. সওম প্রকৃত পক্ষে ঢাল, তাই সওম পালনকারীর কর্তব্য এ ঢালের হিফাজত করা, এ দিকে ইশারা করে নবী সাল্লাল্লাহু আলাইহি ওয়াসাল্লাম বলেছেন:

«فلا يرفث...».

খ. সওম উপকারিতার ভিত্তিতে ঢাল স্বরূপ, অর্থাৎ প্রবৃত্তিকে দুর্বল করে— এ হিসেবে। এদিকে ইশারা করে নবী সাল্লাল্লাহু আলাইহি ওয়াসাল্লাম বলেছেন:

«يُذَرُّ شَهْوَتَهُ وَطَعَامَهُ مِنْ أَجْلِي»

“সে তার প্রবৃত্তি ও খানা আমার জন্য ত্যাগ করে”।

গ. সওম সওয়াবের হিসেবে ঢাল স্বরূপ, এ দিকে ইশারা করে নবী সাল্লাল্লাহু আলাইহি ওয়াসাল্লাম বলেছেন:

# ইসলামিক আলো

الحُجَّة শব্দের অর্থ: সুরক্ষা ও পর্দা। অর্থাৎ সিয়াম জাহান্নামের আগুন থেকে সুরক্ষা ও পর্দা স্বরূপ।<sup>345</sup>

## শিক্ষা ও মাসায়েল:

এক. সিয়াম কু-প্রবৃত্তিকে বশীভূত করে, যে কু-প্রবৃত্তি ব্যক্তিকে জাহান্নামে নিয়ে যায়। এ জন্য সওম জাহান্নামের ঢাল স্বরূপ। ইরাকি বলেন: “সওম জাহান্নামের ঢাল, কারণ সে প্রবৃত্তি থেকে বিরত রাখে, আর জাহান্নাম প্রবৃত্তি দ্বারা আবৃত”।<sup>346</sup>

দুই. সওম ফযিলত পূর্ণ, মুসলিমদের উচিত অধিক পরিমাণ নফল সওম পালন করা, যদি সে তার ক্ষমতা রাখে ও তার চেয়ে উত্তম আমলের প্রতিবন্ধক না হয়, যেমন জিহাদ ইত্যাদি।

তিন. সে সওম জাহান্নামের ঢাল স্বরূপ, যে সওমে সওয়াব হ্রাসকারী বা সওম বিনষ্টকারী কথা বা কর্ম সংঘটিত হয়নি, যেমন গীবত, নামীমা, মিথ্যা ও গালি। কারণ আবু উবাইদার বর্ণনা এসেছে: “সওম ঢাল, যতক্ষণ না সে তা ভেঙ্গে ফেলে”। সওম ভঙ্গ হয় হারাম কর্ম দ্বারা, অতএব সওম পালনকারীর উচিত তার সওমকে সওয়াব বিনষ্টকারী অথবা সওয়াব হ্রাসকারী কর্মকাণ্ড থেকে হিফজত করা, যেন তার সওম তার জন্য জাহান্নামের ঢাল হয়।

চার. সওমের উদ্দেশ্য নফসকে পবিত্র করা ও অন্তর সংশোধন করা, শুধু পানাহার থেকে বিরত থাকা নয়।

---

«من صام يوماً في سبيل الله باعد الله وجهه عن النار سبعين خريفاً».

“আল্লাহর রাস্তায় যে একদিন সওম পালন করল, আল্লাহ তার চেহারা জাহান্নামের আগুন থেকে সত্তর বছরের দূরত্বে নিয়ে যাবেন”।

<sup>346</sup> দেখুন: তারহুত তাসরিব ফি শারহিত তাকরিব: (৪/৯০)



# ইসলামিক আলো

## ৩৮. নাপাক অবস্থায় প্রভাতকারীর সিয়াম

আল্লাহ তা'আলা বলেন:

أَجَلًا لَكُمْ لَيْلَةَ الصَّيَّامِ الرَّفَثِ إِلَى نِسَائِكُمْ [البقرة: 187]

“সিয়ামের রাতে তোমাদের জন্য তোমাদের স্ত্রীদের নিকট গমন হালাল করা হয়েছে”<sup>347</sup> তিনি আরো বলেন:

فَلَا تَنْبَغُ أَنْ يَبْتَغُوا مَا كَتَبَ اللَّهُ لَكُمْ وَكَلُوا وَاشْرَبُوا حَتَّى يَتَبَيَّنَ لَكُمْ الْخَيْطُ الْأَبْيَضُ مِنَ الْخَيْطِ الْأَسْوَدِ مِنَ الْفَجْرِ [البقرة: 187]

“অতএব, এখন তোমরা তাদের সাথে মিলিত হও এবং আল্লাহ তোমাদের জন্য যা লিখে দিয়েছেন, তা অনুসন্ধান কর। আর আহার কর ও পান কর যতক্ষণ না ফজরের সাদা রেখা কাল রেখা থেকে স্পষ্ট হয়”<sup>348</sup>

আয়েশা ও উম্মে সালামা রাদিয়াল্লাহু আনহুমা থেকে বর্ণিত: “রাসূলুল্লাহ সাল্লাল্লাহু আলাইহি ওয়াসাল্লামের প্রভাত কখনো হত এমতাবস্থায় যে, স্ত্রীগমনের কারণে তিনি নাপাক থাকতেন। অতঃপর গোসল করতেন ও সওম রাখতেন”<sup>349</sup>

মুসলিমের এক হাদিসে উম্মে সালামা থেকে বর্ণিত আছে, তিনি বলেন: “রাসূলুল্লাহ সাল্লাল্লাহু আলাইহি ওয়াসাল্লাম স্বপ্ন দোষের কারণে নয়, বরং স্ত্রীগমনের কারণে নাপাক অবস্থায় প্রভাত করতেন, অতঃপর সওম পালন করতেন, কাযা করতেন না”<sup>350</sup>

মুসলিমের অপর বর্ণনায় আছে: আবু বকর ইব্ন আব্দুর রহমান রহ. বলেন: “আমি আবু হুরায়রা রাদিয়াল্লাহু আনহুকে ঘটনা বলতে শুনেছি, তিনি তার ঘটনায় বলেন: নাপাক অবস্থায় যার ভোর হয়, সে সওম রাখবে না। আমি এ ঘটনা আবু বকরের পিতা আব্দুর রহমান ইব্ন হারেসকে বললাম, তিনি অস্বীকার করলেন। আব্দুর রহমান রওয়ানা করলেন, আমি তার সাথী হলাম, অবশেষে আমরা আয়েশা ও উম্মে সালামার নিকট এসে পৌঁছলাম। আব্দুর রহমান তাদেরকে এ বিষয়ে জিজ্ঞাসা করলেন: তিনি বলেন: তারা উভয়ে বলেছেন: নবী সাল্লাল্লাহু আলাইহি ওয়াসাল্লাম স্বপ্ন দোষ ব্যতীত নাপাক অবস্থায় ভোর করতেন, অতঃপর সওম রাখতেন। তিনি বলেন: আমরা রওনা করে মারওয়ানের নিকট পৌঁছলাম, আব্দুর রহমান তাকে ঘটনা বললেন: মারওয়ান বললেন: আমি তোমাকে বলছি তুমি অবশ্যই আবু হুরায়রার কাছে গিয়ে তার কথার প্রতিবাদ কর। তিনি বলেন: আমরা আবু হুরায়রার নিকট গেলাম, আবু বকর এসব ঘটনায় উপস্থিত ছিল। তিনি বলেন: আব্দুর রহমান তাকে এ কথা বললেন। অতঃপর আবু হুরায়রা বললেন: তারা উভয়ে তোমাকে এ কথা বলেছে? তিনি বললেন: হ্যাঁ। আবু হুরায়রা বললেন: তারা আমার চেয়ে বেশী জানেন। অতঃপর আবু হুরায়রা এ বিষয়ে যা বলতেন, ফযল ইব্ন আব্বাসের বরাতে বলতেন। আবু হুরায়রা বলতেন: আমি ফযল ইব্ন আব্বাস থেকে শুনেছি, নবী সাল্লাল্লাহু আলাইহি ওয়াসাল্লাম থেকে শুনি

<sup>347</sup> সূরা বাকারা: (১৮৭)

<sup>348</sup> সূরা বাকারা: (১৮৭)

<sup>349</sup> বুখারি ও মুসলিম।

<sup>350</sup> বুখারি: (১৮২৫), মুসলিম: (১১০৯)

# ইসলামিক আলো

নি। তিনি বলেন: আবু হুরায়রা তার পূর্বের কথা থেকে ফিরে যান। আমি আব্দুল মালেককে বললাম: তারা কি রমযানের ব্যাপারে বলেছেন? তিনি বললেন: হ্যাঁ, তিনি স্বপ্ন দোষ ব্যতীত নাপাক অবস্থায় ভোর করতেন, অতঃপর সওম পালন করতেন”।<sup>351</sup>

আয়েশা রাদিয়াল্লাহু আনহা থেকে বর্ণিত: “এক ব্যক্তি নবী সাল্লাল্লাহু আলাইহি ওয়াসাল্লামের নিকট ফতোয়া তলবের জন্য এসেছে, তিনি দরজার আড়াল থেকে শুনেছিলেন, সে বলল: হে আল্লাহর রাসূল, আমার নাপাক অবস্থায় সালাতের সময় হয়, আমি কি সওম রাখব? রাসূলুল্লাহ সাল্লাল্লাহু আলাইহি ওয়াসাল্লাম বললেন: আমারও নাপাক অবস্থায় সালাতের সময় হয়, অতঃপর আমি সওম রাখি। সে বলল: হে আল্লাহর রাসূল, আপনি আমাদের মত নয়, আল্লাহ আপনার অগ্র-পশ্চাতের সকল পাপ মোচন করে দিয়েছেন। তিনি বললেন: আল্লাহর শপথ আমি তোমাদের মধ্যে অধিক আল্লাহ ভীরু এবং তাকওয়া সম্পর্কে তোমাদের চাইতে অধিক জ্ঞাত”।<sup>352</sup>

## শিক্ষা ও মাসায়েল:

এক. রমযানের রাতে স্ত্রীগমন বৈধ, তা থেকে পরহেয করা নবী সাল্লাল্লাহু আলাইহি ওয়াসাল্লামের আদর্শের বিপরীত, তবে শেষ দশকে ইতিকারকারী ব্যতীত।

দুই. রমযানের রাতে সহবাস অথবা স্বপ্ন দোষের পর ফজর উদিত হওয়ার পরবর্তী সময় পর্যন্ত যে গোসল বিলম্ব করল, সে সওম পালন করবে, তার ওপর কিছু আবশ্যিক হবে না। এ ব্যাপারে সকল আলেম একমত।<sup>353</sup>

তিন. এ হাদিসে উম্মুল মুমিনীনদের শ্রেষ্ঠত্ব প্রমাণ হয়, যারা নবী সাল্লাল্লাহু আলাইহি ওয়াসাল্লামের ঘর ও তার পরিবার সংশ্লিষ্ট বিশেষ জ্ঞানের ধারক ও প্রচারকারী ছিলেন।

চার. নবী সাল্লাল্লাহু আলাইহি ওয়াসাল্লামের পরিবার সংক্রান্ত জ্ঞানের ব্যাপারে উম্মুল মুমিনীনদের কথা অন্য সবার উর্ধ্বে।

পাঁচ. ফরয গোসল ভোর পর্যন্ত দেরি করা শুধু নবী সাল্লাল্লাহু আলাইহি ওয়াসাল্লামের বৈশিষ্ট্য নয়, বরং তা উম্মতের সবার জন্য প্রযোজ্য।

ছয়. উম্মে সালামার বাণী: “নবী সাল্লাল্লাহু আলাইহি ওয়াসাল্লাম সহবাসের কারণে নাপাক অবস্থায় ভোর করতেন, স্বপ্ন দোষের কারণে নয়”। এখানে দুটি শিক্ষা:

(১). নবী সাল্লাল্লাহু আলাইহি ওয়াসাল্লাম বৈধতা বর্ণনা করার জন্য রমযানে সহবাস করতেন ও ফজর উদয় পর্যন্ত গোসল বিলম্ব করতেন।

<sup>351</sup> মুসলিম: (১১০৯), নাসায়ির এক বর্ণনায় আছে, আবু হুরায়রা এ হাদিস শুনেছেন উসামা ইব্ন যায়েদ থেকে। দেখুন: সুনানুল কুবরা: (২৯৩১), তাই কেউ বলেছেন: তিনি উভয় থেকে শ্রবণ করেছেন। দেখুন: শারহুন নববী: (৭/২২২), আল-মুফহিম: (৩/১৬৮), শারহ ইবনুল মুলাক্কিন: (৫/১৯৭)

<sup>352</sup> মুসলিম: (১১১০), মালেক: (১/২৮৯), ইবন হিব্বান: (৩৪৯৫)

<sup>353</sup> শারহ ইবন বাত্তাল আলাল বুখারি: (৪/৪৯), শারহুল উমদাহ লি ইব্বিন মুলাক্কিন: (৫/১৯৫), ফাতহুল বারি লি ইবন হাজার: (৪/১৪৭), নাইলুল আওতার: (৪/৯১)

# ইসলামিক আলো

(২). নবী সাল্লাল্লাহু আলাইহি ওয়াসাল্লাম সহবাসের কারণে নাপাক অবস্থায় ভোর করতেন, স্বপ্ন দোষের কারণে নয়, কারণ স্বপ্ন দোষ শয়তানের পক্ষ থেকে, তিনি ছিলেন শয়তান থেকে নিরাপদ।<sup>354</sup>

সাত. নবী সাল্লাল্লাহু আলাইহি ওয়াসাল্লাম অধিক আল্লাহ ভীরু, অধিক মুতাকী ও তাকওয়া সম্পর্কে অধিক জ্ঞানের অধিকারী ছিলেন।

আট. এসব হাদিস থেকে বুঝা যায়, নারী যদি মাসিক ঋতু বা নিফাস থেকে ফজরের পূর্বে পবিত্র হয়, অতঃপর ফজর উদয় পর্যন্ত গোসল বিলম্ব করে, তার সওম বিশুদ্ধ, ইচ্ছা বা অনিচ্ছা বা যে কারণে গোসল বিলম্ব করুক, যেমন নাপাক ব্যক্তি।<sup>355</sup>

নয়. এসব হাদিসে নবী সাল্লাল্লাহু আলাইহি ওয়াসাল্লামের আদর্শ অনুসরণে উদ্বুদ্ধ করা হয়েছে, নিন্দা জানানো হয়েছে চরম পন্থা, বৈধ বস্তু ত্যাগ করা ও লৌকিকতাপূর্ণ প্রশ্নকে।<sup>356</sup>

দশ. রমযান বা গায়রে রমযান সর্বদা ফজরের পর নাপাক, হায়েস ও নেফাস থেকে পবিত্রতা অর্জনকারীদের সওম বিশুদ্ধ। এ ক্ষেত্রে ওয়াজিব অথবা মানত অথবা কাযা অথবা নফল সওমে কোন পার্থক্য নেই।

এগারো. কোন বিষয়ে দ্বিধা বা বিরোধের সৃষ্টি হলে জ্ঞানীদের শরণাপন্ন হওয়া জরুরী, যেমন আবু হুরায়রা বলেছেন: “তারা বেশী জানে” অর্থাৎ আয়েশা ও উম্মে সালামা রাদিয়াল্লাহু আনহুমা। কারণ তারা পারিবারিক ব্যাপারে অন্যদের চেয়ে অধিক জ্ঞাত।

বারো. নবী সাল্লাল্লাহু আলাইহি ওয়াসাল্লামের সুন্নত বিরোধের সময় চূড়ান্ত সিদ্ধান্ত ও অকাট্য দলিল।

তেরো. ভুল হলে ভুল স্বীকার করা ও ইলমের ক্ষেত্রে আমানতদারী রক্ষা করা জরুরী, যেমন আবু হুরায়রা রাদিয়াল্লাহু আনহু স্বীকার করেছেন তিনি নবী সাল্লাল্লাহু আলাইহি ওয়াসাল্লাম থেকে শ্রবণ করেন নি, বরং অন্য কারো থেকে শ্রবণ করেছেন।

<sup>354</sup> দেখুন: আল-মুফহিম: ৩/১৬৭, ফাতহুল বারি: (৪/১৪৪), এ ব্যাপারে ইবন আব্বাস থেকে একটি দুর্বল বাণী বর্ণিত আছে, তিনি বলেন: “কোন নবীর স্বপ্ন দোষ হয়নি, নিশ্চয় স্বপ্ন দোষ হচ্ছে শয়তানের পক্ষ থেকে”। তাবরানি ফিল কাবির: (১১/২২৫), হাদিস নং: (১১৫৬৪), তাবরানি ফিল আওসাত: (৮০৬২), হাযসামি বলেছেন: আব্দুল্লাহ ইবন আব্বাসের এ বাণীর সনদে আব্দুল আযিয ইবন আবু সাবেত জনৈক ব্যক্তি রয়েছেন, যার দুর্বলতার ব্যাপারে সবাই একমত, যাওয়ায়েদ: (১/২৬৭), ইমাম নববী প্রমাণ করেছেন যে, নবীদের স্বপ্ন দোষ হয় না। এ হিসেবে হাদিসের অর্থ হচ্ছে যে, সহবাসের কারণে তিনি নাপাক অবস্থায় প্রভাত করতেন, তিনি স্বপ্ন দোষের কারণে নাপাক হতেন না, কারণ স্বপ্ন দোষ তার পক্ষে অসম্ভব। এ কথা মূলত আল্লাহর এ বাণীর ন্যায়:

[وَقَالُوا لَئِنْ لَمْ يَنْزِلْ بِغَيْرِ الْحَقِّ] (البقرة: 61)

“এবং অন্যায়ভাবে নবীদেরকে হত্যা করত”। সূরা বাকারা: (৬১) আমরা সকলে জানি যে, নবীদের হত্যা কখনো হকভাবে হতে পারে না।

শারহ মুসলিম: (৭/২২২), ইবনুল মুলাক্কিন ফি শারহিল উমদাহ: (৫/২০১)

<sup>355</sup> দেখুন: আল-ইস্তেযকার: (১০/৪৮), শারহুন নববী: (৭/২২২), শারহ ইবনুল মুলাক্কিন: (৫/২০০)

<sup>356</sup> দেখুন: আত-তামহিদ: (১৭/৪২০), ফাতহুল বারি: (৪/১৪৯)

# ইসলামিক আলো

## ৩৯. ইতিকারের বিধান

আল্লাহ তা'আলা বলেন:

﴿وَعَهْدُنَا إِلَىٰ إِبْرَاهِيمَ إِذْ طَهَّرْنَا بَيْتِي لِلطَّائِفِينَ وَالْقَائِمِينَ وَالرُّكَّعِ السُّجُودِ (١٢٥)﴾ [البقرة: 125]

“আর আমি ইবরাহীম ও ইসমাঈলকে দায়িত্ব দিয়েছিলাম যে, ‘তোমরা আমার গৃহকে তাওয়াফকারী, ইতিকারকারী ও রুকুকারী-সিজদাকারীদের জন্য পবিত্র কর’।<sup>357</sup>

অন্যত্র বলেন:

﴿وَلَا تُبَيِّرُوهُنَّ وَلَا تَنْتُمْ عَكُفُونَ فِي الْمَسْجِدِ الَّذِي يُدْعَىٰ لِلنَّاسِ لِيَذُوبُوا (١٨٧)﴾ [البقرة: 187]

“আর তোমরা মাসজিদে ইতিকাররত অবস্থায় স্ত্রীদের সাথে মিলিত হয়ো না”।<sup>358</sup>

আব্দুল্লাহ ইবন ওমর রাদিয়াল্লাহু আনহুমা থেকে বর্ণিত, তিনি বলেন: “রাসূলুল্লাহ সাল্লাল্লাহু আলাইহি ওয়াসাল্লাম রমযানের শেষ দশক ইতিকার করতেন”।<sup>359</sup>

আয়েশা রাদিয়াল্লাহু আনহা থেকে বর্ণিত, নবী সাল্লাল্লাহু আলাইহি ওয়াসাল্লাম মৃত্যু পর্যন্ত রমযানের শেষ দশক ইতিকার করতেন, অতঃপর তার স্ত্রীগণ তার পরবর্তীতে ইতিকার করেছেন”।<sup>360</sup>

### শিক্ষা ও মাসায়েল:

এক. ইতিকার পূর্বের উম্মতে বিদ্যমান ছিল।

দুই. ইতিকার সুন্নতে মুয়াক্কাদাহ। ইতিকার মহান ইবাদত, বান্দা এর মাধ্যমে আল্লাহর নৈকট্য অর্জন করে। নবী সাল্লাল্লাহু আলাইহি ওয়াসাল্লাম সর্বদা ইতিকার করেছেন”।

ইমাম যুহরি রহ. বলেছেন: মুসলিমদের দেখে আশ্চর্য লাগে, তারা ইতিকার ত্যাগ করেছে, অথচ নবী সাল্লাল্লাহু আলাইহি ওয়াসাল্লাম মদিনাতে আসার পর থেকে মৃত্যু পর্যন্ত কখনো ইতিকার ত্যাগ করেন নি”।<sup>361</sup>

আতা আল-খুরাসানি রহ. থেকে বর্ণিত, তিনি বলেন: “আগে বলা হত: ইতিকারকারীর উদাহরণ সে বান্দার মত, যে নিজেকে আল্লাহর সামনে পেশ করে বলছে: হে আল্লাহ যতক্ষণ না তুমি ক্ষমা কর, আমি তোমার দরবার ত্যাগ করব না, হে আমার রব, যতক্ষণ না তুমি আমাকে ক্ষমা কর, আমি তোমার দরবার ত্যাগ করব না”।<sup>362</sup>

তিন. মসজিদ ব্যতীত ইতিকার শুদ্ধ নয়, পাঞ্জিগানা মসজিদে ইতিকার শুদ্ধ। জুমার জন্য মসজিদ থেকে বের হলে ইতিকার ভাঙ্গবে না, যদিও জুমআর সালাতে যাওয়ার জন্য তাড়াতাড়ি মসজিদ থেকে বের হোক না কেন।

<sup>357</sup> সূরা বাকারা: (১২৫)

<sup>358</sup> সূরা বাকারা: (১৮৭)

<sup>359</sup> বুখারি: (১৯২১), মুসলিম: (১১৭১)

<sup>360</sup> বুখারি: (১৯২২), মুসলিম: (১১৭২)

<sup>361</sup> শারহুল ইবন বাত্তাল আলাল বুখারি: (৪/১৮১)

<sup>362</sup> শারহুল ইবন বাত্তাল আলাল বুখারি: (৪/১৮২)

# ইসলামিক আলো

চার. যার ওপর জামাতে উপস্থিত হওয়া ওয়াজিব নয়, সে এমন মসজিদে ইতিকাফ করতে পারবে, যেখানে জামাত হয় না, যেমন পরিত্যক্ত মসজিদ, বাজারের মসজিদ ও কৃষি জমির মসজিদ ইত্যাদি।<sup>363</sup>

পাঁচ. নবী সাল্লাল্লাহু আলাইহি ওয়াসাল্লাম রমযানের শেষ দশক ইতিকাফ করতেন, অনুরূপ তার স্ত্রীগণ ইতিকাফ করতেন। ইতিকাফের মূল উদ্দেশ্য লাইলাতুল কদর তালাশ করা।

ছয়. ইতিকাফ অবস্থায় স্ত্রীগমন বৈধ নয়, ইতিকাফ অবস্থায় স্ত্রীগমনের ফলে ইতিকাফ নষ্ট হবে, তবে তার ওপর কাফফারা বা কাযা ওয়াজিব হবে না। ইব্ন আব্বাস রাদিয়াল্লাহু আনহু থেকে বর্ণিত, "ইতিকাফকারী সহবাস করলে তার ইতিকাফ ভেঙ্গে যাবে, পুনরায় সে ইতিকাফ আরম্ভ করবে"।<sup>364</sup>

সাত. ইতিকাফকারী ভুলক্রমে সহবাস করলে তার ইতিকাফ ভঙ্গ হবে না, যেমন ভঙ্গ হবে না তার সিয়াম।

---

<sup>363</sup> দেখুন: শারহুল মুমতি: (৬/৫০৯)

<sup>364</sup> ইব্ন আবি শায়বাহ: (২/৩৩৮), আলবানি ইরওয়াউল গালিলে হাদিসটি সহিহ বলেছেন, তিনি বলেছেন: হাদিসটি বুখারি ও মুসলিমের শর্ত মোতাবেক। ইরওয়াউল গালিল: (৪/১৪৮)

# ইসলামিক আলো

## ৪০. একুশে রমযান লাইলাতুল কদর তালাশ করা

আবু সালামা ইব্ন আব্দুর রহমান থেকে বর্ণিত, তিনি বলেন: “আমরা লাইলাতুল কদর সম্পর্কে আলোচনা করলাম, অতঃপর আমি আবু সায়িদ খুদরি রাদিয়াল্লাহু আনহু নিকট যাই, তিনি আমার একান্ত বন্ধু ছিলেন। আমি তাকে বললাম: চলুন না খেজুর বাগানে যাই? তিনি বের হলেন, গায়ে উলের কালো চাদর। আমি তাকে বললাম: আপনি কি রাসূলুল্লাহ সাল্লাল্লাহু আলাইহি ওয়াসাল্লামকে লাইলাতুল কদর সম্পর্কে বলতে শুনেছেন? তিনি বললেন: হ্যাঁ,। আমরা রাসূলুল্লাহ সাল্লাল্লাহু আলাইহি ওয়াসাল্লামের সাথে রমযানের মধ্য দশক ইতিকাফ করলাম। তিনি একুশের সকালে বের হয়ে আমাদেরকে খুতবা দিলেন। তিনি বললেন:

إِنِّي أُرِيْتُ لَيْلَةَ الْقَدْرِ، وَإِنِّي نَسِيتُهَا أَوْ أُسَيِّئُهَا، فَالْتَمَسُوهَا فِي الْعَشْرِ الْأَوَّلِ وَآخِرِ مِنْ كُلِّ وَتَرَى، وَإِنِّي أُرِيْتُ أَنَّيَ أَسْجُدُ فِي مَاءٍ وَطِينٍ فَمَنْ كَانَ اعْتَفَى مَعَ رَسُولِ اللَّهِ فَلْيَرْجِعْ،

“আমি লাইলাতুল কদর দেখেছি, কিন্তু আমি তা ভুলে গেছি অথবা আমাকে তা ভুলিয়ে দেয়া হয়েছে। অতএব তোমরা তা শেষ দশকের প্রত্যেক বেজোড় রাতে তালাশ কর। আমাকে দেখানো হয়েছে আমি মাটি ও পানিতে সেজদা করছি, যে রাসূলের সাথে ইতিকাফ করেছিল সে যেন ফিরে আসে।” তিনি বলেন: আমরা ফিরে গেলাম, কিন্তু আসমানে কোন মেঘ দেখিনি। তিনি বলেন: মেঘ আসল ও আমাদের উপর বর্ষিত হল, মসজিদের ছাদ টপকে বৃষ্টির পানি পড়ল, যা ছিল খেজুর পাতার। সালাত কায়েম হল, আমি রাসূলুল্লাহ সাল্লাল্লাহু আলাইহি ওয়াসাল্লামকে দেখলাম পানি ও মাটিতে সেজদা করছেন। তিনি বলেন: আমি তার কপালে পর্যন্ত মাটির দাগ দেখেছি”।<sup>365</sup>

আবু সায়িদ রাদিয়াল্লাহু আনহু থেকে বর্ণিত অপর বর্ণনায় আছে, তিনি বলেন: “আমরা রাসূলুল্লাহ সাল্লাল্লাহু আলাইহি ওয়াসাল্লামের সাথে মধ্যম দশক ইতিকাফ করেছি, যখন বিশ রমযানের সকাল হল আমরা আমাদের বিছানা-পত্র স্থানান্তর করলাম, অতঃপর রাসূলুল্লাহ সাল্লাল্লাহু আলাইহি ওয়াসাল্লাম আমাদের নিকট আসলেন, তিনি বললেন: যে ইতিকাফ করছিল সে যেন তার ইতিকাফে ফিরে যায়, কারণ আমি আজ রাতে (লাইলাতুল কদর) দেখেছি, আমি দেখেছি আমি পানি ও মাটিতে সেজদা করছি। যখন তিনি তার ইতিকাফে ফিরে যান, বলেন: আসমান অশান্ত হল, ফলে আমাদের ওপর বৃষ্টি বর্ষিত হল। সে সত্ত্বার কসম, যে তাকে সত্যসহ প্রেরণ করেছে, সেদিন শেষে আসমান অশান্ত হয়েছিল, তখন মসজিদ ছিল চালাঘর ও মাচার তৈরি, আমি তার নাক ও নাকের ডগায় পানি ও মাটির আলামত দেখেছি”।<sup>366</sup>

অপর বর্ণনায় আছে, আবু সায়িদ খুদরি রাদিয়াল্লাহু আনহু বলেন: “রাসূলুল্লাহ সাল্লাল্লাহু আলাইহি ওয়াসাল্লাম রমযানের মধ্যম দশক ইতিকাফ করতেন, যখন তিনি প্রস্থানরত বিশের রাতে সন্ধ্যা করে একুশের রাতে পদার্পন করতেন, নিজ ঘরে ফিরে যেতেন। যে তার সাথে ইতিকাফ করত সেও ফিরে যেত। তিনি কোন এক রমযান মাসে

<sup>365</sup> দেখুন: বুখারি: (১৯১২), মুসলিম: (১১৬৭)

<sup>366</sup> দেখুন: মুসলিম: (১১৬৭) আরো দেখুন: বুখারি: (১৯৩৫)

# ইসলামিক আলো

যে রাতে সাধারণত ইতিকার থেকে ফিরে যেতেন সে রাতে ফিরে না গিয়ে কিয়াম (অবস্থান) করলেন, অতঃপর খুতবা প্রদান করলেন, আল্লাহর যা ইচ্ছা ছিল তাই তিনি লোকদের নির্দেশ করলেন। অতঃপর বললেন:

«كُنْتُ أَجَاوِرُ هَذِهِ الْعَشْرَ، ثُمَّ قَدِّدَا لِي أَنَّ أَجَاوِرَ هَذِهِ الْعَشْرَ الْآخَرَ، فَمَنْ كَانَ اعْتَكَفَ مَعِيَ فَلْيَبِثْ فِي مَعْتَكِفِهِ، وَقَدْ أُرِيتُ هَذِهِ اللَّيْلَةَ ثُمَّ أُنْسِيهَا فَابْتَغُوا فِي الْعَشْرِ الْآخِرِ، وَابْتَغُوا فِي كُلِّ وَتْرٍ، وَقَدْ رَأَيْتُنِي أَسْجُدُ فِي مَاءٍ وَطِينٍ»

“আমি এ দশক ইতিকার করতাম, অতঃপর আমার নিকট স্পষ্ট হল যে আমি ইতিকার করব এ শেষ দশক, অতএব যে আমার সাথে ইতিকার করেছে, সে যেন তার ইতিকারে বহাল থাকে। আমাকে এ রাত দেখানো হয়েছিল, অতঃপর তা ভুলিয়ে দেয়া হয়েছে, তোমরা তা তলাশ কর শেষ দশকে। আর তা তলাশ কর প্রত্যেক বেজোড় রাতে। আমি দেখেছি, আমি পানি ও মাটিতে সেজদা করছি”। সে রাতে আসমান গর্জন করে সৃষ্টি বর্ষণ করল। একুশের রাতে নবী সাল্লাল্লাহু আলাইহি ওয়াসাল্লামের সালাতের জায়গায় মসজিদ ফোটা ফোটা বৃষ্টির পানি ফেলল। আমার দু’চোখ রাসূলুল্লাহ সাল্লাল্লাহু আলাইহি ওয়াসাল্লামকে দেখেছে, আমি তার দিকে দৃষ্টি দিলাম, তিনি সকালের সালাত থেকে ফিরলেন, তখন তার চেহারা মাটি ও পানি ভর্তি ছিল”।<sup>367</sup>

## শিক্ষা ও মাসায়েল<sup>368</sup>:

এক. ইলম অন্বেষণের জন্য সফর করা এবং উপযুক্ত স্থান ও সময়ে আলেমদের জিজ্ঞাসা করা।

দুই. শিক্ষকদের কর্তব্য ছাত্রদের সুযোগ দেয়া, যেন তারা সুন্দরভাবে প্রশ্ন উত্থাপন করতে পারে।

তিন. মুসল্লির চেহারায়ে সেজদার সময় যে ধুলা-মাটি লাগে তা দূর করা উচিত নয়, তবে তা যদি কষ্টের কারণ হয়, সালাতের একাগ্রতা নষ্ট করে, তাহলে মুছতে সমস্যা নেই।<sup>369</sup> মাটিতে সেজদা দেয়া ও সালাত আদায় করা বৈধ।<sup>370</sup>

চার. নবী সাল্লাল্লাহু আলাইহি ওয়াসাল্লাম মানুষ, তিনি মানুষের ন্যায় ভুলে যান, তবে আল্লাহ তাকে যা পোঁছানোর নির্দেশ দিয়েছেন তা ব্যতীত, কারণ সে ক্ষেত্রে আল্লাহ তাকে ভুল থেকে হিফাজত করেন। নবীদের স্বপ্ন সত্য, তারা যেভাবে দেখেন সেভাবে তা ঘটে।

পাঁচ. নবী সাল্লাল্লাহু আলাইহি ওয়াসাল্লামের লাইলাতুল কদর দেখার অর্থ তিনি তা জেনেছেন, অথবা তার আলামত দেখেছেন। আবু সায়েদ রাদিয়াল্লাহু আনহু থেকে ইমাম বুখারি বর্ণনা করেন: জিবরিল তাকে সংবাদ দিয়েছেন যে, লাইলাতুল কদর শেষ দশকে।<sup>371</sup>

<sup>367</sup> বুখারি: (১৯১৪)

<sup>368</sup> আত-তামহিদ: (২৩/৫১-৬৬), শারহুন নববী আলা মুসলিম: (৮/৬১), ফাতহুল বারি লি ইব্ন হাজার: (৪/২৫৭-২৫৯), উমদাতুল কারি: (১১/১৩৩), হাশিয়া সিনদি আলান নাসায়ি: (৩/৮০), আউনুল মাবুদ: (৪/১৮২), মিরকাতুল মাফতিহ: (৪/৫১২-৫১৩)

<sup>369</sup> বুখারি হুমাইদি থেকে বর্ণনা করেন, মুসল্লির জন্য সুন্নত হচ্ছে সালাতে চেহারা না মুছা। ইমাম নববী বলেছেন: আলেমগণ অনুরূপ বলেছেন: সালাতে চেহারা না মোছা মুস্তাহাব। শারহ মুসলিম: (৮/৬১), ইব্ন মুলাক্কিন বলেছেন: এ ব্যাপারে কারো দ্বিমত নেই। শারহুল উমদাহ: (৫/৪২৩), দেখুন: ইকমালুল মুয়াল্লিম: (৪/১৪৮)

<sup>370</sup> শারহ ইব্নুল মুলাক্কিন আলাল উমদাহ: (৫/৪২৫)

<sup>371</sup> বুখারি: (৭৮০), মুনতাকা লিল বাজি: (২/৮২)



# ইসলামিক আলো

হয়. আলেম যদি কোন বিষয় জানার পর ভুলে যায়, তাহলে সাথীদের বলে দেয়া ও তা স্বীকার করা।<sup>372</sup>

সাত. এ হাদিস প্রমাণ করে যে, রমযানে ইতিকার করা মোস্তাহাব। তবে প্রথম দশক থেকে মধ্যম দশক উত্তম, আবার মধ্যম দশক থেকে শেষ দশক উত্তম।<sup>373</sup>

আট. জনসাধারণের উদ্দেশ্যে ইমামের খুতবা দেয়া ও তাদের জরুরী বিষয় বর্ণনা করা বৈধ।

নয়. এ হাদিস প্রমাণ করে যে, নবী সাল্লাল্লাহু আলাইহি ওয়াসাল্লাম উম্মতকে তাদের কল্যাণের বস্তু জানানোর জন্য উদগ্রীব ছিলেন। লাইলাতুল কদর তালাশে তিনি ও তার সাহাবিগণ সচেষ্টিত থাকতেন।

দশ. রমযানের শেষ দশকে ইতিকার করার ফযিলত, বরং সুন্নতে মুয়াক্কাদাহ, যেহেতু নবী সাল্লাল্লাহু আলাইহি ওয়াসাল্লাম কখনো তা ত্যাগ করেননি।

এগারো. লাইলাতুল কদর শেষ দশকে, বিশেষ করে বেজোড় রাতগুলোতে, আরো বিশেষ একুশের রাত।

বারো. সেজদায় কপাল ও নাক স্থির রাখা ওয়াজিব, যেদ্বারা নবী সাল্লাল্লাহু আলাইহি ওয়াসাল্লাম রেখেছেন।

তেরো. এ হাদিস প্রমাণ করে যে, নবী সাল্লাল্লাহু আলাইহি ওয়াসাল্লামের যুগে মুসলিমগণ দুনিয়ার সামান্য বস্তু ও সাধারণ জীবন-যাপনে অভ্যস্ত ছিলেন। তাদের মসজিদ ছিল খেজুর পাতার, যখন বৃষ্টি হত, সালাতে থাকাবস্থায় তাদের ওপর বৃষ্টির পানি ঝরে পড়ত।

চৌদ্দ. একুশে রমযানের ফযিলত, এটা সম্ভাব্য লাইলাতুল কদরের রাত, অতএব এ রাতে অবহেলা করা মুসলিমদের উচিত নয়।

<sup>372</sup> শারহ ইবনুল মুলাক্কিন আলাল উমদাহ: (৫/৪২৪)

<sup>373</sup> শারহ ইবনুল মুলাক্কিন আলাল উমদাহ: (৫/৪২২)



# ইসলামিক আলো

## ৪১. রমযানের শেষ দশকে রাত্রি জাগরণ

আয়েশা রাদিয়াল্লাহু আনহা থেকে বর্ণিত, তিনি বলেন, যখন (রমযানের) শেষ দশক উপস্থিত হত, নবী সাল্লাল্লাহু আলাইহি ওয়া সাল্লাম লুঙ্গি শক্ত করে বাঁধতেন, রাত্রি জাগরণ করতেন ও পরিবারের সদস্যদের জাগিয়ে তুলতেন।<sup>374</sup>

আয়েশা রাদিয়াল্লাহু আনহা থেকে বর্ণিত, তিনি বলেন, নবী সাল্লাল্লাহু আলাইহি ওয়াসাল্লাম রমযানের শেষ দশকে এমন মুজাহাদা করতেন, যা তিনি অন্য সময় করতেন না।<sup>375</sup>

আলি রাদিয়াল্লাহু আনহু থেকে বর্ণিত, নবী সাল্লাল্লাহু আলাইহি ওয়াসাল্লাম রমযানের শেষ দশকে নিজ পরিবারকে জাগ্রত করতেন।<sup>376</sup>

হাদিসটি ইমাম আহমদ রাহিমাল্লাহু এভাবে বর্ণনা করেন: “রমযানের শেষ দশক শুরু হলে নবী সাল্লাল্লাহু আলাইহি ওয়াসাল্লাম পরিবারে লোকদের জাগাতেন ও লুঙ্গি উঁচু করে নিতেন। আবু বকর ইব্ন আইয়াশাকে জিজ্ঞেস করা হল, লুঙ্গি উঁচু করে পরার অর্থ কী? তিনি বললেন : স্ত্রীদের সঙ্গ ত্যাগ।<sup>377</sup>

### শিক্ষা ও মাসায়েল:

এক. নবী সাল্লাল্লাহু আলাইহি ওয়াসাল্লাম ইবাদতের জন্য অধিক পরিশ্রম করতেন, অথচ আল্লাহ তার পূর্বাপর সকল গুনাহ মাফ করে দিয়েছেন, তবে অন্যান্য রাতের তুলনায় রমযানের শেষ দশকের রাতসমূহে তার পরিশ্রম অধিক ছিল।

দুই. রমযানের শেষ দশকে স্ত্রী-সঙ্গ ত্যাগ করে সালাত, জিকির প্রভৃতি ইবাদতে আত্মনিয়োগ করে বিনিদ্র রাত কাটানো নবী সাল্লাল্লাহু আলাইহি ওয়াসাল্লামের অন্যতম আদর্শ।

তিন. রমযানের শেষ দশকের রাতে পরিবারের সদস্যদের ঘুম থেকে ইবাদতের জন্য জাগিয়ে তুলার সুন্নত। যদি রমযানে তাদের রাত জাগার অভ্যাস হয়, তাহলে যেন গল্প-গুজব ত্যাগ করে সালাত ও জিকির-আযকারে লিপ্ত থাকে।

চার. গৃহকর্তা স্ত্রী-সন্তানদের উপর নফল ইবাদত আবশ্যিক ও তার চাপ প্রয়োগ করতে পারেন, এ ক্ষেত্রে তার আনুগত্য তাদের উপর ওয়াজিব।<sup>378</sup>

<sup>374</sup> বুখারি: (১৯২০), মুসলিম: (১১৭৪)

<sup>375</sup> মুসলিম: (১১৭৫)

<sup>376</sup> তিরমিযি: (৭৯৫)

<sup>377</sup> আহমদ: (১/১৩২)

<sup>378</sup> শারহ ইব্ন বাত্তাল: (৪/১৫৯), আল-মুফহিম: (৩/২৪৯)

# ইসলামিক আলো

পাঁচ. রমযানের শেষ দশকের রাতে সালাত ও যিকরে মগ্ন থাকা মোস্তাহাব। কারণ তা নবীজীর আমল, উপরের হাদিস তার প্রমাণ। আর সারারাত জাগ্রত থাকার ব্যাপারে যে নিষেধাজ্ঞা রয়েছে, তার অর্থ সারা বছর রাত জাগ্রত থাকা, তবে যেসব রাতে বিশেষ ফযিলত রয়েছে যেমন শেষ দশকের রাত, তা ব্যাপক নিষেধাজ্ঞা থেকে ব্যতিক্রম।<sup>379</sup>

ছয়. শেষ দশকের রাতগুলো জাগার উদ্দেশ্য লাইলাতুল কদর সন্ধান করা। আল্লাহর অশেষ অনুগ্রহ যে তিনি লাইলাতুল কদর রমযানের শেষ দশকে সীমাবদ্ধ রেখেছেন, যদি সারা বছর তার সম্ভাবনা থাকত, তাহলে তার অনুসন্ধানে অনেকের খুব কষ্ট হত, বরং অধিকাংশ লোক তার থেকে মাহরুম থাকত।<sup>380</sup>

---

<sup>379</sup> শারহুন নববী আলা মুসলিম: (৮/৭১), ফাতাওয়াল কুবরা লি ইব্ন তাইমিয়াহ: (২/৪৯৮), দিবায: (৩/২৬৪), আউনুল মাবুদ: (৪/১৭৬), আদদুরারিল মুদিয়াহ লিশ শাওকানি: (১/২৩৪)

<sup>380</sup> শারহু ইব্ন বাত্তাল: (৪/১৫৯)

# ইসলামিক আলো

## ৪২. লাইলাতুল কদরের আলামত

আল্লাহ তা'আলা বলেন:

تَزُولُ الْمَلَائِكَةُ وَالرُّوحُ فِيهَا بِإِذْنِ رَبِّهِمْ مِنْ كُلِّ أَمْرٍ ۖ سَلَامٌ هِيَ حَتَّىٰ مَطْلَعِ الْفَجْرِ (الفدر: ৫-৪)

“সে রাতে ফেরেশতারা ও রুহ (জিবরাইল) তাদের রবের অনুমতিক্রমে সকল সিদ্ধান্ত নিয়ে অবতরণ করে। শান্তিময় সেই রাত, ফজরের সূচনা পর্যন্ত”।<sup>381</sup>

যির ইব্ন হুবাইশ রহ. থেকে বর্ণিত, তিনি বলেন: “আমি উবাই ইব্ন কাবকে বলতে শুনেছি: তাকে বলা হয়েছিল: আব্দুল্লাহ ইব্ন মাসউদ বলেন: যে ব্যক্তি সারা বছর রাত জাগ্রত থাকবে, সে লাইলাতুল কদর লাভ করবে। উবাই বলেন: আল্লাহর শপথ করে বলছি, যিনি ব্যতীত কোন ইলাহ নেই, সন্দেহ নেই লাইলাতুল কদর রমযানে। তিনি নির্দিষ্টভাবে কসম করে বলেন: আল্লাহর শপথ আমি জানি তা কোন রাত, এটা সে রাত, যার কিয়ামের নির্দেশ আমাদেরকে রাসূলুল্লাহ সাল্লাল্লাহু আলাইহি ওয়াসাল্লাম প্রদান করেছেন, তা হচ্ছে সাতাশের সকালের রাত, তার আলামত হচ্ছে সেদিন সকালে সূর্য উদিত হবে সাদা, তার কোন কিরণ থাকবে না”। মুসলিম।

ইব্ন হিব্বানের এক বর্ণনায় আছে: “তার আলামত হচ্ছে সেদিন সকালে সূর্য উদিত হবে সাদা, তার কোন কিরণ থাকবে না, যেন তার আলো মুছে দেয়া হয়েছে”।<sup>382</sup>

ইব্ন মাসউদ রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«إِنَّ لَيْلَةَ الْقَدْرِ فِي النِّصْفِ مِنَ السَّنَةِ الْآخِرِ مِنْ رَمَضَانَ تَطْلُعُ الشَّمْسُ غَدَاةً إِتْصَافِيَةً لَيْسَ لَهَا شُعَاعٌ، قَالَ ابْنُ مَسْعُودٍ: فَنَظَرْتُ إِلَيْهَا فَوَجَدْتُهَا كَمَا قَالَ رَسُولُ اللَّهِ « رَوَاهُ أَحْمَدُ.

“নিশ্চয় লাইলাতুল কদর হচ্ছে রমযানের শেষ সাতের মাঝখানে, সেদিন সকালে শুভ্রতা নিয়ে সূর্য উদিত হবে, তার মধ্যে কোন কিরণ থাকবে না। ইব্ন মাসউদ বলেন: আমি সূর্যের দিকে তাকিয়ে সেরূপ দেখেছি, যে রূপ রাসূলুল্লাহ সাল্লাল্লাহু আলাইহি ওয়াসাল্লাম বলেছেন”।<sup>383</sup>

আবু হুরায়রা রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম লাইলাতুল কদর সম্পর্কে বলেছেন:

«دَهْلِيلَةُ سَابِعَةٍ وَتَاسِعَةٍ وَعِشْرِينَ، إِنَّ الْمَلَائِكَةَ لِلَّيْلَةِ فِي الْأَرْضِ أَكْثَرُ مِنْ عَدَدِ الْحَصَى» رَوَاهُ أَحْمَدُ.

“এটা হচ্ছে সাতাশ অথবা উনত্রিশের রাত, সে রাতে কঙ্করের চেয়ে অধিক সংখ্যায় ফেরেশতারা পৃথিবীতে অবস্থান করেন”।<sup>384</sup>

উবাদা ইব্ন সামের রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

<sup>381</sup> সূরা বাকারা: (৪-৫)

<sup>382</sup> মুসলিম: (৭৬২), ইব্ন হিব্বান: (৩৬৯০)

<sup>383</sup> আহমদ: (১/৪০৬), ইব্ন আবি শায়বাহ: (২/২৫০), আহমদ শাকির হাদিসটি সহিহ বলেছেন: (৩৮৫৭)

<sup>384</sup> আহমদ: (২/৫১৯), তায়ালিসি: (২৫৪৫), সহিহ ইব্ন খুযাইমাহ: (২১৯৪), ইব্ন কাসির তার তাফসিরে বলেন, এর সনদে সমস্যা নেই: (৪/৫৩৫), হায়সামি বলেছেন: এ হাদিসটি আহমদ, বাযযার ও তাবরানি আওসাত গ্রন্থে বর্ণনা করেছেন, এর বর্ণনাকারী সবাই নির্ভরযোগ্য: (৩/১৭৫-১৭৬), সহিহ ইব্ন খুজাইমার টিকায় আলবানি হাদিসটি হাসান বলেছেন: (৩/৩৩২), আরো দেখুন: সিলসিলাতুল আহাদিসিস সাহিহা: (২২০৫)

# ইসলামিক আলো

«إِنَّ أَمَارَةَ لَيْلَةِ الْقَدْرِ أَذْهَابُ صَافِيَةٍ بَلَجَةٍ - أَيْ مُسْفَرَةٌ مُسْرَقَةٌ - كَانَتْ فِيهَا قَمَرٌ سَاطِعٌ، سَاكِنَةٌ سَاجِيَةٌ - أَيْ فِيهَا سُكُونٌ - لَا يَرْدُ فِيهَا وَلَا حَرٌّ، وَلَا يَجَلُّ لِكَوْكَبٍ أَنْ يُرْمَى بِهِ فِيهَا حَتَّى يُصْبِحَ، وَإِنْ أَمَارَتُهَا أَنَّ الشَّمْسَ صَبِيحَتُهَا تَخْرُجُ سُنُوبِيَّةً لَيْسَ لَهَا شُعَاعٌ مِثْلَ الْقَمَرِ لَيْلَةُ الْبَدْرِ، لَا يَجَلُّ لِلشُّبُطَانِ أَنْ يَخْرُجَ مَعَهَا يَوْمُئِذٍ» رواه أحمد.

“নিশ্চয় লাইলাতুল কদরের আলামত, তা হবে সাদা ও উজ্জ্বল, যেন তাতে আলোকিত চাঁদ রয়েছে, সে রাত হবে স্থির, তাতে ঠাণ্ডা বা গরম থাকবে না, তাতে সকাল পর্যন্ত কোন তারকা দ্বারা ঢিল ছোঁড়া হবে না। তার আরো আলামত, সেদিন সকালে সূর্য উদিত হবে সমানভাবে, চৌদ্দ তারিখের চাঁদের ন্যায়, তার কোন কিরণ থাকবে না, সেদিন শয়তানের পক্ষে এর সাথে বের হওয়া সম্ভব নয়”।<sup>385</sup>

জাবের রাদিয়াল্লাহু আনহু থেকে বর্ণিত, তিনি বলেন: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:  
«لَيْلَةُ كُنْأُ رَيْثُ لَيْلَةِ الْقَدْرِ تَمْنَسِيهَا وَهِيَ فِي الْعَشْرِ الْآخِرِ، وَهِيَ طَلْقَةٌ بَلَجَةٌ لَا حَارَّةٌ وَلَا بَارِدَةٌ، كَانَتْ فِيهَا قَمَرٌ يَبْضُحُ كَوَاكِبِهَا لَا يَخْرُجُ شَيْطَانُهَا حَتَّى يَخْرُجَ فَجْرُهَا» رواه ابن خزيمة وابن حبان.

“আমাকে লাইলাতুল কদর দেখানো হয়েছিল, অতঃপর তা ভুলিয়ে দেয়া হয়েছে, আর তা হচ্ছে শেষ দশকে। সে রাত হবে সাদা-উজ্জ্বল, না-গরম, না-ঠাণ্ডা, যেন আলোকিত চাঁদ নক্ষত্রগুলোকে আড়াল করে আছে, ফজর উদিত হওয়ার আগ পর্যন্ত সে রাতের শয়তান বের হতে পারে না”।<sup>386</sup>

ইবন আব্বাস রাদিয়াল্লাহু আনহু নবী সাল্লাল্লাহু আলাইহি ওয়াসাল্লাম থেকে লাইলাতুল কদর সম্পর্কে বলেন:  
«لَيْلَةُ طَلْقَةٍ لَا حَارَّةٌ وَلَا بَارِدَةٌ تُصْبِحُ الشَّمْسُ يَوْمَهَا حَمْرًا ضَعِيفَةً»

“লাইলাতুল কদর সাদা-উজ্জ্বল, না গরম না ঠাণ্ডা, সে দিন ভোরে সূর্য উদিত হবে দুর্বল রক্তিম আভা নিয়ে”।<sup>387</sup>

## শিক্ষা ও মাসায়েল:

এক. আলেম যদি ভাল মনে করেন, তবে জানা ইলম গোপন করা বৈধ, যেমন ইবন মাসউদ লাইলাতুল কদর গোপন করেছেন, যেন মানুষেরা অলসতা না করে ও পুরো দশ রাতের কিয়াম থেকে বিরত না থাকে।

দুই. আলমগণ মানুষের জরুরী বিষয়গুলো বর্ণনা করবেন, যেমন উবাই ইবন কাব লাইলাতুল কদর বর্ণনা করেছেন।

তিন. মুসলিমদের স্বার্থ নিরূপণে আলেমদের ইজতিহাদ ও ইখতিলাফ বৈধ, এটা নিষিদ্ধ নয়, যদি সঠিক পদ্ধতি ও সত্য অন্বেষণের জন্য হয়।

চার. লাইলাতুল কদর শেষ দশকে, এতে অধিক সম্ভাব্য রাত হচ্ছে বেজোড় রাতগুলো, এতেও অধিক সম্ভাব্য রাত হচ্ছে সাতাশের রাত, যেমন উবাই ইবন কাব কসম করে বলেছেন।

পাঁচ. লাইলাতুল কদরের অনেক আলামত রয়েছে:

<sup>385</sup> আহমদ: (৫/৩২৪), তাবরানি ফি মুসনাদিশ শামিয়ান: (১১১৯), দিয়া ফিল মুখতারাহ: (৩৪২), হায়সামি ফিয যাওয়ায়েদ: (৩/১৭৫), এ হাদিসের বর্ণনাকারীগণ নির্ভরযোগ্য।

<sup>386</sup> ইবন খুযাইমাহ: (২১৯০), ইবন হিব্বান: (৩৬৮৮), আলবানি অন্যান্য শাহেদের কারণে হাদিসটি সহিহ বলেছেন।

<sup>387</sup> ইবন খুযাইমাহ: (২১৯২)

# ইসলামিক আলো

(১). অধিক সংখ্যায় ফেরেশতা নাযিল হন। তাদের শুরুতে থাকে জিবরিল আলাইহিস সালাম, তারা মুসল্লিদের সাথে মসজিদের জমাতে অংশ গ্রহণ করেন। তাদের সংখ্যা কঙ্করকে পর্যন্ত ছাড়িয়ে যায়, তবে এ আলামত মানুষের নিকট প্রকাশ পায় না।

(২). সে রাতে আল্লাহর পক্ষ থেকে অধিক পরিমাণ সালাম বর্ষিত হয়, যেহেতু বান্দাগণ তাতে আল্লাহর ইবাদতে মশগুল থাকে।

(৩). সে দিন সকালে সাদা ও উজ্জ্বলতাসহ সূর্য উদিত হয়, তার কিরণ থাকে না। ওলামায়ে কেরাম এর কারণ সম্পর্কে বলেন: ফেরেশতাগণ আসমানে চড়তে থাকেন, ফলে তাদের নূর ও পাখা সূর্যের কিরণের আড়াল হয়।<sup>388</sup> কারণ সে রাতে বহু ফেরেশতা অবতরণ করেন।

(৪). এ রাত সাদা-উজ্জ্বল ও স্থির, না-গরম, না-ঠাণ্ডা, এটা তুলনামূলক বিষয়, বিভিন্ন দেশের ভিত্তিতে ঠাণ্ডা-গরম ভিন্ন ভিন্ন হতে পারে। অর্থাৎ লাইলাতুল কদর পূর্বাপর রাতের তুলনায় বেশী ঠাণ্ডা বা বেশী গরম হবে না।

(৫). শায়তান লাইলাতুল কদরের ভোরে সূর্যের সাথে বের হতে পারে না, লাইলাতুল কদর ব্যতীত সূর্য শয়তানের দুই শিঙের মধ্য দিয়ে উদিত হয়।

হয়. লাইলাতুল কদরের অধিকাংশ আলামত লাইলাতুল কদর শেষে জানা যায়। এর উপকারিতা হচ্ছে: যারা লাইলাতুল কদর পেয়েছে, তারা আল্লাহর শোকর আদায় করবে, আর যারা পায়নি তারা অনুতপ্ত হবে ও আগামী বছরের জন্য প্রস্তুতি নিবে।

সাত. এসব আলামত প্রত্যেক বছর লাইলাতুল কদরে প্রকাশ পায়, নবী সাল্লাল্লাহু আলাইহি ওয়াসাল্লামের যুগের সাথে খাস নয়।<sup>389</sup>

আট. মুসলিমদের উচিত লাইলাতুল কদর তালাশ করা, যেহেতু তাতে অনেক কল্যাণ বিদ্যমান।

<sup>388</sup> দেখুন: ইকমালুল মুয়াজ্জিম: (৪/১৪৮), শারহুন নববী আলা মুসলিম: (৮/৬৫), আল-মুফহিম: (২/৩৯১), দিবাজ: (৩/২৫৯), ফায়যুল কাদির: (৫/৩৯৬)

<sup>389</sup> আল-মুফহিম: (২/৩৯১)

# ইসলামিক আলো

### ৪৩. তেইশে রমযান লাইলাতুল কদর তালাশ করা

আব্দুল্লাহ ইব্ন উনাইস জুহানি রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«رَبُّنَا إِلَهَ الْقَرْنِ ثُمَّ أُسِيْثُهَا وَأَرَانِي صُبْحَهَا أُسْجِدُ فِي مَاءٍ وَطِينٍ، قَالَ: فَطُورَ نَبْلَةٍ ثَلَاثَ وَعِشْرِينَ، فَصَلَّى بِنَا رَسُولُ اللَّهِ فَانْصَرَفَ وَإِنَّا تَرِ الْمَاءَ وَالطِّينَ عَلَى جَبْهَتِهِ وَأَنْفِهِ، قَالَ: وَكَانَ عَبْدَ اللَّهِ بْنُ أَنَسٍ يَقُولُ: ثَلَاثَ وَعِشْرِينَ»

“আমাকে লাইলাতুল কদর দেখানো হয়েছিল, অতঃপর তা ভুলিয়ে দেয়া হয়েছে। আমি দেখেছি আমি সে রাতের সকালে পানি ও মাটিতে সেজদা করছি। তিনি বলেন: আমাদের তেইশ তারিখের রাতে বৃষ্টি হয়েছিল। রাসূলুল্লাহ সাল্লাল্লাহু আলাইহি ওয়াসাল্লাম আমাদের সাথে সালাত আদায় করে ঘুরে বসেন, তখন তার কপাল ও নাকের ওপর পানি ও মাটির আলামত ছিল। তিনি বলেন: আব্দুল্লাহ ইব্ন উনাইস বলতেন: সেটা ছিল রমযানের তেইশ তারিখ”।<sup>390</sup>

ইমাম মালেকের এক বর্ণনায় আছে, আব্দুল্লাহ ইব্ন উনাইস নবী সাল্লাল্লাহু আলাইহি ওয়াসাল্লামকে বলেন: “হে আল্লাহর রাসূল, আমি খুব দূরের লোক, আমাকে একটি রাতের নির্দেশ দেন যেন আমি আসতে পারি। তিনি বললেন:

« أَنْزَلَ لَيْلَةَ ثَلَاثٍ وَعِشْرِينَ مِنْ رَمَضَانَ ».

"তুমি রমযানের তেইশের রাতে আস"।<sup>391</sup>

ইব্ন আব্বাস রাদিয়াল্লাহু আনহু থেকে বর্ণিত, তিনি বলেন: “আমি রমযানে ঘুমিয়ে ছিলাম, আমাকে নিয়ে আসা হল, বলা হল: আজ কদরের রাত। তিনি বলেন: আমি তন্দ্রাসহ দাঁড়িয়ে রাসূলের তাঁবুর রশি ধরে তার নিকট আগমন করলাম, তিনি সালাত আদায় করছিলেন। তিনি বলেন: আমি লক্ষ্য করলাম সে রাত ছিল তেইশের রাত”।<sup>392</sup>

আবু হুযাইফাহ রাসূলুল্লাহ সাল্লাল্লাহু আলাইহি ওয়াসাল্লামের জনৈক সাহাবি থেকে, তিনি নবী সাল্লাল্লাহু আলাইহি ওয়াসাল্লাম থেকে বর্ণনা করেন: তিনি বলেছেন: “আমি লাইলাতুল কদরের সকালে চাঁদের দিকে দেখলাম, আমি তা গামলার অর্ধেক টকরার ন্যায় দেখলাম। আবু ইসহাক সাবিহি বলেন: তেইশের রাতে চাঁদ অনরূপ হয়”।<sup>393</sup>

আবু হুরায়রা রাদিয়াল্লাহু আনহু থেকে বর্ণিত, তিনি বলেন:

«تَذَكَّرْنَا لَيْلَةَ الْفَرِّ عَذْرَا رَسُولِ اللَّهِ فَقَالَ: أَيُّكُمْ يَنْكُرُ حِينَ طَلَعَ الْقَمَرُ وَهُوَ مِثْلُ شِقِّ حَقَّةٍ» رواه مسلم.

<sup>390</sup> মুসলিম: (১১৬৮), আহমদ: (৩/৪৯৫), আবু দাউদ: (১৩৭৯)

391 মুয়াত্তা ইমাম মালেক: (১/৩২০)

<sup>392</sup> আহমদ: (১/২৫৫), ইব্ন আবি শায়বাহ: (২/২৫০), তাবরানি ফিল কাবির: (১১/২৯২), হাদিস নং: (১১৭৭৭), হায়সামি মাজমাউয যাওয়ায়েদ: (৩/৭৬) গ্রন্থে বলেন: “আহমদের বর্ণনাকারীগণ সহিহ গ্রন্থের বর্ণনাকারী”।

<sup>393</sup> আহমদ: (৫/৩৬৯), নাসায়ি ফিল কুবরা: (৩৪১১), তার সনদ সহিহ। আহমদ এটা ছায়াফা সূত্রে আলি থেকেও বর্ণনা করেছেন: (১/১০১), আহমদ শাকের তা হাসান বলেছেন: (৭৯৩)

# ইসলামিক আলো

“আমরা রাসূলুল্লাহ সাল্লাল্লাহু আলাইহি ওয়াসাল্লামের নিকট লাইলাতুল কদরের আলোচনা করলাম, তিনি বললেন: ‘তোমাদের মধ্যে কে স্মরণ করতে পারে সে সময়ের কথা যখন চাঁদ উদিত হয় গামলার অর্ধেক টুকরার ন্যায়?’<sup>394</sup>

## শিক্ষা ও মাসায়েল:

এক. নবী সাল্লাল্লাহু আলাইহি ওয়াসাল্লামকে লাইলাতুল কদর ভুলিয়ে দেয়া হয়েছে, এর হিকমত হয়তো: মানুষ যেন অলস না হয় ও অন্য রাতে ইবাদত ত্যাগ না করে।

দুই. সাহাবিদগণ ইবাদত ও যিকর করার উদ্দেশ্যে ফযিলতপূর্ণ রাত অন্বেষণ করতেন ও তার সম্পর্কে জিজ্ঞাসা করতেন।

তিন. তেইশের রাত ফযিলতপূর্ণ, এ রাত লাইলাতুল কদরের একটি সম্ভাব্য রাত, অতএব প্রত্যেক মুসলিমের উচিত এ রাতে জাগ্রত থাকা ও অধিক ইবাদত করা।

চার. তেইশের রাতে চাঁদ বড় গামলার [অর্ধেকের] ন্যায় হয়, এসব হাদিস দ্বারা বুঝা যায় উল্লেখিত রাত সে বছর লাইলাতুল কদর ছিল।

---

<sup>394</sup> মুসলিম: (১১৭০)

# ইসলামিক আলো

## ৪৪. লাইলাতুল কদরের ফযিলত

আল্লাহ তা'আলা বলেন:

إِنَّا أَنْزَلْنَاهُ فِي لَيْلَةِ الْمُبَرَّكَاتِ إِنَّا كُنَّا مُنْذِرِينَ ۝ فِيهَا يُفْرَقُ كُلُّ أَمْرٍ حَكِيمٍ ۝ [القدر: 3-4]

“নিশ্চয় আমি এটি নাযিল করেছি বরকতময় রাতে; নিশ্চয় আমি সতর্ককারী। সে রাতে প্রত্যেক প্রজ্ঞাপূর্ণ বিষয়ে সিদ্ধান্ত অনুমোদিত হয়”।<sup>395</sup> আল্লাহ তা'আলা আরো বলেন:

إِنَّا أَنْزَلْنَاهُ فِي لَيْلَةِ الْقَدْرِ ۝ وَمَا أَكْرَمَكَ مَا لَيْلَةُ الْقَدْرِ ۝ لَيْلَةُ الْقَدْرِ خَيْرٌ مِّنْ أَلْفِ شَهْرٍ تَنَزَّلُ الْمَلَائِكَةُ وَالرُّوحُ فِيهَا بِإِذْنِ رَبِّهِمْ مِّنْ كُلِّ أَمْرٍ ۝ سَلَامٌ هِيَ حَتَّىٰ مَطْلَعِ الْفَجْرِ ۝ [القدر: 1-5]

“নিশ্চয় আমি এটি নাযিল করেছি ‘লাইলাতুল কদরে’। তোমাকে কিসে জানাবে ‘লাইলাতুল কদর’ কী? ‘লাইলাতুল কদর’ হাজার মাস অপেক্ষা উত্তম। সে রাতে ফেরেশতারা ও রুহ (জিবরাইল) তাদের রবের অনুমতিক্রমে সকল সিদ্ধান্ত নিয়ে অবতরণ করে। শান্তিময় সেই রাত, ফজরের সূচনা পর্যন্ত”।<sup>396</sup>

আবু হুরায়রা রাদিয়াল্লাহু আনহু থেকে বর্ণিত, তিনি বলেন: রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«مَنْ يَقْلَمَ لَيْلَةَ الْقَدْرِ إِيمَانًا وَاحْتِسَابًا غُفِرَ لَهُ مَا تَقَدَّمَ مِنْ ذَنْبِهِ» رَوَاهُ الشَّيْخَانُ.

“লাইলাতুল কদরে যে ব্যক্তি ঈমান ও সওয়াবের নিয়তে কিয়াম করবে, তার পূর্বের সকল পাপ মোচন করা হবে”।<sup>397</sup>

হাদিসটি অন্য শব্দে এভাবে বর্ণিত আছে:

«مَنْ قَلَمَ لَيْلَةَ الْقَدْرِ إِيمَانًا وَاحْتِسَابًا غُفِرَ لَهُ مَا تَقَدَّمَ مِنْ ذَنْبِهِ»

“লাইলাতুল কদরে যে ব্যক্তি ঈমান ও সওয়াবের আশায় কিয়াম করবে, তার পূর্বের সকল পাপ মোচন করা হবে”।<sup>398</sup>

আবু হুরায়রা রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম লাইলাতুল কদর সম্পর্কে বলেছেন:

«إِنَّهَا لَيْلَةٌ سَابِعَةٌ أَوْ ثَامِنَةٌ وَعِشْرِينَ إِنَّ الْمَلَائِكَةَ تَنْزِلُ اللَّيْلَةَ فِي الْأَرْضِ أَكْثَرُ مِنْ عَدَدِ الْحَصَى» رَوَاهُ أَحْمَدُ.

“লাইলাতুল কদর সাতাশ অথবা উনত্রিশের রাত, সে রাতে পৃথিবীতে ফেরেশতাদের সংখ্যা কঙ্করের চেয়ে অধিক হয়”।<sup>399</sup>

### শিক্ষা ও মাসায়েল:

এক. লাইলাতুল কদরের ফযিলতের কয়েকটি দিক:

১. এ রাত আল্লাহর নিকট খুব মর্যাদাপূর্ণ।

<sup>395</sup> সূরা দুখান: (৩-৪)

<sup>396</sup> সূরা আল-কাদর: (১-৫)

<sup>397</sup> বুখারি: (৩৫), মুসলিম: (৭৬০)

<sup>398</sup> বুখারি: (১৮০২), মুসলিম: (৭৬০)

<sup>399</sup> আহমদ: (২/৫১৯), তায়ালিসি: (২৫৪৫), ইব্ন খুযাইমাহ হাদিসটি সহিহ বলেছেন: (২১৯৪)



# ইসলামিক আলো

২. এ রাত এক হাজার মাসের চেয়ে উত্তম, যেখানে লাইলাতুল কদর নেই; যা প্রায় তিরিশি বছর চার মাসের সমপরিমাণ।
  ৩. এ রাতে অগণিত ফেরেশতাদের অবতরণ হয়, যাদের সংখ্যা কঙ্করের চেয়ে বেশী।
  ৪. এ রাতে কুরআনুল কারিম নাযিল করা হয়েছে।
  ৫. এ রাতে অধিক পরিমাণ আযাব থেকে নিরাপত্তা নাযিল হয়, কারণ এতে বান্দাগণ অধিক পরিমাণ ইবাদত করে, যার ফলে আল্লাহ তাদেরকে রহমত, মাগফেরাত ও জাহান্নাম থেকে মুক্তির সনদ দান করেন।
  ৬. এ রাত বরকতময়, কারণ এ রাতের ফযিলত অনেক।
  ৭. এ রাতে যে বিশ্বাস, আল্লাহর ওয়াদার ওপর আস্থা ও সওয়াবের আশায় কিয়াম করবে, তার পূর্বের পাপ মোচন করা হবে।
  ৮. এ রাতে পূর্ণ বছরের তাকদির লেখা হয়।
  ৯. এ রাতে যে কিয়াম করল ও জাগ্রত থাকল, সে অবশ্যই আল্লাহর রহমত ও মাগফেরাতের উপযুক্ত হল।
- দুই. মুসলিমদের উচিত লাইলাতুল কদর তালাশ করা। এ জন্য শেষ দশকে কিয়াম, সালাত, দো'আ ও যিকরে অধিক মশগুল থাকা। মাহরুম ও বঞ্চিত ব্যতীত কেউ ফযিলতপূর্ণ এ রাত থেকে গাফেল থাকে না। আল্লাহর নিকট দো'আ করছি, তিনি আমাদেরকে এ ফযিলত অর্জনের তওফিক দান করুন।
- তিন. লাইলাতুল কদরের বরকতের অর্থ তাতে সম্পাদিত আমলের বরকত, কারণ এ রাতে যে যত্নসহ আমল করবে, তার আমল হাজার মাসের আমলের চেয়ে উত্তম। এটা আল্লাহর মহান অনুগ্রহ।
- চার. এ উম্মতের ওপর আল্লাহর অনুগ্রহ যে, তিনি তাদেরকে প্রতি বছর এ রাত দান করেন।
- পাঁচ. লাইলাতুল কদর অন্য সকল রাত থেকে উত্তম, জুমার রাত লাইলাতুল কদর থেকে উত্তম এ কথা শুদ্ধ নয়। হ্যাঁ যদি জুমার রাতে লাইলাতুল কদর হয়, তাহলে তার ফযিলত বৃদ্ধি হয় সন্দেহ নেই।
- ছয়. নবী সাল্লাল্লাহু আলাইহি ওয়াসাল্লামের ক্ষেত্রে ইসরা ও মেরাজের রাত লাইলাতুল কদর থেকে উত্তম। কারণ এ রাতে তাকে আসমানে নিয়ে যাওয়া হয়েছে, এ রাতে তার সাথে তার রব কথা বলেছেন। এটা তার জন্য সবচেয়ে বড় সম্মান ও মহান মর্যাদা। তবে অন্যান্য মুসলিমের বিবেচনায় ইসরা ও মেরাজের রাতের তুলনায় লাইলাতুল কদর মহান ও অধিক মর্যাদাশীল।<sup>400</sup>
- সাত. কতক আলেম উল্লেখ করেছেন লাইলাতুল কদর এ উম্মতের বৈশিষ্ট্য, কতক দুর্বল হাদিসে এ রকম বর্ণনা পাওয়া যায়। এর বিপরীতে কতক হাদিসে এসেছে আমাদের পূর্বের উম্মত বা তাদের নবীদের মধ্যেও লাইলাতুল কদর ছিল, তবে এসব হাদিস দুর্বল।<sup>401</sup>

<sup>400</sup> মাজমু ফাতাওয়া ইবন তাইমিয়াহ: (২৫/২৮৬)

<sup>401</sup> আমাদের পূর্বে লাইলাতুল কদর ছিল যেসব হাদিসে এসেছে, তার মধ্যে আবু যর রাদিয়াল্লাহু আনহু হাদিস অন্যতম, তাতে এসেছে:

«قلت: تكون مع الأنبياء ما كانوا فإذا قيسوا رفعت أم هي إلى يوم القيامة؟ قال: بل إلى يوم القيامة»

“আমি বললাম: লাইলাতুল কদর কি নবীদের যুগ পর্যন্ত থাকে, অতঃপর তা উঠিয়ে নেয়া হয়, না কিয়ামত পর্যন্ত থাকে? তিনি বললেন: বরং কিয়ামত পর্যন্ত থাকে।” আহমদ: (৫/১৭১), নাসায়ি ফিল কুবরা: (৩৪২৭), হাকেম: (১/৩০৭), তিনি মুসলিমের শর্ত মোতাবেক

# ইসলামিক আলো

আট. মুসলিমের বর্ণনায় এসেছে:

«مَنْ يَقُمْ لَيْلَةَ الْقَدْرِ فَيُؤَافِقُهَا إِيْمَانًا وَاحْتِسَابًا غُفِرَ لَهُ»

“যে ব্যক্তি লাইলাতুল কদর জেনে ঈমান ও সওয়াবের আশায় কিয়াম করবে, তার পাপ মোচন করা হবে।” এ হাদিস তাদের দলিল, যারা বলে: লাইলাতুল কদর তার জন্যই হবে, যে জানে যে আজ লাইলাতুল কদর। কিন্তু হাদিসের বাহ্যিক শব্দ তা প্রমাণ করে না, বরং হাদিসের অর্থ হচ্ছে, যে লাইলাতুল কদরে কিয়াম করে লাইলাতুল কদরে কিয়াম করার নিয়তে, আর বাস্তবিক তা লাইলাতুল কদর হয় কিন্তু সে তা নিশ্চিত জানে না সে লাইলাতুল কদর লাভ করবে।<sup>402</sup> অতএব মুসলিমদের উচিত রমযানের শেষ দশকের প্রত্যেক রাতকে লাইলাতুল কদর জ্ঞান করে কিয়াম করা, কারণ সে রাত লাইলাতুল কদর হতে পারে, আর বাস্তবিক পক্ষে যদি সে রাত লাইলাতুল কদর হয়, তাহলে সে জেনে তাতে কিয়াম করল।

---

হাকিম হাদিসটি সহিহ বলেছেন, ইমাম যাহাবি তার সমর্থন করেছেন। কিন্তু আলবানি ইব্ন খুজাইমার টিকায় তা দুর্বল বলেছেন: (২১৭০), তিনি উল্লেখ করেছেন এর সনদে মুরসিদ যামানি রয়েছে, সে মাজহুল। উকাইলি বলেছেন: তার হাদিসের কোন ‘মুতাবে’ পাওয়া যায় না।

আর যেসব হাদিসে এসেছে যে, লাইলাতুল কদর এ উম্মতের সাথে খাস, যেমন ইমাম মালেক বর্ণনা করেছেন:

«أَنَّ النَّبِيَّ أُرِيَ أَعْمَارَ النَّاسِ قَبْلَهُ أَوْ مَا شَاءَ اللَّهُ مِنْ ذَلِكَ فَكَانَتْ تَقَاصِرُ أَعْمَارُ أُمَّتِهِ إِلَّا يَبْلُغُوا مِنَ الْعَمَلِ مِثْلَ الَّذِي بَلَغَ غَيْرُهُمْ فِي طَوْلِ الْعُمُرِ فَأَعْطَاهُ اللَّهُ لَيْلَةَ الْقَدْرِ خَيْرًا مِنْ أَلْفِ شَهْرٍ»

“নবী সাল্লাল্লাহু আলাইহি ওয়াসাল্লামকে তার পূর্বের লোকের বয়স দেখানো হয়েছে, অথবা আল্লাহ যা ইচ্ছা তাকে দেখিয়েছেন, অতঃপর তিনি নিজের উম্মতের বয়স তুচ্ছ জ্ঞান করেন যে, তারা তাদের পূর্বের উম্মতের আমলের বরাবর হতে পারবে না, ফলে আল্লাহ তাকে লাইলাতুল কদর দান করেন, যা হাজার মাসের চেয়ে উত্তম।” মালেক ফিল মুয়াত্তা: (১/৩২১), হাফেয ইব্ন আব্দুর বারর বলেছেন: “আমি জানি না, এ হাদিস কেউ মুসনাদ হিসেবে বর্ণনা করেছেন কি-না, আমাদের জানা মতে মুয়াত্তা ব্যতীত কেউ এ হাদিস মুরসাল বা মুসানদে বর্ণনা করেন নি।” তামহিদ: (২৪/৩৭৩)

আনাস থেকে বর্ণিত হাদিস:

«إِنَّ اللَّهَ عَزَّ وَجَلَّ وَهَبَ لِأُمَّتِي لَيْلَةَ الْقَدْرِ وَلَمْ يَعْطِهَا مَنْ كَانَ قَبْلَكُمْ»

“নিশ্চয় আল্লাহ আমার উম্মতকে লাইলাতুল কদর দান করেছেন, যা পূর্বের কোন উম্মতকে দান করা হয়নি।” দায়লামি: (৬৪৭), দায়ফুল জামে: (১৬৬৯) গ্রন্থে রয়েছে এ হাদিসটি মওজু ও বানোয়াট। ইমাম নববী লাইলাতুল কদরের বৈশিষ্ট্য গণনায় বলেন: “লাইলাতুল কদর এ উম্মতের সাথে খাস, আল্লাহ এ রাতের সম্মান বৃদ্ধি করুন, এ উম্মতের পূর্বে কোন উম্মতে লাইলাতুল ছিল না... এটা বিশুদ্ধ ও প্রসিদ্ধ, আমাদের সাথী ও জমহুর আলেমদের এটা চূড়ান্ত সিদ্ধান্ত।” মাজমু: (৬/৪৫৭-৪৫৮)

<sup>402</sup> দেখুন: তারহত তাসরিব: (৪/১৬৪), যথিরাতুল উকবা: (২১/৫১-৫২)

উল্লেখ্য: আবু হুরায়রা রাদিয়াল্লাহু আনহু থেকে বর্ণিত: “যে ব্যক্তি এশার সালাত জামাতে পড়ল সে লাইলাতুল কদর লাভ করল।” ইব্ন খুযাইমাহ হাদিসটি বর্ণনা করেছেন, আলবানি তার টিকায় তা দুর্বল বলেছেন: (৩/৩৩৩), খতিবে বাগদাদি: (৫/৩৩২) এ হাদিসটি আনাস থেকে বর্ণনা করেছেন, যা বানোয়াট। দেখুন: যাওয়ায়েদে তারিখে বাগদাদ আলল কুতুবিস সিত্তাহ লিশ শায়খ খালদুন আল-আহদাব: (৪/৫৯৪), হাদিস নং: (৭৯২), মুয়াত্তায় সাঈদ ইব্ন মুসাইয়েব এর মুরসাল হাদিস হিসেবে উল্লেখ করা হয়েছে: (১/৩২১)

# ইসলামিক আলো

## ৪৫. শেষ সাত রাতে লাইলাতুল কদর তালাশ করা

ইবন ওমর রাদিয়াল্লাহু আনহু থেকে বর্ণিত, নবী সাল্লাল্লাহু আলাইহি ওয়াসাল্লামের একদল সাহাবিকে শেষ সাত রাতে লাইলাতুল কদর দেখানো হয়েছে, রাসূলুল্লাহ সাল্লাল্লাহু আলাইহি ওয়াসাল্লাম বললেন:

«رَأَى رُؤْيَاكُمْ قَدْ تَوَاطَّأَتْ فِي السَّبْعِ الْآخِرِ، فَمَنْ كَانَ مُتَحَرِّبًا فَلْيَتَحَرَّأَهَا فِي السَّبْعِ الْآخِرِ» متفق عليه.

“আমি দেখছি তোমাদের সবার স্বপ্ন শেষ সাতের ব্যাপারে অভিন্ন, অতএব যে লাইলাতুল কদর তালাশ করতে চায়, সে যেন তা শেষ সাত তালাশ করে”।<sup>403</sup>

অপর বর্ণনায় আছে:

«الْتَمِسُوهَا فِي الْعَشْرِ الْآخِرِ، فَإِنْ ضَعُفَ أَحْكَامُكُمْ وَعَجَزَ قَلْبُكُمْ عَلَى السَّبْعِ الْبَوَاقِي».

“তোমরা শেষ দশে লাইলাতুল কদর তালাশ কর, যদি তোমাদের কেউ দুর্বল হয়, অথবা অপারগ হয়, তবে শেষ সাত যেন তা অন্বেষণ করা ত্যাগ না করে”। অপর বর্ণনায় আছে:

«تَحَرُّوا لَيْلَةَ الْقَدْرِ فِي السَّبْعِ الْآخِرِ».

“তোমরা লাইলাতুল কদর শেষ সাত তালাশ কর”।<sup>404</sup>

### শিক্ষা ও মাসায়েল:

এক. এ উম্মতের সম্মিলিত বর্ণনা, সিদ্ধান্ত ও স্বপ্ন নির্ভুল। কারণ নবী সাল্লাল্লাহু আলাইহি ওয়াসাল্লাম এখানে তাদের অভিন্ন স্বপ্নকে গ্রহণ করেছেন।<sup>405</sup>

দুই. লাইলাতুল কদর তালাশ করা ও তাতে রাত জাগা জরুরী, কারণ তাতে রয়েছে ফযিলত, বরকত ও কল্যাণ, তবে এটা ওয়াজিব নয়, সুন্নত।<sup>406</sup>

তিন. এ হাদিস স্বপ্নের গুরুত্ব প্রমাণ করে, সম্ভাব্য ঘটমান বিষয়ে তার ওপর নির্ভর করা বৈধ, যদি শরিয়তের নির্দেশের বিপরীত না হয়।<sup>407</sup> তবে স্বপ্নের ওপর অধিক নির্ভর করা ঠিক নয়, যা মূল উদ্দেশ্যে বিচ্যুত ঘটার কারণ হয়।

চার. স্বপ্ন কখনো আল্লাহর পক্ষ থেকে হয়, কখনো হয় মনের ধারণা ও কল্পনাপ্রসূত, আবার কখনো হয় শয়তানের পক্ষ থেকে। কোন বিষয়ে যদি মুমিনদের স্বপ্ন অভিন্ন হয়, তাহলে সেটা সত্য, যেমন তাদের সম্মিলিত সিদ্ধান্ত ও

<sup>403</sup> বুখারি ও মুসলিম।

<sup>404</sup> দেখুন: বুখারি: (১৯১১), মুসলিম: (১১৬৫), শেষের দুইটি বর্ণনা মুসলিমের।

<sup>405</sup> দেখুন: ইলামুল মুয়াক্কিন: (১/৮৪), আর-রহ: (১৩৬), ফাতহুল কাদির: (১২/৩৮০)

<sup>406</sup> দেখুন: আল-ইস্তেযকার: (৩/৪১৬)

<sup>407</sup> দেখুন: ফাতহুল বারি: (৪/২৫৭), শারহ ইবনুল মুলাক্কিন আলাল উমদাহ: (৫/৪১১),

# ইসলামিক আলো

বর্ণনা সত্য। কারণ একজনের বর্ণনা অথবা সিদ্ধান্তে অসৎ উদ্দেশ্য গোপন থাকতে পারে, কিন্তু এ ব্যাপারে সকল মুসলিম একমত হতে পারে না।<sup>408</sup>

পাঁচ. এ থেকে প্রমাণিত হয় যে, অধিকাংশের কথার ওপর আমল করা যায়, যদি কুরআন-হাদিস, ইজমা ও স্পষ্ট কiyাসের বিরোধী না হয়।<sup>409</sup>

ছয়. সাহাবিদের স্বপ্ন এ ক্ষেত্রে অভিন্ন যে, রমযানের শেষ সাথে লাইলাতুল কদর বিদ্যমান, নবী সাল্লাল্লাহু আলাইহি ওয়াসাল্লাম সে বছর তাদেরকে শেষ সাথে লাইলাতুল কদর তালাশ করার নির্দেশ দিয়েছেন, অতএব এ রাতগুলো অধিক সম্ভাবনাময়।<sup>410</sup>

সাত. লাইলাতুল কদর কতককে স্বপ্নে অথবা জাগ্রত অবস্থায় দেখানো হয়, সে তার আলামত দেখতে পায়, অথবা স্বপ্নে কাউকে দেখে, যে তাকে বলে: এটা লাইলাতুল কদর। কখনো আল্লাহ তার বান্দার অন্তরে এমন নিদর্শন প্রকাশ করেন, যার দ্বারা সে লাইলাতুল কদর স্পষ্ট বুঝতে পারে।<sup>411</sup>

---

<sup>408</sup> দেখুন: মিনহাজুজ সুন্নাহ নববীয়াহ: (৩/৫০০), মাদারেজুস সালেকিন: (১/৫১)

<sup>409</sup> দেখুন: শারহ ইবনুল মুলাক্কিন আলাল উমদাহ: (৫/৪১৪)

<sup>410</sup> ইব্ন বাত্তাল রহ. তার বুখারির ব্যাখ্যা গ্রন্থে ইব্ন ওমরের হাদিসের ব্যাখ্যায় বলেন: “লাইলাতুল কদর শেষ সাথে তালাশ কর”। এর অর্থ: এটা সে বছরের ঘটনা, যে বছর তাদের স্বপ্ন পরস্পর অভিন্ন ছিল, অর্থাৎ তেইশের রাত। কারণ তিনি আবু সাযিদের হাদিসে বলেছেন: “তোমরা লাইলাতুল কদর শেষ দশের বেজোড় রাতে তালাশ কর, আমি দেখছি আমি মাটি ও পানিতে সেজদা করছি। (আবু সাযিদ বলেন:) আমাদের ওপর একুশের রাতে বৃষ্টি বর্ষিত হয়েছিল। এ হিসেবে দেখা যায় আবু সাযিদের হাদিসে লাইলাতুল কদর শেষ সাথে ছিল না। ইমাম তাহাভি বলেন: এ ব্যাখ্যা হিসেবে হাদিসের মধ্যে কোন বৈপরিত্ব থাকে না”।

<sup>411</sup> দেখুন: মজমুউল ফাতাওয়া: (২৫/২৮৬)

# ইসলামিক আলো

## ৪৬. নারীদের ইতিকার

আয়েশা রাদিয়াল্লাহু আনহু থেকে বর্ণিত, একদা রাসূলুল্লাহ সাল্লাল্লাহু আলাইহি ওয়াসাল্লাম রমযানের শেষ দশকে ইতিকার করার কথা বলেন, আয়েশা তার কাছে অনুমতি চান। তিনি তাকে অনুমতি প্রদান করেন। হাফসা আয়েশার কাছে তার জন্য অনুমতি নেয়ার অনুরোধ করেন, তিনি তাই করেন। এ দেখে যয়নব বিনতে জাহাশ তাঁবু তৈরির নির্দেশ দেন, তার জন্য তাঁবু তৈরি করা হল। আয়েশা বলেন: রাসূলুল্লাহ সাল্লাল্লাহু আলাইহি ওয়াসাল্লাম সালাত শেষে তার তাঁবুতে যান, তিনি সেখানে অনেক তাঁবু দেখতে পান। জিজ্ঞেস করেন, এগুলো কী? তারা বলেন: আয়েশা, হাফসা ও যয়নবের তাঁবু। রাসূলুল্লাহ সাল্লাল্লাহু আলাইহি ওয়াসাল্লাম বলেন: “এর দ্বারাই কি তোমরা নেকির আশা করেছ? আমি ইতিকারই করব না”। তিনি ফিরে যান। অতঃপর রমযান শেষে শাওয়ালের দশ দিন ইতিকার করেন”। বুখারি ও মুসলিম।

মুসলিমের এক বর্ণনায় আছে: রাসূলুল্লাহ সাল্লাল্লাহু আলাইহি ওয়াসাল্লাম যখন ইতিকার করার ইচ্ছা করতেন, ফজর সালাত আদায় করে ইতিকারের স্থানে প্রবেশ করতেন। একদা তিনি মসজিদে তার জন্য তাঁবু টানাতে আদেশ করলেন, তাঁবু টানানো হল, তিনি রমযানের শেষ দশকে ইতিকার করার ইচ্ছা করে ছিলেন। যয়নব তার জন্য তাঁবু টানাতে নির্দেশ করলেন, টানানো হল, নবী সাল্লাল্লাহু আলাইহি ওয়াসাল্লামের অন্যান্য স্ত্রীগণ তাঁবু টানাতে নির্দেশ করলেন, তাদের জন্য তাঁবু টানানো হল। তিনি যখন ফজর সালাত আদায় করলেন, দেখলেন অনেকগুলো তাঁবু। তিনি বলেন: তোমরা কি নেকির আশা করেছ? তিনি তার তাঁবু খুলে ফেলার নির্দেশ দেন ও রমযানের ইতিকার ত্যাগ করেন, অতঃপর শাওয়ালের প্রথম দশে ইতিকার করেন”।<sup>412</sup>

### শিক্ষা ও মাসায়েল:

এক. মহিলাদের মসজিদে ইতিকার করা বৈধ, যদি ফিতনার আশঙ্কা না থাকে।<sup>413</sup>

দুই. নারী তার স্বামীর অনুমিত ব্যতীত ইতিকার করবে না, এতে কারো ইখতিলাফ নেই।<sup>414</sup> যদি সে স্বামীর অনুমতি ব্যতীত ইতিকার করে, তাহলে স্বামীর অধিকার রয়েছে তার ইতিকার ভঙ্গ করানো। ইতিকারের অনুমতি দেয়ার পর স্বামী যদি কোন কারণে তার ইতিকার ভাঙতে চায়, তাহলে তার অধিকার রয়েছে।<sup>415</sup>

তিন. ইতিকার আরম্ভ করে প্রয়োজন হলে তা ভঙ্গ করা বৈধ।<sup>416</sup>

<sup>412</sup> বুখারি: (১৯৪০), মুসলিম: (১১৭২)

<sup>413</sup> শারহুন নববী: (৮/৭০), আল-মুফহিম: (৩/২৪৮), শারহ ইবনুল মুলাক্কিন আলাল উমদাহ: (৫/৪২৯), ইবনু আব্দিল বার আসরাম থেকে বর্ণনা করেন, তিনি বলেন: আমি শুনেছি আহমদ ইবন হাম্বলকে ইতিকারকারী নারীদের সম্পর্কে জিজ্ঞাসা করা হয়েছে? তিনি বলেন: হ্যাঁ, নারীরা ইতিকার করেছে”। দেখুন: আত-তামহিদ: (১/১৯৫)

<sup>414</sup> ইবনুল মুলাক্কিন শারহুল উমদাহ গ্রন্থে এ ইজমা নকল করেছেন: (৫/৪২৯)

<sup>415</sup> শারহুন নববী: (৮/৭০), আল-মুফহিম: (৩/২৪৫), ফাতহুল বারি: (৪/২৭৭)

# ইসলামিক আলো

চার. মসজিদ ব্যতীত ইতিকার্য শুদ্ধ নয়, যদি অন্য কোথাও ইতিকার্য বৈধ হত, তাহলে নারীর জন্য বৈধ হত তার সালাতের জায়গায় ইতিকার্য করা।<sup>417</sup>

পাঁচ. স্বামীর জন্য নিজ স্ত্রী ও পরিবারকে আদব শিক্ষা দেয়া, তাদের সংশোধন করা জায়েয। যেমন নবী সাল্লাল্লাহু আলাইহি ওয়াসাল্লাম স্ত্রীদের ইতিকার্যের অনুমতি দেন, অতঃপর তাদের মধ্যে অনাকাঙ্ক্ষিত ঈর্ষার আশংকায় তাদেরকে তা থেকে বারণ করেন।<sup>418</sup>

ছয়. নফল ছুটে গেলে তা কাযা করা বৈধ।<sup>419</sup>

সাত. অতিরিক্ত ঈর্ষা খারাপ, কারণ তা হিংসার ফল, যা নিন্দনীয়।

আট. ভালো কাজ ত্যাগ করা বৈধ, যদি তাতে কল্যাণ থাকে।<sup>420</sup>

নয়. শুধু নিয়তের কারণে ইতিকার্য ওয়াজিব হয় না।<sup>421</sup>

দশ. ইতিকার্যকারী ইতিকার্যের জন্য মসজিদের একটা অংশ নিজের জন্য খাস করে নিতে পারবে, যদি তাতে মুসল্লিদের সমস্যা না হয়। জায়গাটি নির্ধারণ করা চাই মসজিদের খালি অংশে বা শেষ প্রান্তে, যেন অন্যদের কষ্ট না হয়, এবং তার নির্জনতা ও একাকীত্ব অর্জন হয়।<sup>422</sup>

এগারো. স্ত্রীদের সাথে নবী সাল্লাল্লাহু আলাইহি ওয়াসাল্লামের সুন্দর আখলাক ও তাদের সঙ্গে চমৎকার হৃদয়তা। যেমন তাদেরকে তিনি ইতিকার্য থেকে বারণ করে, নিজেও তা ত্যাগ করেন, অথচ তিনি নিজে ইতিকার্য করতে পারতেন, কিন্তু আন্তরিকতা, সহমর্মিতা ও তাদের আনন্দে শেয়ার করার জন্য তা করেন নি।<sup>423</sup> অনুরূপ প্রত্যেক মুসলিমের উচিত স্ত্রীদের আদব শিক্ষা দেয়ার ক্ষেত্রে সীমালঙ্ঘন না করা, যা প্রতিশোধ ও জেদ দমনের পর্যায় পড়ে।

---

<sup>416</sup> ইবন বায রহ. বলেছেন: “বিশুদ্ধ মতে ইতিকার্য আরম্ভ করলে ওয়াজিব হয় না এবং জুমার কারণে তা ভঙ্গ হয় না”।

<sup>417</sup> শারহুন নববী: (৮/৬৮), ফাতহুল বারি: (৪/২৭৭)

<sup>418</sup> শারহুন নববী: (৮/৬৯), আল-মুফহিম: (৩/২৪৫), মিনহাতুল বারি: (৪/৪৬৪), হাশিয়াতুস সিনদি আলান নাসায়ি: (২/৪৫)

<sup>419</sup> মিনহাতুল বারি: (৪/২৭৭)

<sup>420</sup> শারহু ইবন বাত্তাল: (৪/১৮২), ফাতহুল বারি: (৪/২৭৭)

<sup>421</sup> ইমাম নববী শারহে মুসলিমে এ ব্যাপারে ঐক্যমত নকল করেছেন: (৮/৬৮)

<sup>422</sup> শারহুন নববী: (৮/৬৯)

<sup>423</sup> এটা ইমাম কুরতুবি উল্লেখ করেছেন, অতঃপর তিনি বলেছেন: “অথবা তার ইতিকার্যে বহাল থাকলে এ আশঙ্কার জন্ম হত যে, ইতিকার্য শুধু তার জন্য খাস, নারীদের জন্য নয়”। আল-মুফহিম: (৩/২৪৬), ইবন বাত্তাল রহ. বলেছেন: “তিনি তাদের অন্তরকে খুশি করার জন্য ইতিকার্য পিছিয়ে দেন, যেন এমন না হয় তিনি ইতিকার্য করবেন, আর তারা ইতিকার্য করবে না”। শারহুল বুখারি: (৪/১৬৯), শায়খ যাকারিয়া আনসারি উল্লেখ করেছেন, তিনি তাদেরকে কঠোরভাবে নিষেধ করার জন্য ইতিকার্য ত্যাগ করেছেন, অথবা মসজিদ সংকীর্ণ হয়ে যাবে আশঙ্কায়। দেখুন: মিনহাতুল বারি: (৪/৪৪)

# ইসলামিক আলো

বারো. যদি ইতিকারকারী নারীর ঋতুস্রাব হয়, তাহলে ঋতুস্রাব তার ইতিকার ভেঙ্গে দিবে, সে মসজিদ ত্যাগ করবে, অতঃপর পবিত্র হয়ে পূর্বের ইতিকার শুরু করবে।<sup>424</sup>

তেরো. যদি কেউ নফল ইবাদতের নিয়ত করে, কিন্তু এখনো তা শুরু করেনি, তাহলে সে তা একেবারে ত্যাগ করতে পারে, আবার ইচ্ছা করলে পরবর্তীতে আদায় করা বৈধ।<sup>425</sup>

চৌদ্দ. যার মধ্যে কোন ইবাদতের রিয়া নিশ্চিত জানা যায়, তাকে সে ইবাদত থেকে নিষেধ করা বৈধ। কারণ নবী সাল্লাল্লাহু আলাইহি ওয়াসাল্লাম বলেছেন: “তোমরা কি নেকি ইচ্ছা করেছ?”। অর্থাৎ তোমরা নবী সাল্লাল্লাহু আলাইহি ওয়াসাল্লামের নৈকট্য ও তাকে পাওয়ার আশা করেছ। এ জন্য তাদের ইতিকার নিষেধ করেন ও নিজের ইতিকার পিছিয়ে দেন।<sup>426</sup>

পনের. ইতিকারে স্ত্রী, লোকজন ও অন্যদের থেকে নির্জনতা অবলম্বন করা মোস্তাহাব, তবে যখন প্রয়োজন হয় তা ব্যতীত যেমন সালাত, খানা ইত্যাদি।<sup>427</sup>

ষোল. রমযানে ইতিকার করা সুন্নত, এটা নবী সাল্লাল্লাহু আলাইহি ওয়াসাল্লামের আদর্শ, এ হাদিস থেকে বুঝা যায় গায়রে রমযানে ইতিকার করা বৈধ, যেহেতু নবী সাল্লাল্লাহু আলাইহি ওয়াসাল্লাম শাওয়ালে ইতিকার করেছেন।<sup>428</sup>

সতের. মসজিদের ভেতরের রুমে ইতিকার করা বৈধ, যার দরজা মসজিদের দিকে খোলা, তার হুকুম মসজিদের হুকুম, আর যদি মসজিদের বাইরে হয়, তাহলে সেটা মসজিদের অংশ নয়, যদিও তার দরজা মসজিদের দিকে।<sup>429</sup>

---

<sup>424</sup> এটা জমহুরের অভিমত, যেমন যুহরি, রাবিয়াহ, মালেক, আওয়াযি, আবু হানিফা ও শাফি, ইব্ন বাত্তাল তাদের থেকে এ বাণী নকল করেছেন: (৪/১৭৪), ইমাম আহমদ অনুরূপ বলেছেন: (৪/৪৮৭)

<sup>425</sup> শারহ ইব্ন বাত্তাল: (৪/১৮৩)

<sup>426</sup> শারহ ইব্ন বাত্তাল: (৪/১৮৩)

<sup>427</sup> শারহ ইবনুল মুলাক্কিন আলাল উমদাহ: (৫/৪৩৫)

<sup>428</sup> দেখুন: ফিকহুল ইবাদাত লি ইব্ন উসাইমিন: (২০৮)

<sup>429</sup> ফাতাওয়ালা লাজনাহ: (৬৭১৮)

# ইসলামিক আলো

## ৪৭. বেজোড় রাতসমূহে লাইলাতুল কদর তালাশ করা

উবাদাহ ইব্ন সামেত রাদিয়াল্লাহু আনহু থেকে বর্ণিত, তিনি বলেন:

«خَرَجَ النَّبِيُّ لِيُخْبِرَنَا بِلَيْلَةِ الْقَدْرِ فَتَلَحَّى رَجُلَانِ مِنَ الْمُسْلِمِينَ، فَقَالَ: خَرَجْتُ لِأُخْبِرَكُمْ بِلَيْلَةِ الْقَدْرِ فَتَلَحَّى فُلَانٌ وَفُلَانٌ، فَرُفِعَتْ، وَعَسَى أَنْ يَكُونَ خَيْرَ لَكُمْ، فَالْتَمِسُوهَا فِي السَّابِعَةِ وَالْخَامِسَةِ» رواه البخاري.

“নবী সাল্লাল্লাহু আলাইহি ওয়াসাল্লাম আমাদেরকে লাইলাতুল কদরের সংবাদ দেয়ার জন্য বের হয়েছেন, অতঃপর দু’জন মুসলিম ঝগড়ায় লিপ্ত হল। তিনি বলেন: আমি তোমাদেরকে লাইলাতুল কদরের সংবাদ দেয়ার জন্য বের হয়েছি, কিন্তু অমুক অমুক ঝগড়া করল, ফলে তা উঠিয়ে নেয়া হয়। খুব সম্ভব এটা তোমাদের জন্য কল্যাণকর। তোমরা তা নবম, সপ্তম ও পঞ্চম রাতে তালাশ কর”।<sup>430</sup>

আবু সাঈদ খুদরি রাদিয়াল্লাহু আনহু থেকে বর্ণিত, তিনি বলেন:

«اعْتَكَفَ رَسُولُ اللَّهِ الْعَشْرَ الْأَوَّلَ وَسَطَ مِنْ رَمَضَانَ يَلْتَمِسُ لَيْلَةَ الْقَدْرِ قَبْلَ أَنْ دُبَانَ لَهُ، فَلَمَّا انْقَضَى أَمْرُ الْبِرَاءِ فَقَوَّضَ، ثُمَّ بَرِئَتْ لَهُ أَثْنًا فِي الْعَشْرِ الْآخِرِ، فَأَمْرُ الْبِرَاءِ عَيْدٌ، ثُمَّ خَرَجَ عَلَى النَّاسِ فَقَالَ: يَا أَيُّهَا النَّاسُ: إِنَّهَا كَانَتْ لِي لَيْلَةُ الْقَدْرِ، وَإِنِّي خَرَجْتُ لِأُخْبِرَكُمْ بِهَا، فَجَاءَ رَجُلَانِ يَحْتَقِانِ - أَي: يَخْتَصِمَانِ - مَعَهُمَا الشَّيْطَانُ، فَدَسَّيْتُهَا فَالْتَمِسُوهَا فِي الْعَشْرِ الْآخِرِ مِنْ رَمَضَانَ، فَالْتَمِسُوهَا فِي السَّابِعَةِ وَالْخَامِسَةِ»

“রাসূলুল্লাহ সাল্লাল্লাহু আলাইহি ওয়াসাল্লাম লাইলাতুল কদর অশ্বেষণে রমযানের মধ্যম দশক ইতিকাফ করেন, যখন তা প্রকাশ করা হয়নি। যখন ইতিকাফ শেষ হয়, তিনি তাঁবু গুটানোর নির্দেশ দেন, অতঃপর তাকে বলা হয় নিশ্চয় তা শেষ দশকে, ফলে পুনরায় তিনি তাঁবু টানাতে নির্দেশ দেন, পুনরায় তাঁবু টানানো হয়। অতঃপর তিনি মানুষের নিকট এসে বলেন: হে লোক সকল: আমাকে লাইলাতুল কদর বলা হয়েছিল, আমি তোমাদেরকে তার সংবাদ দিতে বের হয়েছি, ইত্যবসরে দু’জন ব্যক্তি ঝগড়া নিয়ে উপস্থিত হয়, তাদের সাথে ছিল শয়তান, ফলে আমাকে তা ভুলিয়ে দেয়া হয়েছে, তোমরা তা রমযানের শেষ দশকে তালাশ কর। তোমরা তা নবম, সপ্তম ও পঞ্চম রাতে তালাশ কর”।<sup>431</sup>

### শিক্ষা ও মাসায়েল:

এক. বিভেদ ও ইখতিলাফ নিষেধ। দু’জন মুসলিমের অন্যায় ঝগড়া কখনো তাদের ও অন্যদের উপর অনিষ্ট ডেকে আনে। কল্যাণ ছিনিয়ে নেয়া হয়, যেমন এখানে লাইলাতুল কদর একরাত থেকে অপর রাতে নিয়ে যাওয়া

<sup>430</sup> দেখুন: বুখারি: (১৯১৯), নাসায়ি ফিল কুবরা: (৩৩৯৪), আহমদ: (৫/৩১৩)

<sup>431</sup> দেখুন: বুখারি: (১৯১২), মুসলিম: (১১৬৭)



# ইসলামিক আলো

হয়েছে।<sup>432</sup> ঝগড়ার কারণে তাদের মাগফেরাত মওকুফ করা হয় এবং তাদের আমল বিবেচনাধীন রাখা হয়, যতক্ষণ না তারা আপোষ করে।<sup>433</sup>

দুই. এ হাদিস প্রমাণ করে, বিশেষ ব্যক্তিদের অপরাধের কারণে কখনো সাধারণ লোক তার খেসারত দেয়।<sup>434</sup>

তিন. লাইলাতুল কদর বিদ্যমান, এতে কারো দ্বিমত নেই, তবে তার নির্দিষ্ট দিনক্ষণ উঠিয়ে নেয়া হয়েছে, এবং নবী সাল্লাল্লাহু আলাইহি ওয়াসাল্লামকে তা ভুলিয়ে দেয়া হয়েছে।<sup>435</sup>

চার. লাইলাতুল কদর অনির্দিষ্ট কারণে একটি কল্যাণ হচ্ছে শেষ দশকের ইবাদত।<sup>436</sup>

পাঁচ. লাইলাতুল কদরের সম্ভাব্য তারিখ শেষ দশকের বেজোড় রাতগুলো।

ছয়. লাইলাতুল কদর নবী সাল্লাল্লাহু আলাইহি ওয়াসাল্লামের কাছে প্রথমে গোপন ছিল, অতঃপর তাকে জানানো হয়, অতঃপর তা ভুলিয়ে দেয়া হয়।

সাত. লাইলাতুল কদর তালাশে নবী সাল্লাল্লাহু আলাইহি ওয়াসাল্লামের আগ্রহ, শেষ দশকে জানার পূর্বে তিনি মধ্যম দশকে তা তালাশ করেছেন, অথচ আল্লাহ তার পূর্বাপর সকল পাপ ক্ষমা করে দিয়েছেন।

আট. লাইলাতুল কদরের প্রতি গভীর আগ্রহ ও তা অন্বেষণ করা নবী সাল্লাল্লাহু আলাইহি ওয়াসাল্লামের আদর্শ, যা শেষ দশক জাগ্রত থাকা ব্যতীত অর্জন হয় না, বিশেষ করে বেজোড় রাতগুলো।

---

<sup>432</sup> ইকমালুল মুয়াল্লিম: (৪/১৪৮)

<sup>433</sup> দেখুন: আল-ইস্তেযকার: (৩/৪১২)

<sup>434</sup> দেখুন: ইকমালুল মুয়াল্লিম: (৪/১৪৬)

<sup>435</sup> শারহ ইব্ন বাত্তাল: (৪/১৫৭), ইব্ন মুলাক্কিন ফি শারহিল উমদাতে বলেন: “নির্ভরযোগ্য সকল আলেম একমত যে, লাইলাতুল সর্বদা বিদ্যমান আছে এবং পৃথিবীর শেষ বছর পর্যন্ত বিদ্যমান থাকবে”। আত-তামহিদ: (২/২০০)

<sup>436</sup> মিনহাতুল বারি: (৪/৪৫৫), শারহ ইব্ন বাত্তাল: (৪/১৫৮)

# ইসলামিক আলো

## ৪৮. ইতিকাকারীর জন্য যা বৈধ

আয়েশা রাদিয়াল্লাহু আনহা থেকে বর্ণিত:

«أَنَّهَا كَانَتْ تُرَجِّلُ النَّبِيَّ وَهِيَ حَائِضٌ وَهُوَ مُعْتَكِفٌ فِي الْمَسْجِدِ وَهِيَ فِي حُجْرَتِهَا يُنَاوِلُهَا رَأْسَهُ» رواه الشيخان.

“তিনি ঋতুস্রাবের সময় নবী সাল্লাল্লাহু আলাইহি ওয়াসাল্লামের চুল আঁচড়ে দিতেন, যখন তিনি মসজিদে ইতিকাক করতেন, আর আয়েশা ঘর থেকে তার মাথা গ্রহণ করতেন।” বুখারি ও মুসলিম।

মুসলিমের অপর বর্ণনায় আছে:

«وَكَانَ لَا يَدْخُلُ الْبَيْتَ إِلَّا لِحَاجَةِ الْإِنْسَانِ».

“তিনি মানুষিক প্রয়োজন ব্যতীত ঘরে প্রবেশ করতেন না”।

আবু দাউদের এক বর্ণনায় আয়েশা রাদিয়াল্লাহু আনহা থেকে বর্ণিত, তিনি বলেন:

«كَانَ رَسُولُ اللَّهِ ﷺ يَكُونُ مُعْتَكِفًا فِي الْمَسْجِدِ يُنَاوِلُ نَبِيَّ رَأْسَهُ مِنْ خَلَلِ الْحُجْرَةِ غَيْرَ رَأْسِهِ».

“রাসূলুল্লাহ সাল্লাল্লাহু আলাইহি ওয়াসাল্লাম মসজিদে ইতিকাক করতেন, তিনি হুজরার ফাঁক দিয়ে আমার কাছে তার মাথা দিতেন, আমি তা ধুয়ে দিতাম”।

অপর বর্ণনায় আছে: “আমি ঋতুবতী অবস্থায় তার মাথা চিরুনি করতাম”।<sup>437</sup>

আয়েশা রাদিয়াল্লাহু আনহা নবী সাল্লাল্লাহু আলাইহি ওয়াসাল্লাম থেকে বর্ণনা করেন:

«لَئِنَّهُ كَانَ إِذَا اغْتَكَفَ لَمْ يَدْخُلْ بَيْتَهُ إِلَّا لِحَاجَةِ الْإِنْسَانِ الَّتِي لَا بُدَّ مِنْهَا» رواه النسائي.

“যখন তিনি ইতিকাক করতেন, প্রাকৃতিক জরুরী প্রয়োজন ব্যতীত ঘরে প্রবেশ করতেন না”।<sup>438</sup>

আয়েশা রাদিয়াল্লাহু আনহা থেকে বর্ণিত, তিনি বলেন:

«إِنِّي كُنْتُ لَا تُدْخِلُ الْبَيْتَ لِلْحَاجَةِ وَالْمَرِيضِ فِيهِ فَمَا سَأَلَ عَنْهُ إِلَّا وَأَنَا مَرَّةً» رواه مسلم.

“আমি ঘরে প্রবেশ করতাম, সেখানে রোগী থাকত, কিন্তু চলন্ত অবস্থায় ব্যতীত তার সম্পর্কে আমি জিজ্ঞাসা করতাম না”।<sup>439</sup>

আয়েশা রাদিয়াল্লাহু আনহা বলেন: “ইতিকাকারীর জন্য সুন্নত হচ্ছে রোগী দেখতে না যাওয়া, জানাজায় হাজির না হওয়া, স্ত্রীকে স্পর্শ বা তার সাথে সহবাস না করা, খুব জরুরী প্রয়োজন ব্যতীত বের না হওয়া, সওম ব্যতীত ইতিকাক শুদ্ধ নয়, অনুরূপ জামে মসজিদ ব্যতীত ইতিকাক শুদ্ধ নয়”।<sup>440</sup>

## শিক্ষা ও মাসায়েল:

<sup>437</sup> দেখুন: মালেক: (১/৬০), বুখারি: (১৯৪১), মুসলিম: (২৯৭), আবু দাউদ: (২৪৬৯), সর্বশেষ বর্ণনা বুখারি: (১৯২৪) ও মুসলিম: (১/৩১) এর ভূমিকায় রয়েছে।

<sup>438</sup> দেখুন: মূল হাদিস বুখারি: (১৯৪১) ও মুসলিম: (২৯৭), রয়েছে, তবে এ বর্ণনা নাসায়ি ফিল কুবরা থেকে নেয়া: (৩৩৬৯)

<sup>439</sup> মুসলিম: (২৯৭)

<sup>440</sup> আবু দাউদ: (২৪৭৩), দারা কুতানি: (২/২০১), তিনি বলেছেন এখানে ইমাম জুহরি রহ. এর কথা অন্তর্ভুক্ত করা হয়েছে। বায়হাকি ফিস সুনান: (৪/৩২১), তিনি বলেছেন এটা উরওয়া রহ. এর বাণী। দেখুন: (ফাতহুল বারি: (৪/২৭৩), আত-তামহিদ: (৮/৩২০)

# ইসলামিক আলো

এক. ঋতুবতী নারী পাক, তার ঋতুর স্থান ব্যতীত।<sup>441</sup> অনুরূপ যার ওপর গোসল ফরয সেও পাক।<sup>442</sup>

দুই. ইতিকারকারী শরীরের কিছু অংশ মসজিদ থেকে বের করলে বাইরে গণ্য হবে না, ইতিকার নষ্ট হবে না, যেমন মসজিদের জানালা অথবা দরজা থেকে যদি কিছু নেয়া অথবা গ্রহণ করার ইচ্ছা করে, তাহলে এতে সমস্যা নেই।<sup>443</sup>

তিন. ইতিকারকারীর মাথা ধৌত করা, চুল আঁচড়ানো, সুগন্ধি ব্যবহার করা, মাথা ন্যাড়া করা ও সৌন্দর্য গ্রহণ করা বৈধ।<sup>444</sup>

চার. নবী সাল্লাল্লাহু আলাইহি ওয়াসাল্লামের চুল খুব ঘন ছিল।

পাঁচ. যার চুল খুব ঘন, তার উচিত চুল পরিষ্কার রাখা, চিরুনি করা ও চুলের যত্ন নেয়া। পোশাক-আশাক ও শরীরের পবিত্রতা ত্যাগ করা সুন্নত কিংবা শরিয়ত নয়।<sup>445</sup>

ছয়. রাসূলুল্লাহ সাল্লাল্লাহু আলাইহি ওয়াসাল্লামের চুল চিরুনি করা থেকে প্রমাণিত হয়, মানুষের শরীরের প্রয়োজনীয় সকল প্রকার খাদ্য, তেল ইত্যাদি গ্রহণ করা বৈধ।<sup>446</sup>

সাত. ইতিকারকারীর স্ত্রীর দিকে তাকানো এবং স্ত্রীর কাম স্পৃহা ব্যতীত স্বামীর শরীরের কিছু অংশ স্পর্শ করা বৈধ।<sup>447</sup>

আট. স্ত্রীর জন্য স্বামীর খিদমত করা বৈধ, যেমন তার মাথা ধৌত করা, চুল আঁচড়ে দেয়া, কাপড় ধোয়া ইত্যাদি।<sup>448</sup> নয়. মানুষিক প্রয়োজন ব্যতীত ইতিকারকারীর মসজিদ থেকে বের হওয়া বৈধ নয়, যেমন পেশাব-পায়খানা, অথবা পানাহার, যদি তা মসজিদে পৌঁছে দেয়ার কেউ না থাকে, অনুরূপ প্রয়োজনীয় প্রত্যেক বস্তু, যা মসজিদে সম্পাদন করা সম্ভব নয়, তার জন্য বের হলে ইতিকার নষ্ট হবে না।<sup>449</sup>

দশ. যে ব্যক্তি ঘরে প্রবেশ না করার কসম করেছে, সে যদি ঘরে মাথা প্রবেশ করে, তাহলে তার কসম ভঙ্গ হবে না।<sup>450</sup>

<sup>441</sup> আত-তামহিদ: (৮/৩২৪), তিনি এ ব্যাপারে ইজমা নকল করেছেন: (২২/১৩৭), অনুরূপ ইজমা নকল করেছেন ইমাম নববী শরহে মুসলিমে: (১/১৩৪), আরো দেখুন: শাহরু ইব্নু বাতাল: (৪/১৬৪))

<sup>442</sup> দেখুন: শাহরু ইব্নুল মুলাক্কিন আলাল উমদাহ: (৫/৪৩৭)

<sup>443</sup> শারহুন নববী: (৩/২০৮), আউনুল মাবুদ: (৭/১০২)

<sup>444</sup> আউনুল মাবুদ: (৭/১০২)

<sup>445</sup> আল-ইস্তেযকার: (১/৩৩০), শারহ ইব্নুল মুলাক্কিন: (৫/৪৩৮)

<sup>446</sup> শারহ ইব্নু বাতাল আলাল বুখারি: (৪/১৬৫)

<sup>447</sup> শারহুন নববী: (১/১৩৪)

<sup>448</sup> শারহুন নববী: (৩/২০৮)

<sup>449</sup> আত-তামহিদ: (৮/৩২৭), তারহুত তাসরিব: (৪/১৬৯), আল-ফুরু: (৩/১৩৪), আল-মুগনি: (৩/৬৮)

<sup>450</sup> আবু দাউদের টিকায় মাআলেমুস সুনান: (২/৮৩৪), শারহ ইব্ন বাতাল: (৪/১৬৬), শারহ ইব্ন মুলাক্কিন আলাল উমদাহ: (৫/৪৩৭), আউনুল মাবুদ: (৭/১০২)

# ইসলামিক আলো

এগারো. ইতিকারকারী জরুরী প্রয়োজনে বের হলে দ্রুত হাঁটা জরুরী নয়, বরং অভ্যাস অনুযায়ী হাঁটা, তবে প্রয়োজন শেষে দ্রুত ফিরে আসা ওয়াজিব।<sup>451</sup>

বারো. ইতিকারকারী রোগী দেখা অথবা জানাজায় হাজির হবে না, এটা জমহুর আলেমদের অভিমত।<sup>452</sup> তবে সে চলন্ত অবস্থায় রোগী সম্পর্কে জিজ্ঞাসা করতে পারবে, কিন্তু থামবে না।<sup>453</sup>

তেরো. ইতিকারকারী যদি জরুরী প্রয়োজনে বের হয়, যেমন পিতার মৃত্যু অথবা সন্তানের মৃত্যু, তাহলে প্রয়োজন শেষে নতুন করে ইতিকার করবে, যদি সে বিনা শর্তে ইতিকার করে।<sup>454</sup>

চৌদ্দ. হাদিস থেকে প্রমাণিত হয়, নারী তার স্বামীর বাড়িতে অবস্থান করবে, স্বামীর বাড়িতে যদিও কোন প্রয়োজন না থাকে, অথবা কোন শরয়ী কারণে সে বাড়িতে প্রবেশ করতে না পারে, যেমন সফর ও ইতিকার। স্ত্রী স্বামীর অনুমতি ব্যতীত ঘর থেকে বের হবে না।<sup>455</sup>

পনের. ইতিকারকারী প্রয়োজন ব্যতীত ইতিকারের স্থান থেকে বের হলে ইতিকার নষ্ট হয়ে যাবে।<sup>456</sup>

ষোল. ইতিকারের জন্য সওম ও জামে মসজিদ শর্ত কি-না এ ব্যাপারে ইখতিলাফ রয়েছে। বিশুদ্ধ অভিমত অনুযায়ী ইতিকারের জন্য সওম শর্ত নয়, কারণ নবী সাল্লাল্লাহু আলাইহি ওয়াসাল্লাম শাওয়ালে ইতিকার করেছেন। পাঞ্জিগানা মসজিদে ইতিকার বৈধ, যেখানে পাঁচ ওয়াক্ত সালাতের জমাত হয়, কিন্তু জুমা হয় না। ইতিকারকারী জুমার সালাতের জন্য জামে মসজিদে যেতে পারবে, এ জন্য তার ইতিকার নষ্ট হবে না, তবে উত্তম জামে মসজিদে ইতিকার করা।<sup>457</sup>

---

<sup>451</sup> আল-মুগনি: (৩/৬৯)

<sup>452</sup> শারহ ইব্ন বাত্তাল আলাল বুখারি: (৪/১৬৬)

<sup>453</sup> শারহ ইব্নুল মুলাক্কিন আলাল উমদাহ: (৫/৪৩৯)

<sup>454</sup> শারহ ইব্ন বাত্তাল আলাল বুখারি: (৪/১৬৬)

<sup>455</sup> শারহ ইব্নুল মুলাক্কিন আলাল উমদাহ: (৫/৪৪০)

<sup>456</sup> আল-মুগনি: (৩/৭০)

<sup>457</sup> ফাতাওয়া লাজনায়ে দায়েমা, ফাতাওয়া নং: (৬৭১৮)

# ইসলামিক আলো

## ৪৯. লাইলাতুল কদরের দো'আ

আয়েশা রাদিয়াল্লাহু আনহা থেকে বর্ণিত, তিনি বলেন: আমি বলেছি: “হে আল্লাহর রাসূল, আপনি কি লক্ষ্য করেছেন, আমি যদি লাইলাতুল কদর জানতে পারি, আমি তাতে কি বলব? তিনি বললেন: তুমি বলবে:

«اللَّهُمَّ إِنَّكَ عَفُوٌّ كَرِيمٌ تُحِبُّ الْعَفْوَ فَاعْفُ عَنِّي»

“হে আল্লাহ তুমি ক্ষমাশীল, মহানদাতা-সম্মানিত, ক্ষমা করা ভালোবাস, অতএব তুমি আমাকে ক্ষমা কর”। ইমাম তিরমিযি হাদিসটি বর্ণনা করেছেন, তিনি বলেছেন এ হাদিস হাসান, সহিহ।<sup>458</sup>

ইবন মাজার শব্দ হচ্ছে: আয়েশা রাদিয়াল্লাহু আনহা বলেন: “হে আল্লাহর রাসূল, আপনি কি দেখেছেন, আমি লাইলাতুল কদর পেলে কি দো'আ করব? তিনি বললেন: তুমি বলবে:

«اللَّهُمَّ إِنَّكَ عَفُوٌّ كَرِيمٌ تُحِبُّ الْعَفْوَ فَاعْفُ عَنِّي»

### শিক্ষা ও মাসায়েল:

এক. লাইলাতুল কদরের ফযিলত এবং উম্মুল মুমেনিন আয়েশা রাদিয়াল্লাহু আনহা তা অন্বেষণ করা, তাতে কিয়াম ও দো'আ করার গভীর আগ্রহ প্রমাণিত হয়।

দুই. কল্যাণকর বস্তু জানার জন্য সাহাবিদের প্রশ্ন করার আগ্রহ।

তিন. লাইলাতুল কদরের দো'আ ফযিলতপূর্ণ এবং তা কবুলের সম্ভাবনা রাখে।

চার. ব্যাপক অর্থপূর্ণ শব্দের মাধ্যমে দো'আ করা মোস্তাহাব। দো'আয় লৌকিকতা ও এমন শব্দ পরিহার করা, যার অর্থ অস্পষ্ট।

পাঁচ. রাসূলুল্লাহ সাল্লাল্লাহু আলাইহি ওয়াসাল্লামের বাতলানো এ দো'আ ব্যাপক অর্থপূর্ণ ও সবচেয়ে উপকারী। এ দো'আতে দুনিয়া ও আখিরাতের কল্যাণ নিহিত রয়েছে, কারণ আল্লাহ যখন দুনিয়াতে কোন বান্দাকে ক্ষমা করবেন, তিনি তার থেকে শাস্তি দূরীভূত করবেন, তার ওপর নিয়ামতরাজি বর্ষণ করবেন। আর যখন তিনি কোন বান্দাকে আখিরাতে ক্ষমা করবেন, তিনি তাকে আগুন থেকে মুক্তি দেবেন ও জান্নাতে প্রবেশ করাবেন।

ছয়. এ হাদিসে আল্লাহর ‘ভালোবাসা’ গুণটি প্রমাণিত হয়, যেভাবে তার জন্য ভালোবাসা গুণটি উপযোগী। আর তিনি ক্ষমা করা ভালোবাসেন।

সাত. মানুষদের ক্ষমা করার ফযিলত, কারণ আল্লাহ ক্ষমা করা পছন্দ করেন, অনুরূপ যারা মানুষদের ক্ষমা করে তাদের তিনি পছন্দ করেন।

আট. নবী সাল্লাল্লাহু আলাইহি ওয়াসাল্লাম নিজ উম্মতের কল্যাণ কামনা করেন ও তাদেরকে উপকারী বিষয় শিক্ষা দেন।

<sup>458</sup> তিরমিযি: (৩৫১৩), ইবন মাজার: (৩৮৫০), নাসায়ি ফিল কুবরা: (১০৭০৮), আহমদ: (৬/১৭১), হাকেম হাদিসটি সহিহ বলেছেন, এবং বলেছেন: বুখারি ও মুসলিমের শর্ত মোতাবেক: (১/৭১২)

ইসলামিক আলো

[www.islamicalo.com](http://www.islamicalo.com)

# ইসলামিক আলো

## ৫০. ইতিকারকারীর সাথে সাক্ষাত

সাফিয়াহ বিনতে হুইয়াই থেকে বর্ণিত, তিনি বলেন: রাসূলুল্লাহ সাল্লাল্লাহু আলাইহি ওয়াসাল্লাম ইতিকারফে ছিলেন, আমি রাতে তাঁর সাক্ষাতের জন্য আসি। আমি তার সাথে কথা বলি, অতঃপর রওয়ানা দেই ও ঘুরে দাঁড়াই, তিনি আমাকে এগিয়ে দেয়ার জন্য দাঁড়ালেন। তার ঘর ছিল উসামা ইব্ন যায়েদের বাড়িতে। ইত্যবসরে দু'জন আনসার অতিক্রম করল, তারা নবী সাল্লাল্লাহু আলাইহি ওয়াসাল্লামকে দেখে দ্রুত চলল, নবী সাল্লাল্লাহু আলাইহি ওয়াসাল্লাম তাদের বললেন: থাম, এ হচ্ছে সাফিয়াহ বিনতে হুইয়াই। তারা আশ্চর্য হল: সুবহানাল্লাহ হে আল্লাহ রাসূল! তিনি বললেন: নিশ্চয় শয়তান মানুষের রক্তের শিরায় বিচরণ করে, আমি আশঙ্কা করছি, সে তোমাদের অন্তরে কুমন্ত্রণা দিতে পারে।<sup>459</sup> বুখারি ও মুসলিম।

আলি ইব্ন হাসান রাদিয়াল্লাহু আনহুমা বলেন: নবী সাল্লাল্লাহু আলাইহি ওয়াসাল্লাম মসজিদে ছিলেন, তার নিকট তার স্ত্রীগণ উপবিষ্ট ছিল, অতঃপর তারা চলে গেল। তিনি সাফিয়াহ বিনতে হুইয়াইকে বললেন: দ্রুত কর না, যতক্ষণ না আমি তোমার সাথে চলি। সাফিয়াহর ঘর ছিল উসামার বাড়িতে। নবী সাল্লাল্লাহু আলাইহি ওয়াসাল্লাম তার সাথে বের হলেন, তার সাথে দু'জন আনসারের সাক্ষাত হল, তারা নবীকে দেখল, অতঃপর দ্রুত চলল। তিনি তাদের দু'জনকে বললেন: এ হচ্ছে সাফিয়াহ বিনতে হুইয়াই। তারা বলল: সুবহানাল্লাহ! হে আল্লাহর রাসূল! তিনি বললেন: নিশ্চয় শয়তান মানুষের রক্তের শিরায় বিচরণ করে, আমি আশঙ্কা করছি, সে তোমাদের অন্তরে কিছু সৃষ্টি করতে পারে।<sup>460</sup>

### শিক্ষা ও মাসায়েল:

এক. এ হাদিসে উম্মতের উপর নবী সাল্লাল্লাহু আলাইহি ওয়াসাল্লামের দয়া, তাদের স্বার্থ রক্ষা করা ও তাদেরকে সঠিক নির্দেশনা দেয়ার প্রমাণ মিলে, যাতে রয়েছে তাদের আত্মা ও অন্তরের পরিশুদ্ধতা। কারণ নবী সাল্লাল্লাহু আলাইহি ওয়াসাল্লাম আশঙ্কা করেছেন যে, শয়তান তাদের অন্তরে তার সম্পর্কে খারাপ ধারণা সৃষ্টি করতে পারে, আর নবীদের সম্পর্কে খারাপ ধারণা কুফর, তাই তিনি তাদের সতর্ক করলেন।<sup>461</sup> ইমাম শাফে'ঈ রহ. বলেন: "তিনি তাদেরকে এ জন্য বলেছেন, কারণ তিনি তাদের উপর কুফরির আশঙ্কা করেছেন, যদি তারা তাঁর সম্পর্কে কু-ধারণা করত, তাই তাদের অন্তরে শয়তানের কুমন্ত্রণা সঞ্চার করার পূর্বে, যা তাদের ধ্বংসের কারণ ছিল, তিনি দ্রুত জানিয়ে দিয়ে তাদের হিতকামনা করলেন।

<sup>459</sup> বুখারি: (৩১০৭), মুসলিম: (২১৭৫), দ্বিতীয় বর্ণনা বুখারি: (২৯৩৪) ও মুসলিমের: (২১৭৫)

<sup>460</sup> বুখারি: (২০৩৮), মুসলিম: (২১৭৫)

<sup>461</sup> শারহুন নববী: (১৪/৫৬)

# ইসলামিক আলো

দুই. ইতিকারকারীর সাথে সাক্ষাত করা বৈধ, মসজিদে স্ত্রী তার স্বামীর সাথে সাক্ষাত ও কথা বলতে পারবে রাত-দিন যে কোন সময়, এতে ইতিকারকারীর ক্ষতি হবে না। তবে অতিরিক্ত গমনাগমন ইবাদতে বিঘ্ন সৃষ্টি করে, কখনো ইতিকারকারী বিনষ্টকারী কর্মে লিপ্ত করে, তাই তা থেকে বিরত থাকা জরুরী।

তিন. মুসলিমদের উচিত অপবাদ ও সন্দেহের স্থান থেকে দূরে থাকা, যখন খারাপ ধারণার আশঙ্কা হয় স্পষ্ট করে দিবে যেন তা দূরীভূত হয়ে যায়। বিশেষ করে অনুসরণীয় আলেম ও নেককার লোকদের বিষয়, তাদের এমন কাজ করা বৈধ নয় যা মানুষের অন্তরে সন্দেহের জন্ম দেয়। অনুরূপ বিচারকের বিচার ব্যাখ্যা করে দেয়া উচিত, যদি বিবাদীর নিকট তার কারণ অস্পষ্ট থাকে ও পক্ষপাত তুষ্টির ধারণা জন্মায়।

চার. শয়তান ও তার ষড়যন্ত্র থেকে সতর্ক থাকা ওয়াজিব, কারণ সে বনি আদমের রক্তের শিরায় বিচরণ করে।

পাঁচ. আশ্চর্য হয়ে সুবহানাল্লাহ বলা বৈধ। যেমন আয়েশা রাদিয়াল্লাহু আনহা ওপর অপবাদের ঘটনায় আছে:

( سُبْحَانَكَ هَذَا بُهْتَنٌ عَظِيمٌ ) [النور: 16]

“তুমি অতি পবিত্র মহান, এটা এক গুরুতর অপবাদ”<sup>462</sup>

ছয়. ইতিকারকারীর বৈধ কাজে লিপ্ত হওয়া জায়েয। যেমন সাক্ষাতকারীকে উৎসাহ দেয়া, তার সাথে দাঁড়ানো ও তার সাথে কথা বলা, তবে অতিরিক্ত না করা।

সাত. ইতিকারকারীর পাঠ দান করা, শিক্ষণীয় প্রোগ্রামে অংশ গ্রহণ করা ও দ্বীনি বিষয় লেখা বৈধ, তবে বেশি পরিমাণে নয়, কারণ ইতিকারকারীর উদ্দেশ্য হচ্ছে শুধু ইবাদতের জন্য অবসর হওয়া।

আট. ইতিকারকারী প্রয়োজনীয় দ্রব্যাদি ক্রয় করতে পারবে, যেমন খাবার ইত্যাদি।

নয়. স্ত্রীর সাথে ইতিকারকারী নির্জনে মিলিত হতে পারবে, তবে স্ত্রীগমন থেকে সতর্ক থাকবে।

দশ. নিরাপত্তা থাকলে নারীদের রাতে বের হওয়া বৈধ।

এগারো. যার সাথে তার স্ত্রী রয়েছে, তাকে সালাম দেয়া বৈধ, কারণ কতক বর্ণনায় এসেছে তারা উভয়ে নবী সাল্লাল্লাহু আলাইহি ওয়াসাল্লামকে সালাম করেছিল, তিনি তাদের বিরত করেন নি।

বারো. যদি ব্যক্তির সাথে স্ত্রী বা মাহরাম থাকে, সে যে কাউকে সম্বোধন করতে পারবে, বিশেষ করে যদি তার প্রয়োজন হয়, কোন হুকুম বর্ণনা করা অথবা কোন অনিষ্ট দূর করা ইত্যাদি, এটা রুচি বিরোধী নয়।

তেরো. কথা বা কোন মাধ্যমে ইতিকারকারী নিজের ওপর খারাপ ধারণা দূর করতে পারবে, অনুরূপ সে হাতের দ্বারা কষ্ট দূর করতে পারবে, যদি কেউ তার উপর সীমালঙ্ঘন করতে চায়। ইতিকারকারী মুসল্লির চেয়ে বেশী নয়, মুসল্লির জন্য বৈধ তার সামনে দিয়ে অতিক্রমকারীকে বাঁধা দেয়া, অনুরূপ ইতিকারকারী সে ব্যক্তিকে বারণ করতে পারবে, যে তার উপর সীমালঙ্ঘন করে, এ জন্য তার ইতিকার নষ্ট হবে না।

চৌদ্দ. একান্ত প্রয়োজন না হলে ধীরে কাজ করা ও দ্রুততা পরিহার করা, কারণ নবী সাল্লাল্লাহু আলাইহি ওয়াসাল্লাম তাদেরকে বলেছেন: **عَلَى رِسَالِكُمْ** “তোমরা ধীরে চল”।

<sup>462</sup> সূরা নূর: (১৬)



# ইসলামিক আলো

পনের. নবী সাল্লাল্লাহু আলাইহি ওয়াসাল্লাম স্ত্রীদের মাঝে ইনসাফ করতেন। কেননা তাঁর স্ত্রীগণ তার ইতিকাফে তাকে দেখতে এসেছেন, যখন তারা যাওয়ার ইচ্ছা করেন, তিনি সাফিয়াহকে বললেন: তাড়াছড়ো করোনা। সাফিয়াহকে থাকার নির্দেশের কারণ সম্ভবত সে অন্যদের চেয়ে দেরীতে এসেছে, তাই তাকে দেরীতে যেতে বলেছেন, যেন তার নিকট অবস্থানের সময় সবার সমান হয়, অথবা তার বাড়ি অন্য স্ত্রীদের বাড়ি থেকে দূরে ছিল, তাই নবী সাল্লাল্লাহু আলাইহি ওয়াসাল্লাম তার ব্যাপারে আশঙ্কা করেছেন। মুসলিমদের উচিত অনুরূপভাবে স্ত্রীদের মাঝে সমতা রক্ষা করা ও তাদের প্রতি যত্নশীল থাকা।

# ইসলামিক আলো

## ৫১. সাতাশে লাইলাতুল কদর অন্বেষণ করা

যির ইব্ন হুবাইশ রহ. বলেন: “আমি উবাই ইব্ন কা’বকে জিজ্ঞাসা করে বলি: তোমার ভাই ইব্ন মাসউদ বলেন: যে ব্যক্তি সারা বছর রাতে কিয়াম করবে সে লাইলাতুল কদর লাভ করবে। তিনি বললেন: আল্লাহ তার ওপর রহম করুন, তার উদ্দেশ্য মানুষ যেন অলস না হয়, অন্যথায় তিনি ভাল করে জানেন যে, লাইলাতুল কদর রমযানে, বিশেষ করে শেষ দশকে, বরং সাতাশে। অতঃপর তিনি শপথ করে বলেন, এতে সন্দেহ নেই লাইলাতুল কদর সাতাশে। আমি বললাম: আপনি তা কিভাবে বলেন, হে আবু আব্দুর রহমান, তিনি বললেন: নিদর্শন দেখে অথবা রাসূলের বাতলানো আলামত দেখে:

«لَيْلَتُهَا تَطْلُعُ يَوْمُئِذٍ لَا شُعَاعَ لَهَا»

সেদিন সূর্য উদিত হবে যে, তার কিরণ থাকবে না”।<sup>463</sup> ইমাম আহমদের এক বর্ণনায় আছে:

«لَنْ الشَّمْسُ تَطْلُعَ غَدَاةً إِذْكَ تَطْلُعُ سُنَّةٌ لَيْسَ لَهَا شُعَاعٌ»

“সেদিন সকালে সূর্য উদিত হবে, যেন তা গামলা, যার কোন আলো নেই”।<sup>464</sup>

তিরমিযির এক বর্ণনায় আছে, উবাই বলেছেন: “আল্লাহর শপথ ইব্ন মাসউদ নিশ্চিত জানে যে, লাইলাতুল রমযানে, এবং তা সাতাশে, কিন্তু তিনি তোমাদেরকে সংবাদ দিতে চাননি, যেন তোমরা অলস বসে না থাক”।<sup>465</sup>

মুয়াবিয়া রাদিয়াল্লাহু আনহু থেকে বর্ণিত, নবী সাল্লাল্লাহু আলাইহি ওয়াসাল্লাম বলেছেন:

«لَيْلَةُ الْقُرْآنِ لَيْلَتُهَا عِشْرِينَ» رواه أبو داود.

“লাইলাতুল কদর হচ্ছে সাতাশের রাত”।<sup>466</sup>

আব্দুল্লাহ ইব্ন আব্বাস রাদিয়াল্লাহু আনহু বলেন: এক ব্যক্তি নবী সাল্লাল্লাহু আলাইহি ওয়াসাল্লামের নিকট এসে জিজ্ঞাসা করে হে আল্লাহর নবী, আমি খুব বৃদ্ধ ও অসুস্থ লোক, আমার দ্বারা দাঁড়িয়ে থাকা খুব কঠিন, অতএব আমাকে এমন এক রাতের কথা বলুন, যেন সে রাতে আল্লাহ আমাকে লাইলাতুল কদর দান করেন, তিনি বললেন: তোমার উচিত সাতাশ আঁকড়ে ধরা”।<sup>467</sup>

<sup>463</sup> মুসলিম: (৭৬২), আবু দাউদ: (১৩৭৮), তিরমিযি: (৩৩৫১), আহমদ: (৫/১৩০)

<sup>464</sup> আহমদ: (৫/১৩০), ইব্ন হিব্বান এ হাদিস সহিহ বলেছেন, হাদিস নং: (৩৬৯০)

<sup>465</sup> তিরমিযি: (৭৯৩), তিনি হাদিসটি হাসান ও সহিহ বলেছেন।

<sup>466</sup> আবু দাউদ: (১৩৮৬), ইব্ন হিব্বান: (৩৬৮০), আলবানি তা সহিহ বলেছেন।

<sup>467</sup> আহমদ: (১/২৪০), বায়হাকি: (৪/৩১২), তাবরানি ফিল কাবির: (১১/৩১১), হাদিস নং: (১১৮৩৬), হায়সামি ফি মাজমাউয যাওয়ায়েদ: (৩/১৭৬) গ্রন্থে বলেন: হাদিসটি ইমাম আহমদ বর্ণনা করেছেন, এর সকল বর্ণনাকারী সহিহ গ্রন্থের বর্ণনাকারী। শায়খ আহমদ শাকের হাদিসটি সহিহ বলেছেন, (২১৪৯)।

# ইসলামিক আলো

## শিক্ষা ও মাসায়েল:

এক. আমাদের পূর্বসূরিগণ কল্যাণের প্রতি আগ্রহী ছিলেন, তারা ইবাদতে মগ্ন থাকার জন্য ফযিলতপূর্ণ সময় অনুসন্ধান করতেন।

দুই. কারণবশত কোন বিষয় না বলা আলেমের জন্য বৈধ, যেমন মানুষের অলসতা ও নেক আমলে ত্রুটির সম্ভাবনা ইত্যাদি।

তিন. নিশ্চিত জ্ঞান বা প্রবল ধারণার ওপর কসম করা বৈধ।

চার. কিরণহীন সাদা-উজ্জ্বলতা নিয়ে সকালে সূর্যের উদয় হওয়া, লাইলাতুল কদরের আলামত।

পাঁচ. মুসলিমদের উচিত ফযিলতপূর্ণ মৌসুমের জন্য নিজেকে প্রস্তুত করা, যেমন লাইলাতুল কদর অশেষণে রমযানের শেষ দশক, যেন অল্প আমলে তার অধিক কল্যাণ অর্জন হয়।

ছয়. আলেমদের বিশুদ্ধ মত হচ্ছে: লাইলাতুল কদর পরিবর্তনশীল, তবে সাতাশের রাত অধিক সম্ভাবনাময়, যেমন উবাই ইব্ন কাব শপথ করে বলেছেন।

সাত. নবী সাল্লাল্লাহু আলাইহি ওয়াসাল্লামের বৃদ্ধ লোককে লাইলাতুল কদর সাতাশে বলা অন্যান্য হাদিসের পরিপন্থী নয়, যেখানে অন্যরাতে লাইলাতুল কদর বলা হয়েছে, কারণ নবী সাল্লাল্লাহু আলাইহি ওয়াসাল্লাম তাকে সে বছরের কথা বলেছেন, যে বছর সে জিজ্ঞাসা করেছে। লাইলাতুল কদর সম্পর্কে সব হাদিসের মধ্যে সমতা রক্ষার জন্য এ ব্যাখ্যার বিকল্প ব্যাখ্যা নেই।

# ইসলামিক আলো

## ৫২. রোযার জন্য জাম্মাতের একটি দরজা

সাহাল ইব্ন সাদ থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেন:

«فِي الْجَنَّةِ بَابٌ يُدْعَى الرَّيَّانُ لَا يَدْخُلُ إِلَّا الصَّائِمُونَ»

“জাম্মাতে আটটি দরজা, তাতে একটি দরজাকে “রাইয়ান” বলা হয়, তা দিয়ে রোযাদার ব্যতীত কেউ প্রবেশ করবে না”।<sup>468</sup>

বুখারির বর্ণিত শব্দে হাদিসটি এসেছে এভাবে:

«إِنَّ فِي الْجَنَّةِ بَابًا يُقَالُ لَهُ الرَّيَّانُ يَدْخُلُ مِنْهُ الصَّائِمُونَ يَوْمَ الْقِيَامَةِ لَا يَدْخُلُ مِنْهُ أَحَدٌ غَيْرُهُمْ، يُقَالُ: يَا بَنَ الصَّائِمِينَ؟ فَيَقُولُونَ، لَا يَدْخُلُ مِنْهُ أَحَدٌ غَيْرُهُمْ، فَإِذَا دَخَلُوا أُغْلِقَ فَلَمْ يَدْخُلْ مِنْهُ أَحَدٌ».

“নিশ্চয় জাম্মাতে একটি দরজা আছে, যাকে বলা হয় রাইয়ান, কিয়ামতের দিন তা দিয়ে রোযাদার প্রবেশ করবে, তাদের ব্যতীত কেউ সেখান থেকে প্রবেশ করবে না। বলা হবে: রোযাদারগণ কোথায়? ফলে তারা দাঁড়াবে, তাদের ব্যতীত কেউ তা দিয়ে প্রবেশ করবে না, যখন তারা প্রবেশ করবে বন্দ করে দেয়া হবে, অতঃপর কেউ তা দিয়ে কেউ প্রবেশ করবে না”।<sup>469</sup>

তিরমিযির বর্ণিত শব্দ:

«إِنَّ فِي الْجَنَّةِ لِبَابًا يُدْعَى الرَّيَّانُ، يُدْعَى لَهُ الصَّائِمُونَ، فَمَنْ كَانَ مِنَ الصَّائِمِينَ دَخَلَهُ، وَمَنْ دَخَلَهُ لَمْ يَظْمَأْ بَدَأً».

“জাম্মাতে একটি দরজা আছে, যাকে রাইয়ান বলা হয়, তার জন্য রোযাদারদেরকে আহ্বান করা হবে, যে রোযাদারদের অন্তর্ভুক্ত হবে, সে তাতে প্রবেশ করবে, যে তাতে প্রবেশ করবে কখনো পিপাসার্ত হবে না”।<sup>470</sup>

আবু হুরায়রা রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেন:

«مَنْ أَتَقَّ زَوْجَيْنِ فِي سَبِيلِ اللَّهِ نُودِيَ مِنْ أَبْوَابِ الْجَنَّةِ: يَا عَبْدَ اللَّهِ: هَذَا خَيْرٌ، فَمَنْ كَانَ مِنْ أَهْلِ الصَّلَاةِ دُعِيَ مِنْ بَابِ الصَّلَاةِ، وَمَنْ كَانَ مِنْ أَهْلِ الْجِهَادِ دُعِيَ مِنْ بَابِ الْجِهَادِ، وَمَنْ كَانَ مِنْ أَهْلِ الصِّيَامِ دُعِيَ مِنْ بَابِ الرَّيَّانِ، وَمَنْ كَانَ مِنْ أَهْلِ الصَّدَقَةِ دُعِيَ مِنْ بَابِ الصَّدَقَةِ، فَقَالَ أَبُو بَكْرٍ: يَا أَبِیْ وَأُمِّیْ يَا رَسُولَ اللَّهِ، مَا عَلَى مَنْ دُعِيَ مِنْ تِلْكَ الْأَبْوَابِ مِنْ ضَرُورَةٍ فَهَلْ يُدْعَى أَحَدٌ مِنْ تِلْكَ الْأَبْوَابِ كُلِّهَا؟ قَالَ: نَعَمْ، وَأَرْجُو أَنْ تَكُونَ مِنْهُمْ» رواه الشيخان.

“আল্লাহর রাস্তায় যে দুটি জিনিস খরচ করল, তাকে জাম্মাতের দরজাসমূহ থেকে ডাকা হবে: হে আব্দুল্লাহ, এটা কল্যাণ। যে সালাত আদায়কারী তাকে সালাতের দরজা থেকে ডাকা হবে। যে মুজাহিদ তাকে জিহাদের দরজা থেকে ডাকা হবে। যে রোযাদার তাকে রাইয়ান দরজা থেকে ডাকা হবে। যে দানশীল তাকে সদকার দরজা থেকে ডাকা হবে। আবু বকর রাদিয়াল্লাহু আনহু বললেন: হে আল্লাহর রাসূল, আমার মাথা-পিতা আপনার উপর উৎসর্গ। যাকে এক দরজা থেকে ডাকা হবে না, তার বিষয়টি পরিষ্কার, কিন্তু কাউকে কি সকল দরজা থেকে ডাকা হবে? তিনি বললেন: হ্যাঁ, আমি আশা করছি তুমি তাদের অন্তর্ভুক্ত”।<sup>471</sup> বুখারি ও মুসলিমের অন্য শব্দে এসেছে:

<sup>468</sup> বুখারি: (৩০৮৪), মুসলিম: (১১৫৫), তিরমিযি: (৭৬৫), নাসায়ি: (৪/১৬৮), ইব্ন মাজাহ: (১৬৪০), আহমদ: (৫/৩৩৫)

<sup>469</sup> বুখারি: (১৭৯৭)

<sup>470</sup> তিরমিযি: (৭৬৫), তিনি বলেছেন: হাসান-সহিহ-গরিব।

<sup>471</sup> বুখারি: (১৭৯৮), মুসলিম: (১০২৭)

# ইসলামিক আলো

«دَعَاهُ خَزَنَةُ الْجَنَّةِ، كُلُّ خَزَنَةٍ بَابٍ: أَيُّ فُلٍّ، هَلَامٌ».

“জান্নাতের প্রহরী তাকে ডাকবে, প্রত্যেক দরজার প্রহরী বলবে: হে অমুক, আস”।<sup>472</sup>

ইমাম আহমাদের বর্ণিত শব্দ:

«لِكُلِّ أَهْلٍ عَمَلٍ بَابٌ مِنْ أَبْوَابِ الْجَنَّةِ يُدْعَوْنَ بِتِلْكَ الْعَمَلِ، وَلَا هَلَّ الصَّيَامِ بَابٌ يُدْعَوْنَ مِنْهُ، يُقَالُ لَهُ: الرَّيَّانُ، فَقَالَ أَبُو بَكْرٍ: يَا رَسُولَ اللَّهِ، هَلْ أَحَدٌ يُدْعَى مِنْ تِلْكَ الْأَبْوَابِ كُلِّهَا؟ قَالَ: نَعَمْ، وَأَرْجُو أَنْ تَكُونَ مِنْهُمْ يَا أَبَا بَكْرٍ».

“প্রত্যেক আমলের লোকের জন্য জান্নাতে একটি করে দরজা আছে, তাদেরকে সে আমল দ্বারা ডাকা হবে। রোযাদারদের একটি দরজা রয়েছে, তাদেরকে সেখান থেকে ডাকা হবে, যাকে বলা হয় রাইয়ান। আবু বকর রাদিয়াল্লাহু আনহু বললেন: হে আল্লাহর রাসূল, কেউ কি সব দরজা থেকে ডাকা হবে? তিনি বললেন: হ্যাঁ, আমি আশা করছি তুমি তাদের অন্তর্ভুক্ত হে আবু বকর”।<sup>473</sup>

আবু বকর রাদিয়াল্লাহু আনহু উদ্দেশ্য, যাকে জান্নাতের এক দরজা দিয়ে ডাকা হল, তার জন্য এটাই যথেষ্ট, প্রত্যেক দরজা থেকে ডাকার প্রয়োজন নেই। কারণ মূল উদ্দেশ্য জান্নাতে প্রবেশ করা, যা এক দরজা দিয়ে সম্পন্ন হয়। তারপরও কাউকে কি সব দরজা থেকে ডাকা হবে? নবী সাল্লাল্লাহু আলাইহি ওয়াসাল্লাম তাকে হ্যাঁ বলে উত্তর দিলেন।

## শিক্ষা ও মাসায়েল:

এক. রোযার ফযিলত যে, তার জন্য জান্নাতের আটটি দরজা থেকে একটি নির্দিষ্ট করা হয়েছে।

দুই. “বাবে রাইয়ান” জান্নাতের একটি দরজার নাম। “রাইয়ান” الرَّيَّان শব্দটি الرَّيِّ ধাতু থেকে নেয়া, যা পিপাসার বিপরীত, রোযাদার যেহেতু নিজেকে পানি থেকে বিরত রাখে, যা মানুষের খুব প্রয়োজন, সেহেতু তার যথাযথ প্রতিদান হিসেবে আখিরাতে তাকে পান করানো হবে, যারপর কখনো সে তৃষ্ণার্ত হবে না।

তিন. হাদিসে উল্লেখিত ইবাদত: সালাত, জিহাদ, সিয়াম ও সদকা জান্নাতের এক একটি দরজা। প্রত্যেক দরজা তার আমলকারীর জন্য খাস থাকবে, এখানে উদ্দেশ্য যার যে আমল বেশী তার জন্য সে দরজা বরাদ্দ।

চার. জান্নাতের দরজায় ফেরেশতাদের থেকে প্রহরী নিযুক্ত রয়েছে, তারা প্রত্যেক আমলকারীকে তার আমল অনুসারে তার জন্য নির্দিষ্ট দরজা থেকে ডাকবে, এ থেকে প্রমাণ হয় যে, ফেরেশতারা নেককার আদম সন্তানদের মহব্বত করে ও তাদের কারণে খুশি হয়।<sup>474</sup>

পাঁচ. আবু বকর রাদিয়াল্লাহু আনহু ফযিলত যে, তাকে প্রত্যেক দরজা থেকে ডাকা হবে, কারণ সে প্রত্যেক আমল করত। আবু বকরের ব্যাপারে নবী সাল্লাল্লাহু আলাইহি ওয়াসাল্লামের আশা অবশ্যই সত্যে পরিণত হবে। ইব্ন

<sup>472</sup> বুখারি: (২৬৮৬), মুসলিম: (১০২৭)

<sup>473</sup> মুসনাদে আহমদ: (২/৪৪৯)

<sup>474</sup> ফাতহুল বারি: (৭/২৯)

# ইসলামিক আলো

আব্বাস রাদিয়াল্লাহু আনহুর হাদিসে এসেছে, আবু বকরকে প্রত্যেক দরজা থেকে ডাকা হবে, বরং জান্নাতের প্রত্যেক গলি ও ঘর থেকে ডাকা হবে।<sup>475</sup>

হয়. হাদিস থেকে বুঝে আসে, যাদেরকে সব দরজা থেকে ডাকা হবে, তাদের সংখ্যা খুব কম।<sup>476</sup>

সাত. হাদিস থেকে আরো বুঝে আসে যে, এখানে উদ্দেশ্য নফল আমল, ওয়াজিব নয়, কারণ ওয়াজিব আদায়কারীর সংখ্যা প্রচুর হবে, তবে তাদের সংখ্যা খুব কম হবে, যাদের আমলনামায় অধিকহারে সবপ্রকার আমল থাকবে এবং যাদেরকে জান্নাতের সবদরজা থেকে ডাকা হবে।<sup>477</sup>

আট. সামনে মানুষের প্রশংসা করা বৈধ, যদি তার উপর গর্ব ইত্যাদির আশঙ্কা না থাকে।<sup>478</sup>

নয়. যে সব আমল করে ও নিয়মিত করে, তাকে জান্নাতের সব দরজা থেকে ডাকা হবে, এটা তার প্রতি সম্মান ও ইজ্জত প্রদর্শন স্বরূপ, তবে সে প্রবেশ করবে এক দরজা দিয়ে।

দশ. সাধারণত প্রত্যেক প্রকার নেক আমলের তওফিক একজন মানুষের হয় না, যার এক আমলের তাওফিক হয়, তার থেকে অপর আমল থেকে ছুটে যায়, এটাই স্বাভাবিক। খুব কম লোকের তওফিক হয় প্রত্যেক প্রকার আমল করা, আর সে কন্মের অন্তর্ভুক্ত আবু বকর।<sup>479</sup>

এগার. যার যে আমল বেশি, সে আমল দ্বারা সে প্রসিদ্ধি লাভ করে ও সে আমলের সাথে তাকে সম্পৃক্ত করা হয়, দেখুন নবী সাল্লাল্লাহু আলাইহি ওয়াসাল্লামের বাণী: “যে সালাত আদায়কারীদের দলভুক্ত হবে।” তার উদ্দেশ্য যার যে আমল বেশী, তাকে সে আমল দ্বারা ডাকা হবে, কারণ সব মুসলিম সালাত আদায় করে।<sup>480</sup>

---

<sup>475</sup> সহিহ ইব্ন হিব্বান: (৬৮৬৭), ইব্ন আব্বাসের হাদিসে দুর্বলতা রয়েছে, কিন্তু হায়সামি তাকে শক্তিশালী বলেছেন, মাজমাউয় ফাওয়ায়েদ: (৯/৪৬)

<sup>476</sup> ফাতহুল বারি: (৭/২৮)

<sup>477</sup> ফাতহুল বারি: ৭/২৮-২৯)

<sup>478</sup> শারহুন নববী আলা মুসলিম: (৭/১১৭)

<sup>479</sup> আত-তামহিদ: (৭/১৮৪-১৮৫)

<sup>480</sup> আত-তামহিদ: (৭/১৮৫)

# ইসলামিক আলো

## ৫৩. যে ইতিকার করার মানত করেছে

ওমর রাদিয়াল্লাহু আনহু থেকে বর্ণিত, তিনি বলেন: “হে আল্লাহর রাসূল, আমি জাহেলি যুগে মানত করেছি, একরাত মসজিদে হারামে ইতিকার করব। নবী সাল্লাল্লাহু আলাইহি ওয়াসাল্লাম তাকে বললেন: তুমি তোমার মানত পূর্ণ কর, অতঃপর তিনি একরাত ইতিকার করেন”। বুখারি ও মুসলিম।

মুসলিমের এক বর্ণনায় রয়েছে, ওমর রাদিয়াল্লাহু আনহু রাসূলুল্লাহ সাল্লাল্লাহু আলাইহি ওয়াসাল্লামকে জিজ্ঞাসা করেছেন “জিইরানা” নামক স্থানে, তায়েফ থেকে ফিরে। তিনি বলেন: হে আল্লাহর রাসূল, আমি জাহেলি যুগে মানত করেছি মসজিদে হারামে একরাত ইতিকার করব, আপনার সিদ্ধান্ত কি? তিনি বললেন: যাও, একদিন ইতিকার কর”।<sup>481</sup>

অপর বর্ণনায় রয়েছে, “আমি যখন ইসলাম গ্রহণ করেছি, নবী সাল্লাল্লাহু আলাইহি ওয়াসাল্লামকে এ সম্পর্কে জিজ্ঞাসা করেছি, তিনি বলেছেন: তুমি তোমার মানত পূর্ণ কর”।<sup>482</sup>

### শিক্ষা ও মাসায়েল:

এক. জাহেলি যুগে ইতিকার ও মানত প্রচলিত ছিল।

দুই. ইসলাম পূর্বের মানত ইসলাম গ্রহণ করার পর পূর্ণ করা বৈধ, কেউ তা পূর্ণ করা ওয়াজিব বলেছেন।

তিন. ওমর রাদিয়াল্লাহু আনহুর জাহেলি যুগের মানত থেকে দায় মুক্ত হওয়ার আগ্রহ, এটা তার তাকওয়া ও পরহেযগারি প্রমাণ করে।

চার. ওয়াদা পূর্ণ করার গুরুত্ব, কখনো তার খেলাফ করা বৈধ নয়। নবী সাল্লাল্লাহু আলাইহি ওয়াসাল্লাম ওমরকে তা পূর্ণ করার নির্দেশ দিয়েছেন, অথচ তা জাহেলি যুগের ওয়াদা ছিল।<sup>483</sup>

পাঁচ. এ হাদিস থেকে প্রমাণিত হয় যে, একদিন অথবা একরাত ইতিকার করা বৈধ।

ছয়. এ হাদিস তাদের দলিল, যারা বলে সওম ব্যতীত ইতিকার বৈধ, কারণ রাত সওমের স্থান নয়।<sup>484</sup>

<sup>481</sup> বুখারি : (১৯৩৭), মুসলিম : (১৬৫৬)

<sup>482</sup> বায্‌যার : (১৪০), বায্‌হাকি : (১০/৭৬৩)

<sup>483</sup> শরহ ইবন বাত্তাল : (৪/১৬৮)

<sup>484</sup> ইতিকারে যারা সওম শর্ত বলেন, তাদের মধ্যে ইবন ওমর, ইবন আব্বাস, মালেক, শাবি, আওয়াযি, সাওরি, আহনাফ এবং এটা আহমদের এক ফাতওয়া। ইমাম কুরতুবি ও ইবনুল কায়িম এ অভিমতকে শক্তিশালী করেছেন। আর যারা বলেছেন ইতিকারে সওমের শর্ত করা না হলে, সওম জরুরী নয়, তাদের মধ্যে আলি, ইবন মাসউদ, হাসান বসরি, আতা ইবন আবি রাবাহ, ওমর ইবনু আব্দুল আযিয ও ইবন উসাইমিন রয়েছেন। লাজনায়ে দায়েমার ফাতওয়া এর উপর। দেখুন: আল-ইস্তেযকার: (১০/২৯১-২৯৩), তাহযিবুস সুনান: (৭/১০৫-১০৯), শারহুন নববী: (১১/১২৪-১২৬), আল-মুফহিম: (৪/২৪১), শারহ ইবনুল মুলাক্কিন আলাল উমদাহ: (৫/৪৪৬), তুহফাতুল আহওয়াযি: (১৫/১১৯), আল-ইফহাম ফি শারহি বুলুগুল মারাম: (১/৩৭২), শারহুল মুমতি: (৬/৫০৬-৫০৭), ফাতওয়া লাজনায়ে দায়েমা: (৬৭১৮)

# ইসলামিক আলো

সাত. যারা বলেছেন সওম ব্যতীত ইতিকার শুদ্ধ, আলেমদের দু'ধরনের বক্তব্য থেকে তাদের কথা সঠিক। এ কারণে রোগী ইতিকার করতে পারবে, যে রোগের জন্য সওম ভঙ্গ করছে"।<sup>485</sup>

আট. অজানা বিষয় আলেমদের নিকট জিজ্ঞাসা করা, যেমন ওমর রাদিয়াল্লাহু আনহু তার মানত সম্পর্কে রাসূলুল্লাহ সাল্লাল্লাহু আলাইহি ওয়াসাল্লামকে জিজ্ঞাসা করেছেন। অনুরূপ যাকে প্রশ্ন করা হয়, তার ওয়াজিব বলা, গোপন না করা।<sup>486</sup>

নয়. কেউ যদি তিনটি মসজিদ ব্যতীত অন্য কোথাও ইতিকারের মানত করে, আর সেখানে পৌঁছতে দীর্ঘ সফরের প্রয়োজন হয়, তাহলে সে মানত পূর্ণ জায়েয নয়। কারণ নবী সাল্লাল্লাহু আলাইহি ওয়াসাল্লাম বলেছেন: "তিনটি মসজিদ ব্যতীত সফর করা যাবে না"। তবে যদি সফরের প্রয়োজন না হলে জায়েয আছে।<sup>487</sup>

---

<sup>485</sup> দেখুন: শারহুল মুমতি: (৬/৫০৭)

<sup>486</sup> শারহু ইবনুল মুলাক্কিন আলাল উমদাহ: (৫/৪৪৬)

<sup>487</sup> ফাতাওয়া সাদিয়া : (২৩১-২৩২)



# ইসলামিক আলো

## ৫৪. মৃত্যু ব্যক্তির পক্ষ থেকে সওম পালন করা

আয়েশা রাদিয়াল্লাহু আনহা থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«مَنْ مَاتَ وَعَلَيْهِ صِيَامٌ عَنْهُ وَلِيُّهُ» متفق عليه.

“যে মারা গেল, অথচ তার সিয়াম রয়েছে, তার অভিভাবক তার পক্ষ থেকে সওম রাখবে”।<sup>488</sup>

ইবন আব্বাস রাদিয়াল্লাহু আনহু বলেন:

«جَاءَ رَجُلٌ إِلَى النَّبِيِّ فَقَالَ: يَا رَسُولَ اللَّهِ، إِنَّ أُمَّي مَاتَتْ وَعَلَيْهَا صَوْمٌ شَهْرًا فَأَقْضِيهِ عَنْهَا؟ فَقَالَ عَلَيْهِ الصَّلَاةُ وَالسَّلَامُ: لَوْ كَانَ عَلَى أُمَّكَ دِينَ أَلَكْتَ قَاضِيَهُ عَنْهَا؟ قَالَ: نَعَمْ، قَالَ: فَذِنِ اللَّهَ حَقًّا أَنْ يَقْضَى» رواه الشيخان.

“এক ব্যক্তি নবী সাল্লাল্লাহু আলাইহি ওয়াসাল্লামের নিকট আসল, অতঃপর সে বলল: হে আল্লাহর রাসূল, আমার মা মারা গেছে, তার জিম্মায় এক মাসের রোযা রয়েছে, আমি কি তার পক্ষ থেকে কাযা করব? রাসূলুল্লাহ সাল্লাল্লাহু আলাইহি ওয়াসাল্লাম বললেন: যদি তোমার মায়ের ওপর ঋণ থাকে, তার পক্ষ থেকে তুমি কি তা আদায় করবে? সে বলল: হ্যাঁ। তিনি বললেন: অতএব আল্লাহর ঋণ বেশী হকদার, যা কাযা করা উচিত”। বুখারি ও মুসলিম।

বুখারি ও মুসলিমের অপর বর্ণনায় আছে:

«أَنَّ امْرَأَةً جَاءَتْ إِلَى النَّبِيِّ فَقَالَتْ: يَا رَسُولَ اللَّهِ، إِنَّ أُمَّي مَاتَتْ وَعَلَيْهَا صَوْمٌ نَزَلًا فَأَصُومُ عَنْهَا؟ قَالَ: إِنْ أَرَأَيْتَ لَوْ كَانَ عَلَى أُمَّكَ دِينَ فَقَضَيْتَهُ أَلَكْتَ ذَلِكَ عَنْهَا؟ قَالَتْ: نَعَمْ، قَالَ: فَصُومِي عَنْ أُمَّكَ».

“জনৈক নারী নবী সাল্লাল্লাহু আলাইহি ওয়াসাল্লামের নিকট এসে বলল: হে আল্লাহর রাসূল, আমার মা মারা গেছে, তার উপর মাম্মতের সওম রয়েছে, আমি কি তার পক্ষ থেকে সওম রাখব? তিনি বললেন: তুমি কি মনে কর, তোমার মার ওপর যদি ঋণ থাকে, আর তুমি তা আদায় কর, তাহলে কি যথেষ্ট হবে? সে বলল: হ্যাঁ, তিনি বললেন: তোমার মায়ের পক্ষ থেকে তুমি সওম রাখ”।<sup>489</sup>

<sup>488</sup> বুখারি: (১৮৫১), মুসলিম: (১১৪৭)

<sup>489</sup> বুখারি: (১৮৫২), মুসলিম: (১১৪৮), উভয় হাদিসের শব্দ মুসলিম থেকে নেয়া। ইমাম আহমদের বর্ণনায় আছে: “আমার মা মারা গেছে, তার জিম্মায় রমযানের এক মাস রোযা রয়েছে, আমি তার পক্ষ থেকে তা কি কাযা করব? তিনি বললেন: তুমি কি লক্ষ্য করছ, যদি তার উপর ঋণ থাকত তুমি তা পরিশোধ করতে? সে বলল: হ্যাঁ, তিনি বললেন: অতএব আল্লাহর ঋণ কাযার বেশী দাবি রাখে”। মুসনাদে আহমদ: (১/৩৬২), শায়খ আহমদ শাকের হাদিসটি সহিহ বলেছেন: (৩৪২০), অতঃপর তিনি বলেছেন: “এ হাদিস স্পষ্ট করে যে, রমযানের কাযা সম্পর্কে প্রশ্ন ছিল, কিন্তু হাফেয এ কথা বলেননি, আরো স্পষ্ট যে প্রশ্ন করার ঘটনা কয়েকবার ঘটেছে, একবার মানত সম্পর্কে, একবার রমযান সম্পর্কে, প্রশ্নকারী কখনো ছিল পরুষ, কখনো ছিল নারী”।

আমি (লেখক) বলি: শায়খ শুআইব আরনাউতের তত্ত্বাবধানে মুসনাদে আহমদের যারা তাহকিক করেছেন, তাদের নিকট এ অতিরিক্ত ভুল, অর্থাৎ “রমযান মাস”, যদিও হাতে লেখা কতক মৌলিক কপিতে তা এসেছে, যার ভিত্তিতে তারা মুসনাদের তাহকিক করেছেন। কারণ এসব মৌলিক কপির বর্ধিত অংশ “আতরাফে মুসনাদ” ও “ইতহাফে মাহারাতে” বিদ্যমান হাদিসের বিপরীত, তারা এ বর্ধিত অংশ ব্যতীত হাদিসকে সহিহ বলেছেন: (৩৪২০), এ বর্ধিত অংশের উপর নির্ভর করেছেন শায়খ ইবন বায তার কতক দরসে। স্পষ্ট যে তিনি এ বর্ধিত অংশকে সহিহ মনে করেছেন। যাই হোক হাদিসের ব্যাপকতা রমযানকে শামিল করে, বিশুদ্ধ অভিমত অনুযায়ী মানতের সাথে খাস নয়। অতঃপর আমি হাফেয ইবন হাজারের “ইতহাফে মাহারাহ” দেখি, যা জামেয়া ইসলামিয়াহ মদিনার সংরক্ষিত কপি, সেখানে আমি হাদিসটি দেখি বর্ধিত অংশ ব্যতীত, হাফেয যার তাখরিজ করেছেন ইবন খুযাইমাহ, আবু আওয়ানাহ, ইবন হিব্বান ও দারা কুতনি

# ইসলামিক আলো

বুরাইদা রাদিয়াল্লাহু আনহু থেকে বর্ণিত, তিনি বলেন:

«بَيْنَا أَنَا جَالِسٌ عِنْدَ رَسُولِ اللَّهِ إِذْ أَتَتْهُ امْرَأَةٌ فَقَالَتْ: إِنِّي تَصَدَّقْتُ عَلَى أُمِّي بِجَارِيَةٍ وَإِنِّي مَاتْتُ. قَالَ: فَقَالَ: وَجَبَ أَجْرُكِ وَرَدَّهَا عَلَيْكَ الْمِيرَاثُ، قَالَتْ: يَا رَسُولَ اللَّهِ، إِنَّهُ كَانَ عَلَيْهَا صَوْمُهَا أَفَأَصُومُ عَنْهَا؟ قَالَ: صُومِي عَنْهَا، قَالَتْ: إِنَّهَا لَمْ تَحْجُظْ، أَفَأَحُجُّ عَنْهَا؟ قَالَ: حُجِّي عَنْهَا» رواه مسلم.

“আমরা রাসূলুল্লাহ সাল্লাল্লাহু আলাইহি ওয়াসাল্লামের নিকট বসে ছিলাম, ইত্যবসরে তার নিকট এক নারী এসে বলল: আমি আমার মাকে এক “দাসী” সদকা করেছি, কিন্তু সে মারা গেছে।

বর্ণনাকারী বলেন: সাল্লাল্লাহু আলাইহি ওয়াসাল্লাম বলেছেন: তোমার সওয়াব হয়ে গেছে, তুমি তা মিরাস হিসেবে ফিরিয়ে নাও। সে বলল: হে আল্লাহর রাসূল, তার জিম্মায় একমাসের সওম ছিল, আমি কি তার পক্ষ থেকে সওম রাখব? তিনি বললেন: তার পক্ষ থেকে সওম রাখ। সে বলল: তিনি কখনো হজ করেননি, আমি কি তার পক্ষ থেকে হজ করব? তিনি বললেন: তার পক্ষ থেকে হজ কর”।<sup>490</sup> মুসলিম।

## শিক্ষা ও মাসায়েল:

এক. শারীরিক ইবাদতে প্রতিনিধিত্ব হয় না এটাই মূলনীতি, তবে সিয়াম এ নীতির অন্তর্ভুক্ত নয়, যেমন নয় হজ। হাফেয ইব্ন আব্দুল বার রহ: বলেছেন: “সালাতের ব্যাপারে সবাই একমত যে, কেউ কারো পক্ষ থেকে সালাত আদায় করবে না, না ফরয, না সুন্নত, না নফল, না জীবিত ব্যক্তির পক্ষ থেকে, না মৃত ব্যক্তির। অনুরূপ জীবিত ব্যক্তির পক্ষ থেকে সিয়াম, জীবিতাবস্থায় একের সওম অপরের পক্ষ থেকে আদায় হবেনা। এতে ইজমা রয়েছে, কারো দ্বিমত নেই। কিন্তু যে মারা যায়, তার জিম্মায় যদি সিয়াম থাকে, তার ব্যাপারে পূর্বাপর আলেমদের ইখতিলাফ রয়েছে”।<sup>491</sup>

দুই. মৃত ব্যক্তির জিম্মায় যদি সিয়াম থাকে, তার দুই অবস্থা:

(১). কাযার সুযোগ না পেয়ে মারা যাওয়া, সময়ের সংকীর্ণতা, অথবা অসুস্থতা, অথবা সফর, অথবা সওমের অক্ষমতার দরুন কাযার সুযোগ পায়নি, অধিকাংশ আলেমদের মতে তার উপর কিছু নেই।

(২) কাযার সুযোগ পেয়ে মারা যাওয়া, এ ক্ষেত্রে সুন্নত হচ্ছে তার অভিভাবক তার পক্ষ থেকে সওম রাখবে।

তিন. মৃত ব্যক্তিকে দায়মুক্ত করা বৈধ, আত্মীয়-স্বজন বা অন্য কারো পক্ষ থেকে। হাদিসে বর্ণিত «صَلَامٌ عَلَيْهِ وَلِيَّهُ» অর্থ হচ্ছে ওয়ারিশ ও উত্তরসূরি, অধিকাংশ ক্ষেত্রে এমন হয়, অন্যথায় তার পক্ষ থেকে তার নিকট আত্মীয়, অথবা দূরের কারো সিয়াম পালন করা বৈধ, ঋণ আদায়ের ন্যায়। শায়খুল ইসলাম ইব্ন তাইমিয়াহ রহ. বলেছেন: “নবী

---

থেকে: (৭/১০১), হাদিস নং: (৭৪১৯), এসব থেকে প্রমাণিত হয় বর্ণিত অংশ হাদিসে অনুপ্রবেশ করেছে, মূল হাদিসের অংশ নয়।

আল্লাহ ভাল জানেন।

<sup>490</sup> মুসলিম: (১১৪৯), আবু দাউদ: (২৮৭৭), তিরমিযি: (৬৬৭), নাসায়ি ফিল কুবরা: (৬৩১৪), ইব্ন মাজাহ: (২৩৯৪)

<sup>491</sup> আল-ইস্তেযকার: (৪/৩৪০), এ বিষয়ে ইজমা নকল করেছেন কাদি আযাদ ফি ইকমালিল মুয়াল্লিম: (৪/৪০৪) ও কুরতুবি ফিল মুফহিম: (৩/২০৮-২০৯)

# ইসলামিক আলো

সাল্লাল্লাহু আলাইহি ওয়াসাল্লাম তা ঋণের সাথে তুলনা করেছেন, ঋণ যে কেউ কাযা করতে পারে, অতএব প্রমাণিত হয় যে, এটা যে কারো পক্ষ থেকে করা বৈধ, শুধু সন্তানের সাথে খাস নয়।<sup>492</sup>

চার. মৃত্যু ব্যক্তির মানত কাযা করা ওয়াজিব নয়, যেমন নয় অভিভাবকদের উপর তার ঋণ পরিশোধ করা, তবে এটা মৃত ব্যক্তিকে দায়মুক্ত করার জন্য তাদের পক্ষ থেকে অনুগ্রহ।<sup>493</sup>

পাঁচ. মৃতের জিম্মায় যদি অনেক সিয়াম থাকে, সে সংখ্যানুসারে তার পক্ষ থেকে কতক লোক যদি একদিন সিয়াম পালন করে, তাহলে শুদ্ধ হবে, তবে যে সওমে ধারাবাহিকতা জরুরী তা ব্যতীত, যেমন যিহার ও হত্যার কাফফারা, এ ক্ষেত্রে একজন ধারাবাহিকভাবে সিয়াম পালন করবে।<sup>494</sup>

ছয়. যদি তার পক্ষ থেকে কেউ সিয়াম পালন না করে, তবে তার অভিভাবকগণ তার পক্ষ থেকে প্রত্যেক দিনের পরিবর্তে একজন মিসকিনকে খাদ্য দিবে, তার পরিত্যক্ত সম্পদ থেকে দেয়া বৈধ।<sup>495</sup>

সাত. ওয়ারিশগণ যদি কাউকে সওমের জন্য ভাড়া করে, তাহলে শুদ্ধ হবে না, কারণ নেকির বিষয়ে ভাড়া করা বৈধ নয়।<sup>496</sup>

আট. যদি মানত করে মুহাররাম মাসে সিয়াম পালন করবে, অতঃপর সে যিলহজ মাসে মারা যায়, তার পক্ষ থেকে কাযা করা হবে না, কারণ সে ওয়াজিব হওয়ার সময় পায়নি, যেমন কেউ মারা গেল রমযানের পূর্বে।<sup>497</sup>

নয়. যার ওপর রমযানের কতক দিনের সিয়াম ওয়াজিব, সে যদি তার নিকট আত্মীয়ের কাযা অথবা কাফফারা অথবা মান্নতের সওম পালন করতে চায়, তার উপর ওয়াজিব আগে নিজের সওম পালন করা, অতঃপর তার নিকট আত্মীয়ের সওম পালন করা।<sup>498</sup>

দশ. বিশুদ্ধ মত অনুযায়ী কাযা সওমে ধারাবাহিকতা শর্ত নয়, তবে ধারাবাহিকভাবে কাযা করা উত্তম, কারণ তার সাথে আদায়ের মিল থাকে।<sup>499</sup>

<sup>492</sup> মাজমুউল ফাতাওয়া: (২৪/৩১১), দেখুন: আল-মুগনি: (৪/৪০০), ফাতহুল বারি: (৪/১৯৪), শারহুল মুমতি: (৬/৪৫২)

<sup>493</sup> দেখুন: আল-মুগনি: (৪/৩৯৯-৪০০), শারহুল মুমতি: (৬/৪৫০), ওয়াজিব না হওয়ার কারণ আল্লাহ তাআলার বাণী: **وَلَا تَزِرُ وَازِرَةٌ وِزْرَ أُخْرَىٰ** ۞ **وَرُؤُوسُهُمْ فِيهَا حَاقِقَةٌ** “আর কোন ভারবহনকারী অন্যের ভার বহন করবে না”। সূরা আনআম: (১৬৪), দ্বিতীয়ত নবী সাল্লাল্লাহু আলাইহি ওয়াসাল্লাম তার তুলনা করেছেন ঋণের সাথে, আর ঋণ পরিশোধ করা অভিভাবদের ওয়াজিব নয়।

<sup>494</sup> বুখারি হাসানের বাণী টিকা হিসেবে উল্লেখ করেছেন: “যদি একদিন ত্রিশ ব্যক্তি সিয়াম পালন করে, বৈধ হবে”: (২/৬৯০), দারাকুতনি তা পূর্ণ সনদে উল্লেখ করেছেন, যেমন হাফেয ইব্ন হাজার উল্লেখ করেছেন: (৪/১৯৩), দেখুন: শারহুল মুমতি: (৬/৩৫২-৩৫৩), শায়খ ইব্ন বায রহ. অনুরূপ বলেছেন, কারণ এ ব্যাপারে হাদিসগুলো ব্যাপক। তিনি মৃত ব্যক্তির পক্ষ থেকে কাফফারার সিয়াম সম্পর্কে বলেন: “এ সিয়াম এক গ্রুপের উপর ভাগ করে দেয়া বৈধ নয়, বরং এগুলো এক ব্যক্তি ধারাবাহিকভাবে পালন করবে, যেমন আল্লাহ অনুমোদন করেছেন”। মাজমু ফাতাওয়া ইব্ন বায: (১৫/৩৭৫)

<sup>495</sup> শারহুল মুমতি: (৬/৪৫৬)

<sup>496</sup> শারহুল মুমতি: (৬/৪৫৬), এ মাসআলাকে বদলি হজের ওপর কিয়াস করা যাবে না। যেমন বর্তমান যুগে কতক লোক করে থাকে যে, তাদের অভিভাবকের পক্ষ থেকে যে হজ করবে তাকে তারা টাকা দেয়, যা তার হজ পর্যন্ত সফর খরচ, কিন্তু সে কম খরচ করে ও তা থেকে কিছু বাচিয়ে রাখে। এ জন্য আলেমগণ এমন লোককে হজে পাঠাতে নিষেধ করেছেন, যার উদ্দেশ্য শুধু অর্থ উপার্জন।

<sup>497</sup> শারহুল মুমতি: (৬/৪৫৬)

<sup>498</sup> ফাতাওয়া লাজনায়ে দায়েমাহ: (৭৯৪২)

# ইসলামিক আলো

এগারো. কাফফারার দু'মাস সিয়ামের ধারাবাহিকতা ঈদের দিনের কারণে ভঙ্গ হবে না।<sup>500</sup>

---

<sup>499</sup> ফাতাওয়া ইব্ন জাবরিন: (১২৫)

<sup>500</sup> ফাতাওয়া ইব্ন জাবরিন: (১০২)

# ইসলামিক আলো

## ৫৫. সওয়াব পরিপূর্ণ যদিও মাস অসম্পূর্ণ হয়

আবু বাকরা রাদিয়াল্লাহু আনহু নবী সাল্লাল্লাহু আলাইহি ওয়াসাল্লাম থেকে বর্ণনা করেন, তিনি বলেছেন:

«شَهْرَان لَا يَقْضِيَانِ: شَهْرًا عِيدَ رَمَضَانَ وَثَوَّ الْحَجَّةَ».

“দু’টি মাস কম হয় না: রমযানের ঈদ ও যিলহজের মাস”। অপর বর্ণনায় আছে:

«شَهْرَانِ عِيدٍ لَا يَقْضِيَانِ: رَمَضَانَ وَثَوَّ الْحَجَّةَ» رواه الشيخان.

“দুই ঈদের মাস কম হয় না: রমযান ও যিলহজ”।<sup>501</sup>

এ হাদিসের অর্থ কেউ বলেছেন: এ দু’টি মাস: রমযান ও যিলহজ, একবছর একসঙ্গে অসম্পূর্ণ হয় না। একমাস অসম্পূর্ণ হলে অপর মাস পূর্ণ হয়। সাধারণত এমন হয়।

আবার কেউ বলেছেন: এ দু’মাসের সওয়াব কম হয় না, যদিও তার সংখ্যা কম হয়। এটা অধিক গ্রহণযোগ্য।<sup>502</sup>

### শিক্ষা ও মাসায়েল:

এক. রমযান ও যিলহজ এ দু’মাসকে ইসলাম বিশেষ মর্যাদায় ভূষিত করেছে, কারণ এর সাথে সিয়াম ও হজ সম্পৃক্ত।<sup>503</sup>

দুই. ঈদুল ফিতরকে রমযান মাসের সাথে সম্পৃক্ত করা বৈধ, অথচ তা শাওয়ালের প্রথম তারিখে অনুষ্ঠিত হয়। ইমাম আহমদ রহ. কর্তৃক বর্ণিত এক হাদিসে এসেছে:

«شَهْرَان لَا يَقْضِيَانِ فِي كُلِّ وَاحِدٍ مِنْهُمَا عِيدٌ: رَمَضَانَ وَثَوَّ الْحَجَّةَ».

“দু’টি মাস অসম্পূর্ণ হয় না, যার প্রত্যেকটিতে ঈদ রয়েছে: রমযান ও যিলহজ”।<sup>504</sup>

তিন. মাস আরম্ভের ক্ষেত্রে ভুল হওয়া স্বাভাবিক, তবে এতে কোন সমস্যা নেই যদি লোকেরা বৈধভাবে চাঁদ দেখে অথবা চাঁদ দেখা অসম্ভব হলে ত্রিশ দিন পূর্ণ করার উপর আমল করে।

চার. রমযান ও যিলহজ মাসের ফযিলত ও বিধান বান্দাগণ অবশ্যই লাভ করবে, রমযান ত্রিশ দিন হোক অথবা উনত্রিশ দিনের, নবম দিন ওকুফে আরাফ হোক বা না অন্যদিনে, যদি তারা যথাযথ চাঁদ দেখার দায়িত্ব পালন করে।<sup>505</sup>

পাঁচ. এ হাদিসের শিক্ষা: এসব হাদিসে তার মনের অতৃপ্তি ও অন্তরের সন্দেহ দূর করা হয়েছে, যে উনত্রিশ দিন সিয়াম পালন করল অথবা ভুলে গায়রে আরাফার দিন ওকুফ করল, যেমন কেউ যিলহজ মাসের চাঁদ দেখার মিথ্যা

<sup>501</sup> বুখারি: (১৮১৩), মুসলিম: (১০৮৯)

<sup>502</sup> ইকমালুল মুয়াজ্জিম লিল কাদি ইয়াদ: (৪/২৪), আল-মুফহিম: (৩/১৪৫-১৪৬)

<sup>503</sup> ফাতহুল বারি: (৪/১২৫)

<sup>504</sup> আহমদ: (৫/৪৭), আইনি উমদাতুল কারিতে এ হাদিস বিশুদ্ধ বলেছেন: (১০/২৮৫)

<sup>505</sup> শারহুন নববী: (৭/১৯৯), ফাতহুল বারি: (৪/১২৬), উমদাতুল কারি: (১০/২৮৫)

# ইসলামিক আলো

সাক্ষী দিল, ফলে লোকেরা আট তারিখে ওকুফে আরাফা করল, এতে কোন সমস্যা নেই, ইবাদত বিশুদ্ধ ও সওয়াব পরিপূর্ণ হবে ইনশাআল্লাহ।<sup>506</sup>

হয়. এ হাদিস প্রমাণ করে যে, আমলের সওয়াব সর্বদা কষ্টের ওপর নির্ভর করে না, বরং কখনো আল্লাহ অসম্পূর্ণ মাসকে পূর্ণ মাসের সাথে যুক্ত করে পরিপূর্ণ সওয়াব প্রদান করেন।<sup>507</sup>

সাত. এ হাদিস তাদের দলিল, যারা বলে রমযানের জন্য এক নিয়ত যথেষ্ট, কারণ আল্লাহ তা'আলা পূর্ণ মাসকে এক এবাদত গণ্য করেছেন।

---

<sup>506</sup> ফাতহুল বারি: (২/১২৬)

<sup>507</sup> হাফেয ইব্ন হাজার ফাতহুল বারিতে: (৪/১২৬) উল্লেখ করেছেন, কতক মালেকি আলেম এ হাদিস দ্বারা তার দলিল পেশ করেছেন।

# ইসলামিক আলো

## ৫৬. যাকাতুল ফিতর

ইব্ন ওমর রাদিয়াল্লাহু আনহু থেকে বর্ণিত, তিনি বলেন:

«فَرَضَ رَسُولُ اللَّهِ زَكَاةَ الْفِطْرِ صَاعًا مِنْ تَمْرٍ أَوْ صَاعًا مِنْ شَعِيرٍ عَلَى الْعَبْدِ وَالْحُرِّ وَالتَّكْرُوَالْأُتَى وَالصَّغِيرِ وَالْكَبِيرِ مِنَ الْمُسْلِمِينَ وَأَمَرَ بِهَا أَنْ تُؤَدَّى قَبْلَ خُرُوجِ النَّاسِ إِلَى الصَّلَاةِ» رَوَاهُ الشَّيْخَان.

“গোলাম, স্বাধীন, পুরুষ, নারী, ছোট, বড় সকল মুসলিমের ওপর রাসূলুল্লাহ সাল্লাল্লাহু আলাইহি ওয়াসাল্লাম এক ‘সা’ তামার (খেজুর), অথবা এক ‘সা’ গম যাকাতুল ফিতর ফরয করেছেন এবং সালাতের পূর্বে তা আদায়ের নির্দেশ দিয়েছেন”।<sup>508</sup>

বুখারির অপর বর্ণনায় আছে, নাফে রহ. বলেছেন: “ইব্ন ওমর ছোট-বড় সবার পক্ষ থেকে তা আদায় করতেন, তিনি আমার সন্তানদের পক্ষ থেকে পর্যন্ত আদায় করতেন। যারা তা গ্রহণ করত, ইব্ন ওমর তাদেরকে তা প্রদান করতেন, তিনি ঈদুল ফিতরের একদিন অথবা দুদিন পূর্বে তা আদায় করতেন”।<sup>509</sup>

আবু সাঈদ খুদরি রাদিয়াল্লাহু আনহু থেকে বর্ণিত, তিনি বলেন: “আমরা যাকাতুল ফিতর আদায় করতাম এক ‘সা’ খানা, অথবা এক ‘সা’ গম, অথবা এক ‘সা’ খেজুর, অথবা এক ‘সা’ পনির, অথবা এক ‘সা’ কিশমিশ দ্বারা”।<sup>510</sup>

ইব্ন আব্বাস রাদিয়াল্লাহু আনহু থেকে বর্ণিত, তিনি বলেন: “রোযাদারকে অশ্লীলতা থেকে পবিত্র করা ও মিসকিনদের খাদ্যের ব্যবস্থা স্বরূপ রাসূলুল্লাহ সাল্লাল্লাহু আলাইহি ওয়াসাল্লাম যাকাতুল ফিতর ফরয করেছেন। সালাতের পূর্বে যে আদায় করল, তা গ্রহণযোগ্য যাকাত, যে তা সালাতের পর আদায় করল, তা সাধারণ সদকা”।<sup>511</sup>

কায়স ইব্ন সাদ রাদিয়াল্লাহু আনহু থেকে বর্ণিত, তিনি বলেন: “যাকাত ফরয হওয়ার পূর্বে আমাদেরকে রাসূলুল্লাহ সাল্লাল্লাহু আলাইহি ওয়াসাল্লাম সদকাতুল ফিতর আদায় করার নির্দেশ দিয়েছেন, যখন যাকাত ফরয হল, তিনি আমাদের নির্দেশ দেননি, নিষেধও করেননি, তবে আমরা তা আদায় করতাম”।<sup>512</sup>

### শিক্ষা ও মাসায়েল:

এক. যাকাতুল ফিতর সকল মুসলিমের ওপর ফরয, যা ফরয হয়েছে যাকাতের পূর্বে। যাকাত ফরযের পর পূর্বের নির্দেশের কারণে তা এখনো ফরয।

দুই. প্রত্যেক মুসলিমের নিজ ও নিজের অধীনদের পক্ষ থেকে, যেমন স্ত্রী-সন্তান ও যাদের ভরণ-পোষণ তার ওপর ন্যস্ত, যাকাতুল ফিতর আদায় করা ওয়াজিব।

<sup>508</sup> বুখারি: (১৪৩২), মুসলিম: (৯৮৪)

<sup>509</sup> বুখারি: (১৪৪০)

<sup>510</sup> বুখারি: (১৪৩৫), মুসলিম: (৯৮৫)

<sup>511</sup> আবু দাউদ: (১৬০৯), ইব্ন মাজাহ: (১৮২৭), হাকেম বলেছেন হাদিসটি সহিহ, বুখারির শর্ত মোতাবেক: (১/৫৬৮), আলবানি সহিহ আবু দাউদে হাদিসটি হাসান বলেছেন।

<sup>512</sup> নাসায়ি: (৫/৪৯), ইব্ন মাজাহ: (১৮২৮), আহমদ: (৬/৬/), হাফেয ইব্ন হাজার হাদিসটি সহিহ বলেছেন, ফাতুহুল বারি: (৩/২৬৭)

# ইসলামিক আলো

তিন. স্ত্রী-সন্তান যদি কর্মজীবী অথবা সম্পদশালী হয়, তাহলে তাদের প্রত্যেকের নিজের পক্ষ থেকে যাকাতুল ফিতর আদায় করা উত্তম, কারণ তারা প্রত্যেকে যাকাতুল ফিতর প্রদানে আদিষ্ট। হ্যাঁ, যদি তাদের অভিভাবক তাদের পক্ষ থেকে আদায় করে, তাহলে জায়েয আছে, যদিও তারা সম্পদশালী।

চার. যাকাতুল ফিতরের মূল্য দেয়া যথেষ্ট নয়, এটা জমহুর আলেমের অভিমত। কারণ নবী সাল্লাল্লাহু আলাইহি ওয়াসাল্লাম এর নির্দেশ দেননি, তিনি এরূপ করেননি, তার কোন সাহাবি এরূপ করেনি, অথচ প্রতি বছর যাকাতুল ফিতর আসত। অধিকন্তু ফকিরকে খাদ্য দিলে সে নিজে ও তার পরিবার তার দ্বারা উপকৃত হয়, অর্থ প্রদানের বিপরীত, কারণ সে অর্থ জমা করে পরিবারকে বঞ্চিত করতে পারে। দ্বিতীয়ত মূল্য আদায়ের ফলে শরিয়তের এ বিধান তেমন আড়ম্বরতা পায়না।

পাঁচ. যাকাতুল ফিতর আদায়ের প্রথম সময় আটাশে রমযান, সাহাবায়ে কেরাম ঈদের একদিন অথবা দুদিন পূর্বে তা আদায় করতেন, সর্বশেষ সময় ঈদের সালাত, যেমন হাদিসে এসেছে।

ছয়. হকদার ফকির-মিসকিনদের এ যাকাত দিতে হবে, কারণ নবী সাল্লাল্লাহু আলাইহি ওয়াসাল্লাম বলেছেন: “মিসকিনদের খাদ্য স্বরূপ”। প্রতিবেশী ও আত্মীয়দের দেয়া ভুল যদি তারা অভাবী না হয়, যেমন কতক লোক কুরবানি ও আকিকার গোস্তের ন্যায় যাকাতুল ফিতর পরস্পর আদান প্রদান করে, এটা সুন্নতের বিপরীত। কারণ এটা যাকাত, হকদারকে দেয়া ওয়াজিব, কুরবানি ও আকিকার গোস্তের অনুরূপ নয়, যা হাদিয়া হিসেবে দেয়া বৈধ। আরেকটি ভুল যে, কতক মুসলিম প্রতি বছর নির্দিষ্ট পরিবারকে যাকাতুল ফিতর আদায় করে, অথচ বর্তমান সে সচ্ছল হতে পারে, কিন্তু পূর্বের ন্যায় যাকাত দিতে থাকে, এটা ঠিক নয়।

সাত. নিজ দেশের অভাবীদের যাকাতুল ফিতর দেয়া উত্তম, তবে অন্য দেশে দেয়া জায়েয, বিশেষ করে যদি সেখানে অভাবের সংখ্যা বেশী থাকে, তাদের চেয়ে বেশী অভাবী নিজ দেশের কারো সম্পর্কে জানা না থাকে, অথবা তার দেশের অভাবীদের দেয়ার অন্য লোক থাকে।

আট. যাকাতুল ফিতরের কতক বিধান ও উপকারিতা:

(১). বান্দার ওপর আল্লাহর নিয়ামত প্রকাশ করা হয়, যেমন তিনি পূর্ণ মাস সিয়ামের তওফিক ও রমযান শেষে পানাহারের অনুমতি প্রদান দিয়েছেন। আল্লাহ তা’আলা বলেন:

وَلَا تَكْمُلُوا الْعِدَّةَ وَلِتُكَبِّرُوا اللَّهَ عَلَىٰ مَا هَدَيْكُمْ وَلَعَلَّكُمْ تَشْكُرُونَ (البقرة: 185)

“আর যাতে তোমরা সংখ্যা পূরণ কর এবং তিনি তোমাদেরকে যে হিদায়াত দিয়েছেন, তার জন্য আল্লাহর বড়ত্ব ঘোষণা কর এবং যাতে তোমরা শোকর কর”।<sup>513</sup>

(২). এটা শরীরের যাকাত, যা আল্লাহ পূর্ণ বছর সুস্থ রেখেছেন।

(৩). যাকাতুল ফিতর বান্দার সিয়ামকে অশ্লীলতা থেকে পবিত্র করে, যেমন হাদিসে এসেছে, যাকাতুল ফিতর রোযাদারকে অশ্লীলতা থেকে পবিত্র করে।

(৪). যাকাতুল ফিতর দ্বারা ফকির-মিসকিনদের প্রতি অনুগ্রহ ও তাদেরকে ভিক্ষা থেকে মুক্তি দেয়া হয়, যেন ঈদের দিন তারাও অন্যান্য মুসলিমদের ন্যায় আনন্দ ও বিনোদন করতে পারে।

<sup>513</sup> সূরা বাকারা: (১৮৫)



## ইসলামিক আলো

(৫). যাকাতুল ফিতর দ্বারা রোযাদারকে অনুগ্রহ ও অনুদানের প্রতি উৎসাহী করা হয় এবং তাকে লোভ ও কৃপণতা থেকে রক্ষা করা হয়।

নয়. এক মিসকিনকে এক পরিবার বা একাধিক ব্যক্তির সদকাতুল ফিতর দেয়া বৈধ, যেমন বৈধ একজনের সদকাতুল ফিতর কয়েকজনকে ভাগ করে দেয়া।

দশ. শেষ রমযানের সূর্যাস্তের ফলে সদকাতুল ফিতর ওয়াজিব হয়, যদি কেউ তার পূর্বে মারা যায়, তার ওপর সদকাতুল ফিতর ওয়াজিব হবে না, কারণ সে ওয়াজিব হওয়ার আগে মারা গেছে। অনুরূপ কেউ যদি সূর্যাস্তের পর জন্ম গ্রহণ করে, তার পক্ষ থেকে সদকাতুল ফিতর আদায় করা ওয়াজিব নয়, তবে মোস্তাহাব।

এগারো. কর্মচারী ও ভাড়াটে মজুরদের পক্ষ থেকে সদকাতুল ফিতর আদায় করা ওয়াজিব নয়, তবে চুক্তির মধ্যে তাদের সাথে অনুরূপ শর্ত থাকলে আদায় করতে হবে। হ্যাঁ, অনুগ্রহ ও দয়া হিসেবে তাদের পক্ষ থেকে মালিকের আদায় করা বৈধ।

বারো. যদি সদকাতুল ফিতর আদায় করতে ভুলে যায়, ঈদের পর ছাড়া স্মরণ না হয়, তাহলে সে তখন সদকা আদায় করবে, এতে সমস্যা নেই, কারণ ভুলের জন্য সে অপারগ।

তেরো. যদি কাউকে সদকাতুল ফিতর ফকিরের কাছে পৌঁছে দেয়ার দায়িত্ব দেয়া হয়, তাহলে ঈদের আগে তার নিকট তা পৌঁছে দেয়া জরুরী। তবে যদি কোন ফকির কাউকে সদকাতুল ফিতর তার জন্য সংরক্ষণ করে রাখার দায়িত্ব দেয়, তাহলে ঈদের পর পর্যন্ত তার নিকট তা সংরক্ষণ করা বৈধ।

# ইসলামিক আলো

## ৫৭. সর্বশেষ রাতে লাইলাতুল কদর তালাশ করা

উতাইবাহ ইব্ন আব্দুর রহমান বলেন, আমার পিতা আব্দুর রহমান আমাকে বলেছেন: “আবু বাকরার নিকট লাইলাতুল কদর উল্লেখ করা হল, তিনি বললেন: আমি যা রাসূলুল্লাহ সাল্লাল্লাহু আলাইহি ওয়াসাল্লাম থেকে শুনেছি, তা কখনো আমি শেষ দশদিন ব্যতীত তালাশ করি না। আমি তাকে বলতে শুনেছি: লাইলাতুল কদর তোমরা রমযানের অবশিষ্ট নয় দিনে তালাশ কর, অথবা অবশিষ্ট সাতদিনে তালাশ কর, অথবা অবশিষ্ট পাঁচদিনে তালাশ কর, অথবা অবশিষ্ট তিনদিনে তালাশ কর, অথবা সর্বশেষ রাতে তালাশ কর”। তিনি বলেন: আবু বাকরার রমযানের বিশ দিন সারা বছরের ন্যায় স্বাভাবিকভাবে সালাত আদায় করতেন, যখন শেষ দশক পদার্পণ করত, তখন তিনি খুব ইবাদত করতেন”।<sup>514</sup>

মুআবিয়া ইব্ন আবু সুফিয়ান রাদিয়াল্লাহু আনহু থেকে বর্ণিত, তিনি বলেন: রাসূলুল্লাহ সাল্লাল্লাহু আলাইহি ওয়াসাল্লাম বলেছেন: “তোমরা লাইলাতুল কদর সর্বশেষ রাতে তালাশ কর”। ইব্ন খুজাইমাহ এ সম্পর্কে একটি অধ্যায় রচনা করেন: “রমযানের শেষ রাতে লাইলাতুল কদর তালাশ করার নির্দেশ প্রসঙ্গে অধ্যায়, যদিও বছরের যে কোন সময় সে রাত হতে পারে”।<sup>515</sup>

### শিক্ষা ও মাসায়েল:

এক. লাইলাতুল কদর শেষ দশকে, এর মধ্যে অধিক সম্ভাব্য হচ্ছে বেজোড় রাত, তবে অবশিষ্ট রাতের বিবেচনায় জোড় রাতে হতে পারে যদি মাস ত্রিশ দিনের হয়, এ জন্য মুসলিমদের উচিত শেষ দশকের প্রত্যেক রাতে লাইলাতুল কদর তালাশ করা।

দুই. সাহাবিদের লাইলাতুল কদর অন্বেষণ করা ও তাতে রাত জাগার আগ্রহ।

তিন. কখনো রমযানের সর্বশেষ রাতে লাইলাতুল কদর হতে পারে, যেমন বিভিন্ন হাদিস তার স্থানান্তর হওয়া প্রমাণ করে।

চার. ঊনত্রিশে রমযান অথবা ইমামের কুরআন খতমের পর সালাত, কুরআন তিলাওয়াত ও রাত জাগরণে অলসতা না করা, কারণ মূল উদ্দেশ্য লাইলাতুল কদর, যা সর্বশেষ রাতে হতে পারে।

<sup>514</sup> তিরমিযি: (৭৯৪), তিনি বলেন, হাদিসটি হাসান-সহিহ, আহমদ: (৫/৩৯), নাসায়ি ফিল কুবরা: (৩৪০৩), বায্হার: (৩৬৮১), তায়ালিসি: (৮৮১), তাবরানি ফি মুসনাদিশ শামিয়ন: (১১১৯)

<sup>515</sup> আলবানির সহিহ হাদিস সংকলন: (১৪৭১), সহিহ ইব্ন খুজাইমাহ: (২১৮৯),

# ইসলামিক আলো

## ৫৮. চন্দ্র মাসের অবস্থা

ইব্ন ওমর রাদিয়াল্লাহু আনহুমা থেকে বর্ণিত, তিনি বলেন: নবী সাল্লাল্লাহু আলাইহি ওয়াসাল্লাম বলেছেন:

«الشَّهْرُ هَكَذَا وَهَكَذَا يَعْنِي: ثَلَاثِينَ، ثُمَّ قَالَ: وَهَكَذَا وَهَكَذَا يَعْنِي: تِسْعًا وَعِشْرِينَ، يَقُولُ: مَرَّةً ثَلَاثِينَ، وَمَرَّةً تِسْعًا وَعِشْرِينَ».

“মাস এরূপ, এরূপ ও এরূপ। অর্থাৎ ত্রিশ দিন। অতঃপর তিনি বলেন: এরূপ, এরূপ ও এরূপ। অর্থাৎ উনত্রিশ দিন। তিনি বলেন: কখনো ত্রিশ দিন, কখনো উনত্রিশ দিন”। বুখারি ও মুসলিম।

বুখারির অপর বর্ণনায় আছে, নবী সাল্লাল্লাহু আলাইহি ওয়াসাল্লাম বলেছেন:

«لَنَا مَمْلُوءَةٌ لَا نَكُذُّبُ وَلَا نَحْسِبُ، الشَّهْرُ هَكَذَا وَهَكَذَا يَعْنِي: مَرَّةً تِسْعَةً وَعِشْرِينَ، وَمَرَّةً ثَلَاثِينَ».

“আমরা উম্মী উম্মত, লেখা ও হিসাব জানি না, মাস হচ্ছে এরূপ ও এরূপ। অর্থাৎ কখনো উনত্রিশ ও কখনো ত্রিশ”।

মুসলিমের অপর বর্ণনায় আছে:

«الشَّهْرُ كَذَا وَكَذَا، وَصَفَّقَ بِرِجْلَيْهِ مَرَّتَيْنِ بِكُلِّ صَابِعٍ مَعَهُمَا، وَنَقَصَ فِي الصَّغْلَةِ الثَّلَاثَةَ لِيَهَامَ الْيَمْنَى أَوْ الْيُسْرَى».

“মাস এরূপ, এরূপ ও এরূপ। দুইবার উভয় হাতের পুরো আঙ্গুল দ্বারা ইশারা করলেন, তৃতীয়বার ডান বা বাম হাতের বৃদ্ধাঙ্গুলি কম দেখালেন”।

মুসলিমের অপর বর্ণনায় আছে: ইব্ন ওমর রাদিয়াল্লাহু আনহু এক ব্যক্তিকে বলতে শুনে:

«الْأَيْلَةُ النَّصْفُ فَقَالَ لَهُ: مَا يُدْرِيكَ أَنَّ الْأَيْلَةَ النَّصْفُ؟ سَمِعْتُ رَسُولَ اللَّهِ يَقُولُ: الشَّهْرُ هَكَذَا وَهَكَذَا، وَأَشَارَ بِصَابِعِهِ الْعَشْرَ مَرَّتَيْنِ، وَهَكَذَا فِي الْيَمْنَى وَأَشَارَ بِصَابِعَيْهِمَا، وَحَبَسَ أَوْ خَسَّسَ لِيَهَامَهُ».

“আজকের রাত মাসের অর্ধেক। তিনি তাকে বললেন: কিভাবে বললে আজকের রাতটি মাসের অর্ধেক? আমি রাসূলুল্লাহ সাল্লাল্লাহু আলাইহি ওয়াসাল্লামকে বলতে শুনেছি: মাস এরূপ ও এরূপ, তিনি দুই বার হাতের দশ আঙ্গুল দ্বারা ইশারা করেন, তৃতীয়বার এভাবে ইশারা করেন, তিনি সব আঙ্গুল দ্বারা ইশারা করেন, শুধু তার বৃদ্ধাঙ্গুলি বদ্ধ রাখেন”।<sup>516</sup>

সাদ ইব্ন আবি ওয়াক্কাস রাদিয়াল্লাহু আনহু থেকে বর্ণিত, তিনি বলেন: “রাসূলুল্লাহ সাল্লাল্লাহু আলাইহি ওয়াসাল্লাম একহাত দ্বারা অপর হাতের ওপর আঘাত করলেন, অতঃপর বলেন: “মাস এরূপ ও এরূপ, অতঃপর তৃতীয়বার এক আঙ্গুল কম দেখান”।<sup>517</sup>

ইব্ন আব্বাস রাদিয়াল্লাহু আনহু নবী সাল্লাল্লাহু আলাইহি ওয়াসাল্লাম থেকে বর্ণনা করেন, তিনি বলেছেন:

«لَتَانِي جَبْرِيلُ عَلَيْهِ السَّلَامُ فَقَالَ: الشَّهْرُ تِسْعٌ وَعِشْرُونَ يَوْمًا» رواه النسائي.

“জিবরিল আলাইহিস সালাম আমার নিকট এসে বলেন, মাস উনত্রিশ দিন”।<sup>518</sup> ইব্ন মাসউদ থেকে বর্ণিত, তিনি বলেন:

<sup>516</sup> বুখারি: (৪৯৯৬), মুসলিম: (১০৮০), দ্বিতীয় বর্ণনা বুখারি: (১৮১৪), তৃতীয় ও চতুর্থ বর্ণনা মুসলিমের: (১০৮০)

<sup>517</sup> মুসলিম: (১০৮৬), নাসায়ি: (৪/১৩৮)

<sup>518</sup> নাসায়ি: (৪/১৩৮), আলবানি সহিহ নাসায়িতে হাদিসটি সহিহ বলেছেন।

# ইসলামিক আলো

«لَمَّا صُفِّمْنَا مَعَ الذَّبِّيِّ تِسْعًا وَعِشْرِينَ كَثُرَ مِمَّا صُفِّمْنَا مَعَهُ ثَلَاثِينَ»

“নবী সাল্লাল্লাহু আলাইহি ওয়াসাল্লামের সাথে আমরা অধিক সময় উনত্রিশ দিন সওম পালন করেছি, ত্রিশ দিনের তুলনায়”।<sup>519</sup>

ইমাম তিরমিযি বলেন: এ অধ্যায়ে ইব্ন ওমর, আবু হুরায়রা, আয়েশা, সাদ ইব্ন আবি ওয়াক্কাস, ইব্ন আব্বাস, ইব্ন ওমর, আনাস, জাবের, উম্মে সালামা ও আবু বাকরা থেকে হাদিস বর্ণিত আছে যে, নবী সাল্লাল্লাহু আলাইহি ওয়াসাল্লাম বলেছেন: “মাস হয় উনত্রিশ দিনে”।<sup>520</sup>

## শিক্ষা ও মাসায়েল:

এক. চন্দ্র মাস, শরিয়তের বিধান যার উপর নির্ভরশীল, তা কখনো ত্রিশ, আবার কখনো উনত্রিশ দিনের হয়।

দুই. মাস যখন অসম্পূর্ণ হয়, সওয়াব পরিপূর্ণ হয়। ইব্ন মাসউদ রাদিয়াল্লাহু আনহু সংবাদ দিয়েছেন: তারা নবী সাল্লাল্লাহু আলাইহি ওয়াসাল্লামের সাথে অধিক সময় উনত্রিশ সওম পালন করেছেন, ত্রিশ দিনের তুলনায়।

তিন. এ হাদিস জ্যোতিষ্ক ও গণকদের প্রত্যাখ্যান করে। এ হাদিস আরো প্রমাণ করে যে, শরিয় বিধান সিয়াম, ফিতর ও হজ ইত্যাদি চাঁদ দেখার ওপর নির্ভরশীল, গণনার ওপর নয়।

চার. ইশারা ব্যবহার করা বৈধ, বরং এটা শিক্ষা ও ব্যাখ্যার একটি মাধ্যম।<sup>521</sup>

পাঁচ. দুই মাস, তিন মাস ও চার মাস পর্যায়ক্রমে উনত্রিশে মাস হতে পারে, তবে চার মাসের বেশী লাগাতার উনত্রিশ দিনে মাস হয় না।<sup>522</sup>

ছয়. এ উম্মত উম্মী, কারণ এদের মধ্যে শিক্ষার হার কম, অনুরূপ তাদের নবী ছিলেন উম্মী, যেমন আল্লাহ তা‘আলা ইরশাদ করেন:

(هُوَ الَّذِي بَعَثَ فِي الْأُمِّيِّينَ رَسُولًا مِّنْهُمْ) [الجمعة: 2]

“তিনিই উম্মীদের মাঝে একজন রাসূল পাঠিয়েছেন তাদের মধ্য থেকে”।<sup>523</sup> অন্য তিনি ইরশাদ করেন:

(مَا كُنْتُمْ تَتْلُوا مِنْ قَبْلِهِ مِنْ كِتَابٍ وَلَا تَخُطُّهُ بِيَمِينِكُمْ إِذَا لَأَزْتَابُ الْقَاطِطُونَ ۚ) [العنكبوت: 48]

“আর তুমি তো এর পূর্বে কোন কিতাব তিলাওয়াত করনি এবং তোমার নিজের হাতে তা লিখনি যে, বাতিলপন্থীরা এতে সন্দেহ পোষণ করবে”।<sup>524</sup>

এ উম্মতের ওপর আল্লাহর মহান নিয়ামত যে, তিনি তাদেরকে এ মহান দ্বীন দান করেছেন। তারা অপর থেকে এ কিতাব গ্রহণ করেনি, বরং তারা রাসূলের মাধ্যমে আল্লাহর পক্ষ থেকে গ্রহণ করেছে।<sup>525</sup>

<sup>519</sup> আবু দাউদ: (৩৩২২), তিরমিযি: (৬৮৯), আহমদ: (১/৩৯৭), বায়হাকি: (৪/২৫০), আলবানি সহিহ আবু দাউদে হাদিসটি সহিহ বলেছেন।

<sup>520</sup> জামে তিরমিযি: (৩/৭৩)

<sup>521</sup> ফাতহুল বারি: (৪/১২৭)

<sup>522</sup> শারহুন নববী আলাল মুসলিম: (৭/১৯১)

<sup>523</sup> সূরা জুমা: (২)

<sup>524</sup> সূরা আনকাবুত: (৪৮)

# ইসলামিক আলো

সাত. এ উম্মত নিজেদের ইবাদত ও ইবাদতের সময় নির্ধারণে শিক্ষা ও গণকদের মুখাপেক্ষী নয়, কারণ শরিয়ত তা ধার্য করেছে দেখার ওপর, যা সবার নিকট সমান।<sup>526</sup>

আট. আমাদেরকে সিয়াম, সালাত ও অন্যান্য ইবাদত সম্পাদনে শিক্ষা ও গণকের মুখাপেক্ষী হতে বলা হয়নি, তার নির্দেশ দেয়া হয়নি, বরং আমাদের ইবাদতের সম্পর্ক প্রকাশ্য নিদর্শনের সাথে, যেখানে শিক্ষিত-অশিক্ষিত সবাই সমান।<sup>527</sup>

নয়. যে একমাস সিয়াম পালন করার মানত বা কসম করল, যেমন রজব বা শাবান, অতঃপর যখন সিয়াম আরম্ভ করল, মাস উনত্রিশে শেষ হল, তাহলে সে মানত বা কসম পুরো করল।<sup>528</sup>

দশ. কেউ যদি মানত করে অথবা কসম করে একমাস সিয়াম পালন করবে, কিন্তু সে নির্দিষ্ট করেনি, সে যদি উনত্রিশ দিন সিয়াম পালন করে, ইনশাআল্লাহ যথেষ্ট হবে, কারণ মাস সাধারণত এরূপ হয়।<sup>529</sup>

এগারো. সন্দেহের দিন শাবানের মধ্যে গণ্য, তাকে রমযান গণ্য করা ঠিক নয়, কারণ নবী সাল্লাল্লাহু আলাইহি ওয়াসাল্লাম চাঁদ দেখার সাথে রমযান সম্পৃক্ত করেছেন।<sup>530</sup>

বারো. হাদিস থেকে বুঝা যায়, চাঁদের জায়গা নির্ধারণের জন্য আধুনিক যন্ত্র যেমন দূরবীন ইত্যাদির সাহায্য নেয়া দোষের নেই, চাঁদ দেখার সুবিধার্থে। এটা হাদিসে নিষিদ্ধ গণনার অন্তর্ভুক্ত নয়, তবে চোখে দেখা অধিক গ্রহণ যোগ্য।<sup>531</sup>

---

<sup>525</sup> উমদাতুল কারি: (১০/২৮৬)

<sup>526</sup> তাফসির ইবন কাসির: (১/১১৭)

<sup>527</sup> শারহ ইবন বাত্তাল আলল বুখারি: (৪/৩১-৩২), আল-মুফহিম: (৩/১৩৯), উমদাতুল কারি: (১০/২৮৭)

<sup>528</sup> মাআলিমুস সুনান আলা হামিশি আবু দাউদ: (২/৭৪০)

<sup>529</sup> আল-মুফহিম: (৩/১৩৮), খাতাবি মাআলিমুস সুনানে: (২/৭৪০) উল্লেখ করেছেন, তার ত্রিশ দিন পুরো করতে হবে, তবে আমার নিকট কুরতুবির অভিমত অধিক বিশ্বাস মনে হয়। তিনি কেন ত্রিশ বললেন সেটা আমার নিকট স্পষ্ট নয়, অথচ মাস হয় উনত্রিশ দিনে।

<sup>530</sup> আল-মুফহিম: (৩/১৪০)

<sup>531</sup> শায়খ ইবন বায রহ. কে দূরবীন দ্বারা দেখা সম্পর্কে জিজ্ঞাসা করা হয়েছিল, তিনি বলেন এটা ব্যবহার করা দোষের নয়, কারণ এটাও দেখার অন্তর্ভুক্ত, গণনার অন্তর্ভুক্ত নয়। মাজমু ফাতাওয়া ও রাসায়েল: (১৫/৬৯-৭০)

# ইসলামিক আলো

## ৫৯. শাওয়াল মাসের ছয় রোযার ফযিলত

আবু আইয়ুব আনসারি রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«مَنْ صَامَ رَمَضَانَ تَبِعَهُ سِتًّا مِنْ شَوَّالٍ كَانَ كَصِيَامِ الدَّهْرِ» رواه مسلم.

“যে রমযানের সিয়াম পালন করল, অতঃপর তার অনুগামী করল শাওয়ালের ছয়টি, তা পুরো বছর সিয়ামের ন্যায়”।<sup>532</sup>

সাওবান রাদিয়াল্লাহু আনহু থেকে বর্ণিত, রাসূলুল্লাহ সাল্লাল্লাহু আলাইহি ওয়াসাল্লাম বলেছেন:

«صِيَامُ رَمَضَانَ عَشْرَةَ أَشْهُرٍ، وَصِيَامُ السَّنَةِ أَيَّامٍ بِشَهْرَيْنِ فَتِلْكَ صِيَامُ السَّنَةِ».

“রমযানের সিয়াম দশ মাসের সমতুল্য, ছয়দিনের সিয়াম দুই মাসের সমতুল্য, এটাই পূর্ণ বছরের সিয়াম”। অপর বর্ণনায় রয়েছে:

«مَنْ صَامَ سِنَةً أَيَّامَ بَعْدَ الْفِطْرِ كَانَ تَمَامَ السَّنَةِ (مَنْ جَاءَ بِالْحَسَنَةِ لِقَوْلِهِ عَشْرًا مِثْلَهَا) [الأنعام: 160]» رواه أحمد وابن ماجه.

“যে ঈদুল ফিতরের পর ছয়দিন সিয়াম পালন করবে, তা পূর্ণ বৎসরে পরিণত হবে। আল্লাহ তা’আলা বলেন: “যে সৎকাজ নিয়ে এসেছে, তার জন্য হবে তার দশ গুণ”<sup>533</sup>।<sup>534</sup>

### শিক্ষা ও মাসায়েল:

এক. শাওয়ালের ছয় রোযার ফযিলত প্রমাণিত হয়। প্রতি বছর রমযানের সিয়ামের সাথে যে শাওয়ালের ছয় রোযা পালন করল, সে সারা বছর রোযা রাখল।

দুই. বান্দার ওপর আল্লাহর অশেষ রহমত, তিনি বান্দার অল্প আমলের বিনিময়ে অনেক সওয়াব ও বিরাট প্রতিদান প্রদান করেন।

তিন. ঈদের পর দ্রুত শাওয়ালের ছয় রোযা পালন করা, যেন এ রোযা ছুটে না যায়, কিংবা কোন ব্যস্ততা এসে না পড়ে।

চার. শাওয়ালের শুরু-শেষ বা মাঝে, এক সঙ্গে বা পৃথকভাবে এ রোযা রাখা বৈধ। বান্দা যেভাবে তা সম্পাদন করুক, সে আল্লাহর নিকট এর পূর্ণ সওয়াব লাভ করবে, যদি আল্লাহ তা কবুল করেন।<sup>535</sup>

পাঁচ. যার ওপর রমযানের কাযা রয়েছে, সে প্রথমে কাযা আদায় করবে, অতঃপর শাওয়ালের ছয় রোযা আদায় করবে। হাদিসের বাণী থেকে এমন বুঝে আসে, কারণ রাসূলুল্লাহ সাল্লাল্লাহু আলাইহি ওয়াসাল্লাম বলেছেন: “যে

<sup>532</sup> মুসলিম: (১১৬৪)

<sup>533</sup> সূরা আন-আম: (১৬০)

<sup>534</sup> সূরা আনআম: (১৬০) আহমদ: (৫/২৮০), ইব্ন মাজাহ: (১৭১৫), দারামি: (১৭৫৫), নাসায়ি ফিল কুবরা: (২৮৬০), সহিহ ইব্ন খুযাইমাহ: (২১১৫৪), সহিহ ইব্ন হিব্বান: (৩৬৩৫)

<sup>535</sup> ইব্ন কুদামার মুগনি: (৪/৪৪০), শারহুন নববী আলা মুসলিম: (৮/৫৬)

# ইসলামিক আলো

রমযানের রোযা রাখল” অর্থাৎ পূর্ণ রমযান। যার ওপর কাযা রয়েছে, সে পূর্ণ রমযান রোযা রাখেনি। তার ওপর পূর্ণ রমযান রোযা রাখা প্রয়োগ হয় না, যতক্ষণ না সে কাযা করে।<sup>536</sup> দ্বিতীয়ত নফল ইবাদতের চেয়ে ওয়াজিব কাযা আদায় করা বেশী শ্রেয়।

হয়. আল্লাহ তা’আলা ফরযের আগে নফলের বিধান রেখেছেন, যেমন নফলের বিধান রেখেছেন ফরযের পর। যেমন পাঁচ ওয়াক্ত সালাতের পূর্বাপর সুন্নত রয়েছে, অনুরূপ রমযানের সিয়ামের পূর্বাপর সিয়াম রয়েছে। অর্থাৎ শাবান ও শাওয়ালের সিয়াম।

সাত. এসব নফল ইবাদত ফরযের মধ্যে ঘটে যাওয়া ক্রটিসমূহ দূর করে। কারণ এমন রোযাদার নেই যে অযথা বাক্যলাপ, কুদৃষ্টি ও হারাম খাবার ইত্যাদি দ্বারা তার রোযার ক্ষতি করেনি।

---

<sup>536</sup> শারহুল মুমতি: (৬/৪৬৬)

# ইসলামিক আলো

## ৬০. ঈদের বিধান

আনাস রাদিয়াল্লাহু আনহু থেকে বর্ণিত, তিনি বলেন: “রাসূলুল্লাহ সাল্লাল্লাহু আলাইহি ওয়াসাল্লাম যখন মদিনায় আগমন করেন, তখন সেখানে দু’টি দিন ছিল, সেদিন দু’টিতে তারা আনন্দ-ফুর্তি করত। তিনি বললেন: এ দু’টি দিন কি? তারা বলল: আমরা জাহেলি যুগে এতে আনন্দ-ফুর্তি করতাম। রাসূলুল্লাহ সাল্লাল্লাহু আলাইহি ওয়াসাল্লাম বলেন: “আল্লাহ তোমাদের এ দিন দু’টির পরিবর্তে আরো উত্তম দু’টি দিন দান করেছেন: ঈদুল আদহা ও ঈদুল ফিতর”।<sup>537</sup>

আবু উবাইদ মাওলা ইব্ন আযহার বলেন: “আমি ওমর ইব্ন খাত্তাবের সাথে ঈদ করেছি, তিনি বলেন: এ দু’টি দিনে রাসূলুল্লাহ সাল্লাল্লাহু আলাইহি ওয়াসাল্লাম সিয়াম নিষেধ করেছেন: রমযানের সিয়াম শেষে তোমাদের ঈদুল ফিতরের দিন। দ্বিতীয় দিন হচ্ছে ঈদুল আদহা, সেদিন তোমরা তোমাদের কুরবানি থেকে খাবে।<sup>538</sup>

আবু সায়েদ খুদরি রাদিয়াল্লাহু আনহু থেকে বর্ণিত, তিনি বলেন: “নবী সাল্লাল্লাহু আলাইহি ওয়াসাল্লাম ঈদুল ফিতর ও কুরবানির ঈদের সওম পালন নিষেধ করেছেন”।<sup>539</sup>

ইব্ন আব্বাস রাদিয়াল্লাহু আনহু থেকে বর্ণিত: “নবী সাল্লাল্লাহু আলাইহি ওয়াসাল্লাম ঈদুল ফিতর দিনে বের হন, অতঃপর দুই রাকাত সালাত আদায় করেন, তার পূর্বাপর কোন সালাত আদায় করেননি”।<sup>540</sup>

উম্মে আতিয়াহ রাদিয়াল্লাহু আনহা থেকে বর্ণিত, তিনি বলেন: “আমাদেরকে রাসূলুল্লাহ সাল্লাল্লাহু আলাইহি ওয়াসাল্লাম নির্দেশ দিয়েছেন, আমরা যেন যুবতী, ঋতুবতী ও কিশোরীদের নিয়ে ঈদুল ফিতর ও ঈদুল আদহাতে যাই, তবে ঋতুবতীরা সালাত থেকে দূরে থাকবে, তারা দো‘আ ও কল্যাণে অংশ গ্রহণ করবে”।<sup>541</sup>

### শিক্ষা ও মাসায়েল:

এক. আল্লাহ তা‘আলা ঈদুল ফিতর ও ঈদুল আদহা দান করে এ উম্মতের ওপর অনুগ্রহ করেছেন। মুসলিম উম্মাহকে তিনি এর মাধ্যমে জাহেলি ঈদ ও উৎসব থেকে মুক্ত করেছেন।

দুই. আমাদের দু’টি ঈদ কাফেরদের ঈদ ও উৎসব থেকে বিভিন্ন কারণে আলাদা ও বৈশিষ্ট্যমণ্ডিত, যেমন:

(১). আমাদের ঈদ চাঁদ দেখার উপর নির্ভরশীল, গণনার উপর নয়, যেমন কাফেরদের উৎসবগুলো গণনার উপর নির্ভরশীল।

<sup>537</sup> আবু দাউদ: (১১৩৪), নাসায়ি: (৩/১৭৯), আহমদ: (৩/১০৩), আবু ইয়াল্লা: (৩৮৪১), হাকেম হাদিসটি মুসলিমের শর্ত মোতাবেক সহিহ বলেছেন: (১/৪৩৪), হাফেয ফাতহুল বারিতে সহিহ বলেছেন: (২/৪২২), আলবানি সহিহ আবু দাউদে সহিহ বলেছেন।

<sup>538</sup> বুখারি: (১৮৮৯), মুসলিম: (১১৩৭)

<sup>539</sup> বুখারি: (১৮৯০), মুসলিম: (৮২৭)

<sup>540</sup> বুখারি: (৯৪৫), মুসলিম: (৮৮৪)

<sup>541</sup> বুখারি: (৯৩১), মুসলিম: (৮৯০)



# ইসলামিক আলো

(২). আমাদের দু'টি ঈদ মহান ইবাদত ও ইসলামের ঐতিহ্যের সাথে সম্পৃক্ত, যেমন সিয়াম, যাকাতুল ফিতর, হজ ও কুরবানি।

(৩). দুই ঈদে সম্পাদিত কাজগুলো ইবাদত, যা বান্দাকে আল্লাহর নৈকট্য দান করে, যেমন তাকবীর, সালাতুল ঈদ ও খুতবা ইত্যাদি, কাফেরদের ঈদ ও উৎসবের বিপরীত, যেখানে কুফর ও গোমরাহির প্রদর্শন হয়, বিভিন্ন প্রবৃত্তি ও শয়তানি কর্মকাণ্ড সংঘটিত হয়।

(৪). দুই ঈদের দিনে অনুগ্রহ, দয়া ও পরস্পর দায়িত্বশীলতার বহিঃপ্রকাশ ঘটে, যেমন সদকাতুল ফিতর, হাদিয়া ও কুরবানি।

(৫). আমাদের দু'টি ঈদ ভ্রান্ত আকিদা ও কুসংস্কারের সাথে সম্পৃক্ত নয়, যেমন নববর্ষ, নক্ষত্রের জন্ম-মৃত্যু, কারো স্মরণ, কোন ব্যক্তির মর্যাদা অথবা সাম্প্রদায়িকতা ও জাতীয়তার সাথে সম্পৃক্ত নয়, বরং এ ঈদ দু'টি একমাত্র আল্লাহ তা'আলার জন্য।

আমাদের ওপর ওয়াজিব হচ্ছে এসব নিয়ামতের মোকাবিলায় আল্লাহ তা'আলার শোকর আদায় করা, তার নির্দেশ পালন করা ও তার নিষেধ থেকে বিরত থাকা, ঈদ, খুশি ও আনন্দের দিনে।

তিন. ঈদের দিন আল্লাহর নিয়ামতের না-শোকরি হচ্ছে ফরয ত্যাগ করা, নারীদের পোশাক-আশাকে শিথিলতা অবলম্বন করা ও পুরুষদের সাথে মেলামেশা করা। পোশাক-আশাক, পানাহার ও অনুষ্ঠানে অপচয় ও গান-বাদ্য করা।

চার. ঈদের দিন সুন্নত হচ্ছে ঈদের সালাতের জন্য গোসল করা ও সুন্দর পোশাক পরিধান করা। আমাদের সালাফে সালেহীন বা উত্তম পূর্ব পুরুষগণ অনুরূপ করতেন।

পাঁচ. ঈদুল ফিতরের দিন ঈদগাহে যাওয়ার পূর্বে সকালে খেজুর খাওয়া সুন্নত, কারণ নবী সাল্লাল্লাহু আলাইহি ওয়াসাল্লাম অনুরূপ করেছেন। আল্লাহর নির্দেশ পালনার্থে ঈদের দিন দ্রুত পানাহার করা সুন্নত।

ছয়. ঈদের সালাতে বাচ্চা ও নারীদের যাওয়া সুন্নত, তারা সালাতে উপস্থিত হবে ও মুসলিমদের দো'আয় অংশ গ্রহণ করবে। ঋতুবতী নারীরা সালাতের স্থান থেকে দূরে থাকবে, তারা শুধু খুতবা ও দো'আয় অংশ গ্রহণ করবে।

সাত. ঈদের সালাতে হেঁটে যাওয়া সুন্নত, অনুরূপ এক রাস্তা দিয়ে যাওয়া ও অপর রাস্তা দিয়ে ফিরে আসা, যেমন নবী সাল্লাল্লাহু আলাইহি ওয়াসাল্লাম থেকে প্রমাণিত।

আট. সালাত শেষে খুতবা শ্রবণ করা ও দো'আয় আমীন বলার জন্য সালাতের স্থানে বসে থাকা উত্তম। নবী সাল্লাল্লাহু আলাইহি ওয়াসাল্লাম ঋতুবতী নারীদের ব্যাপারে বলেছেন: 'তারা কল্যাণ ও মুসলিমদের দো'আয় অংশ গ্রহণ করবে'।

নয়. ঈদের সালাতে পূর্বাপর সালাত নেই, কিন্তু মুসলিম যখন মুসল্লা অথবা মসজিদে প্রবেশ করে, সে দুই রাকাত সালাতের ব্যাপারে আদিষ্ট, নিষিদ্ধ সময়ে পর্যন্ত। কারণ তাহিয়াতুল মসজিদ মসজিদে প্রবেশের কারণে জরুরী হয়, যা নিষিদ্ধ সময়ে আদায় করা বৈধ।

# ইসলামিক আলো

দশ. ইমাম সাহেবের অপেক্ষার সময়ে তাকবীরে লিপ্ত থাকা উত্তম, কারণ এটা ইবাদতের সময়, এ মুহূর্তে সে কুরআন তিলাওয়াত বা নফল সালাত আদায় করতে পারে, যদি নিষিদ্ধ সময় না হয়, তবে তাকবীরে মশগুল থাকা উত্তম।

এগার. যদি লোকেরা সূর্য ঢলার পূর্বে ঈদ সম্পর্কে জানতে না পারে, তাহলে পরদিন সালাত আদায় করবে। যদি কেউ ঈদের সালাতে ইমামের তাশাহুদে অংশ গ্রহণ করে, সে তার সাথে বসে যাবে, অতঃপর দু'রাকাত কাযা করবে ও তাতে তাকবীর পড়বে।

বার. ঈদের সালাত ছুটে গেলে বিশুদ্ধ অভিমত অনুযায়ী তার কাযা নেই, কারণ ঈদের সালাত কাযা করার কোন দলিল নেই।

তেরো. ঈদের দিন আনন্দ করা বৈধ, যদি সীমালঙ্ঘন অথবা ওয়াজিব বিনষ্ট না হয়। মুসলিমদের উচিত ঈদের দিন পরিবারে সচ্ছলতার ব্যবস্থা করা, কারণ ঈদের দিন আনন্দ করা দ্বীনের একটি অংশ।

চৌদ্দ. ঈদের দিন খাবারে অনেক লোক একত্র হওয়া ভাল, কারণ এতে ঈদের বৈশিষ্ট্য প্রকাশ পায়, পরস্পর ভ্রাতৃত্ব বন্ধন দৃঢ় হয় ও মুসলিমদের জমায়েত হয়।

পনের. ঈদের শুভেচ্ছা বিনিময়ে কোন সমস্যা নেই, আমাদের পূর্বপুরুষ থেকে বর্ণিত, ঈদের দিন সাক্ষাতের সময় তারা পরস্পরকে শুভেচ্ছা বিনিময় করতেন। তারা বলতেন: "تَقَبَّلَ اللَّهُ مِنَّا وَمِنْكُمْ." "আল্লাহ আমাদের থেকে ও আপনাদের থেকে কবুল করুন"। তবে শুভেচ্ছার শব্দ দেশ ও অঞ্চল অথবা সময়ের ব্যবধানে ভিন্ন ভিন্ন হতে পারে, যদি হারাম শব্দ অথবা কাফেরদের সাথে সামঞ্জস্য না হয়, যেমন তাদের হারাম উৎসবে ব্যবহৃত শুভেচ্ছা পদ্ধতি গ্রহণ করা।

সমাপ্ত